


*SWAMI KRISHEN JOO RAZDAN'S*

# BHAJAN MALA



Manuscript provided by Sunil Fotedar, USA.

Computer feeding: M.K.Raina

Typing work in old Script started on 20-5-2003, completed on 18.12.2003

Conversion to Standardised Dev-Kashmiri Script completed on 20-5-2004.



**ॐ श्री गणेशाय नमः**

**श्री गुरुवे नमः**

सर्व शक्तिमान सत्चिदानन्दघन परमेश्वर को सब प्रकार और सब दिशाओं से मेरा प्रणाम है। उन सज्जनों की सेवा में बारम्बार मेरा प्रणाम स्वीकार हो जो अपने हाथों में ज्ञान का दीपक लेकर सारे संसार को प्रकाशित करते हैं। पथ भ्रष्टों को सत्पथ दिखाकर परमात्मा का साक्षात्कार करा देते हैं। स्वयं नाविक बन कर उनकी जीवन नैया को पार करी देते हैं। अपनी पवित्र वाणी से शुद्ध बनाकर उपकार करते हैं। हमारे परम पूज्य स्वामी श्री कृष्णजी राजदान रहस्यज्ञाता थे। उन्होंने अपनी अमृतवाणी से भक्ति, ज्ञान, वैराग, कर्म, उपासना इत्यादि प्रकट रूप में दिखाया है। जिस क्रम पर चलने से मनुष्य अनायास भवसागर से पार उतर सकता है।

श्री स्वामीजी अद्वैत ज्ञानी भक्त थे। अर्थात् सर्व शक्तिमान ईश्वर के अवतारों और अन्य नाना रूपों की एक भक्ति उपासना मानते थे। सारी सृष्टि में परम ब्रह्म आत्मा रूप में व्यापक हैं। किसी इष्ट रूप की आराधना से उसी परम ब्रह्म की उपासना होती है, यह उन्होंने अपने गाये हुए भजनों में स्पष्ट दिखाया है। अभेद भक्ति सर्व श्रेष्ठ उपासना है।

स्वामीजी का जन्म सं० 1905 विक्रम, ग्राम वनपुह, तहसील कुलगाम, कश्मीर देश में हुआ। बाल्यावस्था से ही उनके भगवत्प्रेम का रंग प्रगट हुआ। बारह वर्ष की आयु से ही उनके श्रीमुख से वाणी की अमृतधारा बहने लगी। उनके भजनों की माला ज्ञान, भक्ति, वैराग इत्यादि योग यागांग से भरी है।

श्री शिवजी के दक्षकुमारी के साथ विवाह तत्पश्चात हिमालय गिरिराज की पुत्री श्री पार्वतीजी के साथ शुभ विवाह से आरम्भ होती है। कथा की कथा और भक्तिभावना का आदर्श और ज्ञान का प्रकाश है। प्रातःकाल उठ कर अपने मधुर भजनों से इष्टदेव की आराधना और लोकहित किया करते थे। स० 1984 तक इसी भांति नश्वर शरीर को धारण करते रहे। तत्पश्चात 79 वर्ष की आयु समाप्त करके संसार की अस्थिरता और केवल ब्रह्म सत्यम का प्रचार करके यह पुस्तक रूपी नय्या हमारे भी पार उतरने के लिए छोड़ कर परमपद को प्राप्त हुए। श्री स्वामीजी के सत्गुरु महाराज ब्रह्मनिष्ठ श्री मुकुन्दजी तिवक्कू थे। मुझ दास पर उनके प्रधान शिष्य श्री कण्ठ कौल (शराबी) का पूर्ण अनुग्रह है। उन्होंने ही मुझे अपनी पुस्तक से नकल करने का अवसर दिया। ।ॐ।

(संवत् बिक्रमी 2007 कार्तिक ???)

**कैलासनाथ फोतेदार**

सत्थू बर्बरशाह, श्रीनगर, कश्मीर



## 1. ॐकारु रूपु छुख

ॐकारु रूपु छुख सर्व आधिकारो ।  
मूलादारु ध्यान धारँयो ॥  
सैद्धिदाता छुख विघ्न हरतारो ।  
महागणपतु ध्यान धारँयो ॥

सारिनुय ब्रोंठ छय ग्वडु अनवारो  
जपु यज्ञ स्वाहा कारँयो ।  
विकटु रूपु छुख वेद ॐकारो  
महागणपतु ध्यान धारँयो ॥

नॉल्य् छय लालु मालु नागेंद्रहारो  
बलु दातु गॅणीशबलु प्रारँयो ।  
रुद्रु गणनुय हुंदि हा सरदारो  
महागणपतु ध्यान धारँयो ॥

आदि शक्ति हुंदे आधेकारो  
एकदन्तु वीद व्यस्तारँयो ।  
शिवजी सुंदि टाठि विघ्न न्यवारो  
महागणपतु ध्यान धारँयो ॥

परम शक्ति हुंदे सीवाकारो  
यछापोत्रु व्यवहारँयो ।  
भालचँदु क्षूभ कासुवुनि शूभिदारो  
महागणपतु ध्यान धारँयो ॥

सर्व शक्तिमानुनि आज्ञाकारो  
प्रक्रमु येमि समसारॉयो ।  
प्रथ तीर्थु ब्रॉठ च्युय पतु कुमारो  
महागणपतु ध्यान धारॉयो ॥

हे लम्बोदरु छुख सर्व उपकारो  
म्वकलाव येमि समसारॉयो ।  
लम्बोदरिये कौरुथ आहारो  
महागणपतु ध्यान धारॉयो ॥

यँद्राजस येलि खोत अंधकारो  
जोरन ति गोस लुरुपारॉयो ।  
म्वकलोवथन छुख बख्खानहारो  
महागणपतु ध्यान धारॉयो ॥

वेषणन कौरनय नु नमस्कारो  
सँदरस कौरुथ वथुवारॉयो ।  
गजु म्वखु बोयनय जय जयकारो  
महागणपतु ध्यान धारॉयो ॥

वेषु भगवानस बूजुथ जारुपारो  
कृष्णु पिंगलु अदु ओय आरॉयो ।  
वक्रतुण्डु बलु छुय महा व्यचारो  
महागणपतु ध्यान धारॉयो ॥

वस्त्र नॉल्य् छिय रंगि गुलनारो  
चतुर्भुज् बडि सरकारॉयो ।  
चानि दरबारय लबु दरबारो  
महागणपतु ध्यान धारॉयो ॥

मंत्र नायकृ ही ब्रह्म अवतारो  
पूजुहोथ गणपत यारॉयो ।  
सर्वस्यद्ध दिनुकुय छुख म्वखतारो  
महागणपतु ध्यान धारॉयो ॥

वलभा सुत्य् छय स्व स्वरूपधारो  
अथन क्यथ चोर हँथियारॉयो ।  
भूतन तु राक्षसन करान सम्हारो  
महागणपतु ध्यान धारॉयो ॥

अविद्यायि साने दन्दु सुत्य् मारो  
मकृ सुत्य् पाप गाल वारॉयो ।  
पदमु स्मरनि सुत्य् क्रूध द्वख हारो  
महागणपतु ध्यान धारॉयो ॥

सिंह खगु वाहनु ज़ोरावारो  
धूम्रवर्णु समसारु सारॉयो ।  
येमि भवुसरु दितु कृष्णस तारो  
महागणपतु ध्यान धारॉयो ॥



## 2. श्री सत्गुरु अस्तुति

शिवनाथु आनन्द अमृत चावतम ।  
सत्ग्वरु हावतम गटि मंजु गाश ॥

येत्य् छुख तु छांडथ कथ मकानस  
गोमुत छुस अज्ञानस मंज ।  
ओन छुस तु जॉन्य् हंज वथ वुछनावतम  
सत्ग्वरु हावतम गटि मंजु गाश ॥

वोलनस समसारुचि मायाये  
म्बकलय चानि व्वपाये सुत्य् ।  
दयायि हंजुय नजराह त्रावतम  
सत्ग्वरु हावतम गटि मंजु गाश ॥

छुय काम क्रूड लूभु मुह अंधकारुय  
ममतायि सुत्य् व्यस्तारुय म्योन ।  
समतायि सुत्य् येमि मंजु म्बकलावतम  
सत्ग्वरु हावतम गटि मंजु गाश ॥

संतोश व्यचार सत्संग शमुय  
खटनय आम यिम क्वकर्मय सुत्य् ।  
अनिछा परमयगत प्रावुनावतम  
सत्ग्वरु हावतम गटि मंजु गाश ॥

सज्जन प्वरुष यिम ऑस्य् प्रकृति पर  
चरिजीव प्रोवुख ईश्वर स्थान ।  
तिमनुय मंजुबाग आसन मे दावतम  
सत्ग्वरु हावतम गटि मंजु गाश ॥

अंद्रय युस छुम आनंद मंदरुय  
तथ मंजु करयो योगु पूजा ।  
व्वपनिषदन हुंघ सिर मे ति बावतम  
सत्ग्वरु हावतम गटि मंजु गाश ॥

शब्द प्रकाशि वैर वासना हारतम  
ह्योरकुन खारतम पजि रजि सुत्य् ।  
युथ ओसुस त्युथ बैयि बनावतम  
सत्ग्वरु हावतम गटि मंजु गाश ॥

ल्वकचार अँघ गोम गरि के क्षूबय  
जवान छुस तु रछतम लोभय निश ।  
बुजर छु नँजदीख मतु मंदछावतम  
सत्ग्वरु हावतम गटि मंजु गाश ॥

व्वपदेशि सुत्यन वुछथुय त्रावतम  
सुत्य् मा आस्यम कुनिकुय लीश ।  
ब्रह्मानन्दसुय प्यठ वातनावतम  
सत्ग्वरु हावतम गटि मंजु गाश ॥



ध्यानुच नॅदिया निर्मल कॅरिथुय  
योगु पानि सुत्यन मॅरिथुय छय ।  
बो तन नावय चुय मन नावतम  
सत्ग्वरु हावतम गटि मंजु गाश ॥

इंद्रय यिमु आसु द्राय तिमु फॅटिथुय  
ह्यस ह्यथ रॅटिथुय खॅटिथुय पॉठ्य ।  
सॉर्य शुमरावतम कुनुय बनावतम  
सत्ग्वरु हावतम गटि मंजु गाश ॥

ज्ञानुक नैत्रुय वारु मुचरावतम  
पम्पोश ज़न फवलुनावतम मन ।  
अद्वैतु भावु किन्य् पानस छावतम  
सत्ग्वरु हावतम गटि मंजु गाश ॥

मूलु तलु ओसुस निर्मल पोनिय  
व्यवहारु प्रकृच कौरनस यख ।  
निर्नय गर्मी सुत्य् विगलावतम  
सत्ग्वरु हावतम गटि मंजु गाश ॥

नाव छुम कृष्ण, छम चॉन्य् आशिय  
हावतम सत्चि़त आकाशिय ।  
समसारस मंजु पुशि मतु पावतम  
सत्ग्वरु हावतम गटि मंजु गाश ॥



### 3. श्री शम्भू जियिनि दक्षकुमारी सुत्य् व्याह तु कथायि हुंद आरम्ब

साविधान मन छुम परमानन्द ।  
शिवनाथ सपनुम बांधव तु बन्ध ॥

सरु ज़न फोलमुत छुस पम्पोश  
ल्वकचारस छुम आमुत बोश ।  
तोशन तोशन छुस प्रसन्द  
शिवनाथ सपनुम बांधव तु बन्ध ॥

अँम्य् गंगाधारन ग्वसॉन्य्  
स्वयंवरु वॅरनय कन्या म्यॉन्य् ।  
आपरस प्रेयमु सुत्य् द्वधु बतु कंद  
शिवनाथ सपनुम बांधव तु बन्ध ॥

तसुँजि मायायि ब्वद्ध वाति नु सॉन्य्  
नय स्वय ब्रह्मा वैष्णन जॉन्य् ।  
नय छुस ग्वड तय नय छुस अंद  
शिवनाथ सपनुम बांधव तु बन्ध ॥

अथ कर्पूरु गौरम तने  
मुश्कच कीर्तना कुस वने ।  
यिवान कौँचाह छस सौगन्ध  
शिवनाथ सपनुम बांधव तु बन्ध ॥

सुय ब्रह्मा विष्णुय मानुन  
जगतुक ईश्वर सुय ज्ञानुन ।  
सुय परमात्मा सुय स्वच्छंद  
शिवनाथ सपनुम बांधव तु बन्ध ॥

सुय छुय शास्त्र वेद सागर  
सुय छुय आसवुन विद्यादर ।  
सुय छुय सार अँकारुक ब्यंद  
शिवनाथ सपनुम बांधव तु बन्ध ॥

अभेद भक्ति छय तसुंजुय ज्ञान  
सुय छुय मन तय सुय छुय प्राण ।  
सुय नेरि औषध शास्त्र मन्द  
शिवनाथ सपनुम बांधव तु बन्ध ॥

लछि बदि लोलय प्रेयमय सुत्य्  
जपु तपु धर्मय कर्मय सुत्य् ।  
पोशिपूज कँरिथुय जुव तस वन्द  
शिवनाथ सपनुम बांधव तु बन्ध ॥

कृष्ण फिर मु कौरुय, कर मु तौरुय  
तिथु पौढ्य पूजायि धौरुय कर ।  
यिथु पुष्पु दन्तन लॉग्यनस दन्द  
शिवनाथ सपनुम बांधव तु बन्ध ॥



#### 4. शिवजी छु व्ममादीवी ह्यथ कौलास पर्वतस प्यठ गछान

गट्ट पछि चँद्रचूडन म्वख होवुय  
अछिपोश गव लछिनोवुय ह्यथ ।  
राज्जन खांदर यैलि म्वकलोवुय  
परमु शक्ति गव लछिनोवुय ह्यथ ॥

पंपोशिक्य् पौट्य फोल समसारुय  
जगतस नोव बहारुय आव ।  
अँरिने पोशस ह्यथ गव न्योवुय  
परमु शक्ति गव लछिनोवुय ह्यथ ॥

होहवुरि गरि सुय वारु तु कारुय  
परमाछनु व्यवहारुय सान ।  
हशि हैहरस रुखसथ ह्यथ द्रोवुय  
परमु शक्ति गव लछिनोवुय ह्यथ ॥

ग्वलाबस तय आरवलि म्युल गव  
दिल गव मीलित्थ रूदुख नु ब्यन ।  
यँबुरजलि हुंद रंग सुंबलन प्रोवुय  
परमु शक्ति गव लछिनोवुय ह्यथ ॥

व्ममाधरु छुख न्यथ असि बासुवुन  
नेष्कल मन कर आसन धार ।  
हृदयुक पंपोश असि व्थरोवुय  
परमु शक्ति गव लछिनोवुय ह्यथ ॥

तस निशि क्याह छिय वस्त्र तु जामय  
व्यरक्त छुय नैष्कामय सुत्य् ।  
निधानु अब्दन हुंद स्वनु सोवुय  
परमु शक्ति गव लछिनोवुय ह्यथ ॥

तस निशि क्याह छुय गंडुन तु छावुन  
यस निशि द्रायि भगवत् माया ।  
त्रैयलोक येम्य् ईश्वरन व्वपदोवुय  
परमुशक्ति गव लछिनोवुय ह्यथ ॥

तस निशि क्याह लयि लक्ष्मी तु द्यारुय  
युस असि मोह अंधकारुय ओस ।  
ब्रह्मा विष्णुय येम्य् व्वपदोवुय  
परमु शक्ति गव लछिनोवुय ह्यथ ॥

योगु गच्छि डबि छय लछि बज्र हेरय  
कृष्णस फेरय निशि म्वकृलाव ।  
ह्योर खारुन छुस ग्वडन्युक पोवुय  
परमु शक्ति गव लछिनोवुय ह्यथ ॥



## 5. दिवताहन हंजि सभायि मंज छु दक्ष प्रजापत क्रूध करान

उमारुद्रस त्रभुवन सारस ।  
मनु किन्त्य धारनायि धारस ध्यान ॥

काँलासस प्यठ क्षमा करवुन  
व्वमा दीवी ह्यथ येलि गव ।  
वैकुंठ साँपुन तथ कोहसारस  
मनु किन्त्य धारनायि धारस ध्यान ॥

द्वह अकि आँसिय त्रेशवय कारण  
वीद व्यस्तारन दिवता ह्यथ ।  
समेमुत्य् आँस्य् मंज स्वर्ग द्वारस  
मनु किन्त्य धारनायि धारस ध्यान ॥

दक्ष प्रजापत मनु कामनाये  
वोत तथ धर्म सभाये मंज ।  
साँरिय वैथ्य् तस जय जय कारस  
मनु किन्त्य धारनायि धारस ध्यान ॥

गोमुत ओस मंज मोह अंधकारस  
शिवनाथन तोरु कँरनस नु कथ ।  
वुठ मुचरोवनस नु नमस्कारस  
मनु किन्त्य धारनायि धारस ध्यान ॥

करुन ओस पानय श्री न्यराकारस  
अदु छनुन तस माया ज़ाल ।  
बडुनोवुन मंज मोह अंधकारस  
मनु किन्त्य धारनायि धारस ध्यान ॥

वजलुय बुथ गोस युथ आसि नारस  
जिन्य अम्बारस ह्येचनस रेह ।  
क्रूधु म्वख गोस युथ कालु समहारस  
मनु किन्त्य धारनायि धारस ध्यान ॥

वननि लोग पानस सुत्य् ओस शुदय  
मदय वोलनस देवन मंज ।  
येति योर लगु व्वन्य् अमिकिस चारस  
मनु किन्त्य धारनायि धारस ध्यान ॥

वारु पॉट्य येज्ञा व्वन्य् बनावय  
यछायि प्रेयमय भावय सान ।  
पथ कुन नावाह थवु समसारस  
मनु किन्त्य धारनायि धारस ध्यान ॥

ब्रह्मा वैष्णस ह्यथ दीव सॉरिय  
सनिदानुय करु आवाहन ।  
फकत करय नु गंगा धारस  
मनु किन्त्य धारनायि धारस ध्यान ॥

येति योर पथ कुन यिम व्वन्य् आसन  
तिम ति तस बासन नु यज्ञस मंज् ।  
अनुनस नु ज़ांह ज़पुकिस व्यवहारस  
मनु किन्त्य् धारनायि धारस ध्यान ॥

बु ति मंदुछोवनस सु ति मंदुछावन  
ठठु पॉढ्य कथ पावनावस याद ।  
अदु गछु पनुनिस कारस बारस  
मनु किन्त्य् धारनायि धारस ध्यान ॥

यिय गँज़रॉविथ जग बनोवुन  
सारिनुय वनुनोवुन सालस ।  
दोपनख वँन्य्जेनु भस्माधारस  
मनु किन्त्य् धारनायि धारस ध्यान ॥

कृष्णु येति तति गरि गरि शिव शिव कर  
अनुभवु भावु किन्त्य् द्यव टोठिय ।  
शरणुय गछु चँद्रु कलाधारस  
मनु किन्त्य् धारनायि धारस ध्यान ॥





## 6. दक्ष प्रजापत छु यज्ञ करान तु दीवन छु आवाहन करान

दक्ष प्रजापतु निस यज्ञस तय ।  
दिवता आयि पोशि दस्तय ह्यथ ॥

आवाहन गव ब्रह्मलोकस तय  
ब्रह्मा वैष्ण भगवान ह्यथ आव ।  
सतु ऋष्य तति आँस्य् वीद परनस तय  
दिवता आयि पोशि दस्तय ह्यथ ॥

अँद्य अँद्य यैलि तिम बीढ्य यज्ञस तय  
दक्ष प्रजापतु नुय वीनुनख ।  
आवाहन कॅर्यज्यनु शिवस तय  
दिवता आयि पोशि दस्तय ह्यथ ॥

शिवजी ओस प्यठ काँलासस तय  
माजि भवानि कुन लोग वनुने ।  
दपनि कोनु असि आव कांह सालस तय  
दिवता आयि पोशि दस्तय ह्यथ ॥

माजि भवानि फीरिथ दोपनस तय  
आसिहेख व्यवहारुच गांगल ।  
पनुन्य् छिख पतु निन, आस्यख नु ह्यस तय  
दिवता आयि पोशि दस्तय ह्यथ ॥

देवीयि येमि रंगु येलि वौनुनस तय  
छ्वपु कॅर ईश्वरन गव यॅचकाल ।  
तोरु कांह दपनि आख नु, ऑस्य् तिम मस तय  
दिवता आयि पोशि दस्तय ह्यथ ॥

अदु दोप देवियि शिवनाथस तय  
कोरि गरु माल्युन दपनु रौस्तुय ।  
गछनुय त्वहि वौनवु मंज वीदस तय  
दिवता आयि पोशि दस्तय ह्यथ ॥

बु ति गछु ऑब क्याह छुम गछनस तय  
पनुनुय गरु लोलु माल्युन छुम ।  
वॅनिथुय गॅयि र्वखसत ह्योतुनस तय  
दिवता आयि पोशि दस्तय ह्यथ ॥

मायायि हुंदिस ज़ाँपानस तय  
खॅच सुत्य् ओसुस नन्दकीश्वर ।  
कहारव कनि शक्ति ऑसुस तय  
दिवता आयि पोशि दस्तय ह्यथ ॥

स्वखु सान वॉच येलि प्यठ थानस तय  
ब्रोंटु कांह द्रास नॅ बोज़नु आस ।  
क्या गोसु छुख सोन मंज व्वंदस तय  
दिवता आयि पोशि दस्तय ह्यथ ॥

स्योदुय गॅयि खॅच प्यठ हूमस तय  
वनुनि लॅज प्रजापतुसुय कुन ।  
चानि सालु रोस्तुय पानु आयस तय  
दिवता आयि पोशि दस्तय ह्यथ ॥

हय हय क्याजि गोख मंज मोहस तय  
मॅशरोवथन च्चे जगतीश्वर ।  
आवाहन येति कोनु कोरुवोस तय  
दिवता आयि पोशि दस्तय ह्यथ ॥

प्रजापतुनुय तोरु दौपनस तय  
कस सूरु मॅतिसुय सॅन्यासिस ।  
न्यथुनॅनि सुय कलु मालु नॉल्य् छस तय  
दिवता आयि पोशि दस्तय ह्यथ ॥

सालस अनुहॉन राजु रंगस तय  
मंदुछाविहेम येति सारिनुय मंज ।  
शरमंदु करिहेम मंज मारकस तय  
दिवता आयि पोशि दस्तय ह्यथ ॥

सरफु ग्वसॉनिस कालु कण्ठस तय  
बिहिन्य् जाय छस शमशानस प्यठ ।  
ढॅडॉया चथ आसन छु मस्त तय  
दिवता आयि पोशि दस्तय ह्यथ ॥

दीवियि दौपनस वनान छुख कस तय  
सुय छुय आसुवुन त्रभुवन सार ।  
येमि कथि नाश व्वन्य् पजिय बनूनस तय  
दिवता आयि पोशि दस्तय ह्यथ ॥

यिय बूजिथ गॅयि मंज् क्रूधस तय  
अश्वद्ध पदु सुत्य् ह्यँचनस रेह ।  
जय बोयनस ज़ालायि म्वखस तय  
दिवता आयि पोशि दस्तय ह्यथ ॥

ज़ालायि रुपस पूज़ करुहस तय  
कृष्ण वनि लीला बोज़्यस स्वय ।  
खृवि छय आसान रछान ज़गतस तय ।  
दिवता आयि पोशि दस्तय ह्यथ ॥

शर्वायस द्वख शमनायस तय  
शक्ति रुप धौरिथ सुत्य् सुत्य् च़ेय ।  
शरणुय यिमु प्यमु पायस तय  
दिवता आयि पोशि दस्तय ह्यथ ॥



## 7. ज़ाला रुपु महामायायि कुन अस्तुति

खृव खसु पोशिपूज़ करु ज़ालाये ।  
महा मायाये छु जयजयकार ॥

महा वेद्याये ज़गत माताये  
महा लक्ष्मी शिवु प्रयाये ।  
वेष्णु मायाये सर्व स्यद्धाये  
महा मायाये छु जयजयकार ॥

सिरिं हिव्य् कनुनुय छिस कनुवॉली  
व्वज़ली जामु छिस नॉलिये ।  
यँद्राक्षी रुपु चँदु कलाये  
महा मायाये छु जयजयकार ॥

समया अख ओस छांडनि द्राये  
ज़ाला रुपस वेष्णु ब्रह्मा ।  
अंत कुनि लोबहस नु फीरिथ आये  
महा मायाये छु जयजयकार ॥

भक्ति बापथ ज़गत व्वपदोवुन  
सारिनुय होवुन ज़ाला रूप ।  
त्रभुवन त्रे कारण तस निशि द्राये  
महा मायाये छु जयजयकार ॥

शिव शक्ति रूपु छय चतुर बज्ज दौरिथ  
सौन्य पालना व्यस्तौरिथ ब्रौठ ।  
प्रारब्द व्वपदोव तसुंजि यछाये  
महा मायाये छु जयजयकार ॥

प्रजापतुसुय येलि गव क्रूधुय  
तसुंजि स्मरणि निशि रूदुय दूर ।  
वीर भेंद्रन मोर यज्ञचि जाये  
महा मायाये छु जयजयकार ॥

हृदयस मंज् छय ज्योति रुप आसुवैन्य  
अजपा बासुवैन्य यिवान नु द्रीठ्य ।  
गट्ट कास वैल्यमुत्थ् छि लोभुचि छाये  
महा मायाये छु जयजयकार ॥

शैलायि चैक्रस स्वप्रकाशि रुपय  
आलवस धूप तय रत्न दीपय ।  
खारस भूज्जन मनु कामनाये  
महा मायाये छु जयजयकार ॥

सत्जन प्वरूशव प्रसन्न करनौवुख  
तमि सुत्थ् प्रौवुख परमय गथ ।  
आनंदुघन कैर्य तसुंजि सेवाये  
महा मायाये छु जयजयकार ॥

दयायि रूपु दितु भक्त्यन म्बक्ति  
परमँ शक्ति सॉन्य व्यनती बोज़ ।  
नमुने अँस्य आयि प्रेयमु तु माये  
महा मायाये छु जयजयकार ॥

द्यन तु रात चॉनिय कीर्तना कँरिथुय  
चानि श्रवणु सुत्त्य् सौरिथुय ध्यान ।  
मूक्ष बंगु चाने मनु साज़ वाये  
महा मायाये छु जयजयकार ॥

पानु छख वॉनी मॉज भवॉनी  
ब्रह्म ज्ञानी तय वीदसागर ।  
सत् ग्वर छख वथ हाव वेद्याये  
महा मायाये छु जयजयकार ॥

पापन क्षय कर मॉज भगवँतिये  
छुय पार्वतिये सँतिये रुप ।  
दर्शनु बापथ लारान आये  
महा मायाये छु जयजयकार ॥

कृष्णजी वोलमुत छुय ममताये  
म्बकलिय चानि व्वपाये सुत्त्य् ।  
व्वन्य् वोत नज़दीक द्यन संपदाये  
महा मायाये छु जयजयकार ॥



## 8. महामाया सँती भगवती छे यज्ञस मंज सँती सपदान

शिव नावस प्यठ सपजुख सँतिये ।

श्री पार्वतिये बोयनय जय ॥

पूजायि पोश लागय लवुहँतिये  
अँकिनगामु आसुवुन्य् छख शिवा ।

रक्तबीज मॉरिथ छख पानु तँतिये

श्री पार्वतिये बोयनय जय ॥

पोश सॉबरॉविम व्वजुल्य् नील्य् छेतिये

पूजा करुहॉय इष्टदेवी ।

जारु पारु वारु बोज छिय आरु क्रतिये

श्री पार्वतिये बोयनय जय ॥

अमरनाथु कैलासु किय सूरु मतिये

वँरनख तु कँरनख अर्धशरीर

न्यथ छख आसुवँन्य तस सुत्त्य् सुतिये

श्री पार्वतिये बोयनय जय ॥

अष्ट स्यँज सुत्त्य् छय ब्रॉटु तय पँतिये

शिव शक्ति रुप छख सर्वव्यापक ।

कृष्णस टोट छख बोजान येतिये

श्री पार्वतिये बोयनय जय ॥





## 9. स्तुति रॉञ्जा भगवती कुन

सर्वव्यापक छख रॉञ्जा भवॉनी  
परम पदवी छि चॉन्ग् जॉनिये ॥

तुलमुलि नागस लछि बॅद्य लूखय  
प्रेयमु सुत्ग् परवुन्ग् छि श्रुखये ।  
अनपर छुस बु परु तिहिंजि मानमॉनी  
परम पदवी छि चॉन्ग् जॉनिये ॥

त्रिकोटी दिवता चॉनिय भक्ति  
करवुन्ग् ही महा शक्तिये ।  
पांचन कारणन छि धारना चॉनिय  
परम पदवी छि चॉन्ग् जॉनिये ॥

च्वश्वय खग गॅय च़ेय निशि बूदुय  
त्रे गॅल्ग् तु अख छुय मूजूदुय ।  
कलर खगुच महा राजु रॉनी  
परम पदवी छि चॉन्ग् जॉनिये ॥

लछि बदि रंगु छुय रूपुय चोनुय  
जय जयकार छुय सोनुये ।  
समसार मुक्त कोर अँम्ग् नागुवॉनी  
परम पदवी छि चॉन्ग् जॉनिये ॥

स्मरनि चानि कौर पापन नाशुय  
सासु सिरियुक छुय प्रकाशुय ।  
तापु तीजु चानि गॅज पापु शीनु मॉनी  
परम पदवी छि चॉन्ग् जॉनिये ॥

धूपु दीपु पूजा करवुन्ग् छि सॉरिय  
गंधर्व दीव ब्रह्मचॉरिये ।  
साध संत वैरॉग्ग् जूग्ग् ग्वसॉनी  
परम पदवी छि चॉन्ग् जॉनिये ॥

थाल छिय खिरु खंडु कंदु बॅर्य बॅरिये  
जगत ईश्वरिये, कर चु आहार ।  
अविद्यायि वासनायि गॅज्ग् दॉन्ग् दॉनिये  
परम पदवी छि चॉन्ग् जॉनिये ॥

सूक्ष्म थल जडु चेतनु छख भासवुन्ग्  
शिव शक्ति रूप छख आसवुन्ग् चुय ।  
सर्व त्याग कॅरिथ भक्ती चॉन्ग् मॉनी  
परम पदवी छि चॉन्ग् जॉनिये ॥

ॐ शब्दु गायत्री छख परमु शक्ति  
सिंहासनु कर म्वक्ती सॉन्ग् ।  
बॉय बन्ध बब मॉज चुय छख सॉनी  
परम पदवी छि चॉन्ग् जॉनिये ॥

त्रैशवय ग्वण ह्यथ अवस्थायि चोरुय  
पानु छख च्वपोरुय महामाया ।  
चे रोस्त यि केंछा मानु छय ठाँनी  
परम पदवी छि चॉन्ग् जॉनिये ॥

पादन चान्यन मीढ्य दिनि द्राये  
लारान आये येति अँन्य् छाल ।  
अमर नाथु गंगायि हरम्बखु वॉनी  
परम पदवी छि चॉन्ग् जॉनिये ॥

दरशोन हाव असि छिय आरु कृतिये  
श्री भगवतिये लीन कर मन ।  
वीद पॅर्य नु असि अज्ञानु म्येच छॉनी  
परम पदवी छि चॉन्ग् जॉनिये ॥

संकल्पु बुतराथ छम खारु खसुची  
दांद वायि ह्यसुकिय, ववु कर्म ब्योल ।  
अव्यचारु मूलस लायि धर्म खॉनी  
परम पदवी छि चॉन्ग् जॉनिये ॥

त्यागु बटु फुरु क्रोधु दतु फुटरावय  
संतोशि जेनि सुत्थु थावय सुम ।  
ध्यानु फालस छुनु यूगु अलबाँनी  
परम पदवी छि चॉन्ग् जॉनिये ॥

अद्वैयतु सगु सुत्यु कर्म ब्योल वॅविथुय  
यमु न्यंदु दिथ ह्यस सॉरी ह्यथ ।  
वैरागु द्राति लोनु वसि हर्षु छॉनी  
परम पदवी छि चॉन्नु जॉनिये ॥

स्वय छॉन्नु जॉन्नु हुंदि कंजु मुनु वारय  
न्यर्नय देगि मंजु रनु बनु मुक्त ।  
परमु शक्ती ध्यान धारु ख्यमु चानि जॉनी  
परम पदवी छि चॉन्नु जॉनिये ॥

मनु किन्नु प्रथ जायि च़ेय छुस छारवुन  
कृष्ण छुस धारनायि धारवुन ध्यान ।  
वर दया कर दया पालना च़ु सॉनी  
परम पदवी छि चॉन्नु जॉनिये ॥



## 10. श्री नन्दकीश्वर छु वापस यिथ भगवान शंकरस सोरुय हाल बावान

शिवजी ओस प्यठ कॉलासस ।  
नन्दकीश्वर गव वनुने तस ॥

योरु तोरु दीवियि हुंद सम्वाद  
दजनुक यि केंछा ओसुस याद ।  
म्वखसर सोरुय कसु वोननस  
नन्दकीश्वर गव वनुने तस ॥

क्रूधस मंजु गव कालु सम्हार  
त्युथुय युथ त्रेन भवनन हेयि नार ।  
वीरभद्र साँपुन त्युथ कूपस  
नन्दकीश्वर गव वनुने तस ॥

वनुनि लोग वीरभद्रस शिवजी  
बु ति आसय छय चे म्योनी द्रुय ।  
तिय कॅर्यजि यि करव कलपाँतस  
नन्दकीश्वर गव वनुने तस ॥

आसन यिम दिवता कारण  
अंद च्चु हेज्यख मारन मारन ।  
वथुवार कॅर्यज्यख जपु यज्ञस  
नन्दकीश्वर गव वनुने तस ॥

ब्रोंठ आव वीरभद्र पतु शिवजी  
करनि लॅग्य यिय तॅम्य दप्यानस तिय ।  
ही क्षमा करवुनि बस कर बस  
नन्दकीश्वर गव वनुने तस ॥

क्रूधु म्वखु निशि रछि कालु संहार  
हितकारु पुछि छ्यतु करि नरकु नार ।  
वेह मंजु शेहजार दियि कृष्णस  
नन्दकीश्वर गव वनुने तस ॥



## 11. वीरभद्रजी क्याह छु करान

वीरभद्रन देवता छ्यपु दौविन ।  
सारिनुय हौविन पनुनी ज़ोर ॥

ग्वडनी दक्ष प्रजापत रँटिथुय  
कलु चँटिथुय छुनुनस अँगनस ।  
छौंग्य लटु कँड्य कँड्य दीव मंडुछौविन  
सारिनुय हौविन पनुनी ज़ोर ॥

कँह कँह गौलिन कँह कँह जौलिन  
कँह कँह वौलिन अंधकारु निश ।  
कलु चँट्य चँट्य पृथवी प्यठ त्रौविन  
सारिनुय हौविन पनुनी ज़ोर ॥

ब्रह्मा रूद्रमंत्र परुनोवन  
चानुनोवुन गुह्य बनि सुय मंज ।  
सिरियु देवताहस दंद फुटुरौविन  
सारिनुय हौविन पनुनी ज़ोर ॥

सफेद बुथिसुय चँद्रम दीवस  
कुंद मंडुल कोरनस, थँवनस नु दौर ।  
हौबतु सुत्यु तस कलु ह्वखुरोवुन  
सारिनुय हौविन पनुनी ज़ोर ॥

विष्णु भगवान लोग हरु हरु करने  
अनुग्रह अनुग्रह लोग परने ।  
सौरिय दीव शिव शिव करनॉविन  
सारिनुय हॉविन पनुनी ज़ोर ॥

यिम तति ऑसिय त्रेकूटी दिवता  
डांगव सुत्यन ह्योतुनख जान ।  
त्राहिमाम पाहिमाम बारव दॉविन  
सारिनुय हॉविन पनुनी ज़ोर ॥

चारु केंह ज़ोनुख नु गॅयि आवारय  
भस्मादारय यियिनय आर ।  
कम कम लीलायि तिम वनुनॉविन  
सारिनुय हॉविन पनुनी ज़ोर ॥

भ्रगु ऋष्य वॅस्य् प्यव,रूदुस नु धैरुय  
सौरुय दौरुय येलि खुंज़नस ।  
छलुरिथ बॅड्य बॅड्य बलवीर पॉविन  
सारिनुय हॉविन पनुनी ज़ोर ॥

ग्वडनी वैष्णन वॅनिनस लीला  
तमि पतु ब्रह्मा अदु दिवता ।  
शिवनाथ जी व्वन्य् असि म्वकलॉविन  
सारिनुय हॉविन पनुनी ज़ोर ॥

भावनायि पोश फॅल्य् मनुचे वारे  
कृष्णजी धारनायि दारे ध्यान ।  
यिम पोश फॅल्य् तिम ईश्वरस छॉविन  
सारिनुय हॉविन पनुनी ज़ोर ॥



## 12. वैष्णु भगवान छु ग्वडुनिय शम्भूनाथस कुन स्तुति करान

कानों में तडकी हाथ में त्रिशूला  
कण्ठे में वासुक पायो रे ।  
पावों को पद्यों का गहना बिछाया  
वृषभ का आसन बनायो रे ॥

कर्पूर गौरम निर्मल तन को  
गेरों का लेरा बनायो रे ।  
तेरे आगे कुशों का घेरा  
अरे जोगी आयो रे ॥

तेरे मुंह को ज्योती का सूरत  
दांतों को मूरत तारा है ।  
भक्तों के घर में समसार सारा  
सारा भोजन खायो रे ॥



पूजा तेरी करूंगा सवेरे  
प्रेयम के फूल चढाऊंगा ।  
घंटा का, मुर्ली का बाजे का बजना  
शंखों का शब्द सुनाये रे ॥

मन में चिंता करके उटूंगा  
शिव चरणों का रखूंगा ध्यान ।  
फूलों से, अर्गों से माथे पे तेरे  
चंदन का तिलक लगायो रे ॥

सोने का बिछोना मन में बिछाया  
उस पर तेरा सोना है ।  
गौरी शंकर हर गंगाधर  
आवाहन से जगायो रे ॥

कंवल के कलेजे में तेरा ठिकाना  
बुद्ध से तुम्हारा पहचानना है ।  
अवस्था तीनों से तुरी में जमाना  
मुझे अपने पास अब बुलायो रे ॥

बिना पाने दर्शन के जलना जिगर का  
कभी तेरी स्मरन न हो जावे भूल ।  
खडा है मेरा पाप कांटों का जाला  
दया के अग्नि से जलायो रे ॥

न हूं साध गांजा का नशा बनाऊं  
फंसा हूं गृहस्थ के जंजाल में ।  
अब पीने की ठंडाई और दिया न गांजा  
बहुत चैन से आ पिलायो रे ॥

दिन रात तेरी चाहत है मुझ को  
राहत है इस कर्मभूमी में ।  
कृष्ण जी पढेगा अब बंसरी में लीला  
मीठी ज़बान से सुनायो रे ॥

कानों में तडकी हाथ में त्रिशूला ।  
कण्ठे में वासुक पायो रे ॥



### 13. ब्रह्माजी छु व्वन्य् स्तुति करान

हे परात्परु विश्वेश्वरु शिवशंकरु हरु ।  
हे चराचरु गंगाधरु परमीश्वरु ईश्वरु ॥

वीदु अँकारु त्रिशूलधरु निराकारु सदाशिवु ।  
विद्याधरु दयासागरु कर्ताकरु जगतीश्वरु ॥

आनन्दगनु वृष्भासनु कौलासवासु सनातनु ।  
परमात्मा प्वरुशु महादीवु अमरनाथु हे अमरु ॥

हे अविनाशु चित आकाशु अघोरु घोरु शिवनाथु ।  
श्री अकालु भैरवनाथु महाकल्पांतु थ्यरा थ्यरु ॥

भस्माधरु नागिन्द्रहारु कलाधरु हे कीवलु ।  
न्यरंजनु त्रैलोचनु सनातनु महीश्वरु ॥

त्रैलूकीनाथु त्रिभुवनसारु महीषानु मकुंदु ।  
कर्तायुगु ब्रह्मा वैष्णु अकांडु ब्रह्मांडु मनवन्तरु ॥

हे भूलुबालु महाकालु महासन्तु स्वशिवु ।  
हे नीलकण्ठु शम्भूनाथु हे अमरीश्वरु सतग्वरु ॥

परमानंदु परम ब्रह्म हे परम शिवु शिवनाथु ।  
सन्वखु यितु मृत्युंजयि न्यर्नय नयि कर उतरु ॥

कालु सम्हारु नागेंद्रहारु येमि समसारु म्बकलाव ।  
महा रुद्रु करुनावतारु कर व्वन्यु चारु छुम आसरु ॥

हे सदाशिवु कालाग्नि रौद्रु जटाधरु त्रिनेत्रु ।  
हे विश्वनाथु दिगम्बरु स्वरूपु चोन छु आश्वरु ॥

सोरुयु मेति उमापति ज्ञानु वति प्यटुय अन ।  
कृष्ण युथ करि शिव शिव जपि मंत्रु षडअक्षरु ॥

हे चराचरु गंगाधरु परमीश्वरु ईश्वरु ॥



## 14. गन्धर्वघन छि स्तुति करान

ब्यल तय मादल व्यनु ग्वलाब पम्पोशि दस्तय ।  
पूजायि लागव परमु शिवस, शिवनाथस तय ।।

जटा मुकटाह, प्यटु गंगा वसान छस तय  
दीवी तु दिवता, विष्णु ब्रह्मा छिस दस्त बस्तय ।  
भक्तीभावुक जयजयकार ऑसिन तस तय  
पूजायि लागव परम शिवस, शिवनाथस तय ।।

पम्पोशि पादव सुत्त्य् यितम अस्तय अस्तय  
चरणन बु वंदय जुव जान ह्यथ वॉलिंज वस तय ।  
यिनु चानि सुत्त्यन पोन्त् वुज्यम नागरादस तय  
पूजायि लागव परम शिवस, शिवनाथस तय ।।

दया सागरु लोलु वुजाययि कॅरिन मस तय  
हा पोशि मते, होशि डॅल्य्मुत्त्य् छि, थव द्यान ह्यस तय ।  
असार समसार, छॅलुरावान सोर रोजि कस तय  
पूजायि लागव परम शिवस, शिवनाथस तय ।।

पॉर्य पॉर्य लगय ना, शिव शंकर शिवनावस तय  
दर्शनु चान्युक छुम यछि लोल सुत्त्य् हावस तय ।  
टोठतम सदाशिव जगतीश्वर छुस बेकस तय  
पूजायि लागव परम शिवस, शिवनाथस तय ।।

अमरनाथस नीलकंठस शरवायस तय  
विद्यारु सुत्यन भक्तन प्यठ आर यीनस तय ।  
कृष्णजुवो, अर्पन गछ शिव नावस तय  
पूजायि लागव परम शिवस, शिवनाथस तय ।।



### 15. राज़ इन्द्र छु स्तुति करान

धारना में तुम्हारा ध्यान धारों में प्यारा  
शिवजी ध्यान धारों प्यारा ।  
ॐ गंगाधारा जय समसार सारा  
जयजय समसार सारा, ॐ हर हर हर शम्भूः ।।

तुम है स्थावर जंगम, तुम से साधों का संगम  
शिवजी तुम से साधों का संगम ।  
प्रेमों से बनता रखूं ऐसी चिन्ता  
जैसे पुष्पा दन्ता, ॐ हर हर हर शम्भूः ।।

महालक्ष्मी का ताजा, अरे त्रभवन के राजा  
अरे त्रभवन के राजा ।  
तेरे सिर पर ऐसा लाख सूरज का रूप  
और तेज होवे जैसा, ॐ हर हर हर शम्भूः ।।

परमानन्द आत्मा तुम है सब के तन में  
शिवजी तुम सब के तन में ।  
तेरी स्मरन मन में रखूं  
रात और दिन में, ॐ हर हर हर शम्भू: ॥

तेरी माया बुद्ध में कब आवे  
शिवजी बुद्ध में कब आवे ।  
विष्णु ब्रह्मा देवता  
और सावित्री भी न पावे, ॐ हर हर हर शम्भू: ॥

चरणों की तेरे स्मरन चाहते हैं हम प्यारे  
शिवजी चाहते हैं हम प्यारे ।  
परम शक्ति ले के तुम है  
बिन्द पर ॐकार के, ॐ हर हर हर शम्भू: ॥

एक दिन यह भ्रमपुरी छोड कर चलते हैं हम  
शिवजी छोड कर चलते हैं हम ।  
आपके उपकार से,  
मुझ पर न पावे हाथ जम, ॐ हर हर हर शम्भू: ॥

कृष्णजी के मन में अपने चरणों का रखना ध्यान  
शिवजी चरणों का रखना ध्यान ।  
स्मरन जपे जब तक है  
उस के घट में प्राणए ॐ हर हर हर शम्भू: ॥



## 16. धर्म राज़ करान स्तुति

चरणन हंदि ध्यान स्वरनुय, येमि भवसरु तरु बो ।

हे च़राच़रु गंगाधरु शिव शंकरु शम्भू ।।

सर्व व्यापक़ समसारु सारु धारनायि धारु चोन ध्यान

परमानन्दु श्वभु च़रणन चान्यन बो वन्दु पान ।

नमु च़ैय कुन दमु दमु शमु रिन्दु पॉट्य ज़िन्दु मरु बो

हे च़राच़रु गंगाधरु शिव शंकरु शम्भू ।।

हे अविनाशि च्यथ अकाशु, सानि शुर्य बाशि वारु बोज़  
गाशि रसित्यन अनिगटुक्यन सिरियि प्रकाश सुबुह सोज़ ।

परमीश्वरु कर च़ु पूर्यर, कति दूर्यर ज़रु बो

हे च़राच़रु गंगाधरु शिव शंकरु शम्भू ।।

वासनाये, कायाये, मायाये मंज़ गोस

देह गालुवुन जानवारा कालु ज़ालस मंज़ प्योस ।

हे दयावानु, बडि भगवानु ज़गतस क्याह करु बो

हे च़राच़रु गंगाधरु शिव शंकरु शम्भू ।।

वेषु ब्रह्मा छुख च़ु पानय, छुख दयालू दय

त्रन भवनन हंदि सॉमियो, सोन बोयनय जय जय ।

वारु निश्चय लबु तेलि येलि शिव शास्त्र परु बो

हे च़राच़रु गंगाधरु शिव शंकरु शम्भू ।।

परमात्मा नीलकण्ठा नॉल्य् हटि वासुक छुय  
अर्पन गछु चरनन द्वन, सुत्य् बॉजी ह्यथ बो ।  
यथ जाये पाद थावख, स्वनु कनि अँछ जरु बो  
हे चराचरु गंगाधरु शिव शंकरु शम्भू ।।

हमसासनु गरुडासनु वृष्णासनु वनु क्याह  
हनि हनि मंजु छुख च्चु पानय फेरु वुनि मनु वनु क्याह ।  
यी अर्मान छुम रात घन, च़ेय सुत्यन बरु बो  
हे चराचरु गंगाधरु शिव शंकरु शम्भू ।।

नरकु मंजुय म्बकलावतम गथ पनुनी हावतम  
कटु संकटु भस्माधरु हरु हरु वनुनावतम ।  
हृदयस मंजु हे कीवलु ध्यान चोनुय धरु बो  
हे चराचरु गंगाधरु शिव शंकरु शम्भू ।।

श्री नारायण छुख च्चु पानय, सारिनुय जीवन मंजु  
परमात्मा श्वद्ध न्यर्मल सारिनुय दीवन मंजु ।  
सरु कोरमख जगतीश्वरु, चॉन्य् सुमरन फिरु बो  
हे चराचरु गंगाधरु शिव शंकरु शम्भू ।।

प्रथ प्रभातन सुलि व्वथु हॉ, चॉन्य् पूजा करु हॉ  
कन दॉरिथ मन लॉगिथ, चॉन्य् लीला परु हॉ ।  
नॉल्य् त्रावुहॉय लालु मालय, बेयि म्बख्तय लरु बो  
हे चराचरु गंगाधरु शिव शंकरु शम्भू ।।



त्युथ स्वरुहँथ युथ मेलिहेम, मन तय प्राण चैय सुत्य्  
नतु यथ समसारस मंज आयि काँत्याह, गँयि कृत्य् ।  
मन मेल्यम तु बेह्यस गछु, ना फहमन खरु बो  
हे च़राच़रु गंगाधरु शिव शंकरु शम्भू ।।

वर्शनु के शबनमु सुत्य् फवलु हॉ ज़न पम्पोश  
दर्शनु चानि अमृतु के वर्षनु यियि असि बोश ।  
फलु रँस्तिस अहंकारु किस कुलिसुय वालु अरु बो  
हे च़राच़रु गंगाधरु शिव शंकरु शम्भू ।।

अँछ मुच़रनु चानि द्वह तय अँछ वटनय चॉन्य् रात  
आर यीनय कास लोला छुख च़ुय भोलानाथ ।  
साफ तन नय चॉन्य् डेशय, हिय ज़न गछु बरु बो  
हे च़राच़रु गंगाधरु शिव शंकरु शम्भू ।।

लछि सिरिये खोतु तेज़ छुय सुह च़म छय नॉली  
चँद्रम छुय ड्यकु पेठ्य किन्य्, गटु पछु निशि खॉली ।  
लोलु चाने शोलु दिवुवुन्य् ज़ून ज़न लगु दरु बो  
हे च़राच़रु गंगाधरु शिव शंकरु शम्भू ।।

गछि चाने दयायि सुत्यन सारिनुय पापन नाश  
धर्मचि सेनायि सुत्यन ज़ेनु शहरुय अविनाश ।  
संतोषि सुत्य् क्रूध गॉलिथ मोह राज़स फरु बो  
हे च़राच़रु गंगाधरु शिव शंकरु शम्भू ।।

हे महा काल, कालने ज़ाल, चानि नावु सुत्य् चलनम  
वासनायन, संकल्पन हंघ मूलय गलनम ।  
ध्यान स्वरुनाव नतु कौल्य् गछु थरि पोश ज़न बरु बो  
हे च़राच़रु गंगाधरु शिव शंकरु शम्भू ।।

हे सदा शिवु मे कृष्णस च़ेतनायि कुन भासतम  
प्राक् ज़न्मुक्य् खोट्य करमुय कासतम तु ख्वश आसतम ।  
समसार छु द्वखु बोरमुत येति किथु पौढ्य दरु बो  
हे च़राच़रु गंगाधरु शिव शंकरु शम्भू ।।



## 17. वरुन जी छु स्तुति करान

श्री न्यराकारय त्रभुवन सारय  
प्रारय पनुने यारयबल ।  
भस्माधारय छम च़ौन्य् लादन  
साधन प्यमुयो पादन तल ।।

लमयो जामन रटयो दामन  
शिवनाथु छम च़ौन्य् मनु कामन ।  
त्रिजगत पालय यितु सानि सालय  
चावतम प्यालय अमृतु ज़ल ।।

त्रभुवन सारो हनि हनि मंजु छुख  
मायायि सुत्य् छुख नु यिवान द्रीढ्य ।  
सत च्यथ आनन्दु गूव्यंदु कीवलु  
जाय चॉन्य् हृदयुक पम्पोशि डल ॥

मनुकिस बागस फुलया द्राये  
रछवुनि लछिनाव अछि पोशि छाव ।  
शोक चानि प्रेयमुक्य् बुलबुल छि नालान  
बोलान लोलने दिद्रि तु जल ॥

हे कृष्ण वासना श्वद्ध थव स्यौद थव  
बद्ध थव सतुसुय कुन सनिदान ।  
सतुसुय कन थव सतुसुय मन थव  
सतु किस कुलिस वसि आनन्द फल ॥

भस्माधारय छम चॉन्य् लादन ।  
साधन प्यमुयो पादन तल ॥



### 18. सप्त ऋष्य् छि स्तुति करान

करुनावतारु नावु निशि युस नु ज़ांह ति डलि ।  
कति फटि मोह क्वलि हे कीशव ॥

लबि कनि रूजिथ लूक् सबि मंज रलि  
महाराजु जामु वलि साधु प्रकृच्छ ।  
भ्रम मानि समसार ब्रह्म जानि थलि थलि  
कति फटि मोह क्वलि हे कीशव ॥

कायायि मायायि हुंदि रूगु निशि बलि  
भस्माह मलि समतायि हुंजि स्मरच्छ ।  
ममता मोह तस तापु ज़न शीन गलि  
कति फटि मोह क्वलि हे कीशव ॥

देह प्रयि निशि निर्नय नयि मंज च़लि  
लेम्बि मंज फ़वलि पम्पोशाह ह्यु ।  
फेरि थलि थलि यीरि डून ज़न मंज क्वलि  
कति फटि मोह क्वलि हे कीशव ॥

वैरागु मक् सुत्यु युस रागु वीर थलि  
नेष्कामु करमु तथ करि पयवंद ।  
हरदु नेरि फल तथ सोंतु पानय स्व फ़वलि  
कति फटि मोह क्वलि हे कीशव ॥

पुणिम हुंदि सॉमियो चाने अटकलि  
चंद्रम ज़न गलि परिपूर्ण ।  
चंद्रचूडु आशि चानि स्वप्रकाशि जामु वलि  
कति फटि मोह क्वलि हे कीशव ॥

कृष्णस आनन्द अमृथ गलि गलि  
नेष्कलु पनुने कलि सुत्य् चाव ।  
न्यर्मल बोज़ प्रकृच हुंद मल छलि  
कति फटि मोह क्वलि हे कीशव ॥



### 19. राहू दिवता छु स्तुति करान

परम ब्रह्म परमु शिवु शिव शंकरो  
जगत ईश्वरो बोयनय जय ।  
सतुचिय वथ हाव मे न्यथ सत्ग्वरो  
जगत ईश्वरो बोयनय जय ।

हर हर हर हर गंगाधरो  
चानि व्वपकारु सुत्य् धारुयो दान ।  
महारुद्र महादेवु परमीश्वरो  
जगत ईश्वरो बोयनय जय ॥

सदा शिव शिवनाथु दया करो  
छुख च्चु श्री भगवान दयावान ।  
परमात्म नीलकँठु जटाधरो  
जगत ईश्वरो बोयनय जय ॥

हरु कासतम सॉरिय अरुसरो  
हनि हनि बो च़ेय वंदुयो पान ।  
वेष्णु रुपु कृष्णस मे भस्माधरो  
ज़गत ईश्वरो बोयनय जय ॥



## 20. सूर्य देवता छु स्तुति करान

वृष्णासनु न्यर ग्वनु ग्वन च़े सॉरी ।  
लोल पोश लागय च़ॉर्य च़ॉरिये ॥

हे च़न्द्रचूडु लालु मालु अनुहॉ ग्वनि ग्वनि  
प्रेयमु सुत्पु छनुहॉय नॉलिये ।  
श्री भगवानु छुखु सर्व व्वपकॉरी  
लोल पोश लागय च़ॉर्य च़ॉरिये ॥

कैलासु वॉसी छारान ऑसिय  
आनन्दु अमृतु खॉसी चाव ।  
स्मरनि चानि सॉरिय पाप हॉरी  
लोल पोश लागय च़ॉर्य च़ॉरिये ॥

व्वमादीवी करुवुन्यु व्वपाया  
त्रन भवनन हुंज़ महा माया ।  
च़ेय सुत्पु आसुवुन्यु कासुवुन्यु मे खॉरी  
लोल पोश लागय च़ॉर्य च़ॉरिये ॥

शेर चोन आसुवुन स्वर्गापूरी  
गौरी शंकरु कुल्य् रंगु छय ।  
मस चोन प्रथ गासु ही जटाधौरी

सिरियि चंद्रम छिय अँछ ज़ुय चाने  
हा ग्वेसाने चोन दान धौरिथ ।  
तारा मंडलस छे शब बेदौरी  
लोलु पोश लागय चौर्य चौरिये ।।

आँस छुय अग्न तय तरफ दँह कन छिय  
मन छुय साविधान भक्तन प्यठ ।  
द्वखु निशि म्वकलाव वाल पापु बौरी  
लोलु पोश लागय चौर्य चौरिये ।।

आकाश नाफ तय पृथवी खोर छिय  
वाँनी चौनी वीद चोर छिय ।  
यड छय समंदर छुख न्यराहौरी  
लोलु पोश लागय चौर्य चौरिये ।।

बन्द तान चौनी छि कोह तय बालुय  
हे भूलबालय कर रक्षपाल ।  
सारिनुय जीवन कर व्वन्य् च़ु यौरी  
लोलु पोश लागय चौर्य चौरिये ।।

आसुवुन चय छुख वैकुंठ नायक  
मछु चानि यँद्राजु दिवता ह्यथ ।  
पानु छुख त्योंगी तय व्यवहॉरी  
लोल पोश लागय चॉर्य चॉरिये ॥

अविनाशि न्यथ छुय लसनुय तु बसनुय  
जगतुक कल्यान असुनुय चोन ।  
जय शिव अँकारु हे निराकॉरी  
लोल पोश लागय चॉर्य चॉरिये ॥

हे महा स्वखु म्खु चान्युक वनु क्याह  
सासु बँद्य सिरियि ज़न छिय यकजाह ।  
छुख चय प्रलय हे कालु सम्हॉरी  
लोल पोश लागय चॉर्य चॉरिये ॥

टोठान चय छुख सैद्यन तु सादन  
पम्पोशि पादन वन्दुयो पान ।  
गंगा माता कलु पैद्य चै जॉरी  
लोल पोश लागय चॉर्य चॉरिये ॥

छारुवुन्त् तु गारुवुन्त् चै छिय सॉरी  
जंगलन कोहन तु काफन मंज़ ।  
जूग्य् सँन्यॉस्त् ग्वसॉन्त् ब्रह्मचॉरी  
लोल पोश लागय चॉर्य चॉरिये ॥



लोलु सुत्पु खिरु खंडु थाला भरयो  
अर्पन करुयो स्वरुयो दान ।  
प्रेयमचि बरने मुचराव तौरी  
लोलु पोश लागय चौर्य चौरिये ।।

पुनिम तु मावसि आरती करयो  
पार्थी पूजा करयो बो ।  
म्वक्त करवुनि हे गंगाधौरी  
लोलु पोश लागय चौर्य चौरिये ।।

महादेवु सर्व देवु भूजन रनुयो  
अनुयो चैय निशि कर तु आहार ।  
आर यियिनय छुख महाविचौरी  
लोलु पोश लागय चौर्य चौरिये ।।

कूफ कौरुथ प्रजापतु ने गरे  
हरे नाथो क्रूधु निशि रछ ।  
वुनि छय दीवन स्वय बेमौरी  
लोलु पोश लागय चौर्य चौरिये ।।

ब्रह्मा चोन स्वरूप लोग स्वरने  
कर्पूर गौरम लोग परने ।  
लबन ति दिवता गॅय लौर्य लौरी  
लोलु पोश लागय चौर्य चौरिये ।।

गंगा तु जमुना गँजगाह छय करान  
ब्रह्मा वैष्ण चोन ध्यान स्वरान ।  
यँद्राजु धर्मराजु दीव ह्यथ साँरी  
लोल पोश लागय चौर्य चौरिये ।।

नन्दु राजु ब्रोंठ ब्रोंठ छत्र ह्यथ छु रोजान  
तसुंघन ज़ोरन वाति नु कांह ।  
तसुंदी नावु सुत्प पापु राक्षस मै माँरी  
लोल पोश लागय चौर्य चौरिये ।।

पूर्ण सर्वव्यापक छुख आसुवुन  
सारिनुय भासुवुन हृदयस मंज ।  
सन्तुष्ट असि आस कास लाचौरी  
लोल पोश लागय चौर्य चौरिये ।।

कृष्ण छुय रात घन करवुन चै ज़ौरी  
कासतस ज्ञानुच नादौरी ।  
सदाशिव साँमियो लगय पार्य पाँरी  
लोल पोश लागय चौर्य चौरिये ।।



## 21. चँद्रम दिवता छु अस्तुति करान

मैं तेरे मन में तू मेरे मन में  
हे केवल हे केवल हे केवल जी ।  
घर में बाहर में बस्ती में बन में  
हे केवल हे केवल हे केवल जी ।।

कुमरी में ज़ाग में लाले में दाग में  
बाग में राग में अषजार में ।  
सुम्बुल में समन में बुलबुल और चमन में  
हे केवल हे केवल हे केवल जी ।।

आत्मा में आकाश में और प्रकाश में  
अरे प्राण अनन्तवान तेरा है नाम ।  
जल में जोत में धरती में पवन में  
हे केवल हे केवल हे केवल जी ।।

शम्भू में ब्रह्मा में और विष्णु में  
नारद में इन्द्र में और प्रजापत  
सूरज में चांद में अग्नि में पवन में  
हे केवल हे केवल हे केवल जी ।।

गोयन्दः आप हैं शनवन्दः हैं आप  
बीनन्दः आप और दानन्दः आप ।  
विद्या से कारसाज़ आप ही हैं सब में  
हे केवल हे केवल हे केवल जी ।।

जोगी में आप सन्यासी में आप हैं  
समसारी में आप ब्रह्मचारी में आप ।  
एक ही एक ही चारों वर्ण में  
हे केवल हे केवल हे केवल जी ।।

कृष्णजी को एक कांक्षा है मन में  
हरदम रखो उस को ध्यान अपना याद ।  
शाम में प्रभात में रात में दिन में  
हे केवल हे केवल हे केवल जी ।।



## 22. बद्ध दिवता छु स्तुति करान

परमात्मा पानु छुख मन तय प्राण  
चेतनायि होशि बोज़ वासनायि सान ।  
त्रैयि ग्वनु सुत्य् छुख श्री भगवान  
सदाशिव साँमियो वन्दुयो पान ।।

स्वखु म्चखु कासतम पापुच हान  
श्वभ दर्शनु कुय छुम अर्मान ।  
पद्म पादु सन्तु साधु छुख दयावान  
सदाशिव साँमियो वन्दुयो पान ।।

प्रेयमुच्च नैदिया पकवुन्त् जान  
श्वद्ध वासनायि सुत्त् करुस क्वलुवान ।  
तमि मंजु ध्यानु पानि सुत्त् करु श्रान  
सदाशिव यॉमियो वन्दुयो पान ॥

सोद्य वॉन्त् पँडिता ब्यहान ओस वान  
बालुकव कॅरहस च़ेय सुत्त् ज़ान ।  
तिथय पॉदय मे ति हावतु ध्यानु मंजु पान  
सदाशिव सॉमियो वन्दुयो पान ॥

शिवकर्मी छुय कृष्ण राजदान  
शिवजी धारनायि दारि चोन ध्यान ।  
श्वभ लक्षनु प्रथ जायि चोन थान  
सदाशिव सॉमियो वन्दुयो पान ॥

समसारस मंजु छुस नादान  
मनु किन्त् छुस नु चोन ध्यान स्वरान ।  
जैवि किन्त् छुस चॉन्त् सीवा करान  
सदाशिव सॉमियो वन्दुयो पान ॥



### 23. सॉरिय मुनीश्वर छि इकवटु स्तुति करान

न्यथ चॉन्त् पूज़ा शिव शंकरु करु ।  
भस्माधरु दरु चोनुय व्रत ॥

चानि अनुग्रह रोस्त कति व्वदरु दरु  
ब्वछि तृष्णा छम पतु ख्यथ चथ ।  
सॅच चानि रात द्वह बाघम्बरु भरु  
भस्माधरु दरु चोनुय व्रत ।।

सेकि शाठाह छुम दया सागरु गरु  
जल छुम भासान फल आस ज्यथ ।  
त्रेशि होत यिनु नागनाथु अमरु मरु  
भस्माधरु दरु चोनुय व्रत ।।

चानि नावु सुत्य् पाप हरीहरु हरु  
पानु छुख पालना सम्हार थ्यत ।  
भक्ती भावु चानि मन विश्वबरु बरु  
भस्माधरु दरु चोनुय व्रत ।।

कासतम अमरु अजरु जरु जरु  
भासतम प्रत्यक्ष सिरियि ह्यू न्यथ ।  
जॉन्यगाश करतम कुलशेखरु खरु  
भस्माधरु दरु चोनुय व्रत ।।

प्रेयमु ओश छुम वसान चानि बजरु जरु  
जन छम नेत्रन मंज बाग व्यथ ।  
भक्ती श्रूख चॉन्य हे परात्परु परु  
भस्माधरु दरु चोनुय व्रत ।।

पूरि पछमु दक्षनु व्वतरु तरु  
मोह सेंदि व्यचारुचि नावि क्यथ ।  
कृष्णस गछतु कीशवु भवसरु सरु  
भस्माधरु दरु चोनुय व्रत ॥



## 24. चित्रगुप्त छु स्तुति करान

ध्यान से दयावान भगवान पाइये ।  
आइये सदाशिव आइये जी ॥

शिव का ध्यान अपने मन में बनाइये  
विष्ण का ब्रह्मा का शम्भू है सार ।  
उस शम्भू को रागों में गाइये  
आइये सदाशिव आइये जी ॥

पूजा के वास्ते धर्म कर्म चाहिये  
शिवनाथ के लिये उठ के प्रभात को ।  
आनन्द के फूल फूले लाइये  
आइये सदाशिव आइये जी ॥

हे कृष्ण जी छोड अहंकारुय  
गंगाधारय है सर्व व्यापक ।  
प्राण एक आत्मा समझ लव लगाइये  
आइये सदाशिव आइये जी ॥



## 25. बृहस्पति जी छु स्तुति करान

कुस कस जेवे तु कुस कस मरे  
छरा छु थ्यरा हरे नाथ ।  
कुस कस देवस पूजा करे  
छरा छु थ्यरा हरे नाथ ॥

समसार छु कॅमिस, येमिस तु हुमिस  
अमिच गांगल छे अविद्या ।  
यथ भ्रमु दीशस मंज कुस दरे  
छरा छु थ्यरा हरे नाथ ॥

कुस साधु संगुक समवाद बूजिथ  
बिहिथ सतुचि शिकारि प्यठ ।  
असारु सरस अपोर तरे  
छरा छु थ्यरा हरे नाथ ॥

आकाशु पातालु पूर्ब पछमु  
दक्षिनु व्वतरु नॅजदीक दूर ।  
सुय परमु शिव छांडन गरि गरे  
छरा छु थ्यरा हरे नाथ ॥

सुय शिवशंकर सत्ग्वर आसुवुन  
दयायि सुत्य् भासवुन हृदयस मंज ।  
तसुंदि रोस्त कुस शिवशास्त्र परे  
छरा छु थ्यरा हरे नाथ ॥



सुय मुचरावुवुन ज्ञानु दरवाजय  
सुय करुनावुवुन राजय योग ।  
तसुंदि रोस्त कुस अचि म्वख्तुचि लरे  
छरा छु थ्यरा हरे नाथ ॥

हे कृष्ण सत्संग हिशां च्यु करुन  
प्रकाशि रूपुक स्वरुन ध्यान ।  
सत हय बोजख तु कुस कस स्वरे  
छरा छु थ्यरा हरे नाथ ॥



## 26. शुक देवता छु स्तुति करान

बन्द कोरनस बु बाशे, जगतुचि वालु वाशे ।  
म्वकलय चानि आशे, शिवनाथु अविनाशे ॥

भावु सुत्यन यिमुयो, हरम्वखु वॅन्य् दिमुयो ।  
मोह गटि हुंदि गाशे, शिवनाथु अविनाशे ॥

कैलासु कोहु छारथ, धारनायि ध्यानु धारथ ।  
सत् च्यथ आकाशे, शिवनाथु अविनाशे ॥

जपु शबनम धारे, पपि ब्योल तपु वारे ।  
कांह फोल गछि नु हाशे, शिवनाथु अविनाशे ॥

शम्भू नाथु साधय, आवाहनु नादय ।  
सानि बोज़ शुर्य बाशे, शिवनाथु अविनाशे ॥

तार दिम मोह वावस, मायायि ढॅरियावस ।  
कड द्वखु नावि पाशे, शिवनाथु अविनाशे ॥

समसारुकि सरय बो, हर नावु सुत्य् तरय बो ।  
कास संकट च्यथ प्रकाशे, शिवनाथु अविनाशे ॥

कृष्णस आंफ चॉनिय, बखशुस शाप प्रॉनिय ।  
पापन कर च्चु नाशे, शिवनाथु अविनाशे ॥



## 27. शनश्चर देवता छु स्तुति करान

शिव शिव करियो जीता मरियो  
मन में फिरियो शिव स्मरण ।  
शिव शिव करके दिन तु रात बरियो  
मन में फिरियो शिव स्मरण ॥

मन के शिव शिवाले में जाइयो  
उस में पाइयो शिव केशव ।  
उस शिवजी को देदो प्रदक्षन  
मन में फिरियो शिव स्मरण ॥

जय शिव ॐकार शम्भू बोलो  
मन से खोलो दुख के बन्द ।  
चित बुद्ध मन प्राण करियो अर्पण  
मन में फिरियो शिव स्मरण ॥

समसार झूठा इस से जाओ  
कब पावोगे ब्रह्मन जन्म ।  
अब मत भूलो जाता है दिन दिन  
मन में फिरियो शिव स्मरण ॥

माया की नींद से जागो जागो  
भागो भागो काया से दूर ।  
वखरा रखियो ध्यान से प्राण तन  
मन में फिरियो शिव स्मरण ॥

त्यागी होकर निकलो घर से  
वैरागी हो हर से मिल ।  
सन्यास आस पास ढूंढो बन बन  
मन में फिरियो शिव स्मरण ॥

सब के ऊपर शम्भू है सार  
न रहे दुख सुख न समसार ।  
न रहे काया माया न धन  
मन में फिरियो शिव स्मरण ॥

परमात्मा है अपने पासुय  
हे कृष्णजी अभ्यासुय कर ।  
उस का नाम है पूरख पूरण  
मन में फिरियो शिव स्मरण ॥



## 28. श्री सरस्वती तु श्री लक्ष्मी माता छे इकवटु स्तुति करान

श्वब लक्षन सॉरिय छियो ।  
शिव जियो बोयनय जय ॥

न्यर्मल रुपु छिय छारॉनी  
साफ तनि चानि हुंद वनु क्याह ।  
मन्दुछॉवुथ फवलुवुन्यु हियो  
शिव जियो बोयनय जय ॥

स्वप्रकाशे परमानंदय  
वन्दयो जुव तय जान ।  
वन्दुहॉय यी दपुहॅम तियो  
शिव जियो बोयनय जय ॥

जन्मु जन्मय धारनायि दोरुम  
शिव चरणन हुंद श्वब ध्यान ।  
ध्यान धारुन रुत फल मै दियो  
शिव जियो बोयनय जय ॥

मायाये वौलनस ज़ालय  
अर्पन करु बालय पान ।  
म्वकलौविथ नाव चोन नियो  
शिव जियो बोयनय जय ॥

अरे साधू घेरा बनाओ  
सब गाओ शिव लीला ।  
सत्संगु सुत्पु शिवनाथ यियो  
शिव जियो बोयनय जय ॥

समतायि रौस्त में हूं बांधी  
ममता की आंधी में ।  
छोड कर के लियो लियो  
शिव जियो बोयनय जय ॥

सर्व भूज़न भूगा खाओ  
हंस हंस के आओ जी ।  
प्रेयमु ठण्डा पानक पियो  
शिव जियो बोयनय जय ॥

कृष्णजी है दास का दासी  
सन्यासी नेष्कल कर ।  
चौन्यु भक्ती छस बँड ज़ियो  
शिव जियो बोयनय जय ॥



## 29. श्री नारद मुनी छु स्तुति करान

नॉल्य् छय कपालय मालु शम्भू ।  
सालु व्वलु त्रिजगत पालु शम्भू । ।

प्रेयमय जंगलस तपु किय कुल्य्  
आसनु शबनम नेमु पोश फोल्य् ।  
ध्यान दरनस दि मु छालु शम्भू  
सालु व्वलु त्रिजगत पालु शम्भू । ।

अविद्यायि मेघस येलि गच्छि नाश  
धारनायि वावु नेरि नोन आकाश ।  
च्यथ वुजमलि मोह जालु शम्भू  
सालु व्वलु त्रिजगत पालु शम्भू । ।

संतोशि पोशि वारि करयो क्राव  
शमु दमु यमु नेमु सुत्यन छाव ।  
काम, क्रूध, लूभ, मोह गालु शम्भू  
सालु व्वलु त्रिजगत पालु शम्भू । ।

चरणु ध्यान दॉरिथ करयो त्याग  
अमरनाथु मनु किन्य् ह्यमुयो जाग ।  
बालु छांडथ बालु बालु शम्भू  
सालु व्वलु त्रिजगत पालु शम्भू । ।

सूरु मति सन्तु साधु सॅन्यासय  
हृदया वासय कैलासय ।  
भोलानाथ भूलु बालु शम्भू  
सालु व्वलु त्रिजगत पालु शम्भू । ।

परमु शिवु पानु छुख प्रथ शाये  
अन्तर ध्यान सुत्त्यु मायाये ।  
चोन दूर्यर कति चालु शम्भू  
सालु व्वलु त्रिजगत पालु शम्भू । ।

परमानन्दु छुख पानु सत् च्यथ  
चौनिय ऑस्युनम न्यथ स्मरथ ।  
नखु छुख मो दिम डालु शम्भू  
सालु व्वलु त्रिजगत पालु शम्भू । ।

न्यर ग्वनु, नेष्कलु नेष्कामय  
धारनायि धारत् सुबह शामय ।  
रटथो लोलु सुत्त्यु नालु शम्भू  
सालु व्वलु त्रिजगत पालु शम्भू । ।

ध्यानु धारनायि निशि गोसय दूर  
त्वकचार सूरिथ चोलुम ज़न चूर ।  
कोत वातय येमि हालय शम्भू  
सालु व्वलु त्रिजगत पालु शम्भू । ।

द्वखु समसाराह अपज्युक फंद  
जलुर्य सुंघ पॉद्यन गोसय बंद ।  
म्वकलावुम अमि जालु शम्भू  
सालु व्वलु त्रिजगत पालु शम्भू । ।

संकल्प लुहरान छिम ध्यानस  
पोशान छुस नु पनुनिस पानस ।  
कस सुत्त्य् करु जंजालु शम्भू  
सालु व्वलु त्रिजगत पालु शम्भू । ।

सत् ग्वरु च़ेय रोस्त वनुयो कस  
मेति चावनावतम अमृत रस ।  
अथु सुय क्यथ येछि प्यालु शम्भू  
सालु व्वलु त्रिजगत पालु शम्भू । ।

मनुकिस ऑनस कासतम खय  
पानु छुख सैकल करवुन दय ।  
च़ेय रोस्त कति सम्बालु शम्भू  
सालु व्वलु त्रिजगत पालु शम्भू । ।

नर्दु पचि समसार भीद मानुन  
गोरमुत च़ोंगा देह मानुन ।  
मार शिव शक्ती दुखालु शम्भू  
सालु व्वलु त्रिजगत पालु शम्भू । ।



च्यतुमो ठंडोय यितमो यूर्य  
दितमो दरशोन नितुमो तूर्य ।  
ख्यतुमो खिरु खंडु थाल शम्भू  
सालु व्वलु त्रिजगत पालु शम्भू । ।

साम वीद ग्यवुयो प्रेयमु साजय  
रोजतम तु बोजतम आवाजय ।  
मारय लोलुने तारु शम्भू  
सालु व्वलु त्रिजगत पालु शम्भू । ।

समदृष्टि सुत्यन स्वख तय द्वख  
आसुन न आसुन ज्ञानय अख ।  
बुरजु जामु ज्ञानु जोरु शालु शम्भू  
सालु व्वलु त्रिजगत पालु शम्भू । ।

अन्ताह करणु किन्यु करतम ज्ञान  
जॉहिर पॉढ्य श्रुचुरावय पान ।  
सॉरिय व्रत चॉन्यु पालु शम्भू  
सालु व्वलु त्रिजगत पालु शम्भू । ।

ब्यल पॅत्रव सुत्यु पूज करहँय  
आशुतोशु चोनुय ध्यान स्वरुहँय ।  
भय कास कालुकि कालु शम्भू  
सालु व्वलु त्रिजगत पालु शम्भू । ।

सत् च्यथ आनंदु धॉरिथ ध्यान  
पूजायि बापथ मनु साविधान ।  
जंगलन हुंघ पोश वालु शम्भू  
सालु व्वलु त्रिजगत पालु शम्भू ।।

जगतस सॉरिसुय करख समहार  
रोजख पानय श्री न्यराकार ।  
कालु समहारु अकालु शम्भू  
सालु व्वलु त्रिजगत पालु शम्भू ।।

शिवनाथु कृष्णन्यु पालना कर  
मृतु विजि घव फेरिहेस हर हर ।  
चलनस कालुने जालु शम्भू  
सालु व्वलु त्रिजगत पालु शम्भू ।।



### 30. ब्रह्मा, वैष्णु आदिक सॉरिय देवता छि सॅमिथ स्तुति करान

क्यों न करियो दया दया सागरु हरु  
गंगाधरु देवता हैं उदास ।  
क्यों न करियो क्षमा महेश्वरु ईश्वरु  
शिवशंकरु हम हैं उदास ।।

सब बनावट तुम ने बनाया  
समसार का और माया का ।  
उस माया में हम को फंसाया  
शिवशंकरु हम हैं उदास ॥

तुम ने हमें व्यवहार में पाया  
वह माया क्या खुश आया ।  
कुछ नहीं आता है मुझ को लजाया  
शिवशंकरु हम हैं उदास ॥

ईश्वर का भेस तुम ने सजाया  
तुम ने ही हम को भक्त बनाया ।  
किस पर मुख को क्रोध चढाया  
शिवशंकरु हम हैं उदास ॥

तुम ही मन प्राण तुम ही चिन्ता  
तुम ही ईश्वर और आत्मा ।  
झूठ मूठ नाम है हम को देता  
शिवशंकरु हम हैं उदास ॥

तेरे वास्ते कीना घमंडा  
हम ने यूं पाया डंडा ।  
काल कण्ड हुन हो ठण्डा ठण्डा  
शिवशंकरु हम हैं उदास ॥

सब के मन में तेरा बसना  
तद जूं तूं हम को दसना ।  
पहले क्रोध और पीछे हंसना  
शिवशंकरु हम हैं उदास ॥

आप दया और कृपा पर आओ  
आनन्द से दिखलाओ मुंह ।  
इतना इतना मत झंझलाओ  
शिवशंकरु हम हैं उदास ॥

जो कुछ माडा आया हम से  
क्षमा का आसरा है तुम से ।  
हमें छुडा दो दुख और गम से  
शिवशंकरु हम हैं उदास ॥

समसारु मुख से जीता बचादो  
कृष्ण जी को बख्शा दो धैर  
जल्दी शिवलोक में पहुंचा दो  
शिवशंकरु हम हैं उदास ॥



### 31. श्री शिवजी महाराज छु ख्वश सपदिथ दिवताहन कुन वनान

जब उनकी लीला शिवजी ने समझा ।  
हंस हंस के बोला आवो पास ॥

न धन की चाहत और मुझ को  
है लोड मुझ को भक्ति का भाव ।  
दिन दिन इस तरह लीला सुनाओ  
हंस हंस के बोला आवो पास ।।

इच्छा न खाने की पीने की मुझ को  
न यज्ञों पे आने का जाने का शोक ।  
चाहता हूं भक्ति भक्ति बनाओ  
हंस हंस के बोला आवो पास ।।

मेरे मन में रंजिश कहां है  
लेकिन वहां है जहां है न भाव ।  
अब भावना है आनन्द में जाओ  
हंस हंस के बोला आवो पास ।।

कृष्णजी तू शिवजी की लीला गाओ  
ईश्वर करेगा तुम को दया ।  
मन में अलख अलख सजाओ  
हंस हंस के बोला आवो पास ।।



### 32. साँमी कृष्ण जुव राजदान छु भगवान शिवस कुन स्तुति करान

स्वयं हृदय म्योन, तँत्य् च्चु दून्य् ज़ालान ।  
तीज़ु वानु ज्योति रूपु ग्वसान्यो ।।

वैश्वानरु अग्न अन्न छुख च्चु श्रोपरानु  
प्राणु समानु सुत्त्यु बॉगरानो ।  
प्रथ कृनि सॉक्षी तु परमात्मा पानु  
तीजु वानु ज्योति रूपु गोसान्यो ॥

येछि चानि सत्जन च्चै पतु लारानु  
अकि शब्दु सुत्त्यु सूरु मलानो ।  
अँकारु ध्यान वारु धारनायि धारानु  
तीजु वानु ज्योति रूपु गोसान्यो ॥

लीलायव सुत्त्यु मन गोय साविधानु  
आशुतोशि जल छुख कुमलानो ।  
युस यिय मंगिय तस तिय छुख दिवानु  
तीजु वानु ज्योति रूपु गोसान्यो ॥

दीवन दोपुथ कॅह कोनु छिवु मंगानु  
भक्ती भावनायि छुस बु टोठानो ।  
कौरुवोस प्रसन्न सौरवोस येछि पछि सान  
तीजु वानु ज्योति रूपु गोसान्यो ॥

अदु दोपहय तोरु सनम्बख सनिदानु  
शिवनाथु यिय छिय मंगानो ।  
प्रजापत जिन्दु गछि तप जप करि पानु  
तीजु वानु ज्योति रूपु गोसान्यो ॥

नतु पॅतिमी यिय आसन वनानु  
यज्ञ करनस छु नाश बनानो ।  
पथ कुन जप कांहति आसिय नु करानु  
तीजु वानु ज्योति रूपु गोसान्यो ॥

अदु दोपुथख तोरु क्याजि छिवु तम्बलानु  
तिय बनि यिय छिवु वनानो ।  
प्रजापत जिन्दु गछि ध्यान धारि मनु प्रानु  
तीजु वानु ज्योति रूपु गोसान्यो ॥

येमि वॉनियि येलि कोरथक बन्दानु  
प्रजापत छावलि कलु सानो ।  
यज्ञस प्यठ गव शिव शिव करानु  
तीजु वानु ज्योति रूपु गोसान्यो ॥

कृष्णस जालायि रुपु छुख भासानु  
हृदयस मंज दीप प्रजलानो ।  
मोह गटि मंज जॉन्ग् गाश छुख चु हावानु  
तीजु वानु ज्योति रूपु गोसान्यो ॥



33. दक्ष प्रजापत छु भगवान शिवस कुन छावुल्यु बोलि मंज स्तुति करान

दमु दमु शमु नमु प्यमु पायस तय ।  
छुस बेकस तय कर रक्षपाल ॥

शरने गछुहॉ शरवायस तय  
सुय छुय आसुवुन त्रिभुवन सार ।  
वंदुहँस जुव जान वॉलिंज वस तय  
छुस बेकस तय कर रक्षपाल ।।

दीवव येलि दोप शिवनाथस तय  
प्रजापत गछि जिंदु साँपनुन ।  
भक्तन हुंद वाति बोजुन तस तय  
छुस बेकस तय कर रक्षपाल ।।

सूर ओस गोमुत मंज यँज्ञस तय  
दक्ष प्रजापतुनिस शेरस ।  
करनुय ओस तिय कर्ताहस तय  
छुस बेकस तय कर रक्षपाल ।।

छावुला अख ओस तथ समयस तय  
कल चोटुहँस ओस तिय कांछान ।  
नमस्कार बोयनस तस भाग्यवानस तय  
छुस बेकस तय कर रक्षपाल ।।

बोड कर्मिष्ट ओस प्राक् जन्मस तय  
त्रिभुवन सारन कल चोटनस ।  
मुक्त गव परम पदवी दिचनस तय  
छुस बेकस तय कर रक्षपाल ।।



सुय कलु दक्ष प्रजपतियस तय  
लोगनस तु द्युतुनस जीवादान ।  
थोद वैथिथ पकनि लोग प्यठ यज्ञस तय  
छुस बेकस तय कर रक्षपाल ॥

फीर्य फीर्य अँद्य अँद्य परमु शिवस तय  
प्रेदिक्षन दिय दिय लोग वनुने ।  
बख्शुम गोसय मंज मूहस तय  
छुस बेकस तय कर रक्षपाल ॥

हय हय मोह मायायि वोलनस तय  
हय हय क्याह गोम कौरुम युथ कार ।  
राक्षस बोज शर्मन्दु कोरनस तय  
छुस बेकस तय कर रक्षपाल ॥

आकाशि डुलविथ ब्वन वोलनस तय  
पृथवी प्यठ द्युतुनस दौरिथ ।  
कोरुम कर्मन तय तकसीर छु कस तय  
छुस बेकस तय कर रक्षपाल ॥



#### 34. दक्ष प्रजपति छु शर्मन्दु गँछिथ स्तुति करान

जॉन्य गाश मोहने रॉच गँटरोवुम ।  
सिरिथि परजुनोवुम नु रोवुम द्वह ॥

प्रत्यक्ष ऑसिथ कति परजुनोवुम  
मंदिन्यन होवुम रातुकूल्य् पान ।  
स्वरु पखि हमसा कति वुफुनोवुम  
सिरिं परजुनोवुम नु रोवुम द्वह ॥

च्यतुकुय बालुक कति वुजुनोवुम  
सोवुम आदि प्रभातस मंज ।  
मूर्ख बोज मनु मंजलुय अँलरोवुम  
सिरिं परजुनोवुम नु रोवुम द्वह ॥

सूरु मेचि मिलविथ र्युंजा त्रोवुम  
पेचि काना तथ थोवुम सुत्य् ।  
गँजरोवुम मदु होस्ता पोवुम  
सिरिं परजुनोवुम नु रोवुम द्वह ॥



### 35. दक्ष प्रजापति छु वॉरागु स्तुति करान

दमी ड्युंठुम शबनम प्यवान  
दमी ड्युंठुम प्यवान सूर ।  
दमी डींठुम अनिगटु रातस  
दमी ड्युंठुम द्वहस नूर ॥

दमी ओसुस ल्वकुटुय नैचुवा  
दमी सपनुस जवाना पूर ।  
दमी ओसुस फेरान थोरान  
दमी सपनुम दैजिथ सूर ।।

नय रोजि वन्दु तय नय र्यतुकोलुय  
नय बोलि श्रावनु पतु कोस्तूर ।  
नय रोजि खुशी तय नय रोजि मातम  
नय वजि दफ साज संतूर ।।

ओसुस कुनुय सपनुस स्यठाह  
नैजदीक ऑसिथ गोसय दूर ।  
जॉहिर बॉतिन कुनुय ड्युंठुम  
गॉम ख्यथ चथ चुवंजाह चूर ।।

समसारस मंज कुस तान्य् रोजिय  
रोजिय परम शिव शिव अघूर ।  
ल्वले मंज बाग बो ललुनावुन  
जिगरस मंज करस गूरु गूर ।।



### 36. दक्ष प्रजापत छु बेयि वॉरागु रुपी स्तुति करान

निशि अन्त रँस्ति आगरु शम्भू  
न्यर्मल ज़लु गोस खरु शम्भू ।  
नोन गोस मंज़ भवु सरु शम्भू  
सोन पान मोठ मै क्याह करु शम्भू ॥

पानस मंज़ ओस नोन आकाश  
व्यचारु नेत्रन जॉन्य हुंद गाश ।  
मोह वुनरि खोट मै ज़रु ज़रु शम्भू  
सोन पान मोठ मै क्याह करु शम्भू ॥

मोह गटकारु सुत्य् बोज़नु आम  
रातस द्वह प्रभातस शाम ।  
मंदिन्यन लोग मै द्वह दरु शम्भू  
सोन पान मोठ मै क्याह करु शम्भू ॥

क्रेठि वंदुके द्वंदु सुत्य् अंदु वंद  
म्वख आम खटनु गोस यख ज़न बंद ।  
पम्पोश ज़न गोस बरु शम्भू  
सोन पान मोठ मै क्याह करु शम्भू ॥

छुस शिशरगाँठ मनु किन्य् ज़न सख्त  
जीव दयायि रँस्तिस छम नु भक्त ।  
स्वरु रौस्त मा व्यसरु शम्भू  
सोन पान मोठ मै क्याह करु शम्भू ॥

चंचल सपनुम च्यत चंद्रम  
ल्वकटिस मै प्यव नु शबनम ।  
बुजरुक सूर प्योम जरु शम्भू  
सोन पान मोठ मै क्याह करु शम्भू ।।

दुयि हंजि तुरि मै आत्म सिरिं खोट  
ओन बन्यास तोन ऑसिथ गोस मोट ।  
क्रूध कटुकैष्य कौरुस खरु शम्भू  
सोन पान मोठ मै क्याह करु शम्भू ।।

समसारु छानन कौर मै दौर कार  
दारु कनि लोगनम देहुक अंधकार ।  
तुलु कतर्युक लोदुम गरु शम्भू  
सोन पान मोठ मै क्याह करु शम्भू ।।

कोरनम कलि कालुक्य शिशरन  
धौरु छैयि वौरु वुथिचिय नशरन ।  
वुरिथ पान म्चखुचि लरि शम्भू  
सोन पान मोठ मै क्याह करु शम्भू ।।

ममतायि त्रियि कोरनस खानुदार  
विषय भूगन कुन दोपनम लार ।  
गरु अछ लूभुकि बरु शम्भू  
सोन पान मोठ मै क्याह करु शम्भू ।।

यँद्रय शुर्य छिय ताबेदार  
दार्यव कनि छिय वँथ्य नव द्वार ।  
वुछ हवा कर हवस खरु शम्भू  
सोन पान मोठ मै क्याह करु शम्भू ।।

तृष्णा थँव मै खँदमतगार  
छोह दिथ रात द्वह गरु कुन सार ।  
लूटिथ पनुन्य् व्वपर शम्भू  
सोन पान मोठ मै क्याह करु शम्भू ।।

ज्योन मरुन मँशराव स्वखुसान बेह  
शिशरस मंज यख त्रेशा चे ।  
युथ गरु छुय आश्चरु शम्भू  
सोन पान मोठ मै क्याह करु शम्भू ।।

बूजिथ यिथिसुय गरुसुय मंज गोस  
यँच काँल्य् होशस प्योस, काँप्योस ।  
तुरि हुंज छम थरु थरु शम्भू  
सोन पान मोठ मै क्याह करु शम्भू ।।

न्यर्मलु नेष्कलु नेष्कामय  
छिस बसंत रंगु वँल्य्मुत्य् जामय ।  
पदमु नाभु पीताम्बरु शम्भू  
सोन पान मोठ मै क्याह करु शम्भू ।।

अमृत वर्षनु सूत्य् चाने  
यियि दज़िमुच्चि हियि थरि म्याने ।  
बामुन श्यामु स्वंदर शम्भू  
सोन पान मोठ मे क्याह करु शम्भू ।।

नोन नेरि आत्म सिर्यिक प्रकाश  
मोह किस कटुकंशिसुय करि नाश ।  
आकाश वुछ ज़रु ज़रु शम्भू  
सोन पान मोठ मे क्याह करु शम्भू ।।

ज़ालायि रुपु ज्योति स्वरूपु यिम  
सिर्यि ह्यु प्रत्यक्ष दरशोन दिम ।  
चानि तापु तेज़ु कति दरु शम्भू  
सोन पान मोठ मे क्याह करु शम्भू ।।

नय रोज़ि कटुकोश नय सर्दी  
बेयि साँपनु यिय ओसुस तिय ।  
न्यर्मल ज़ल भवु सरु शम्भू  
सोन पान मोठ मे क्याह करु शम्भू ।।

कृष्णस सिर्यि रूप हावि ग्वसोन्य्  
शिनि मंज़ वुछि हे निरा पोन्य् ।  
सरु गव कॅर्य कॅर्य सरु शम्भू  
सोन पान मोठ मे क्याह करु शम्भू ।।



### 37. दक्ष प्रजापतुन्य् स्तुति बूजिथ छु भगवान शिव प्रसन्न सपदान

भक्ती भावनायि किन्य् छुस दस्त बस्तय ।  
ज्यव छम नु परुहॉ चॉन्य् लीला ।  
छावुल्य् ज्यव छम मंदछान छुस तय  
छुस बेकस तय कर रक्षपाल ।।

छावुल्य् बोलि यैलि यिय वौनुनस तय  
प्रसन्न गव असनि लोग शिवशंकर  
बूज्य् बूज्य् वनुनि लोग ब्रह्माहस तय ।  
छुस बेकस तय कर रक्षपाल ।।

हे ब्रह्माजी, ख्वश गछुस तय  
यिहॉय बूल्य् पूजायि प्यठ कांछा ।  
युस परि जल जल प्रसन्न गछस तय  
छुस बेकस तय कर रक्षपाल ।।

अद्गलमुदरी नाव थोवहस तय  
यिहॉय बूल्य् युथ परि प्रथ कांछा ।  
शिवजी पानु बोजनि यियस तय  
छुस बेकस तय कर रक्षपाल ।।

प्रजापतुनुय नीलकण्ठस तय  
छावलि बोलि वॅन्य् यिय लीला ।  
प्रसन्न गोस गॅछितन त्युथ कृष्णस तय  
छुस बेकस तय कर रक्षपाल ।।



### 38. दक्ष प्रजापत छु प्रेयम् सुत्य् स्तुति करान

कोफूर्य अंगु सफेद रंगु ।  
लगयो गंगु जटॉनुय ॥

छुनमुत छुय चै वासुक हटि  
रछुन मटि छुय सोनुय ।  
आश छम गाश अन मंज गटि  
लगयो गंगु जटॉनुय ॥

परम ब्रह्म हे कीवल  
छावुल्य कलु लोगुथ मै ।  
चाने सुत्य् व्वन्य् बेयि बलु  
लगयो गंगु जटॉनुय ॥

हे परमु शिवु परमानन्दु  
बो चैय वन्दु पनुनुय पान ।  
मै ज़ोनुख नु छुस शरमंदु  
लगयो गंगु जटॉनुय ॥

न्यराकारु न्यरन्जनु  
त्रियलोचनु छुख सोरुय ।  
आनन्दु घनु वृष्भासनु  
लगयो गंगु जटॉनुय ॥

दयावानु शंकरशनु  
साविधान मनु दारय ध्यान ।  
युथ ओसुस त्युथ बेयि बन  
लगयो गंगु जटॉनुय ॥

प्रथ बालु बालु प्रथ वनु वनु  
सनातनु छारथ बो ।  
चुय छुख धार, चुय छुख धनु  
लगयो गंगु जटॉनुय ॥

पीताम्बरु आत्मु दीवु  
महादेवु गोसान्यो ।  
घन रात चॉन्य् करयो सीवु  
लगयो गंगु जटॉनुय ॥

यछा कुलि त्रियग्वणु म्यवु  
च्यथ आकाशि शबनमु सुत्य् ।  
तथ मंजु ब्यॉल्फु फोल छुख शिवु  
लगयो गंगु जटॉनुय ॥

सुय ब्यॉल्फु फोल छु सूक्षम दानु  
कुल ह्यथ लंगव लंजव सान ।  
येति तति वॉतिथ छुख पानु  
लगयो गंगु जटॉनुय ॥

बोजनु आख च् जु जॉन्य ज्ञानु  
अमि येमि सान सोरुय ह्यथ ।  
धारनायि वारु धारथ ध्यानु  
लगयो गंगु जटॉनुय ॥

सिद्धय साधु सूरय मति  
उमापति छुख नॅजदीख ।  
चराचरु छांडथ कति  
लगयो गंगु जटॉनुय ॥

द्वह लोग दरु स्यमंज स्वथि  
अश्वद्ध वासनायि सुत्य् ।  
प्रारान छुस बो यिम निम वति  
लगयो गंगु जटॉनुय ॥

भैरवनाथु महाकालु  
स्मरनि चानि निशि गोस दूर ।  
तवय छुस बो येमिय हालु  
लगयो गंगु जटॉनुय ॥

आसतम ख्वश कासतम जालु  
हे भूलबालु दया कर ।  
करयो लोलु पोशन मालु  
लगयो गंगु जटॉनुय ॥

मारय लोलु स्वर तय तालु  
यितम सालु यज्ञस प्यठ ।  
ख्यतम खिर खंड थालु थालु  
लगयो गंगु जटॉनुय ॥

अँगनु म्वखु जटाधरु  
अँगनु वँत्र अँगनस मंज ।  
हुमय च्नु ख्यम शिवशंकरु  
लगयो गंगु जटॉनुय ॥

जालय कँठुगनुचे म्वछि  
रत्नदीपु धूपय सान ।  
प्रेयम सुत्त्य ह्यमथ क्वछि  
लगयो गंगु जटॉनुय ॥

दितम ज्यव तु लीला परु  
पँश्य भावनायि निशि रछतम ।  
येति योर व्वन्य् करु हरु हरु  
लगयो गंगु जटॉनुय ॥

ओसुस वारु खौतुम क्रूध  
येति योर रूद च्यतस मै ।  
क्रूध निशि कँह द्राम नो सूद  
लगयो गंगु जटॉनुय ॥

दयावानु, हे बडि दयि  
मृत्युंजयि दया कर ।  
बोजनु आख मंज न्यर्नयि नयि  
लगयो गंगु जटौनुय ॥

यितम गरु महीश्वरु  
मनस धारु चोनुय ध्यान ।  
प्रेय मे चानि पूजा करु  
लगयो गंगु जटौनुय ॥

चरन चॉन्य दिगम्बरु  
रटुहॉ हरु मनस मंज ।  
लबुहॉ तार येमि भवसरु  
लगयो गंगु जटौनुय ॥

साधन हुंदि हा सत्संगु  
सतुच मेति करतम लय ।  
समसारन बो औनुनस टंगु  
लगयो गंगु जटौनुय ॥

कृष्णस चाव ध्यानुच भंगु  
स्मरनि सुत्य् करुन मस्त ।  
त्युथुय युथ गछि दबंगु  
लगयो गंगु जटौनुय ॥



### 39. भगवान शंकर छु प्रसन्न गँछिथ दक्ष प्रजापतस अथि दुबारु यज्ञ करनावान

राजुन वँन्यु येलि लीला स्वंदर ।  
प्रसन्न साँपुन शिव शंकर ॥

यँज्ञस प्यठ गँयि सँमिथ साँरिय  
नँमिथ कँरहँस जँरिये ।  
शिवु ध्यान दोरुख हृदयस अंदर  
प्रसन्न साँपुन शिव शंकर ॥

लाखों सुगन्धी अग्न में पाया  
साविधान करवाया जगत्नाथ ।  
त्रयलोकीनाथ ईश्वर परमेश्वर  
प्रसन्न साँपुन शिव शंकर ॥

होम करवाया दक्षन का राजा  
घण्टा शंख और बाजे के नाल ।  
तृप्त गँय दिवता ख्वश गव ईश्वर  
प्रसन्न साँपुन शिव शंकर ॥

कूफ हट के सिद्ध गयी मन की चिन्ता  
अग्न से जग पुरुश निकला ।  
शिवजी के पास आया नन्दकेश्वर  
प्रसन्न साँपुन शिव शंकर ॥

अर्ज करता हूं त्रभवन सारा  
जाने का वेला है नज़दीक जब ।  
सब को रुखसत करना है बेहतर  
प्रसन्न साँपुन शिव शंकर ॥

महादेव ने तब यह फरमाया  
सब के सब जाओ आनन्द नाल ।  
जाते हैं हम भी कैलास ऊपर  
प्रसन्न साँपुन शिव शंकर ॥

दुख छोड के रख आनन्द नालुय  
कृष्णजी को रक्षपालुय कर ।  
दिखलाओ रूप अपना उसको दिगम्बर  
प्रसन्न साँपुन शिव शंकर ॥



#### 40. यज्ञ गव समाप्त तु नारदजी वोत सेतारु ह्यथ

जग येति म्वकृत्याव वारु तु कारय ।  
नारुद वोत सेतारय ह्यथ ॥

दोपनस अर्ज छुम हे निराकारय  
गँछिव स्वखु सान काँलासस ।  
वनु हॉ बोज़तम श्रुकु हँनु तारय  
नारुद वोत सेतारय ह्यथ ॥

शिवनाथ साँपुन वृषभ सर्वोरी  
फीरिथ वनुनि लोग नारदस कुन ।  
सामवीदुक्क वन श्रुख वारु वारय  
नारुद वोत सेतारय ह्यथ ॥

यिछ वॅन्यजि वॉनी बो कन दारय  
भक्ती भावनाये प्रेयमय सान ।  
दोपनस बोजुम त्रिभुवन सारय  
नारुद वोत सेतारय ह्यथ ॥

यथ वॉनियि मंज बोज ज़ारु पारय  
भस्माधारय कृष्णस च्यय ।  
रुप हावुस मुचरिथ नव द्वारय  
नारुद वोत सेतारय ह्यथ ॥



#### 41. नारद जी छु ग्यवान

जगत नाथ जग से किनारे गयो रे ।  
किनारे गयो रे, कोहसार गयो रे ॥

माया छोड के उजार गयो रे  
उजार गयो रे पहाड गयो रे ।  
वृषभ के ऊपर सवार गयो रे  
सवार गयो रे, सर्व सार गयो रे ॥



देखने बाग और बहार गयो रे  
अमर नाथ के गार में गयो रे ।  
कश्मीर के शालमार को गयो रे  
कोन कोन कारोबार करने गयो रे ॥

वखरा किस के नाल गयो रे  
चित् आकाश और पाताल गयो रे ।  
महवि नगमु और ताल गयो रे  
आसपास हरमुख वास गयो रे ॥

अरे जोगी सन्यास गयो रे  
रक्षपाल करने हिमाल को गयो रे ।  
मुक्त करने कृष्ण दास को गयो रे  
दर्शन उस को देने गयो रे ॥



#### 42. नारद छु बेयि प्रेयमु सुत्य् ग्यवान तु प्रारथना करान

सेतारु स्वर गोय कनुनुय कनुनुय ।  
वनुनुय छुसय विलु ज़ारो लो लो ॥

नीरिथ गोख मंज़ जंगलन तु वनुनुय  
वृष्णस सपनुख सवारो लो लो ।  
दर्शनु चान्युक छुस तलबगारो  
वनुनुय छुसय वीलु ज़ारो लो लो ॥

द्वह खोतु द्वह छुम लोल चोन गनुनुय  
त्राँवथम कोत रफतारो लो लो ।  
खोटथम पान तय रोटथम गारो  
वनुनुय छुसय वील ज़ारो लो लो ।।

भक्ती बाग पननुय रुत छुम ननुनुय  
डेशथ बेयि दुबारो लो लो ।  
हीमालु सुंदि गरि छुय व्यवाह कारो  
वनुनुय छुसय वील ज़ारो लो लो ।।

कम कम भोजन च़ेय कित्य् रनुनुय  
सालु यितु गंगाधारो लो लो ।  
वँरिथुय निहँन तति राज़ु क्वमारो  
वनुनुय छुसय वील ज़ारो लो लो ।।

तथ खांदरस मेति छ़ाँडिथ अननुय  
डेशथ त्रिभुवन सारो लो लो ।  
तति बोज़नावथ बेयि सेतारो  
वनुनुय छुसय वील ज़ारो लो लो ।।

मनु चे वाजे नाव चोन खनुनुय  
वीनायि सुत्त्य् हा नामदारो लो लो ।  
मोहरु चानि मानन छु सोर समसारो  
वनुनुय छुसय वील ज़ारो लो लो ।।

शाप छिम तनुनुय पाप छिम छनुनुय  
आंफ छम व्वन्य् कूत प्रारो लो लो ।  
तार दिम भवसरु करुनावतारो  
वनुनुय छुसय वील ज़ारो लो लो ।।

गरि गरि दरशोन चोम छुम बननुय  
हृदयस मंज़ कोत लारो लो लो ।  
यितु व्वन्य् सनम्वख साक्षातकारो  
वनुनुय छुसय वील ज़ारो लो लो ।।

कृष्ण लागि पॉर्य पॉर्य चान्यन ग्वणुनुय  
छ्यतु कर तस नरक नारो लो लो ।  
येति योर यियनय तसुंदुय आरो  
वनुनुय छुसय वील ज़ारो लो लो ।।



**दक्ष प्रजापत वृतान्त गव समाप्त**

गुरु ब्रह्मा गुरु विष्णु गुरु साक्षात महेश्वरः  
गुरुरेव जगत सर्व तस्मैश्री गुरुवे नमः

**ॐ शान्ति शान्ति शान्ति**



हीमाल राज़ पर्वतराज़ुन इतिहास  
प्रेयमु तु भक्ती भँस्थि वार्ता तु श्री शिव पार्वती व्यावाहुक आरम्भ

43. ग्वडनी छु भक्तराज श्री कृष्णजी राजदान भगवानस कुन स्तुति करान

सदाशिव सॉमियो छुख ज़गि पालन ।  
सदाशिव सॉमियो छुख पाप गालन । ।

सदाशिव सॉमियो छुख स्वर्ग दावन  
सदाशिव सॉमियो छुख म्वकृलावन ।  
अपुज़ पोज़ सोन छुख सोरुय च़ु च़ालन  
सदाशिव सॉमियो छुख पाप गालन । ।

करन छुख चारु लाचारन तु खारन  
वेषुणु सुंदि रुपु छुख अवतार धारन ।  
स्यठाहन अन्धकारय निशि वालन  
सदाशिव सॉमियो छुख पाप गालन । ।

स्यठाहन ना व्वमेदन आश थावन  
स्यठाहन गटि मंज़य गाश हावन ।  
अगनु म्वखु सुत्पु पापन छुख च़ु गालन  
सदाशिव सॉमियो छुख पाप गालन । ।

चु छुख मायायि रूजिथ अन्दु कने  
तमाशा छुख वुछान अथ क्याह बने ।  
तवय छुख छोह दिवान कोहन तु बालन  
सदाशिव सॉमियो छुख पाप गालन ।।

अगर कांह वुमरि मंज करि अन्तु रँस्य पाप  
अकिय शिवनावु सुती तस गछिय माफ ।  
क्वकर्म नहॉविथ ड्यकस छुख अथ डालान  
सदाशिव सॉमियो छुख पाप गालन ।।

तिछुय ब्बद्ध दितु युथ असि गम चली दूर  
गुहुन कासख वुछथ ज़न चँद्रमु पूर ।  
वॅलिन समसारुके मायायि ज़ालन  
सदाशिव सॉमियो छुख पाप गालन ।।

छे कॅरमुच असि पथ कुन करमु हानुय  
पॅत्युम पथ त्राव नॅव नॅवराव ज़ानुय ।  
नॅविस रछ व्वन्य् मु वुछ पॅतिम्यन मलालन  
सदाशिव सॉमियो छुख पाप गालन ।।

सॅती मातायि हुंदुय छुय प्रेयम जान  
अकिय कथि चानि बापथ ज़ोल तमि पान ।  
स्वकरमुय ओस कौरमुत हीयमालन  
सदाशिव सॉमियो छुख पाप गालन ।।



## 44. कथायि हुंद आरम्भ

### 'शिवलग्न'

कर्मवान हियमाल ओस बोड दयावान ।  
मनस मंज़ ओस धारान शिवु सुंद ध्यान ॥

बोडुय राज़ाह जहानुक ओस अफसर  
स्यठाह ऑसिस जवॉहिर लाल गौहर ।  
सेद्यन सादन दिवान ओस न्यथ् धर्म दान  
मनस मंज़ ओस धारान शिवु सुंद ध्यान ॥

करान ओस ईश्वरस कुन ज़ारु पारु  
दपान ओसुस चु करतम म्योन चारु ।  
मनस छुम द्वख स्यठाह केंह छुम नु संतान  
मनस मंज़ ओस धारान शिवु सुंद ध्यान ॥

स्यठाह छुम मालु दौलत गंजु गौहर  
स्यठाह असबाब स्वन र्वफ ज़र तु ज़ेवर ।  
शुराह छुम नु योहय छुम सख्त अर्मान  
मनस मंज़ ओस धारान शिवु सुंद ध्यान ॥

सँती माता गँयस ख्वश बानु ओसुस  
यिथिस राज़स निशे युन पानु ओसुस ।  
जन्म ह्योतुन तँमिस निशि गव स्यठाह जान  
मनस मंज़ ओस धारान शिवु सुंद ध्यान ॥

तिष्ठय कूराह तँमिस निशि यैलि ज़ाये  
स्यद्ध लक्ष्मी स्योदुय तस गरु चाये ।  
यिथिस भाग्यवानस सुत्पु कुस करिय मान  
मनस मंज़ ओस धारान शिवु सुंद ध्यान ।।

त्रिकूटी देवता छिय आसुवुन्पु यिम  
स्यठाह ऑसुख श्रधा तँम्पुसुंद गरु तिम ।  
तसुंदि दर्शनु बापथ आयि लारान  
मनस मंज़ ओस धारान शिवु सुंद ध्यान ।।

कलन छम ज़्यव तसुंदि तेजुक वनय क्याह  
करान ऑस्यु दीवता गन्धर्व वाह वाह ।  
सिरिं चँद्रमु खोतु ऑसुय स्व शूभान  
मनस मंज़ ओस धारान शिवु सुंद ध्यान ।।

वुछिथ परम शक्ती हुन्दुय ध्यान धौरिथ  
तिमव गौरी थोवुख तस नाव चौरिथ ।  
स्वंदरमाला स्यठाह क्याह ऑस ज़ोतान  
मनस मंज़ ओस धारान शिवु सुंद ध्यान ।।

वनय कोताह द्वधुय नाबद सुती  
रछान तस ऑस्यु खँदमतगार कृती ।  
बबस तय माजि ऑसुय टॉठ ज़न प्राण  
मनस मंज़ ओस धारान शिवु सुंद ध्यान ।।

रछान आसय स्यठाह तस च्वंजु दाये  
रछनु आये सतन मंज यान्य् चाये ।  
सदाशिव याद प्योस ऑसुस पॅतिम ज्ञान  
मनस मंज ओस धारान शिवु सुंद ध्यान ॥

सुती ऑस मॅशरावन मॉज तय मोल  
गन्योमुत ओस तस शिवनाथु सुंद लोल ।  
प्रेयमु सुत्त्य् ड्यक् लॉनिस द्रायि छारान  
मनस मंज ओस धारान शिवु सुंद ध्यान ॥

शिवु सुंद ध्यान धारिथ स्वय मनस मंज  
ह्यवान पय वॅन्य् दिवान द्राये वनस मंज ।  
तिथय पॉट्य शिवलीला ऑस वनान  
मनस मंज ओस धारान शिवु सुंद ध्यान ॥



#### 45. वनस मंज वॉतिथ छे गौरी (पार्वती) शिवस कुन प्रार्थना करान

यिमय पतु दिमयो नाद ।  
क्यथो याद मे प्योहम ॥

च्युय छुख जपु यञ्जुक जप  
च्युय छुख तपु वनुक तप ।  
च्युय छुख साधन हुंद साध  
क्यथो याद मे प्योहम ॥



चुय छुख योगियन हुंद योग  
चुय छुख प्राणियन हुंद प्राण ।  
चुय छुख सतुकुय सम्वाद  
क्यथो याद मे प्योहम ॥

चुय छुख डखु चुय छुख नखु  
चुय छुख दूर चुय नैजदीख ।  
चुय छुख सारिनुय हुंद आद  
क्यथो याद मे प्योहम ॥

चुय छुख द्वख, चुय छुख स्वख  
चुय छुख परमु आनन्द म्ख ।  
चुय छुख कम चुय छुख ज्याद  
क्यथो याद मे प्योहम ॥

चुय छुख साधन हुंद संग  
चाने तनि सफेद रंग ।  
पम्पोश हिव्य् छिय चॉन्य् पाद  
क्यथो याद मे प्योहम ॥

वीदन मंजु छुख सामवीद  
दीवन मंजु यँद्र राजु ।  
दैत्यन मंजु छुख प्रहलाद  
क्यथो याद मे प्योहम ॥

रजोग्वणु छुख ब्रह्मा  
सतोग्वणु वेष्णु भगवान् ।  
तमोग्वणु गालान व्याध  
क्यथो याद मे प्योहम ॥

धर्मचि लरि कर्मकि बरु  
चाने सुत्त्य् अचुन छुम ।  
चु छुख कन चुय बुनियाद  
क्यथो याद मे प्योहम ॥

येम्पु युस ज़ोन, सुय तँम्पु मोन  
चुय छुख म्योन कर्मयलोन ।  
वनय चे बो लानिन्यु वाद  
क्यथो याद मे प्योहम ॥

लोलुन साज़ प्रेयमुक बंगु  
वायय बोज़ दमा रोज़ ।  
यितम यूर्य दितम दाद  
क्यथो याद मे प्योहम ॥

कृष्ण धारनावुन ध्यान  
सुय ध्यान यथ वँन्यु ब्रह्मज्ञान ।  
ह्यथ शिवराग दिथ समाध  
क्यथो याद मे प्योहम ॥

संकल्प त्रावि रटि मन प्राण  
वासना गालि दियि समाध ।  
चानि दयायि प्रावि बिन्द नाद  
क्यथो याद मे प्योहम ॥



#### 46. प्रार्थना

ढूढा ढूढा घर से निकला ।  
डाला डाला जंगल में मुझको ॥

जिसके तन को चिटा रंगा  
नंगे सिर से बहती है गंगा ।  
जो है वृषभ को चढने वाला  
डाला डाला जंगल में मुझको ॥

जिस ने रूप अपना साधू बनाया  
साधू बन के भस्मा चढाया ।  
जिस के कंठे में नागों की माला  
डाला डाला जंगल में मुझको ॥

जिस के माथे पे चन्द्रमा लगाया  
हाथों त्रिशूल और पद्म पाया ।  
बांधा कंधे पर मृग छाला  
डाला डाला जंगल में मुझको ॥

जोन सा मुंह को भभूत मलता  
जोगी बन के बन बन चलता ।  
जो है माया से अलग निराला  
डाला डाला जंगल में मुझको ।।

जिनकी जटा में कका सारा  
दांतों हंसते हैं नभ की तारा ।  
आंखें काला थोडा सा लाला  
डाला डाला जंगल में मुझको ।।

कानों मुन्दरा सूरत ऐसा  
आवे कहने में ऐसा न जैसा ।  
करने वाला जगत रक्षपाला  
डाला डाला जंगल में मुझको ।।

जोन से मुंह से मीठा बोलता  
मीठा बोल के शकर खोलता ।  
जिस का कहना है अमृत का प्याला  
डाला डाला जंगल में मुझको ।।

ऐसा मगन और होशियार होता  
होता होता कभी न सोता ।  
सिद्धा साधा भोला बाला  
डाला डाला जंगल में मुझको ।।

जिस का सम है देना न देना  
एक ही कीमत मिटी और सोना ।  
भोजपत्र और जोरा दुशाला  
डाला डाला जंगल में मुझको ॥

जिस का नाम है परमेश्वर हर  
जिस का नाम है शंकर ईश्वर ।  
महादेव और महाकाला  
डाला डाला जंगल में मुझको ॥

जिसका हृदय में बसना लसना  
सुंदर मुख से हंसना हंसना ।  
जिस के ध्यान ने पापों से टाला  
डाला डाला जंगल में मुझको ॥

कृष्णजी को दर्शन देवे  
दर्शन देके शिवलोक में लेवे ।  
उसका प्रेयम है सब से दुबाला  
डाला डाला जंगल में मुझको ॥



#### 47. श्री पार्वती माता छे शिवस सुत्य् पनुन्य् ज्ञान करान

दया कर मै दयावानु ।  
बो छस पानु दयालू ॥

चु छुख ड्यकु प्यटुक टिकु  
बो छस बुथि प्यटुक तीज ।  
ड्यकस टिकु छुय मेलानु  
बो छस पानु दयालू ।।

चु आकाश बो बुतराथ  
चु छुख द्वह बो छस रात ।  
चु छुख दौन, बो छस दानु  
बो छस पानु दयालू ।।

चु छुख पोशुनूला जान  
बो छस आरुवल शूभान ।  
अकिय रंगु छिय आसानु  
बो छस पानु दयालू ।।

बो छस कार्तिकुन्यु जून  
स्यटाह ख्वश तय मौजून ।  
वहिकुकि सिरिं छुख ज़ोतान  
बो छस पानु दयालू ।।

बो छस स्येज तु चु छुख सादु  
अकिय नादु सुत्यन यिम ।  
मोसूम छस बो क्याह ज़ानु  
बो छस पानु दयालू ।।

चुय छुख त्रेयलूकुक राजु  
बो छस राजुरेन्य् चै सुत्य ।  
चैय ह्यु कुस छु बो सुय ज़ानु  
बो छस पानु दयालू ॥

चुय छुख आत्म बो छस प्राण  
अँकिस जायि सुत्य् मेलान ।  
चुय अमृत बो छस बानु  
बो छस पानु दयालू ॥

चु छुख ज़पु मालि हुंघ फँल्य्  
बु छस पन तथ तँल्य् तँल्य् ।  
पनु सुत्य् मालु छिय ज़पानु  
बो छस पानु दयालू ॥

चु छुख वृषि मंज़ चँद्रम  
स्यठाह ख्वश तु कुन्युक नु गम ।  
रोहिन छस बु क्याह शूभानु  
बो छस पानु दयालू ॥

मेषे हुंदि सिरिं भगवानु  
ख्वश आसानु छुख तथ मंज़ ।  
मेषि मंज़ छु क्याह यारानु  
बो छस पानु दयालू ॥

मकरे हृदि हा भोम देवु  
चॉनिय सीव करुहॉय न्यथ ।  
युथ रुत छुनु कांह मकानु  
बो छस पानु दयालू ॥

कुम्भे हृदि प्रेयमकि ब्वद्ध  
रछथ द्वधु नाबदु सुत्य ।  
जल यिम लूख छिम गेलानु  
बो छस पानु दयालू ॥

कर्कटि हृदि बृहस्पतु  
छस बो ति येति च्युय छारान ।  
ज्योतिश रुत छिय गँजरानु  
बो छस पानु दयालू ॥

मीनि हृदि शोक्रु मन साविधानु  
प्रसन्न पानु करतम मे ।  
मनुक सिर छसय भावानु  
बो छस पानु दयालू ॥

तोले हृदि शनिश्चरु  
उश्चुक गरु पनुन छुय ।  
छांडथ वारु धारिथ ध्यान  
बो छस पानु दयालू ॥



मिथुनी मंज ख्वश छुख राह  
बडि पादशाह सुख फोज ह्यथ ।  
संकटा दशा छुख कासानु  
बो छस पानु दयालू ।।

सिंहमे हुंदि हर्षुकि कीतु  
यमु भयि निशि म्वकलावतम ।  
छसय स्वख तु द्वख पुशरानु  
बो छस पानु दयालू ।।

सावित्री हुंदि ब्रह्मा जियि  
चोनुय रूप मे दियि स्वख ।  
दरशोन हाव छसय छारानु  
बो छस पानु दयालू ।।

लक्ष्मी हुंदि नारायनु  
गँयस मनु शरन चे  
च्युय छुख भाव सुत्त्य् टोठानु  
बो छस पानु दयालू ।।

पार्वती हुंदि परमीश्वरु  
यितम गरु पनुन छुय ।  
हृदयस मंज छु चोनुय थानु  
बो छस पानु दयालू ।।

ईश्वरु कोनु छुख यिवानु  
दरशोन कोनु छुख दविान ।  
संगदिल छुख नु छुख लागानु  
बो छस पानु दयालू ॥

पालना म्यॉन्य् छुख करानु  
बो छस चॉन्य् सीवाकार ।  
कृष्णस टोठ बडि भगवानु  
बो छस पानु दयालू ॥

ग्रँहघन मंजु छुख सनिदानु  
ग्रुहघ बल च्यु तँमिस कास ।  
लूकन मंजु छुय मंदछानु  
बो छस पानु दयालू ॥



48. वनस मंजु दीवियि हुन्द तप करुन तु दीवियि हुंद तु वनुक हाल

यिथय पॉट्य शिवु लीला लँज वनॉने ।  
वनान वनान सदा शिव लँज बनॉने ॥

तिछुय गँयि मस्त रूदुस नु कुन्चुक होश ।  
फोलिय तथ लोलु सरसुय प्रेयमु पम्पोश ॥

शिवुय साँपुन्य् द्युतुन शिवनाथसुय दिल ।  
पनुनि पानुच खबर रूजुस नु बिलकुल ॥

वनस मंज छौह दिवान आँस रूस्यकँट ज़न ।  
शरन गँयि ईश्वरस पुशरिथ तनोमन ॥

वनय क्याह तथ वनस आँस्य् धन भागुय ।  
येते माता भवौनी भक्त लॉजिय ॥

सु जंगल ओस कोताह कर्मवानुय ।  
येते होव भगवत मायायि पानुय ॥

वनय क्याह तमि बुतराँच परमुगत प्रॉव ।  
येमिस प्यठ माजि भवाने कदम त्रोव ॥

वनय क्याह आँस्य् यिम कुल्य् इसतादु ।  
लोबुख पारिजातु खोतु कदुर ज़्यादु ॥

तिमन कुल्यन यिमन आँस्य् फोल्मुती पोश ।  
सपुन्य् तुलसी तिमन डीशिथ ति बेहोश ॥

वसाँवनि आसु पानिचि नँहरु क्याह ख्वश ।  
वुछिथ मोदर्यर तिहुंद गव नाबदस गश ॥

सब्ज युस व्वथुरोवुन पादनुय द्वन ।  
सपुन मखमल प्रज़लवुन आँयिनु ज़न ॥

हवा कस्तूर नाफ़ ज़न मुश्क दार ।  
स्योदुय आकाश प्यटु वॅछ अमृतुच धार ॥

सॅमिथ जानवर करान ऑस्य् बोलबाशे ।  
वनान ऑस्य् शिवशंकर अविनाशे ॥

ग्यवान आसु बागनुय मंज़ कुकिल कू कू ।  
मॅलिथ भस्मा वनान आसु शिव शम्भू ॥

सॅमिथ कुमरी प्रेयमु सुत्यन वनान ऑस्य् ।  
चै छुय वासुक हटे असि लोलुनिय फाँस्य् ॥

हवा सुत्यन वनान ओस पन कुल्यन हुंद ।  
करान छुस नालुमौत छुम लोल तॅम्यसुंद ॥

वनान ओस पोन्ग् जोयन हुंद शिवुय शिव ।  
रटन शिवजी तवय छम त्रॉवमुच़ दव ॥

सॅमिथ सॉरिय वनान ऑस्य् ही भवॉनी ।  
चु छख शिव शक्ती रुप अँस्य् भक्त चॉनी ॥

करनि आय दीव दीवी हुन्द दरशोन ।  
कोरुख आकाशि प्यटु तस पोशि वरशोन ॥

नज़र त्रॉवुन वुछुन अख नागु रादाह ।  
वॅसिथ तथ मंज़ दिचुन लोलुन्य् समाधा ॥

पॅरुन लीला स्यठाह ख्वश शाद साँपुन्य् ।  
प्रेयमु सुत्य् शिवनाथस याद साँपुन्य् ॥



#### 49. शिवु सुंद श्वभ दरशोन मेलनु बापथ छे श्री पार्वती जी प्रार्थना करान

वेलु वोत मेलनुक दरशोन मे हाव ।  
प्रेयमय सरुकिय पम्पोश छाव ॥

अद्धैत रुपु छुख कुनुय आसुवुन  
अकि ज्योति रुपु सुत्य् न्यथ भासुवुन ।  
कुनुय छुख तवय छुय कीवल नाव  
प्रेयमय सरुकिय पम्पोश छाव ॥

द्वयि लक्षनु छुख शिव शक्ती रुपु  
दुय त्रॉविथ छुख प्रजलान दुप ।  
द्वयि हुंदि दयि छुय रुत स्वभाव  
प्रेयमय सरुकिय पम्पोश छाव ॥

त्रैयलोक नाथु छुख त्रिभुवन सार  
त्रैयि ग्वणु सुत्यन करान व्यवहार ।  
त्रिनेत्र धारवुनि नजराह त्राव  
प्रेयमय सरुकिय पम्पोश छाव ॥

चतुरब्ज वॉतिथ छुख च्वापोर  
च्वन तरफन ह्यथ अवस्थायि चोर ।  
च्वन वीदन मंज चोन भक्ती भाव  
प्रेयमय सरुकिय पम्पोश छाव ॥

पांचु म्खु आसवुन छुख शिवजी  
पांचन प्राणन प्रेरक च्युय ।  
यैमि पंचतरनि तार अन धर्म नाव  
प्रेयमय सरुकिय पम्पोश छाव ॥

शयि शयि छारथ छुम चोन लोल  
शे म्खस कुमार जियिनुय छुख मोल ।  
षडक्षर नाव चोन अवषद्ध द्राव  
प्रेयमय सरुकिय पम्पोश छाव ॥

सत्संग साधुनुय हुंद सत रूप  
सत्यवॉदी छुख प्रजलान दीप ।  
सत् सदाशिव सतुचिय वथ मे हाव  
प्रेयमय सरुकिय पम्पोश छाव ॥

अष्ट स्यंज सुत्य् छय कर वपाय  
अष्टदलु हृदयस मंज चॉन्य् जाय ।  
इष्ट वेष्णु छुख मूक्षी दाव  
प्रेयमय सरुकिय पम्पोश छाव ॥

नँव्युम गरु धर्मुक छु चोनुय थान  
नवद्वार त्रौपरिथ रटु मन तु प्राण ।  
नव निधान बँर्य बँर्य छिय त्राव त्राव  
प्रेयमय सरुकिय पम्पोश छाव ॥

दश भुजु नाव चोन भुजगेंद्र हार  
दँहन दिशायन हुंद छुख च़ु सार ।  
दँहन इन्द्रयनु नुय मैति शुमराव  
प्रेयमय सरुकिय पम्पोश छाव ॥

एकादशि रूद्र चॉन्य् भक्ती छिय  
त्युथुय कर युथ परजुनावोथ च़ुय ।  
अदु कति रावि असि काहन गाव  
प्रेयमय सरुकिय पम्पोश छाव ॥

बाहन बुर्जन मंजु चोन व्यवहार  
बाहन यँज्ञन मंजु चोन व्यस्तार ।  
बाहन सिर्यिन चोन तीजु नौन द्राव  
प्रेयमय सरुकिय पम्पोश छाव ॥

हेरच़ त्रुवुश हुंद छुख रुत फल  
रात द्यन मै ऑसिन चॉनिय कल ।  
त्रयोदशि सिर्यि आत्मु तीरथु मनु द्राव  
प्रेयमय सरुकिय पम्पोश छाव ॥

च्वदाह रत्न द्राख चय ओस भक्तीभाव  
च्वदुश हंदि सॉमियो मैति म्वकलाव ।  
पुनिम हंज जून छस मे मु मंदछाव  
प्रेयमय सरुकिय पम्पोश छाव ॥

पुनिम तु मावसि वृत दॉर्य दॉर्य  
न्यथ करुहॉय पोशि पूज चॉर्य चॉर्य ।  
लोलुक्यन पोशन करतम क्राव  
प्रेयमय सरुकिय पम्पोश छाव ॥

कृष्णस लोल चोन यनु प्यटु ज़ाव  
चॉन्य सीव करनस जन्मस आव ।  
कॉल्य् मेलि वावस सुत्यन वाव  
प्रेयमय सरुकिय पम्पोश छाव ॥



## 50. शिवजी जूग्य बॅनिथ प्रकट सपदान तु पार्वती सुत्य् कथ करान

सदाशिव जूग्य लॉगिथ ओस लारन ।  
वनय क्याह हालु कमि ओस छालु मारन ॥

हरन मुसला वॅलिथ भस्मा मॅलिथ आस ।  
बॅनिथ वनवाँस्व् लॉगिथ जूग्य सॅन्यास ॥



महामाया दपान ओस भ्रमुरावन ।  
प्रेयम छुस म्योन कोताह आजमावन ॥

कुनुन छुस भावु वानस लोलुकुय स्वन ।  
मनु काहवॅट बो लागस छा सु कुंदन ॥

गछ्यस लोलुच नॅदी जॉरी कॅमिस कुन ।  
यि गँजराँविथ द्युतुन आलव तॅमिस कुन ॥

करव सम्वाद कन थव राजु कूरी ।  
चै क्या छुय पुशु प्योमुत कर्मस ति पूरीय ॥

कुनिय जॅन्यु यथ वनस मंजु क्याजि आयख ।  
कसुंद छुय लोल कुस छांडनि द्रायख ॥

सतन मंजु युन पज्या यिछनुय वतन मंजु ।  
गँडिथ क्यमखाब डुलगॅन्यु दिन्नु वतन मंजु ॥

दोपुस दीवी यि छम शिवनाथु सुंजु माय ।  
दोपुस तॅम्पु छुय सु बे परवाय हाय हाय ॥

गरा आसन छु शीतल ज़न सु कोफूर ।  
गरा आसन स्यठा क्रूधी स्यठा क्रूर ॥

पकाँवुन छुय नु वेदचि वति कुन सुय ।  
येमिच यछा गछन छस तिय करन छुय ॥

शकर वुठवुय मु कर शिवनाथ शिवनाथ ।  
सुनाता हूं तुझे अब धर्म की बात ॥

करुनय तप तु जप श्रीराम सुंद नाव ।  
बहुत लक्ष्मी तुझे देवे रखो भाव ॥

जपन छुस रात घन श्री राम श्री राम ।  
मुझे कुछ है नहीं इस के सिवा काम ॥

मे छुम नु लूभ आसन छुस बु परदेस ।  
मुझे कहते हैं सब जोगी जी आदेस ॥

अथस क्यथ छुय फकथ मे अख कमंडल ।  
अभी जाता हूं मैं मंडल ब मंडल ॥

बनिय सरतलि स्वन कन थव चु मे कुन ।  
अरे राजा कुमारी गल मेरा सुन ॥



### 51. जूग्य रुपु शिवजी छु पार्वती बेयि वनान

अरे किस राजा की राजकुमारी ।  
किस पर लगा है तेरा दिल ॥

जिस की चाहत है तेरे मन में  
उसका बन में रहना है ।  
उस पास साधू का संतू का घेरा  
किस पर लगा है तेरा दिल ॥

नंगे सिर और नंगे पावूं  
निष्काम निष्कल सुनावूं मैं क्याह ।  
ना पले पैसा न आटे का सेरा  
किस पर लगा है तेरा दिल ॥

पी पी के गांजा जो अखियां फिरता  
डरता है उस से यम और काल ।  
घर अपने जाओ तू समझो मेरा  
किस पर लगा है तेरा दिल ॥

बिजली सा तू है चमकता दमकता  
बादल का रखती है मन में हवस ।  
यह है प्रलय और यह है अंधेरा  
किस पर लगा है तेरा दिल ॥

पत्थर से जिस तरह मिलता है सोना  
उसी तरह होना तेरा उस के साथ ।  
समझन में आता है करमों का फेरा  
किस पर लगा है तेरा दिल ॥

राम राम कर के आसन बिछा दो  
शाम रूप का मन में लगावो ध्यान ।  
उस पास लक्ष्मी का माया का डेरा  
किस पर लगा है तेरा दिल ॥

कृष्णजी तू मत मांग धन और माया  
उस शिवजी ने बनाया यह रूप ।  
उसी का भजन कर सांझ और सवेरा  
किस पर लगा है तेरा दिल ॥



## 52. दीवी छे जूगिस जवाब दिवान

हतो साधो मतो वनतम च़ु यिछ कथ ।  
सतुच कथ त्रॉवमुच़ छय रॉवमुच़ वथ ॥

बो बाबाजी वनय च़े अख जवाबा ।  
अलख बोलख फवलख ज़न च़ुय ग्वलाबा ॥

अगर म्यॉन्य आज़ा थावख मनस मंज़ ।  
गँछिथ साधक च़ु तप तपोवनस मंज़ ॥

दुयी त्रावख कपट थावख नु अख जव ।  
कहूंगी मैं तुझे क्या है सदाशिव ॥

चे छुय मन ऑयिनु योद कासुहंस खय ।  
बताऊंगी तुझे शिवनाथ क्या है ॥

ननन छुख ज़ीव ज़न योदवय बनख देव ।  
सुनाऊंगी तुझे क्या है महादेव ॥



### 53. श्री पार्वती जी छे जूगिस श्री शिवजी सुंद्य ग्वण वर्णन करान

तप साध के कर निर्मल मन ।  
जाओ जाओ साधू दण्डक वन ॥

वही शिवजी है एक ही एक  
एक को दो जानना नहीं है ठीक ।  
झूट बोलके मत कपटी बन  
जाओ जाओ साधू दण्डक वन ॥

वही है आत्मा वही है प्राण  
वही ब्रह्मा वही भगवान ।  
वही है लक्ष्मी नारायण  
जाओ जाओ साधू दण्डक वन ॥

वही है सब चीज़ों का सार  
वही है समसार का व्यवहार ।  
वही है माया वही है धन  
जाओ जाओ साधू दण्डक वन ॥

वही है नेडे वही आसा पास  
वही है जोगी वही सन्यास ।  
वही है साध और वही सत्जन  
जाओ जाओ साधू दण्डक वन ।।

वही है सूरज वही है चांद  
उसी के पास देवता हाथ बांध ।  
वही है गुणवान वही निर्गुन  
जाओ जाओ साधू दण्डक वन ।।

वही है परम शिव परमानंद  
वही है सार अँकार का बिंद ।  
वही है त्रैलोक वही त्रभवन  
जाओ जाओ साधू दण्डक वन ।।

वही है सर्व व्यापक हर जा पर  
उसी का नाम है शिवशंकर ।  
वही है चार वेद पांच कारण  
जाओ जाओ साधू दण्डक वन ।।

ब्रह्मा बन के हमसासन  
विष्णुजी बन के गरुडासन ।  
वही है वृष्णासन त्रैलोचन  
जाओ जाओ साधू दण्डक वन ।।

वही है गुल और वही है खार  
वही है बुलबुल वही गुलज़ार ।  
वही है बाग और वही गुलशन  
जाओ जाओ साधू दण्डक वन ॥

कृष्ण जी उस केवल का रूप  
हृदय में जानो जैसा है दीप ।  
एक दिन दिखावे शुभ दर्शन  
जाओ जाओ साधू दण्डक वन ॥



#### 54. जूग्य् छु बेयि पार्वती कुन वनान

दोपुस साधन मे प्यठ नाहकय गँयख तंग ।  
करन छख जंग यिथुपॉट्य गव नु सत्संग ॥

कपट त्रॉविथ मे वोनमय मन थँविथ साफ ।  
गरज़ क्याह छुम ति वनतम करतु इनसाफ ॥

मे छुम फेरान च़ु छख ना क्याह स्वंदरमाल ।  
वनय क्याह छुय च़े गोमुत हालि बेहाल ॥

मे छुम फेरान च़ु छख ना सिरिं निर्मल ।  
कँमी कोरनय च़े युथ छल रोटुथ जंगल ॥

मे छुम फेरान च्छ छख ना तीज्ज वुज्जमल ।  
गछ्छना व्वन्च्च् नाहकय मेघसुय तल ॥

मे छुम फेरान च्चे त्तोवुथ फरशि मखमल ।  
किथय पॉट्य गरि द्रायख कॅम्प कॅडुय कल ॥

च्च् छख कमि प्रेयमु बागुच यिच्छ यॅबुरज्जल ।  
मे छुम फेरान बम्बूरन कॅम्प गिंदुय छल ॥



### 55. व्वन्च्च् छुस भगवान शिव (जूग्य) ब्रह्मा, सिरिं दिवता आदिकन हुंघ ग्वण ग्यवान

च्च्यथ सुफारचि च्चाफ ऑल्ल सुफॉरी ।  
गरु गछ्छ राज्ज कुमॉरिये ॥

सतु वॅरिशुय छख, ख्यतु चतु वारय  
मारय मतु करतु पनुनुय पान ।  
सु कवय ज्ञानिय करुन्च्च् खानुदॉरी  
गरु गछ्छ राज्ज कुमॉरिये ॥

तस सूरु मॅतिसुय कति धनु दौलत  
मस्त छुय आनंद अमृत च्यथ ।  
नय छुय गृहस्थी नय व्यवहॉरी  
गरु गछ्छ राज्ज कुमॉरिये ॥



हय हय येमि संज प्रय छय गनुनुय  
त्राँविथ चँलिय चै वनुनुय मंज ।  
बूजमुत छुय ना साध कस द्राय सॉरी  
गरु गछ राजु कुमॉरिये ।।

वुछ वुछ चै कुन ताब छुस नु अननुय  
वननुय छुसय व्वन्त् हितकार पुछ ।  
मन थव प्रसन्न बोज कन दॉर्य दॉरी  
गरु गछ राजु कुमॉरिये ।।

वनखय तीज सोस्त सिरिं भगवानुय  
अवय छुय बडि बोड दीवन मंज ।  
खसुन्य् छस शूभिदार रथ सवॉरी  
गरु गछ राजु कुमॉरिये ।।

शूबिय वैष्णुजुव लक्ष्मी वानुय  
छुय शूभि सानुय शामु स्वंदर ।  
तमिय यथ जगतस अवतार धॉरी  
गरु गछ राजु कुमॉरिये ।।

दपखय ब्रह्मा ति छुय गुणवानुय  
वीद वखनानुय तत् सत् रूप ।  
समसारुक व्वपदावान च्वपॉरी  
गरु गछ राजु कुमॉरिये ।।

यिम त्राविथ छख कस पतु लँजमुच  
संकल्पु कलि ज़न गँजमुच ज़ून ।  
कँहंदि बापथ छय यिछ लाचॉरी  
गरु गछ राज़ कुमॉरिये ॥

गमु रोस्त वुछान छुस मंज़ व्यवहारस  
अम दम फीर्य फीर्य समसारस ।  
कम कम राज़ कम कम समसॉरी  
गरु गछ राज़ कुमॉरिये ॥

त्यागु वॉरागु सोस्त रोज़ व्यवहॉरी  
व्यवहारु मंज़ु व्वपकॉरी आस ।  
कृष्णु कर रागु द्वेशि रोस्त खानुदॉरी  
गरु गछ राज़ कुमॉरिये ॥



## 56. पार्वती माता छे जूगिस जवाब दिवान

हतो साधो कपट सोरुय वनन छुख ।  
न च़य जूगी न च़य सत्ज़न ननन छुख ॥

ह्युवुय फम्बु ड्युंग कँन्यहायुक अनन छुख ।  
बो कँह बोज़य नु च़य नाहकय छ्यनन छुख ॥

अबस मागस अंदर शीनाह कृनन छुख ।  
गँछिथ व्वलरस च़ नाबद फ़ोल छुनन छुख ॥

अबस ख्वनुवट् सुत्यन ख्वड खनन छुख ।  
वनन खारा तु फल हाराह रनन छुख ॥



### 57. श्री पार्वती छे जूगिस धर्म वनान तु बीम हावान

न च़ छुख जूग्य् तय न च़ सन्यास ।  
भस्मु मलनुक व्वन्य् च़े आँस्य् नय पास ॥

अलगडुर सुत्य् छुय कौरमय माफ  
पाप मा खस्यम नतु दिमुहॉय शाप ।  
युथ पज़िहिय त्युथ करुहॉय त्रास  
भस्मु मलनुक व्वन्य् च़े आँस्य् नय पास ॥

कपटाह वोनुथ केंह छुनु शिवजी  
मूर्ख बोज़ हुन्द ह्यू समवाद छुय ।  
महाकालन छुय कौरमुत ग्रास  
भस्मु मलनुक व्वन्य् च़े आँस्य् नय पास ॥

कलि कालन मा पान होवुय  
सोधमुत कर्म सोरुय रोवुय ।  
च़ंद्रायुन च़ाफ कर उपवास  
भस्मु मलनुक व्वन्य् च़े आँस्य् नय पास ॥

कन दौरिथ रोज़ बोज़ समवाद  
च्यथ थव तस कुन कथ थव याद ।  
अदु छुख साध तय अदु सन्यास  
भस्मु मलनुक व्वन्य् च़े ऑस्यनय पास ॥

पम्पोश हिव्य् छिय तसुंदी पाद  
सुय आद्य छुय साधन हुंद साध ।  
सुय राज़योग तय प्राणाभ्यास  
भस्मु मलनुक व्वन्य् च़े ऑस्यनय पास ॥

कनस कर थप अदु वनस मंज़ फ़ेर  
धर्मचि लरि छय करमुच हेर ।  
येति योर शिव शिव करवुन आस  
भस्मु मलनुक व्वन्य् च़े ऑस्यनय पास ॥

कृष्ण चोन मोल मॉज छुय ईश्वर  
लोल छुय बोल शां शिव शंकर ।  
जंनमु जंन्मु आसख तसुंदुय दास  
भस्मु मलनुक व्वन्य् च़े ऑस्यनय पास ॥



## 58. श्री शिवजी ख्वश सपनिथ पनुन स्वरूप दीवियि हावान

शरण डीशिथ फ़्युरुन जूगी वर्ण प्योस ।  
सदा शिवजी त्युथुय साँपुन युथुय ओस ॥

सतुक समवाद छुय क्वदरत करन नॅन्य् ।  
सतुकि समवादु सुत्त्य् छय कॅन्य् गछन थॅन्य् ॥

सतुक समवाद छुय नेत्रन अनन गाश ।  
सतुक समवाद छुय पापन करन नाश ॥

सतुक समवाद बूज़िथ शाद ख्वश गव ।  
सतुक समवाद गव सुय सत सदा शिव ॥

सतुक समवाद बूज़िथ मन च्चु ख्वश थव ।  
शरण डीशिथ बन्यव जूगिस सदा शिव ॥

शरण गछुन दिवान छुय ऑर्यत्यन वर ।  
शरण गछुन करान जीवस छु ईश्वर ॥

शरण गछुन छु लोकालोक हावन ।  
शरण गछुन क्षनस मंज़ मूक्ष दावन ॥

शरण गछुन करान छुय आत्मुच ज्ञान ।  
शरण गछनु सुत्त्य् हाविय शिवुय पान ॥



## 59. शुभ दर्शन

ऐसे ऐसे रंग से सुनाया हाल ।  
कैसे कैसे ढंग से बनाया चाल ॥

गौरा गौरा तन को जोरा जोरा साफ  
थोरा थोरा पाया पाया आया आया आप ।  
धरनी धरनी आसन हरनी हरनी छाल  
कैसे कैसे ढंग से बनाया चाल ॥

मल के मल के भस्मा झलकती थी तन  
जैसे जैसे होवेगा काली का मन ।  
नंगे नंगे सिर को चंगे चंगे बाल  
कैसे कैसे ढंग से बनाया चाल ॥

जिनके जिनके देखने से बुद्ध होवे दंग  
नीचे नीचे कण्ठे में ऐसे खुश रंग ।  
लालूं कपालूं का नागूं का माल  
कैसे कैसे ढंग से बनाया चाल ॥

बनके बनके साधू बनके बनके वेष  
सजके सजके आया आया जोगी का भेष ।  
हाथ में गेरों का धर कर रुमाल  
कैसे कैसे ढंग से बनाया चाल ॥

माथे पे चन्दन तिलक पे चांद  
देवता कारण सब हाथ बांध ।  
काला काला आंखें नशे से लाल  
कैसे कैसे ढंग से बनाया चाल ॥

जटा मुकट का अच्छे अच्छे तोर  
गेरू डुपटा का और ही रूप और ।  
नन्दकेश्वर को चढ कर सम्भाल  
कैसे कैसे ढंग से बनाया चाल ॥

नन्दकेश्वर भैरव साथ साथ  
आगे आगे सुनाता था मीठी मीठी बात ।  
बहती सिर से गंगा जमुना के नाल  
कैसे कैसे ढंग से बनाया चाल ॥

संकडों पते पते कमल के फूल  
जिनके जिनके देखने से बुद्ध होवे भूल ।  
हाथ में त्रिशूल नाल नाल डाल डाल  
कैसे कैसे ढंग से बनाया चाल ॥

ऐसे ऐसे रंग से वह शम्भू नाथ  
आया आया आंखें थी पद्म के पात ।  
गौरी के सामने जगत रक्षपाल  
कैसे कैसे ढंग से बनाया चाल ॥

दर्शन देके देके दिखलावे रूप  
अमृत वर्षन ज्योति स्वरूप ।  
कृष्णजी को दुख से छोड पापूं से टाल  
कैसे कैसे ढंग से बनाया चाल ॥



### 60. पार्वती मातायि वुछ

वुछुन जूगिस बन्योमुत ब्याख रंगा ।  
खँसिथ वृषस वसान कलु प्यठु गंगा ॥

सफेदो साफ निर्मल ज़न सु कोफूर ।  
करोरन आफताबन हुंद तँमिस नूर ॥

अथन क्यथ ह्यथ सु पम्पोश त्रिशूला ।  
पँरुन अदु दासु भावुच खास लीला ॥





## 61. श्वभ दरशोन प्रॉविथ छे पार्वती माता स्तुति करान

हे शिव शंकरु परमेश्वरु हरु ।

भस्माधरु कालु समहॉरी ।।

अमरनाथुकि अकालु अमरु

बो मरु चे पतु ह्यथ सॉरिय ।

सुय जिन्दु मरुन छु दीवन ति आश्चर

भस्माधरु कालु समहॉरी ।।

सतुची वथ हावुवुन छुख च़ु सत् ग्वरु

च़ुय छुख महा विदॉरी ।

च़ुय छुख प्रश्न च़ुय छुख उत्तरु

भस्माधरु कालु समहॉरी ।।

च़ुय छुख माता पिता च़ुराच़रु

च़ुय छुख बन्ध बान्धव सॉरिय ।

च़ुय छुख पनुन च़ुय छुख व्वपरु

भस्माधरु कालु समहॉरी ।।

च़ुय छुख वैष्णु रूपु महीश्वरु

समसारस आख अवतॉरी ।

राक्षस गॉलिथ भक्ती कॅरुथ खरु

भस्माधरु कालु समहॉरी ।।

वेदुच शूभा छुख विद्याधरु  
चुय छुख वॉतिथ च्वपॉरी ।  
कृपा करतम छुम चोन आसरु  
भस्माधरु कालु समहॉरी ॥

गेगायि, गॅयायि, प्रयागु पुष्करु  
धर्मुक फल पापु निवॉरी ।  
चुय छुख दिवुवुन महीश्वरु ईश्वरु  
भस्माधरु कालु समहॉरी ॥

न्यथ सुलि व्वथुहॉ पॅतिमि पॅहरु  
चरणन लगुहॉय बो पॉरी ।  
दया करतम दया सागरु  
भस्माधरु कालु समहॉरी ॥

महाराजु बॅनिथ यितम जटाधरु  
सुत्य् सुत्य् ह्यथ खास सवॉरी ।  
दया करतम वरतम स्वयंवरु  
भस्माधरु कालु समहॉरी ॥

शिवनाथन तोरु दौपनस बो तिय करु  
यिय दपुहॅम राजु कुमॉरी ।  
ख्वश रोज़ स्वखु सान गछ पनुन गरु  
भस्माधरु कालु समहॉरी ॥

शैछ ह्यथ वातिय नारद मुनीश्वर  
करनावि खांदरुच तयॉरी ।  
यिमय तु निमथ हालुय गछिय सरु  
भस्माधरु कालु समहॉरी ॥

कृष्णस प्रेयम चोनुय दिगम्बरु  
भक्ती चॉन्य् छस सरदॉरी ।  
औषद्ध मंत्र ज़पि षडक्षरु  
भस्माधरु कालु समहॉरी ॥



## 62. श्री शिव पार्वती प्यठ प्रसन्न गॅछिथ पानुवॅन्य् खांदरुक मशवरु करान

सदा शिवन दोपुस अज़हद कोरुथ तप ।  
बो कोरथस ख्वश स्यठाह दफ क्याह गछिय दफ ॥

यछ़ा हय छय तु पख मै सुत्य् वुन्य्क्यन ।  
पकख नय अदु करुन क्याह गछि तिय वन ॥

दोपुस तमि छम यछ़ा हीमालु सुंद यिख ।  
त्रिकूटी देवता ह्यथ मै वॅरिथ निख ॥

दोपुनस चोन सोरुय छुय मै मंज़ूर ।  
बो छुस च़ेय सुत्य् सुती छुस नु कॅह दूर ॥

यि फरमावख बो तथ कुन न्यथ थवय च्यथ ।  
सआदथ छुम सआदथ छुम सआदथ ॥

बो सोजख सतु ऋष्य अरुनदँती ह्यथ ।  
मुकरर तिम करन तति खांदरुच कथ ॥

तिमन पतु अदु नारदजी बो सोजन ।  
लदख शैछ तिम तसुंज वॉनी बोजन ॥

चु गछ व्वन्य् माजि मॉलिस माजरा वन ।  
यि बूजिथ तिम लदन युथ हनि प्यठ हन ॥

बो छुस च़ेय सुत्य् च़ुय मे सुत्य् छख न्यथ ।  
योहय छुय सत योहय छुय सत योहय सत ॥

च़ु छख गौरी बो छुस शंकर छु क्याह ब्यन ।  
छु कोरमुत कर्मलॉनी असि पयवंद ॥

मे तु च़े केंह तफावत छुनु कन थाव ।  
छु गौरी शंकरुय मे आसुवुन नाव ॥

योहय नाव ज़पुवँनिस स्वर्ग दाविय ।  
योहय नाव युस ज़पिय सुय मूक्ष प्राविय ॥

योहय नाव युस ज़पिय तस कासु संकट ।  
दया करवुन द्वहय आसय तँमिस प्यठ ॥

बनेमुच छख च्चु बोय, बोय साँपनुस च्चुय ।  
चे तु मे फर्क केँह छनु छम पनुन्य् द्वय ॥

बो छुस शिव शक्ती रुपु वॉतिथ च्चुपोरुय ।  
येमिस मे द्युत तँमिस चे द्युतुथ सोरुय ॥

वँनिथ तिय गव सदाशिव कोहि काँलास ।  
येमिय प्रेयमय येमिय लोलय द्वहय आस ॥

बँनिन कृष्णस यिछुय भक्ती युथुय लोल  
च्चु गौरी शंकरुय छुख माँज तय मोल ॥



### 63. गौरीजी (पार्वती) छे प्रसन्न गँछिथ गरु वापस गछान

भवॉनी आयि अज्ज जंगल ब खानु ।  
वनय क्याह तप कोरुन ओसुस बहानु ॥

महामाया स्व आँसुय पनुनि पानु ।  
छि त्रेशवय लोक तँम्यसुंद अख निशानु ॥

शिवस शक्ती अज्जलय म्युल गोमुत ओस ।  
यिथय जॉहिर जमादु तप करुन प्योस ॥

बन्यव तस तपु सुत्यन तीज कोताह ।  
वनय कोताह करय व्वन्य कृसु कोताह ॥

पकुन यामथ ह्योतुय तमि गर कुनुय ।  
वुछिथ लूकव तँमिस वोन डेशिवोनुय ॥

कोरुय साधन हुंदी साधन च़े प्रसाद ।  
च़े गौरी राज़ कूरी ऑफरींबाद ॥

वुछिथ मीनावती गँयि वारियाह ख्वश ।  
स्यटाह हीमाल लोग तस करनि शाबश ॥

प्रज़लवुन ओस तस कर्मुक स्वप्रकाश ।  
कोरुख तस मरहबा शाबाश शाबाश ॥

च़े ल्वकचारु प्यठय ऑसुय सतुच लय ।  
च़े बोयनय जय सदा शिवुन्य दया छय ॥



#### 64. हिमाल राज़ तु मीनावती छि गौरी हुंज स्तुति करान

प्रेयम ओसुय शिवु सुंद ज़्यनुकालय ।  
करय बो लोलु पोशन पोशि मालय ॥

दिङ्गथ हरनुनि छालय लोलु डालय ।  
सदा शिव पानु छोंडुथ बालु बालय ॥

चे बालय पानु टोट्योय भूलु बालय ।  
दक्षान देशुक चोलुय जल्दी मलालय ॥

वरनि यियिय सदाशिव कमि हालय ।  
चे ल्यूखुथ पानु रुत पनुने कपालय ॥

गनन छम प्रय वनन हुंघ पोश वालय ।  
चे लागय पोश मिलविथ अर्ग चालय ॥

छे कृष्णुन्य पालना चाने हवालय ।  
करय बो लोलु पोशन पोशि मालय ॥



## 65. करुन्य भक्ती

करुन्य भक्ती त्वता चे परम शक्ती ।  
छे भक्ती चॉन्य भक्तन नेक बख्ती ॥

छे भक्ती चॉन्य कासन सॉन्य सख्ती ।  
छे भक्ती चॉन्य बख्खान येति म्वक्ति ॥



## 66. व्यसु सुद्रु छे गौरी मातायि हुंजु स्तुति करान

हीमालु पर्वतुने गरि जायख ।  
आयख करने ज़गि रक्षपाल ॥

परम शक्ती परम शिव छांडनि द्रायख  
कर्म सुत्यु सपजुख शिव शक्ती रुप ।  
भगवत् माया बोजनु आयख  
आयख करने ज़गि रक्षपाल ॥

परम आत्म सिरिं मंजु जूत्याह द्रायख  
प्रजलनु आयख समसारस ।  
येमि मंजु द्रायख तैथ्यु मंजु द्रायख  
आयख करने ज़गि रक्षपाल ॥

जगतस माता छख फलदायक  
यस च्युय दिख तस दियि शिवजी ।  
सुय चैय लायक च्युय तस दायक  
आयख करने ज़गि रक्षपाल ॥

वरने यियिय ह्यथ वैकुण्ठ नायक  
वीगिस खसनस छुय छायक ।  
मानुरेन्यु पतिव्रता सीता द्रायख  
आयख करने ज़गि रक्षपाल ॥



कृष्ण लोलु तारव सेतारु वायख  
वाँनी भवाँनी चे गछिय स्यद्ध ।  
सुय करि नादब्यंद बोज़ुनस लायक  
आयख करने ज़गि रक्षपाल ।।



67. श्री शम्भू जी महाराज कॉलासु प्यठ काशीपुरी मंज़ यिवान तु खांदरुक बन्दुबस्त करान

ऋष्या अख ओस ओसुस शिवु सुंद भाव  
तैमिस छिय सूत पुराणिक वनन नाव  
रखीश्वर बोड तपीश्वर कर्मवानुय  
मनस आँसिस खँनिथ अर्दाह पुराणुय  
यिथय पॉठ्यन दिवान छुय वीद साँक्षी  
तपोवनु प्यठ शिवजी आव काँशी  
बनारस नाव काँशी हुंद छु मशहूर  
महादेवस छु तमि देशुक प्रेयम पूर  
बसान युस आसि तति मूक्षी बनिय तस  
सदाशिव पानु शिवलोकस अनिय तस  
त्यूथुय वाँतिथ सतुऋष्य् मंगुनाँविन  
तिमन साँरिय मनुक्य् सिर वारु बाँविन  
अरुन्दँती बमय नारद मुनीश्वर  
सपुन्य् हाँज़िर, तिमन लोग वनुनि ईश्वर  
छु तारक नाम दुथा अख बज़ोरुय  
तैमिय न्यूमुत छु दीवन राज सोरुय  
छि तस निशि दीवता लाचार आमुत्य्  
ब हर अतराफ छिय तप करनि द्रामुत्य्

तिमन वोनमुत छु ब्रह्मा जियि नुय यी  
छु रॉजी तारकस प्यठ पानु शिवजी  
कॅरिव तप शिवनाथस बनि संतान  
लॅबिव अदु राज सुय हेयि तारकस जान  
सु तारुक धरमु करमु निशि पेयि योत ताम  
शिवस संतान व्वत्पत बनि तोत ताम  
बहाना जॉहिरुक युथ ह्यू वनुन प्यव  
नतय नैष्काम निर्मल छुय सदाशिव  
गॅछिव हिमालुसुय निश तस वॅनिव यी  
अनन गौरी वनन यिथु पॉट्य शिवजी  
छु फरमावन यिथय पॉट्य शिवशंकर  
कॅरिव गौरीयि शिवस सुत्यन स्वयंवर  
यि बूजिथ सतु ऋष्य अरुन्दती ह्यथ  
पकन गॅय वॅनिख हीमालस हकीकथ  
बोयिन जय जय चै हिविस भाग्यवानस  
सदाशिव पानु यियिय कन्यदानस  
चु छुख बोड कर्मवानुय भाग्यवानुय  
यियिय शिवनाथ हेयिय कन्यदानुय  
छु वीदुक आद्य युस अँकारसुय मंज  
यियिय सनम्वख सु चॉनिस दारुसुय मंज  
निरंजन निर्मलो निर्गुण निराकार  
निरा क्रूधो निरालूभो निराहार  
महामायायि हुंद छुय कर्म लोनुय  
दियिय दरशोन यियिय सुय गरु चोनुय  
तिथय मीनावती यैलि बोजनोंवुख  
स्यटाह साँपुन्य प्रसन्न यकरार दॉवुख

दोपुख हीमालुनुय मंजूर मंजूर  
पुनिम चंद्रम खोत मे पूरि किन्पू पूर  
यँहय कथ च्यथ थँविथ मॉनिव दयूगत्  
मे द्युतुमवु वाख तौह्य मॉनिव सतुय सत्  
ह्योतुख र्वखसत तिमन निश आयि काँशी  
महादेवस दोपुख हे अविनाँशी  
यि केंछा आसि असि आज्ञा चॉन्पू  
अक्य कथ बूजिथुय पानय तिमव मॉन्पू  
यि बूजिथ वारियाह ख्वश गव महीश्वर  
तिथय हॉजिर सपुद नारद मुनीश्वर  
महादेवन दोपुस शैछ बोज थव कन  
गँछिथ वेष्णन तु ब्रह्माहस यि कथ वन  
वुछिथ वेला सँमिथ तिम हॉजिरी दिन  
त्रिकूटी दीवता ह्यथ असि निश यिन  
यि बूजिथ द्राव नारद जी तुजिन दव  
पकन गव वेष्णु लूकस वॉतिथुय प्यव



68. नारद जी वेष्णु भगवानुन्पू स्तुति कँरिथ तस शिव पार्वती ब्याहुक हाल वनान

हरे नारायनस लोग बावुने हाल ।  
महाराजा महादीवुन चै छुय साल ।।

चु रामय रुपु किन्पू सीतायि टोढ्योख  
चु कृष्णय रुपु किन्पू राधायि टोढ्योख ।

चे तुलुथ किसि प्यठ गोवर्धनुक बाल  
महाराजा महादीवुन चे छुय साल ।।

चे लोलुच थॅन्य् खेयथ जसुदायि निशे  
चु रूदुख भावु सुत्य् क्वबुजायि निशे ।  
स्वदामुनि अथु खेयथ सिरिची चाल  
महाराजा महादीवुन चे छुय साल ।।

बनोवथन अकि सिर्य् म्वछि सुत्य् धनी  
दोयिमि म्वछि अथु रोटनय रुकमनी ।  
व्यनय कॅरनय दिहॅस कोताह ज़रो माल  
महाराजा महादीवुन चे छुय साल ।।

विभीषनस द्युतुथ लंकायि हुंद राज  
कलस प्यठ चे थोवुथ सुग्रीवसुय ताज ।  
चे बख्खुथ बलि दानवस ति पाताल  
महाराजा महादीवुन चे छुय साल ।।

वछ्यन तय बालकन ह्यथ गव चे ब्रह्मा  
बनॉविथ तिम तिथिय तस कॅरुथ क्षमा ।  
चु टोदयोख गूपियन छुय नाव गोपाल  
महाराजा महादीवुन चे छुय साल ।।

मॅरिथ ऑस्व् दीवकियि गॉमुत्य् शे सन्तान  
अॅनिथ दितिथस दिलुक कोडथस च़े अर्मान ।

तिमन गन्धर्व सॉपुन्य् हे ज़गत पाल  
महाराजा महादीवुन च़े छुय साल ।।

पॅरिथ विद्या ग्वरन दक्षना मॅजिय जान  
गछ्च्यम द्युन मूदमुत अॅनिथ मे संतान ।  
समंदरस फोटुम वॅद्य वॅद्य गॅलिम लाल  
महाराजा महादीवुन च़े छुय साल ।।

मनस यैलि राग सन्तानुक स्यठाह गोस  
अॅनिथ तमि रुपु द्युतुथस युथ तॅमिस ओस ।  
कोरुन असत्वथ च़े कुन च़ुय छुख फिरन काल  
महाराजा महादीवुन च़े छुय साल ।।

करनि लॅग्य् पांछ पांडव चॉन्य् पूज़ा  
स्यठाह गव रश्क राज़न क्याह यि शूब्या ।  
सुदर्शन च़ेक्रु स्युत्य् मोरुथ शषुपाल  
महाराजा महादीवुन च़े छुय साल ।।

शंखासुर दुथ मोरुथ शंख तस द्राव  
छु यथ शंखस च़े थोवमुत पंचज़न्य् नाव ।  
तवय बापथ दिच़ुथ पॉनिस अंदर छाल  
महाराजा महादीवुन च़े छुय साल ।।

छु कस ताकत वॅनिथ हेकि चॉन्य् चर्यथ  
शुराह सास ऑठ अख हथ त्रियि वर्यथ ।  
वॅरिथ छुख बालका चॅटिथ मुहुन ज़ाल  
महाराजा महादीवुन च़े छुय साल ॥

बनॉविथ रुप ब्योन ब्योन प्रथ अँकिस सुत्त्  
कुनुय ऑसिथ च़ देह ओसुख करान कृत्त् ।  
स्यठाह शर्मन्दु गोसय युथ वुछिथ हाल  
महाराजा महादीवुन च़े छुय साल ॥

च़े खॉरिथ म्वख्तु मालय म्वख्तु कुलिय  
मँज़िम यॉर्य राधिकायि हंघ कृत्त् तुलिय ।  
तिथय पॉट्य वालि शिवजी रूदु कनि लाल  
महाराजा महादीवुन च़े छुय साल ॥

वॅरुथ यिथु पॉट्य लक्षमी ऑस तस प्रय  
तिथय पॉट्य शंकरस गौरी वरुन्च़ छय ।  
करुन छुय वारियाह ख्वश तस ति हीमाल  
महाराजा महादीवुन च़े छुय साल ॥

कुनुय छुख आसुवुन छिय लछि बँघ नाव  
सदाशिव रुपु कृष्णस दरशोनाह हाव ।  
अभेदु भक्त बख्शिथ तस दुयी गाल  
महाराजा महादीवुन च़े छुय साल ॥



69. ब्रह्मा, वेष्णु, त्रिकूटी दिवता छि शिवस निशि यिथ बरॉच हुंद इन्तिजाम करान

यि बूजिथ वेष्णुजी तस ख्वश स्यठाह गव  
वनुनि लोग सोन साँमी छुय सदाशिव ।  
अँछव किन्य् अँस्य् पकव हर्षस थँविथ मन  
चु गछ ब्रह्मा जियस वन सुत्य् तस अन ॥

गँडिथ गुल्य् द्राव नारद जी यँहय कथ  
वँनिन ब्रह्मा जियस आव सुत्य् सुय ह्यथ ।  
खबर नारद जियन कँर जायि जाये  
त्रिकूटी दीवता बूजिथ ति आये ॥

खँसिथ गरुडस मुराँरी कँर तयाँरी  
शिवस निश आव ह्यथ आदि देव साँरी ।  
गँडिथ गुल्य् कौरुख शिवनाथस नमस्कार  
छे क्याह असि आज्ञा साँरिय छि तयार ॥

महा दीवन दोपुख नारद मुनीश्वर  
ग्वडन्य् शेछ ह्यथ गँछिन तोत तिय छु बेहतर ।  
गँछिथ वोन नारदन हीमालसुय यी  
त्रिकूटी दीवता ह्यथ आव शिवजी ॥

पकन छय मे पतय तसुंजुय सवाँरी  
तयाँरी कर, तयाँरी कर तयाँरी ।  
यि शेछ बूजिथ बजोवुन शाँदियानु  
वजान ओस जा बजा नकारखानु ॥

मुवाँफिक आव मै दोरे ज़मानु  
बँनिथ महाराज्जु यियि शिवनाथ पानु ।  
सदा शिवस निशे नारद मुनीश्वर  
सपुन हाँज़िर दोपुन तस ही महीश्वर ॥

पँकिव हीमालु सुंद कँह छनु कांह तौर  
वुछुम तस वारियाह हिमत स्यठाह धौर ।  
खबर बूज़िथ सपुन्य तयार साँरिय  
सवाँरी आँस दीवन हुंज च्वपाँरी ॥

वुछिथ लँगना गृह्घ बीढ्य प्यठ केंद्रस  
स्यदथ आयि योगिनी ह्यथ मीढ्य दिथ तस ।  
सदा शिव द्राव ह्यथ त्रयलोक सोरुय  
लछन हुंघ लछ करोरन हुंघ करोरुय ॥

खँसिथ गरुडस चतुर्भज्ज श्री नरायण  
पकन अमृत छकन और शंख वायन ।  
करान आँसिस त्वता गन्धर्व साँरिय  
हरे गोपालु गोवर्धनु धौरि ॥





## 70. दिवता छि वैष्णु भगवानस कुन स्तुति करान

टोठान च्य छुख भक्ती भावस  
श्यामु रुपु लगयो रामु नावस ।  
रामु रामु रामु रामु रामु नावस  
श्यामु रुपु लगयो रामु नावस ।।

सासु म्वखु गीत छुय ग्यवान शीषुनाग  
रात घन मै आँस्युतन चोनुय राग ।  
ज्जनक राज्जु च्येय करनोवुथन त्याग  
राज्जु भर्तृहरियस द्युतुथ वॉराग ।।  
यूगु किन्यु टोट्योख बसंतु कावस  
श्यामु रुपु लगयो रामु नावस ।।।

हे शिवु कीशवु छुस बु चोन दास  
शिवु रूपु बसुवुन छुख च्यु काँलास ।  
रामु रुपु लंकायि करवुन डास  
कृष्णु रुपु किन्यु छुख खेलान रास ।।  
तार दिम मोहनिस दँरियावस  
श्यामु रुपु लगयो रामु नावस ।।।

कति थॉव्यु समयन कंसस ज़ोर  
कति रूद रावनस त्युथ दोरि दोर ।  
कति रूद्य लंकायि बाह शत पोर  
अज्ज तान्यु समसार कस द्राव सोर ।।

कॅम्पु दुपु प्रजलॉव्यु मंजु वावस  
श्यामु रुपु लगुयो रामु नावस ।।।

शॅखु मंजु शब्द त्रावनस लगयो  
बोजुवन्युन मूक्ष दावनस लगयो ।  
नाशि रॅस्तिस यावनस लगयो  
असवुन म्वख हावनस लगयो ।।  
लगयो सतुकिस स्वभावस  
श्यामु रुपु लगुयो रामु नावस ।।।

सर्व व्यापक छुख मंजु मनस  
कृष्ण रुपु दॅरिथ मंजु मनस ।  
कलु ह्यथ वामनु जीव मनस  
आश्चर चै होवुथ अर्जनस ।।  
चानि भक्ती हुंद छुम हावस  
श्यामु रुपु लगुयो रामु नावस ।।।

रामु चॅद्रु शीतल छुय स्वभाव  
चॅद्रुचूडु सिरि ह्यु मे दरशोन हाव ।  
पुनिम हुंदि द्वह शिव आरती करुनाव  
कृष्णस शिवु लोल त्युथ गॅनिराव ।।  
युथ पार्थी करि दरि मावस  
श्यामु रुपु लगुयो रामु नावस ।।।



## 71. कविराज साँमी श्री कृष्णजी राजदान छि असि भक्तन कुन वनान

कलन छुस ज्यव डलन छम छुय सतुय सत  
छु कस ताकत सु करि यिथि खांदरुच कथ ।  
समेमुत्य् आँस्य् सालर कसाह वनय कृत्य्  
सदाशिव ओस क्युथ कम आँस्य् तस सुत्य् ॥

महा प्वरुशन महादेवुन महातम  
वनुन दुर्लभ मे ब्बद्ध किथु पॉट्य वात्यम ।  
असंज लीला कठिन्य् गॉमुच छे देवन  
वनुन्य् पज्या स्व अदु मूर्खन तु ज़ीवन ॥

वनय क्याह मूर्ख भावा युथ वनुन छुय  
फकथ शिव नाथु सुंद नावा वनुन छुय ।  
अँनिस ख्वनुवट्ट सुत्यन ख्वड खनुन छुय  
यिथिस रुपस अंदर वा वा वनुन छुय ॥

यिथिस कुलिसुय छु कति त्युहुर तु कति मूल  
करान छुस म्वख्तुसर युथ छुम गछान तूल ।  
कलन छम ज्यव डलन छम ब्बद्ध वनय क्याह  
परय लीला करय व्वन्य् कसु कोताह ॥

कृष्ण ह्यथ सुत्य् ग्यव व्वन्य् तँम्य् सुंदी गीत  
छु माया तीतु सुंद खांदर वनुन हीत ।  
मनस मंज जाय कँर तँम्य् सुंजि माये  
पँरिव लीलायि तय तँम्य् सुंजु त्वताये ॥

कृष्ण म्बखु वॅनिमुच्चय लीलायि बूज़िव  
बॅसिव शुर्य बॉच ह्यथ स्वखु सान रूज़िव ।  
सोरिव तिम यिम निराकारन कॅरिन कार  
स्यठाह ख्वश गछि दियि भवसागरस तार ॥

सॅमिव सॉरिय योहय मंडल बनॉविव ।  
धर्म अर्थ काम मूक्ष स्वखु सान प्रॉविव ॥



72. सॉमी जी छि पनुन हाल वनान तु येनिवोल छु हीमाल राजुन गरु वातान  
तु ती डीशिथ छे मीनावती दुखी सपदान

सदाशिव सॉमियो छुस भक्ती ह्यून्य  
बन्योमुत पाप शैला ज़ड तु च्यून्य ।  
दया धर्मस कुन्य कॅह छुम नु मॉलय  
कुचॉली छुस कुचॉली छुस कुचॉली ॥

अहंकारन बनोवमुत ग्वणु रोस्तुय  
मोहा ऑसिथ मुहन कोरमुत बु होस्तुय ।  
मॅलिन वस्त्र गॅडिथ छिम छुस नु श्रूच्युय  
फकथ यॅद्रेय स्वखुच छम वारु रूच्युय ॥

पॅशन हंघ पॉढ्य ख्वश ख्यथ चथ श्वंगन बो  
मशन छुम सत दिहुक स्वख छुस मंगन बो ।

शमन छुस नु लमन छुस लूभसुय कुन  
छुनन तृष्णा तवय छम क्षूभु सुय कुन ।।

स्यठाह छुम मद तु छम नु वासना श्वद्ध  
गछख किथु पॉढ्य स्यद्ध मे छम नु तिछ बुद्ध ।

न ज्ञानय पार्थी पूजा न त्वता  
न ज्ञानय आरती नु श्राण संध्या ।।

न ज्ञानय जप करुन स्वरुन नु नावुय  
न ज्ञानय तप न ज्ञानय भक्ती भावुय ।  
न पॅर्यमुत्य् शास्त्र न छिम पुरानुय  
वुछिथ लूकन कुनुय छुस व्रत दरानुय ।।

थॅविथ व्रत छम मनस आसन ख्यनुच कल  
खसन छुम क्रूध छम आसन पतय लल ।  
म वुछ मे कुन उमापती क्षमा कर  
चु वुछ पनुने दयाये कुन दया कर ।।

खबर चै छय बु छुस अंतर बहिर क्युथ  
चु छुख युथ त्युथ नमस्कार ऑसिनय त्युथ ।  
म्बट्योमुत छुस स्यठाह छुस मूर्ख नादान  
तवय ज्ञानन बु छुस छुम मामसुक पान ।।

खबर कॅह छम नु यिय मामस बन्यव कथ  
खबर कॅह छम नु छम किथु पौढ्य व्वत्पथ ।  
अँदुर्य किन्त् छाल मारन छुस च्वपोरुय  
नेबुर्य किन्त् छुस दपान प्रारब्ध सोरुय ।।

नेबुर्य तन्यर अँदुर्य सोरुय म्वचर छुम  
म्वचर छुम तय ख्वचर छुम तय ख्वचर छुम ।  
तिछुय कामुच मै छय नैत्रन अंदर जाय  
नज़र यामथ दिवान छुस छम गछन राय ।।

असत वॉनी वनान छुस छुम डलान मन  
अपुज़ पोज़ बूज्य बूज़ी छुस थवान कन ।  
चु ज़ानन वारु छुख मन म्योन क्युथ छुय  
चु छुख युथ त्युथ नमस्कार चै त्युथ छुय ।।

गरा वनन छुसय न्यर्गुण न्यराकार  
गरा वनन छुसय शम्भू जटाधार ।  
गरा वनन छुसय छुय नु चै कांह रंग  
गरा वनन छुसय कोफूर छिय अंग ।।

गरा वनन छुसय न्यरलूभ नैष्क्य  
गरा वनन छुसय छय भावुचिय प्रय ।  
गरा वनन छुसय खँटिथ रँटिथ वन  
गरा वनन छुसय पानय चु हन हन ।।

गरा वनन छुसय ॐकार कुय बिन्द  
गरा वनन छुसय नय ग्वड चै नय अंद ।  
गरा वनन छुसय छुख आत्मा प्राण  
गरा वनन छुसय छुख यूग तय ज्ञान ।।

गरा वनन छुसय अघोर स्वछंद  
गरा वनन छुसय छुख पूर्ण आनन्द ।  
गरा वनन छुसय बँड छय चै दया  
गरा वनन छुसय कैह छुय नु परवा ।।

गरा छुय वैष्णु रूपय किन्त् मुकटा  
गरा छय शिवु रूपय किन्त् चै जटा ।  
बो छुस द्वन त्रेन अंदर गोमुत व्वदौसी  
कुनुय छुख आसुवुन काँलास वाँसी ।।

चै कुस ज़ानिय च़ छुख क्युथ ह्यू निराकार  
च़ छुख युथ त्युथ त्युथुय बोयनय नमस्कार ।  
वनय क्याह वाँत्य् यैलि नैज़दीक यकबार  
हरे नारायनस बोयनय नमस्कार ।।

तिथय अदु पंचज़न्त् नोम शंख वोयुन  
शिवाँ शम्भू वँनिथ शुभ शब्द लोयुन ।  
शब्द बूज़िथ स्यटा ख्वश गँयि साँरिय  
वनुनि लँग्य् वाँच़ शिवनाथुन्त् सर्वाँरी ।।

तिथय मीनावती गॅयि वारियाह ख्वश  
लर्यव खोतु थोद वुछुन बंगालु कुय पश ।  
खँसिथ तथ प्यठ दोपुन नज़र पिल्यम दूर  
वुछन क्युथ आसि शिवजी छुम प्रेयम पूर ॥

यियम महाराज़ु क्युथ राज़ु क्वमारे  
ख्वने त्रॉविथ लगस रथु सवारे ।  
लगस अथ म्वख्तु जॉपानस लगस बो  
लगस महाराज़ु सामानस लगस बो ॥

लगस क्यमखाबुक्यन जामन लगस बो  
लगस अतलासु पॉजामन लगस बो ।  
यिथय पॉढ्यन गनन ओसुम प्रेयम भाव  
तिथय नारद मुनीश्वर तस निशे आव ॥

गँडिथ गुल्य् तस वनुनि लॅज हे मुनीश्वर  
यिमन मंज़ कुस छु हावतम शिव शंकर ।  
यि वनतम श्यामु रूपय कुस छु ज़ोतन  
मुकटा दिथ हटे छुस कौस्तुभ मन ॥

खँसिथ गरुडस छुनिथ छस लालु मालय  
वॅलिथ छुस ना पीताम्बरुक दुशालय ।  
नेत्र पम्पोश छिस छुय तीज़ु वानुय  
मे अँम्य्सुंद म्वख वुछिथ छुय द्वख च़लानुय ॥



योहय महाराज्जु मा छुम वारु वनतम  
गँनिथ छम यछ स्यटाह वँनिथ पछ मे अनतम ।

दोपुस नारद जुवन लक्ष्मी नारायन  
योहय छुय पंचजन्य् नोम शंख वायन ॥

सतोग्वण छुस स्यटाह कासन छु संकट  
भ्रगुन्य् लथ छस भ्रगुल ता वछस प्यठ ।  
योहय छुय प्रथ युगु अवतार धारन  
रछन भक्तन दुराचारन छु मारन ॥

अँमिस यूगी ज्ञाँनी ध्यान धारन  
छु जय जय कार असुँद्यन श्वभु कारन ।  
छु बख्खान परमँगत संकट छु हारन  
दिवन म्वक्ति कठिनि भवसरु छु तारन ॥

योहय शिवनाथु सुंज् स्मरन फिरन छुय  
शरन गँछिथ स्वरन तसुँदी चरन छुय ।  
दोपूनस बेयि हे नारद मुनीश्वर  
म कर जल्दी मे सुत्यन अख गँरा बर ॥

यि वनतम कुस छु ह्यथ गंधर्व लूखुय  
म्वखव चोरव परान छुय वीदु श्रूखुय ।  
खँसिथ हंसस गँडिथ व्वजली वरण छुय  
अथन च्वन ह्यथ च्वतुर वीदा परन छुय ॥

दोपुस नारद जुवन शैछ बोज कन दार  
यि छुय ब्रह्मा जियिय बोयनस नमस्कार ।  
अँमिय व्वपदोवुमुत समसार सोरुय  
असंजि वॉनी निशे द्रायि वीद चोरुय ।।

दोपूनस बेयि छुम शिवनाथु सुंद लोल  
मे सोरुय हावतम व्वन्य् युथ च़ल्यम लोल ।  
यि वनतम छय कसंज रथु सवॉरी  
यिवान छुय सुत्य ह्यथ बालक च़वपॉरी ।।

स्यठा छुय तीज़ु स्वस्तुय तीज़ु वानुय  
मे अँम्यसुंद दरशोनुय छुय ख्वश यिवानुय ।  
यि मा महाराज़ु आस्यम ख्वश कर्यम मन  
दोपुस नारद जुवन वनय च़ थव कन ।।

यि कर्मुक गाश छुय धर्मुक निधानुय  
यि प्रत्यक दीवता छुय तीज़ु वानुय ।  
अँमिस छिय सिरिं भगवानुय वनानुय  
योहय छुय परमु शिवुन रथु बानुय ।।

यिथय पॉठ्य हॉविनस वोन दिथ च़वपॉरी  
धर्म राज़ु बमय यँद्राज़ु सॉरी ।  
दोपूनस बेयि वनतम छम यछा यिय  
अँछव वुछुहँन छु क्युथ महाराज़ु शिवजी ।।

छु साधा अख यिमन मंजु कमि हालय  
हँटिस प्रथ तरफु गँडिथ स्वरफु मालय ।  
असुंद म्वख कासवुन द्वख गालवुन व्याद  
योहय गव साध छिस पम्पोश हिब्यु पाद ।।

गोसोन्या नॉल्यु छुनिथ कमि हालय  
यिथिस न्यर्मलु रुपस कलु मालय ।  
यि तन ज़ोतन स्यठा छस दुय मँलिथ सूर  
सफेदो साफ न्यर्मल ज़न सु कोर ।।

अंगन भस्मा अमरभूता मँलिथ छुस  
गज़ु चर्मा तु सुह मुस्ला वँलिथ छुस ।  
खँसिथ वृषस असॉवुन न्यथ लसॉवुन  
ननन छुम मंजु वनन आसिय बसॉवुन ।।

कँरिथ वनवासु चिय सँन्यास चाला  
छु सूरस सासु सुय तल खासु लाला ।  
छु मस्तानाह कुन्युक छुस नु खयाला  
स्यद्धा सादा व्यरक्ता भूलु बाला ।।

यि मारान आसि छालय बालु बालय  
यि वनतम किथुपॉठ्य आमुत छु सालय ।  
दोपूनस तँम्यु च़े छिय धनभाग कन थव  
पयस वॉचुख योहय क्या गव सदाशिव ।।

योहय शिवनाथ छुय महाराज् चोनुय  
छु चाने कोरि हुंदुय कर्मलोनुय ।  
योहय सन्यास आसन कोहि काँलास  
छि साँरिय अँम्य् सुंदन दासन हुंदी दास ॥

यि बूजिथ प्योस मातम गोस हाला  
वनन क्याह छुख च्चु युथ वनुन बु चाला ।  
दोपुस तमि तोरु नारद जुवु यि क्याह गोम  
ग्वसोन्या ह्यू यि क्युथ महाराज् यिथ प्योम ॥

यि कँम्य् योछनम युथुय महाराज् यियनय  
ग्वसोन्या राज् क्वमारे च्चे नियनय ।  
योछुम कँम्य् भकच सुत्यन व्यचार रूजिन  
योछुम कँम्य् रेहु सुत्यन नार रूजिन ॥

योछुम कँम्य् सन्ध्यायि सुत्यन श्रान रूजिन  
योछुम कँम्य् दयायि सुत्यन दान रूजिन ।  
योछुम कँम्य् श्रधायि सुत्यन ज्ञान रूजिन  
योछुम कँम्य् वेद्यायि सुत्यन मान रूजिन ॥

योछुम कँम्य् कायायि सुत्यन प्राण रूजिन  
योछुम कँम्य् धारनायि सुत्यन ध्यान रूजिन ।  
दिचुन अदु बाख लँजिस लूक पामन  
मलनि लँज खाक वॉलिन चाक जामन ॥

दमन मंज वुछ बनन क्याह व्यवहारस  
सपुन्य मातम सराया राजु द्वारस ।  
सॅमिथ पोह्यरेनि यिमु आसु वनुनावन  
वुठन ब्रेड्य कॅड्य कॅडी गॅयि अथु हावन ।।

सपुन्य हॉरान सॉरिय युथ वुछिथ हाल  
लोगुस अदु बोजनावुनि कूत हीमाल ।  
मु वद कर ब्बद्ध गॅयख च़ु कथ खयालस  
जगत ईश्वर छु आमुत पानु सालस ।।

यछा गॅयस कोरुन युथुय लिबासुय  
मोलुन अथ नूरु रुपस सूरु सासुय ।  
यिथिस लछि नावुसुय छिय लछि बॅद्य रंग  
चे अकुय रंग ड्यूतुथ यॅच़ गॅयख तंग ।।

यि शम्भू छुय स्वयंभू छुस शिवय रुप  
योहॅय छुय प्रजलावान सतुवय दुप ।  
सिरिं अॅम्यसुंदि तीजुक अख ज़ुचा छुय  
समंदर सत असुंज अख क्वलक़ुचा छुय ।।

तिथय पॉद्य यैलि हीमालन दोपुन तस  
दोपुस तमि तोरु हे सॉमी कॅरिव बस ।  
छु फरमावुन तुहुंद सोरुय सतुय सत  
मे छुम फेरान यि छयना खांदरुच कथ ।।

महाराजस पञ्या धारुन वर्ण युथ  
गृहस्थन लूभ स्वस्तिन छुय खरन युथ ।  
यि गॅर छय सारिनुय शूभायि सानुय  
तवय लूकन वुछिथ छस मंदुछानुय ।  
दॅपिव योदवय तोमुल दान्यस छु नेरन  
मे वुन्य् क्यन पछ यियम नु छुम यि फेरन ॥

यि गम यैलि बोऽनुवुन ज्यूठ तय क्रूठ  
वॅथिथ हीमाल गव अदु लबि कनि ब्यूठ ।  
यिथय कॅन्य् सारिवुय ब्योन ब्योन वोनुख तस  
कॅमी गॅयस नु कॅह क्रूधस तु क्षूभस ॥

खबर दीवीयि गॅयि रूदुस नु कॅह होश  
महादेवुन्य् प्रेयमन तस द्युतुय जोश ।  
पकन गॅयि माजि निशि तस वननि लॅज यिय  
द्यु क्या ज्ञानख कॅमिस प्यव नाव शिवजी ॥

जगत कुनि ओस नु तस ब्रॉठ योहॅय ओस  
त्रेगुण रुपा करून यछायि पुछि प्योस ।  
छु कस ताकत महातम वनि अॅम्यसुंद  
कट्युन ब्रह्माजियस गोमुत छु अॅम्यसुंद ॥

यिथिस आकाशिसुय वीदस ति गव ज्यूठ  
खॅसिथ ह्योर सु ति अॅकिस बेरि प्यठ ब्यूठ ।  
योहॅय बेरंग छुय प्रथ रंगुसुय मंज  
योहय साधन हंडिस सत संगुसुय मंज ॥

### 73. श्री पार्वती छे भगवान शंकरु सुंघ ग्वण वर्णना कॅरिथ माजि समझावान

परमु शक्ती वरवुन परमीश्वर हय ।  
योहँय शंकर हय छु त्रिभुवन सार ।।

ब्रह्मा रुपु आसवुन वीद सागर हय  
वैष्णु रुपु दारवुन ज़गि अवतार ।  
शिव रुपु राक्षसन दिवुवुन वर हय  
योहँय शंकर हय छु त्रिभुवन सार ।।

योहँय चूरि निवुनावुवुन सीतायि हय  
योहँय लंकायि हय करवुन डास ।  
योहँय राम लक्षमन शाम स्वंदर हय  
योहँय शंकर हय छु त्रिभुवन सार ।।

पांचन पांडवन हुंद ईश्वर हय  
योहँय अर्दाह अक्षोहिनी गालुवुन ।  
योहँय कृष्ण जुव म्बरली मनोहर हय  
योहँय शंकर हय छु त्रिभुवन सार ।।

कर्ता अकर्ता अनिथा कर्ता  
भौवी असुंजुय छय यछा ।  
अगम्य अपार दिगम्बर हय  
योहँय शंकर हय छु त्रिभुवन सार ।।

प्रहलाद भक्तस योहँय न्यथ पालवुन  
मदु निशि वालवुन हिरण्य कश्यपस ।  
नरसिंह जी योहँय नर्मदीश्वर हय  
योहँय शंकर हय छु त्रिभुवन सार ।।

पाताल वराह रुपु पृथवी खारुवुन  
हिरण्याक्ष द्रुतस योहँय मारुवुन ।  
गजेंद्रस म्बकलावुवुन हरीहर हय  
योहँय शंकर हय छु त्रिभुवन सार ।।

म्बक्त करवुन योहँय मुक्तिश्वर हय  
योहँय ध्रुव राजुन गूपी नाथ ।  
अटल पदवी बख्शुवुन विश्वेश्वर हय  
योहँय शंकर हय छु त्रिभुवन सार ।।

मछु अवतार छुय ज्ञान व्वपदावुवुन  
राजु प्रियभर्तस प्रलय हावुवुन ।  
कल्पॉथ अँम्यसुंद क्षनमात्र हय  
योहँय शंकर हय छु त्रिभुवन सार ।।

कूर्म रुपु समंदर छुय मंदुनावुवुन  
च्वदाह रत्न दावुवुन बॉगरॉविथ ।  
अथि ह्यथ औषद्ध दानवन्तर हय  
योहँय शंकर हय छु त्रिभुवन सार ।।



वामन जी योहँय गंगाधर हय  
राजु बलिसुय दातु कडवुन नाव ।  
योहँय पानु आसुवुन सुर तु असुर हय  
योहँय शंकर हय छु त्रिभुवन सार ।।

अँम्यसुय साधन हुंद प्रणाम हय  
भारगव राम हय योहँय आसवुन ।  
क्षत्रय गालवुन ह्यथ तबर हय  
योहँय शंकर हय छु त्रिभुवन सार ।।

बद्ध रूप दौरिथ नेंद्र छुय त्रावुवुन  
जगि निशि थावुवुन राक्षसन पथ ।  
योहँय धन दिवुवुन दामोदर हय  
योहँय शंकर हय छु त्रिभुवन सार ।।

गार्गी अवतार योहँय धारवुन हय  
अधर्मी मारवुन तथ कालस ।  
धर्म बडरावुवुन विद्याधर हय  
योहँय शंकर हय छु त्रिभुवन सार ।।

योहँय वैष्णु भगवानुन सत्ग्वर हय  
पोशि कनि लोगनस त्रेयुम नेत्रुय ।  
रामु सुंद पूजनीय रामीश्वर हय  
योहँय शंकर हय छु त्रिभुवन सार ।।

कालस ज़ालुवुन भस्माधर हय  
तवय नाव दौपुहस कालुसम्हार ।  
यमराज़स अँम्यसुंज थरु थर हय  
योहँय शंकर हय छु त्रिभुवन सार ।।

यूगन ज़ेनुवुन यूगीश्वर हय  
च्यथ ब्बद्ध मन प्राण योहँय आत्मा ।  
योहँय अंदर हय योहँय न्यबर हय  
योहँय शंकर हय छु त्रिभुवन सार ।।

अमरनाथुक योहँय अमर हय  
अयोध्या द्वारिका योहँय पोष्कर ।  
योहँय नैपाल काशी काशमर हय  
योहँय शंकर हय छु त्रिभुवन सार ।।

पुष्प दन्तु रुपु छुय मूक्षी दावुवुन  
योहँय वनुनावुवुन महिम्नापार ।  
योहँय आनन्दघन नन्दकीश्वर हय  
योहँय शंकर हय छु त्रिभुवन सार ।।

हनि हनि मंज योहँय च़राच़र हय  
कृष्णस वनुनावुवुन लीला ।  
थापना अँम्यसुंज हृदयुक मंदर हय  
योहँय शंकर हय छु त्रिभुवन सार ।।



## 74. मीनावती छे यि बूजिथ पार्वती प्यठ नाराज सपदान तु नारद जी छु शिवस प्रार्थना करान

यिथय पॉटय पार्वतीयि शिवलीला  
कनन मातायि कॅरनय बॅड दॅलीला  
वोनुन कोताह महातम तस वनय क्याह  
दोपुस तमि यिय पज्या वनुन च़े वाह वाह  
मन्दछ छय नय वनान छख ओर तय योर  
च़ु गछ छख कूर मै निशि दूर गछ दूर  
अँछव वुछनय वनान छख बॅड दॅलीला  
असुंज ब्रॉटुय बनेमुच़ छख वॅकीला  
चपाथा तस दिच़ुन छय वारियाह शर्म  
यिवान कॅह छुय नु अँछ तॅल्य् छख स्यठा नर्म  
सपुन्य् शर्मन्दु गौरी युथ वुछिथ हाल  
यि क्याह बोज्यम अँमिस वोलमुत मुहन नाल  
महादीवुन महातम बोजि सुय पूर  
अहंकारस बन्योमुत आसि यस सूर  
व्वलँगिथ रोज़ि सुय मायायि ज़ालय  
प्रयन यस परमु शिवने स्वरफ़ मालय  
सफेदस प्यठ लगान छिय वारियाह रंग  
सफेदी मानि सुय युस ज़ानि सत्संग  
शँरीरस छुय पतव लाकन्य् बनन सूर  
भस्मु तस प्रयि युस रोज़ि देह निशि दूर  
तिथय नारद जुवन येलि वुछ योहँय रंग  
वँथिथ गव पकनि लोग साँपुन स्यठाह तंग  
सदाशिवस निशे दवन दवन आव  
व्यनथ कॅरनस प्रभू अर्जस च़ु कन थाव

छे योसु त्वहि आसवुन्य् मीनावती हश  
वुछिथ स्वय मूर्ख बोज़ किन्य् गँयि नाख्वश  
यछान ऑस जान महाराजा यियम ना  
वँरिथ सुय राज़ क्वमॉरी नियम ना  
कुनिय छिवु तोह्य तुहुंज माया छे प्रजा  
दुई तस भासि यस आसि लूक लजा  
मन्दछ येम्य् त्रॉव तँम्य् गत प्रॉव बेशक  
च़ु कँमिस मन्दछख छुख सर्व व्यापक



## 75. नारद जी छु भगवानस युथ स्वरूप बदलनु बापथ प्रार्थना करान

लजायि रँस्ति प्रजाये ।  
अनुग्रह छु चोन जायि जाये ॥

कुस छुय दौयुम कस मन्दुछख  
न्यर्मल मनु किन्य् छुय नु शक ।  
ग्वण चॉन्य् नु गँजरनु आये  
अनुग्रह छु चोन जायि जाये ॥

बालक अवस्था छय च़ै न्यथ  
छुय भूल बालय नाव सत ।  
जय जय छु यिछि दयाये  
अनुग्रह छु चोन जायि जाये ॥

न्यरलूभु मोह छुय गोलमुतुय  
आश्चर चै काम छुय ज़ोलमुतुय ।  
ऑसिथ युथ तीज़ व्वमाये  
अनुग्रह छु चोन जायि जाये ॥

व्यरक्तु वस्त्र छिय नु नॉल्य्  
फेरान चय छुख बॉल्य् बॉल्य् ।  
कुस ज़ानि छुख कथ शाये  
अनुग्रह छु चोन जायि जाये ॥

न्यथु ननि अमर नाथु छुख  
वस्त्र त्रॉव्य् तँम्य् येम्य् लोबुख ।  
नालुमँत्य् करि प्रतिमाये  
अनुग्रह छु चोन जायि जाये ॥

परमु शक्ती स्वस्ति भूल बालय  
नॉली छुनिथ कलु मालय ।  
मस्तानु बे परवाये  
अनुग्रह छु चोन जायि जाये ॥

नव निधान छुय धनु पूर  
आश्चर ति त्रॉविथ मोलुथ सूर ।  
वोलनख नु मोह माये  
अनुग्रह छु चोन जायि जाये ॥

वृषस खँसिथ भस्मा मौलुथ  
गजं चम तु सुह मुस्ता वोलुथ ।  
ख्वश गोय यिय यछाये  
अनुग्रह छु चोन जायि जाये ॥

मुकट कनि छय जटा  
नाव प्योय संकट कटा ।  
जटा मुकट गंगाये  
अनुग्रह छु चोन जायि जाये ॥

महाराज आयोख बँनिथुय  
कस फोरि कुस हैकि वँनिथुय ।  
मीना चें वुछने द्राये  
अनुग्रह छु चोन जायि जाये ॥

डीशिथ चें गँयि क्षूभस अंदर  
हावतस त्युथुय रुपा स्वंदर ।  
युथ लागि हीय पौत छाये  
अनुग्रह छु चोन जायि जाये ॥

हमसु नादु प्यठ सहाये  
रोजं त्राव हमसुन साये ।  
हमसा मे छम हमसाये  
अनुग्रह छु चोन जायि जाये ॥

कृष्णस त्पुथुय दितु दरशोनुय  
युथ बासिहेस त्रिभुवन कुनुय ।  
त्राविहे लूक लजाये  
अनुग्रह छु चोन जायि जाये ।।



## 76. शिवजी छु प्रसन्न गँछिथ महाराजु रुप प्रकट करान

यि लीला बूजिथुय ख्वश गव महीश्वर  
असन असन दौपुन तस हे मुनीश्वर  
छु सोरुय वनुनुय चोनुय मै मंजूर  
बराबर छुय मै निशि नूर तय सूर  
सम द्रष्टि वनय क्याह छे मै किछ हिश  
ह्युवुय छुय बुरजु तय क्यमखाब मै निश  
वनन वनन नजर नारद जुवन त्रॉव  
महा दीवन महामाया पनुन्य् हॉव  
स्व माया यथ दपन विश्वरुपु दरशोन  
सु दरशोन यथ दपन अमृत वरशोन  
करोरय सिरिंकुय तीजा बनोवुन  
परम ब्रह्मन पनुन प्रकाश होवुन  
परम शिवन पनुन प्रचंड त्रोवुन  
करोरुक तेज यकजा मिलुनोवुन  
थँविव तोह्य बोजवुन्य्व वारु ध्यानय  
कँरिव बद्ध च्यथ थँविथ सत छुस वनानुय

कुनुय सिरिं वुछुन छुनु बनानुय  
न्यथुर यथ दर्शनस छि नु दरानुय  
करोर येति आसि क्युथ तति आसि प्रकाश  
वुछिथ कुस हेकि यथ कस आसि त्युथ गाश  
बो क्याह वनु अदु सु महाराजा बन्यव क्युथ  
यिथिस परिवारुसुय युथ शूभिहे त्युथ  
डलान छम बद्ध वनय क्याह माँजि बदल  
शफक आव ब्यूठ तस तति पादनुय तल  
वुछिथ नारद जुवन कोरनस नमस्कार  
चु कर्ता सारिकुय छुख हे निराकार  
कुनुय ओसुख मनस येलि गोय चै यकबार  
स्यठा बनु हा तु दिमु हा ज्यूठ व्यस्तार  
अँकिस क्षन मात्रस मंज सोर समसार  
कोरुथ व्वत्पथ यि क्याह तौजुब छु युथ कार  
बनौविथ पांछ कारण शकलि अँकार  
चु छुख परमात्मा मंज बाग म्वखतार  
दयालू दय चु छुख छय भावुचिय प्रय  
चै बोयनय जय चै बोयनय जय चै बोयनय  
व्यनथ छय बेयि चै यिय हे मृत्युंजय  
वुछन वाल्यन तिछय अँछ दितु वुछनय  
असन असन पकनि अदु लोग सदाशिव  
वनय कोताह प्रचंडा पर्वतस प्यव  
वुछिथ मीनावती साँपुन्य् खबरदार  
नजर त्रॉवन वुछुन शम्भू जटाधार  
बन्योमुत राजु पौत्रा तीजु वाना  
बँरिथ तसुंदि तीजु सुत्य् आमृत जहाना



सु महाराजा सु साजा राजु चाला  
छु कस ताकत तम्युक करि अख खयाला  
सु जाँपाना सु सामाना विमाना  
छु कस ताकत तम्युक वनि अख निशाना  
महाराजस वुछिथ युथ तीजु कुय म्वख  
चोलुस द्वख तय बन्यव परमात्मुक स्वख  
वनुनि लँज क्याह मनुक मे द्रावु तमना  
यि छा पौज किनु वुछुम मायायि स्वपना  
वनन वनन यिथय पॉट्य गँयि हर्षस  
गृह्य सौरिय केंद्र बीठिस मे वर्षस  
चे युथ हरषीश्वरो हर्षस बो कँरथस  
चे आनन्दीश्वरो आनन्दु बँर्थस



### 77. स्यठाह प्रसन्न सपदिथ छे मीनावती स्तुति करान

मे गम कोसुथ दिगम्बरय ।  
पम्पोशि पूजा करॉयो ।।

प्रेयमय चाने द्रायस गरे  
करहॉ हरषीश्वरुक दरशोन ।  
श्रानाह कोरुम कोरुक्षेत्रुकि सरय  
पम्पोशि पूजा करॉयो ।।

प्रेयमचि पृथिवीयि परात्परय  
ज्यवनु ज्यवन छु भावुक ब्योल ।  
जोवरि जन्मपाप जॉलिथ हरय  
पम्पोशि पूजा करॉयो ॥

जोवुरि नागु जलु जगत ईश्वरय  
अथ भावु ब्यॉलिस बन्याव सग ।  
परमार्थ रस प्योस परमीश्वरय  
पम्पोशि पूजा करॉयो ॥

गोलुम क्षूभ अकि क्षनु मात्रय  
चोलुम ख्वनुमूह वॉतिथ मोह ।  
भवनीश्वरिये तॉरसु भवसरय  
पम्पोशि पूजा करॉयो ॥

अनन्तु अकालु हे अमरय  
यम हेरि खसान बन्योम शम दम ।  
यमु केंकर गॉल्यथम शंकरय  
पम्पोशि पूजा करॉयो ॥

कामकिेधकि भस्मास्वरय  
असुर प्रकृच कोरनय सूर ।  
हर्षस बो कॅरथस हरषीश्वरय  
पम्पोशि पूजा करॉयो ॥

हे शिवु केशवु ग्वफि अन्दरय  
द्वयि आकारु छुख अद्वैतु रुप ।  
रॉमीश्वरय शामु सुन्दरय  
पम्पोशि पूजा करॉयो ।।

संकटु कटा चै जटाधरय  
नाव प्योय, मे कोसुथ सोर संकट ।  
वर लोब मे चै निशि हरीहरय  
पम्पोशि पूजा करॉयो ।।

हे अमरय हे अजरय  
वुछिथ चै ज़रय रूदुम नु होश ।  
च़राच़रय छुख आश्चरय  
पम्पोशि पूजा करॉयो ।।

तिछ अँछ दितम विश्वेश्वरय  
वुछहॉ करोरु सिर्यिक तीज़ ।  
नतु यथ तीज़स निशि कति दरय  
पम्पोशि पूजा करॉयो ।।

तीज़ युथ बनोवुथ भस्माधरय  
बोयिन चै दयस नमस्कार ।  
वॉच़ुस पयस गँयस व्यस्मरय  
पम्पोशि पूजा करॉयो ।।

कृष्णस दि भक्ती म्क्तीश्वरय  
गदाधरय सदा बोज़ ।  
आनन्द दिस आनन्दीश्वरय  
पम्पोशि पूज़ा करॉयो ॥



### 78. मानावती छे पनुन हर्ष प्रकट करान तु वनान

शब्दस कन थाव वन हॉरिये ।  
वुछ शिव नाथुन्य् सवॉरिये ॥

गाह प्यव रुपुक च्वपॉरिये  
वाह क्याह शाह आव यपॉरिये ।  
चरणन लगस बो पॉरिये  
वुछ शिव नाथुन्य् सवॉरिये ॥

शरण आमुत्य् छि सॉरिये  
हरी हरन द्वख हॉरिये ।  
पापन प्वन्य् यॉर्य् मुरॉरिये  
वुछ शिव नाथुन्य् सवॉरिये ॥

शूभा छि छांडन समसॉरिये  
स्योद गॅयि दुनिया दॉरिये ।  
स्वखु म्वखु नखु प्यठु वॅथ्य् बॉरिये  
वुछ शिव नाथुन्य् सवॉरिये ॥

वुछिथ हर्षस गॅय सॉरिये  
द्वर्गत चॅज गॅज नादॉरिये ।  
वनि आव न्यर्नय नॉरिये  
वुछ शिव नाथुन्य् सवॉरिये ॥

वतु छिस शेरान दरबॉरिये  
राज़ु छु सोंबरान बेगॉरिये ।  
प्रथ कुनि चीज़स छे तयॉरिये  
वुछ शिव नाथुन्य् सवॉरिये ॥

लर्यन कॅरमुच छे गुलकॉरिये  
गछ कौर नाना प्रकॉरिये ।  
प्रेयमु बरन्यन छि वॅथ्य् तॉरिये  
वुछ शिव नाथुन्य् सवॉरिये ॥

यॅद्राज़ु बन्यव पूजॉरिये  
अन्नु राज़ु बन्यव भण्डॉरिये ।  
वर्णु राज़ु थोक पोन्य् सॉर्य सॉरिये  
वुछ शिव नाथुन्य् सवॉरिये ॥

सॅमिथ आमुत्य् छि लूख सॉरिये  
पोश छिस छकन च्वपॉरिये ।  
लोग पोशि वर्षुन बाज़ॉरिये  
वुछ शिव नाथुन्य् सवॉरिये ॥

व्यचारुक ओश गव जॉरिये  
द्वख हर कृष्णस कर यॉरिये ।  
पर्वत राज्ञुन्य् क्वमॉरिये  
वुछ शिव नाथुन्य् सवॉरिये ॥



### 79. स्यठाह येलि साँपनुस ...

स्यठाह येलि साँपनुस मन साविधानुय ।  
वननि लँज छम क्वमॉरी भाग्यवानुय ॥

नमस्कार ऑस्यनस छुस कर्म लोनुय ।  
स्यठा रुपीठ स्वंदर नुन्दु बोनुय ॥

जंनानन कुन दोपुन दय हय सपुन नोन ।  
स्वंदर वॉनी हेयतोस वनुनावुन ॥



## 80. मीनावती छे ज़नानन कुन वनान

सँमिवे विग्यन्धव हेयतव वनुवुन हय ।

महाराज़ सोन हय त्रिभुवन सार ॥

वुन्य् ओस बुडु तय वुन्य् सपुन बालय

सानि सालय कमि हालय आव ।

नव्यन हुंद नौव तय प्रान्यन हुंद प्रोन हय

महाराज़ सोन हय त्रिभुवन सार ॥

स्यठा तीज़वान हय शूभायि सान हय

गरु सोन पानु भगवान हय आव ।

ज़ोन हय ज़ोन हय मोन हय मोन हय

महाराज़ सोन हय त्रिभुवन सार ॥

संकटु गटि मंज़ अनुवुन गाश हय

थवुवुन आश हय आशि रँसित्यन ।

सानि क्वमारि हुंद कर्मय लोन हय

महाराज़ सोन हय त्रिभुवन सार ॥

ज़ोतन तनि सुत्य् मन निवुवुन हय

स्वख दिवुवुन हय म्वख हॉविथ ।

कृष्णस हृदयस मंज़ भसुवुन हय

महाराज़ सोन हय त्रिभुवन सार ॥



## 81. श्री नारायण यँजमनस कुन स्तुति (वनवुन)

नन्द लालु आव गिन्दुने रास  
आरु कँरिवे आरय ।।

आरुवल दँज लोलु नारय  
आरु रँस्य् कँर्य वनवास ।  
आरु कँच फीर आरु आरय  
आरु कँरिवे आरय ।।

देह द्वारिकायि मंज वारय  
वुछ तोन खेलुवुन रास ।  
वारु मुचरिथ नव द्वारय  
आरु कँरिवे आरय ।।

बँनिवे येत्य् गुपुकारय  
शहरु मंजय वनवास ।  
गेविवे शंकराचारय  
आरु कँरिवे आरय ।।

हरम्वखु तय हरद्वारय  
वनि कँड्यतो न सँन्यास ।  
सुत्य् ज्ञानु व्यचारय  
आरु कँरिवे आरय ।।



हारि पर्वतु दरबारय  
लछि बँद्य सासु बँद्य सास ।  
नियिवे दयि धनु द्यारय  
आरु कँरिवे आरय ॥

कँरिवे स्वंदरि नारय  
रोह्व करनुक अभ्यास ।  
शामु स्वंदर बोज़ि वारय  
आरु कँरिवे आरय ॥

लारि क्याह येमि समसारय  
सासन कँरिवे सास ।  
अख दयि नाव तारु तारय  
आरु कँरिवे आरय ॥

कृष्ण जुव चाव सानि द्वारय  
सुत्य् ह्यथ हरम्बख वास ।  
सिरिं चँद्रम प्रकारय  
आरु कँरिवे आरय ॥

कृष्णस सुत्य् ल्वकृचारय  
कृष्ण जुव करि अथुवास ।  
गिन्दुनुक्य् छिस द्वह तारय  
आरु कँरिवे आरय ॥



## 82. यि बूज़िथ त्रैयिलूकचि ...

यि बूज़िथ त्रैयि लूकचि त्रियि आये ।  
महाराजस वुछनि कमि लोलु द्राये ॥

नेबुर्य दार्यव बरव किन्य पान त्रॉविख ।  
सदा शिवुन्य सवॉरी परज़ुनॉवुख ॥

नेत्र दित्यनख तिथिय युथ बोज़नु आख ।  
स्वंदर वॉनियि पॅर्यहस वनवुन्य वाख ॥

ह्योतुख वैक्वंठु मंडल ज़न बनावुन ।  
सॅमिथ त्रियि भावु ह्योतहॅस वनुनावुन ॥



## 83. ज़नानु छे महाराजस वनवान

पॉर्य पॉर्य लॅग्यतोस रथु सवारे ।  
महाराज़ु राज़ु क्वमारे आव ॥

भय च़ोल मृत्युंजयिने ज़यि सुत्य्  
दयि सुँज़ि नयि मंज़ तोता द्राव ।

हीमालु पर्वतु ने वन हारे  
महाराज़ु राज़ु क्वमारे आव ॥

सॉनिस पोशि बागस ओस गोशा  
गोशस प्यठ पम्पोशा ब्यूठ ।  
रोशि चाव पोशि नूल मंज पोशि वारे  
महाराज्ज राज्ज क्वमारे आव ॥

पम्पोशि पादु वुछ सादु शहजादा  
बागस मंज नागु रादा द्राव ।  
आकाशि अमृत प्यव दारि दारे  
महाराज्ज राज्ज क्वमारे आव ॥

पम्पोशि फर्शा कोर बंगालस  
त्रिजगत पालस दोप सालस ।  
बालु ब्यूठ बालादरि प्यठ दारे  
महाराज्ज राज्ज क्वमारे आव ॥

वनुचे विग्युने वनुवनि द्राये  
आकाशि प्यठ वछु अछु रछु ब्वन ।  
लूख छिस वनुनावन कन दारे  
महाराज्ज राज्ज क्वमारे आव ॥

विमानन क्यथ छि पौत महाराज्जय  
सिंहासनस प्यठ छि राज्जय ऋष्ट्यु ।  
वॅस्यु पैयि अँस्यु वुछिथ हँस्यु अम्बारे  
महाराज्ज राज्ज क्वमारे आव ॥

सालरव डालु दिचु प्यठ डालानस  
दिवता देवान खानस बीठ्य ।  
अँड्य अपारे अँड्य यपारे  
महाराजु राजु क्वमारे आव ॥

शिवु सत्संग नोम अन्न करमु जाये  
बाँगरोव धर्म समाये मंजु ।  
परमार्थ रस फ्युर प्रेयमचि नारे  
महाराजु राजु क्वमारे आव ॥

ख्यावनस चावनस छिख सीवाये  
कम कम राजु ऋष्ट्यु खँदमतगार ।  
मॉलु छिख ख्यावान ऑलु सुपारे  
महाराजु राजु क्वमारे आव ॥

द्वारस सॉनिस बन्यव स्वर्गु द्वारा  
कॉनिन्यु सॉन्यु हरद्वारा हिश ।  
सालरव कमि हालु तति छालु मारे  
महाराजु राजु क्वमारे आव ॥

युथ महाराजु यिछि बजि थजि कारे  
जल जल वॉल्युतोन राजु क्वमॉर ।  
वीगिस प्यठ व्वन्यु कोताह प्रारे  
महाराजु राजु क्वमारे आव ॥

बन्दन त्रॉविथ कलु छिस वंदन  
वन्दन छ्यफ दिच लन्दन वोत ।  
चन्दनुक ज्युन वोल जोल बुखारे  
महाराज्ज राज्ज क्वमारे आव ॥

कृष्ण अर्धनारीश्वरु सुँज द्वय छय  
त्रियि भंगु मरदु पानु दरदु वनुनाव ।  
शिव शक्ती रुपु द्यवु केंछा यारे  
महाराज्ज राज्ज क्वमारे आव ॥



#### 84. सर्व शक्तीमान वेष्णु भगवान येँजमनस छि आवाहन करान

सर्व आकारु रुपु वेष्णु भगवानस ।  
सर्व शक्तीमानस छु आवाहन ॥

वन दीवियि बेछि प्यठ डालानस  
सत्य् नारानस छु वनुनावुन ।  
प्रॉविथ गथ त्रॉविथ अभिमानस  
सर्व शक्तीमानस छु आवाहन ॥

हेरि वेँछ अछु रछु वायन तु गायन  
बेछि गोपियन तु गूर्यबायन सुत्पु ।  
हीमालु पर्वतुनिस देवान खानस  
सर्व शक्तीमानस छु आवाहन ॥

विग्युनि आयि दीव कन्यायि ह्यथ लारन  
भक्ती भावनायि किन्य् म्वख्तु हारन ।  
वनुनि लजि ग्वण न्यर्गुण ग्वणु वानस  
सर्व शक्तीमानस छु आवाहन ।।

यूगिनी नागिनी आकाशि मात्रिकायि  
वनवुनि आयि बजि श्रधायि सान ।  
कांह त्रिया रूज नु मंज पॅरिस्तानय  
सर्व शक्तीमानस छु आवाहन ।।

असुनस तु गिंदुनस मंज मॅशिथ पान गोख  
च्यथ ब्बद्ध प्राण गोख तस कुन लीन ।  
समॉज स्वख आख मंज व्यथानस  
सर्व शक्तीमानस छु आवाहन ।।

सरस्वती गोमती गंगा जमुना  
स्यंध ह्यथ चॅद्रभागा व्यतस्ता ।  
सर्व तीर्थ ह्यथ छे सत जनि कनि श्रानस  
सर्व शक्तीमानस छु आवाहन ।।

स्वप्रकाशि क्वंडु सुय सोम सिरिं साम छिय  
शाम छुय सुबुह ह्यथ तन नावन ।  
रात द्वह छोह दिथ तल सायिबानस  
सर्व शक्तीमानस छु आवाहन ।।

अथ दयिगँच लगुहोय पॉर्य पॉरी  
अति ऑस्य् सॉरी वनान यिय ।  
बद्ध छनु वातान यिथिस कारुखानस  
सर्व शक्तीमानस छु आवाहन ।।

कृष्ण श्रेह बर शिवनुय कीशवुनुय  
साविधान मनु बेह तु ग्यवनुय हे ।  
श्रवनुय कर गछ शिव न्यर्वानस  
सर्व शक्तीमानस छु आवाहन ।।



### 85. शम्भू महाराजस कुन स्तुति

हे अघूर नीलकँठ छुख च्च हन हन तय  
शिवु रुप दॉरिथ वृष्भासन तय  
चँद्र चूड चान्यन पद्यपादन तय  
मीट्य दिमु शमु छुख त्रैयलोचन तय  
ब्रह्म रुपु समसार संबालन तय  
विष्णु रुप दॉरिथ ज़गि पालन तय  
सम्हार रुपु छुख थ्यथ गालन तय  
न्यरग्वणु चैय छिय त्रेशवय ग्वण तय  
भैरवनाथु कर क्षय पापन तय  
नागेंद्रु हार छुय नॉल्य् आसन तय  
स्वखु म्वखु सुत्यू छुख द्वख गालन तय  
न्यर्मलु तनि छुख भस्मु मलन तय

गज चर्मा छुख च्युय वलन तय  
सारिनुय प्यठु थोद चोन आसन तय  
त्रेन भवनन हुंद छुख कारण तय  
त्रेयलोक नाथु छिय श्वभ लक्षन तय  
महा कल्पौत येलि छुय बनन तय  
क्षन मात्र चोन वीद वनन तय  
माया च़ेय कुन शांत गछन तय  
चानि यछायि सुत्त्यु बेयि सपनन तय  
जीवन तु दीवन छुख न्यंगुलन तय  
अविनाशि च़ेय निशि बेयि नेरन तय  
चोन ध्यान दौरिथ सौर्य सज्जन तय  
खटवुन्यु पान तय रटवुन्यु वन तय  
परमु शिवु हृदयस मंजु भक्तन तय  
परमात्म ज्योति रुपु छुख भासन तय  
सतच्यत् रुपु छुख आनन्दघन तय  
अनुभवु भाव किन्यु छुख टोठन तय  
परमु शक्ती स्वस्ति च़ौन्यु ध्यान स्मरन तय  
स्वनस सादन छय साधन तय  
शिव शिव गछन छु पां छोलन तय  
पवनु सुत्त्यु बैरुग सुमरन फिरवन तय  
हरु हरु बोलान कुल्यन हुंद पन तय  
अजपा पौन्यु पानु छुख ज़पन तय  
वासनायि किन्यु अँस्यु छि देह मानन तय  
सूहम सू वोन सौन्यु प्राणन तय  
अँस्यु बे खबर छिनु कँह ज़ानन तय  
देह प्राण जुवु सान छिय अर्पन तय



म्वक्तीश्वरु कर जन्मन छुयन तय  
शेर चोन थौद प्यठ आकाशन तय  
तल पातालन पाद चॉन्य् ब्वन तय  
आधिकार चोन छुनु कांह ज़ानन तय  
बडि आकारु स्वस्ति छुख शूभन तय  
पादि प्रणाम छुय अष्टु भौरवन तय  
सुत्य् सुत्य् आसवुन्य् छिय रात द्यन तय  
लीलायि चानि छम नु ब्वद्ध वातन तय  
च्यथ छुम चलन तय ज्यव छम कलन तय  
अनाथन हुंदि नाथु श्वभ चरणन तय  
शरने आसय छुख शंकरशन तय  
कर दया छुख पूरख पूर्ण तय  
शेषकलु लीन कर म्योनुय मन तय  
भक्ती चॉनी वॅन्य् कृष्णन तय  
गंगाधरु हरु हरु थव कन तय  
युथ सु ति रोज़िहे मंज़ भक्तन तय  
हे अघोरु नीलु कण्ठु छुख च्य हन हन तय



## 86. यँजमन नारायणस कुन स्तुति

मुर्ली शब्दा गव असि कनन ।  
वनन छि राधा कृष्ण हय आव ॥

जसुदा छे नन्दु गूरिस कुन वनन  
जगत यस ज़ाव सुय असि ज़ाव ।  
ऑस मुचरोवुहस तु आश्चर छु ननन  
वनन छि राधा कृष्ण हय आव ॥

यिम गवण खँट्यमुत्य् ऑस्य् न्यर्गुणन  
तिम ह्यथ अँदरु न्यबर द्राव ।  
प्रकट कँर्य श्री कृष्णुन्य् ज्यनन  
वनन छि राधा कृष्ण हय आव ॥

उधव जियस छे गोपियि वनन  
च्युय शुष्क ज्ञान वनुन त्राव ।  
भक्ती सुत्यन छे म्वक्ती बनन  
वनन छि राधा कृष्ण हय आव ॥

छुखय च्च आत्मा एक्य वनन  
सुय गोख च्युय अख युक्ता हाव ।  
नतु छुख अशक्त जीवा ननन  
वनन छि राधा कृष्ण हय आव ॥

गोवर्धन तुल निरंजन  
प्यठ किसि यिथु पनु बॅर्गस वाव ।  
त्युथुय नाव अँस्य् छि मनु वाजि खनन  
वनन छि राधा कृष्ण हय आव ॥

भक्ती तँम्यसुंज कँर अरंजन  
स्वभँद्रा निथ ति बोजवान द्राव ।  
यस वरि तस पापन प्वन्य् छि बनन  
वनन छि राधा कृष्ण हय आव ॥

द्रौपदियि क्याह कोर दँर्योधनन  
च्यतस यान्य् प्योस अख कृष्णु नाव ।  
अम्बर अम्बर गौंस वर्धनन  
वनन छि राधा कृष्ण हय आव ॥

दोयुम कांह छुनु तस ह्यु ननन  
कस आसि तँम्यसुंद ह्यु स्वभाव ।  
वैकुण्ठु गत प्रौव बिन्द्राबनन  
वनन छि राधा कृष्ण हय आव ॥

न्यथु नँन्य् अँस्य् द्रायि मंज आंगनन  
मुर्ली शब्द यान्य् कनन द्राव ।  
न्यँद्रे हचन व्वठ कँड मनन  
वनन छि राधा कृष्ण हय आव ॥

यिय असि बन्यव तिय कस छु बनन  
सुय ज़ानि यस युथ बँनिथ आव ।  
न्यथु नँन्य् नेरव तु फेरव वनन  
वनन छि राधा कृष्ण हय आव ॥

गूर्य भाव प्रावुनॉव्य् आनन्दु घनन  
व्यद्ध गँयि स्यद्ध असि द्वध यान्य् ज़ाव ।  
सोरुय हेछिनॉव्य् तँम्य् सुंद्य च्यनन  
वनन छि राधा कृष्ण हय आव ॥

बोजुन श्रवुन तु करुन मनन  
निदिध्यासन छुय अख भक्ती भाव ।  
साक्षात्कार वुछ तु यूगी छि छनन  
वनन छि राधा कृष्ण हय आव ॥

यिछन रॉचन तु यिथ्यन द्वहन  
रास आसु खेलान तिय याद पाव ।  
तिय याद प्यथ असि छे हन हन छनन  
वनन छि राधा कृष्ण हय आव ॥

प्रेयम तँम्य् सुंद छु घनन घनन  
अँस्य् सुय छे बनन मो नशराव ।  
बनुन द्वर्लभ छु युथ सत्ज़नन  
वनन छि राधा कृष्ण हय आव ॥

यि कौर असि अक्रूरन्त् निनन  
गछ श्री कृष्णस योत वातुनाव ।  
नतु यिख ह्यनु मंज सान्यन ऋणन  
वनन छि राधा कृष्ण हय आव ॥

बूजिथ छु उधव कृष्णस वनन  
यिछ गूपिया अख मे ति बनुनाव ।  
भक्ती यिहुंज छम जिगरस सनन  
वनन छि राधा कृष्ण हय आव ॥

ज्ञानु द्वध वीदु कामधीनि थनन  
ह्यथ च़ेय ज़ोनुथ मे दामा चाव ।  
बद्ध म्यॉन्य द्वध ज़न छे तनन तु गनन  
वनन छि राधा कृष्ण हय आव ॥

बम्बूरस कुन छे गोपियि वनन  
तँथ्य् प्यव बम्बूरु गीता नाव ।  
बूजिथ ति भक्तन छे म्वक्ती बनन  
वनन छि राधा कृष्ण हय आव ॥

यँम्बुरज़लन छु अम्बर छनन  
मो रोश बम्बूरु अम्बर छाव ।  
अँछन कुन वुछ तु तन लाग तनन  
वनन छि राधा कृष्ण हय आव ॥

महाराजु ज़ानुनोव युथ यँजमनन  
सिरिं चँद्रम ज़न गरु द़ाव ।  
शामस तु प्रभातस म्युल छु बनन  
वनन छि राधा कृष्ण हय आव ॥

कृष्णुन अथु अँस्य् छि द़े कुन अनन  
अथस सुत्यन अथु मिलुनाव ।  
यिथि रासु अथवास ज़ांह छुनु छ्यनन  
वनन छि राधा कृष्ण हय आव ॥



### 87. यँजमनस कुन स्तुति

आव हय नन्दु लाल बिन्दराबन ।  
सुत्य् गूपियन गिन्दुने ॥

टॉठ राधा छस क्रेशन  
तस छु आमुत वुछने ।  
मथुरायि त्रॉविथ रुक्मन  
सुत्य् गूपियन गिन्दुने ॥

सब्जु ज़ारा छु बिन्दराबन  
कामधेनु लजि खसने ।  
पतु पतु छुख मनमोहन  
सुत्य् गूपियन गिन्दुने ॥

शामु रुपु छस ज़ोतन तन  
कामधेनु आव रछने ।  
ब्रज गामु द्राव कामदेव ज़न  
सुत्पु गूपियन गिन्दुने ॥

किसि प्यठ छुस गोवर्धन  
यँद्राज़ु आस शरने ।  
अदु ख्वश गोस मधुसूधन  
सुत्पु गूपियन गिन्दुने ॥

पूतनायि दोप द्वध बु चावन  
ज़हरु लँज बब बरने ।  
अकि दामु गँयि अथु हावन  
सुत्पु गूपियन गिन्दुने ॥

कौली नाग ओस ज़हर हारन  
तस प्यठ लोग नचने ।  
बालु कृष्णा छु छालु मारन  
सुत्पु गूपियन गिन्दुने ॥

शंखचुड दुथ आव लारन  
गूपियन लोग खटने ।  
अकि चंजि गव प्राण हारन  
सुत्पु गूपियन गिन्दुने ॥

गूर्य बायि द्रायि पूर्य त्रावन  
जमुनायि तन नावने ।  
जामु निथ छुख नु पामु थावन  
सुत्पू गूपियन गिन्दुने ॥

राधिकायि हुंद आव ब्रह्मन  
म्वख्तु मालि म्वल करने ।  
म्वख्तु कुल्य् वुछ वुछ छु मंदछन  
सुत्पू गूपियन गिन्दुने ॥

काँलासु आव शंकरशन  
रासु मंडुल वुछने ।  
कृष्ण ड्यूठुन ख्वश गोस मन  
सुत्पू गूपियन गिन्दुने ॥

न्यरग्वणु सुंद वुछ सतोगण  
जगतस आव रछने ।  
सत्पू दीव सत्पू नारायण  
सुत्पू गूपियन गिन्दुने ॥

परमात्मा छु परिपूर्ण  
कृष्ण यस लोग वनने ।  
विज्ञानुवान यूगी ज़न  
सुत्पू गूपियन गिन्दुने ॥



कृष्णु नावस छि काँत्याह ग्वण  
जीवभाव लोग हरने ।  
पाँन्त् पानस छु परजुनावन  
सुत्त् गूपियन गिन्दुने ॥

छस दया छुनु काँसि मारन  
यिम तस आयि शरणे ।  
पँपियन केंछा छु यारन  
सुत्त् गूपियन गिन्दुने ॥

डाँल्य्मुत्त् आँस्त् व्यवहारन  
असि लोग ह्यसु फिरने ।  
आँबदारन सुय छु तारन  
सुत्त् गूपियन गिन्दुने ॥

श्वभ कार कँर्य शूभिदारन  
भक्तीभाव लोग घनुने ।  
वेष्णु रुपु कृष्णु अवतारन  
सुत्त् गूपियन गिन्दुने ॥

कृष्णु कृष्णय कोर कृष्णन  
कृष्णु नाव लोग स्वरने ।  
कृष्ण टोढ्योस कृष्णारपन  
सुत्त् गूपियन गिन्दुने ॥



## 88. साँमी राजदान साँब छि भगवान शिवस कुन स्तुति करान

हम्सु पखु ह्यथ च्यथ फम्बु सीरि शम्भू ।

वनि यितु मे हरम्बखु नीरि शम्भू ।।

शांत शहरुक दिम विज्ञान राजिय

भक्ती व्वडि शक्ती पातुक ताजिय ।

म्बख्तु पानय मेलि ब्रगु तीरि शम्भू

वनि यितु मे हरम्बखु नीरि शम्भू ।।

कल्पवृक्ष भक्तरक्ष छुख द्वख कासन

नेष्कामु कर्मव कर निर्वासन ।

शेहजार फिर मे प्रक्रेच वीरि शम्भू

वनि यितु मे हरम्बखु नीरि शम्भू ।।

न्यर्वान यँदरस छुय वर विज्ञान

पखचव कनि यँद्रय योनि कनि प्राण ।

नावु रुपु पन कोत वाह सीरि शम्भू

वनि यितु मे हरम्बखु नीरि शम्भू ।।

प्रारब्धस प्यठ रोज़ थव मु शुर्य भाव

यिछि बाजि मंज वुद्युगु डूनाह त्राव ।

डुलु गँछ्यतन फचि या मीरि शम्भू

वनि यितु मे हरम्बखु नीरि शम्भू ।।

देह द्रष्टि रोस्त युस रोजि देहसुय मंज  
आत्मस करि विवेक पूजायि संज ।  
सालिग्राम ह्यू शूभि प्यठ पीरि शम्भू  
वनि यितु मे हरम्वख नीरि शम्भू ॥

शांत विजया चॉविथ त्रॉविथ गम  
दमु दमु खॉरिथ वॉलिथ दम ।  
स्वरु दमु शमु दमु जैजीरि शम्भू  
वनि यितु मे हरम्वखु नीरि शम्भू ॥

अन्तः करनन मंज चोन प्राकार  
कार करवुन्य् चानि सुत्य् यँद्रय द्वार ।  
होल जौद कर स्योद नल चीरि शम्भू  
वनि यितु मे हरम्वखु नीरि शम्भू ॥

परमु हमसु ज़ानुनावतम सोहम पद  
तत् पद सुय यथ म्वचि सत्गुण श्वद्ध ।  
स्थूलु द्रष्टि रंगु छम गीरि शम्भू  
वनि यितु मे हरम्वखु नीरि शम्भू ॥

भावु छावु यैलि अन्न ज़न फवलवनु आख  
प्रेयम तँम्य् सुंद छुय स्वयं पाक ।  
मॉल गछि कॉल्य् यिछि शॉल्य् टीरि शम्भू  
वनि यितु मे हरम्वखु नीरि शम्भू ॥

विश्व रुप ज्ञान निर्लीप वैशम्भर  
व्यरक्तु भावु किन्त्य रोज़ द्यगम्बर ।  
आशि थफ त्राव अज्ञानु चीरि शम्भू  
वनि यितु मे हरम्बखु नीरि शम्भू ॥

सुय छलि न्यर्मल ज़लु नेष्कामय  
मोह मलु वृत्तियि बॅर्यमुत्य् जामय ।  
युस धॉर दरु ग्वरु वरु चीरि शम्भू  
वनि यितु मे हरम्बखु नीरि शम्भू ॥

मोह आवलनु मंज़ु कृष्णस बोठ खार  
गट्टु द्रष्टि फटनस छु तार व्यच्चार ।  
ग्वलि रोस्त डून क्वलि मंज़ु यीरि शम्भू  
वनि यितु मे हरम्बखु नीरि शम्भू ॥



### 89. ब्याख स्तुति

बाल नेरि चानि वेरि शम्भू ।  
न्यर्नय नयि फेरि शम्भू ॥

रंगु रंगु फोल बे रंगु कुल  
सतसंगुकुय रंगु बुलबुल ।  
लोलु ओला येरि शम्भू  
न्यर्नय नयि फेरि शम्भू ॥

फिरनावतम दिथ ज्ञानु बल  
सूक्ष्मं स्थूलु थलि सम द्रष्टि जल ।  
परमु शिवु करमु क्रेरि शम्भू  
न्यर्नय नयि फेरि शम्भू ॥

खसु वसि हमसु तोलु वारे  
आत्म देह ल्वति ग्वबि बारे ।  
प्राणु अपानु जेरि शम्भू  
न्यर्नय नयि फेरि शम्भू ॥

गोशि गोशि होशि पोशिवारे  
ध्यानू यूगु अमृतु धारे ।  
करमु डोरि धरमु बेरि शम्भू  
न्यर्नय नयि फेरि शम्भू ॥

काँफिलु आसि वायान डोल  
ब्रॉठ आसि शॉंगमुत होशिवोल ।  
पोत वाति ब्रॉठ छेरि शम्भू  
न्यर्नय नयि फेरि शम्भू ॥

कर कथ राग कर कथ त्याग  
भक्त बखशिथ प्रेयमु पोश लाग ।  
अमरीश्वरु शेरि शम्भू  
न्यर्नय नयि फेरि शम्भू ॥

घन तु रँच हंड जग तु प्रौन व्यचार  
सिरिं अग्न जोशि सोमु होशि फ्यार ।

सुत्य व्यचारु थेरि शम्भू  
न्यर्नय नयि फेरि शम्भू ।।

शहरु मंजु कर हरम्बख ज्ञान  
न वनस मंजु मँशरिथ पान ।  
महालिशि हंडि तेरि शम्भू  
न्यर्नय नयि फेरि शम्भू ।।

पांचु त्वतु शमु दमु रठ धार  
ज्योति रुपु श्रेह रेह कोंदु खार ।  
प्वख्तु भक्ती भावु सेरि शम्भू  
न्यर्नय नयि फेरि शम्भू ।।

मूक्षदायक छु चोनुय नाव  
सिरिं नेत्रुच नजराह त्राव ।  
मंजु मोह अन्धेरि शम्भू  
न्यर्नय नयि फेरि शम्भू ।।

चँद्रु चूडु चोन चरणार्बिन्द  
मनु बोम्बुरस तँत्य करि बन्द ।  
फीरिथ कोत नेरि शम्भू  
न्यर्नय नयि फेरि शम्भू ।।

म्वक्तु लरि प्यठ छु चोन दरबार  
भक्तु वत्सलु कृष्णस खार ।  
शक्ती पातुचि हेरि शम्भू  
न्यर्नय नयि फेरि शम्भू ।।



### 90. महाराजस छे ज़नानु वनवान

कम वस्त्र च़े नॉल्य् क्याह वनु लो लो ।  
मनु छ़ांडथ वस्त्र वनु लो लो ।।

शिवनाथुने श्वभु दर्शनु लो लो  
च्यतु के अमृत वर्षनु लो लो ।  
वनि यितु मे भक्ती ननि लो लो  
मनु छ़ांडथ वस्त्र वनु लो लो ।।

हरु संजि वेरि लगु धनु पनु लो लो  
हर्द वीर ज़न छनु पनु पनु लो लो ।  
सुय छनुनुय छुख यावनु लो लो  
मनु छ़ांडथ वस्त्र वनु लो लो ।।

जटु धारवैनि वृष्भासनु लो लो  
संकटु गटु छुख कासनु लो लो ।  
हटि वासुक छुय आसनु लो लो  
मनु छ़ांडथ वस्त्र वनु लो लो ।।

क्वसु पूजा करय कमि ग्वणु लो लो  
कम भक्तिस भक्ती छनु लो लो ।  
न्यर्धनु सुंद स्वनु पोश व्यनु लो लो  
मनु छांडथ वस्त्र वनु लो लो ॥

प्रथ मावसि पुनिम हुंदि घनु लो लो  
श्रूच्य भूजन चैय कित्य रनु लो लो ।  
मुक्त बन चानि क्षनु अकि क्षनु लो लो  
मनु छांडथ वस्त्र वनु लो लो ॥

मनु वाजे नाव चोन खनु लो लो  
राजु यूगुक राजा बन लो लो ।  
चेतनु टोट च्यतु चैननु लो लो  
मनु छांडथ वस्त्र वनु लो लो ॥

चानि डेशनु छनु व्यचनु लो लो  
ख्वश साँपन रौह्य वचनु लो लो ।  
असि त्रियिनुय त्रयलोचनु लो लो  
मनु छांडथ वस्त्र वनु लो लो ॥

सत्प्वरुषन हुंदि सत्जनु लो लो  
हे सत् च्यथ आनन्दघनु लो लो ।  
कृष्णस टोट श्वभु लक्षनु लो लो  
मनु छांडथ वस्त्र वनु लो लो ॥





## 91. वनवुन

रंगु बुलबुल छुय जटु धॉरी ।  
हॉरी कर पॉरी ज़ान ॥

गीर्य रंगु छिस वस्त्र सॉरिय  
नोन होवुन ब्रह्मचॉरी पान ।  
त्यागु मंजय छुय व्यवहॉरी  
हॉरी कर पॉरी ज़ान ॥

रागु द्वीशि निशि छुय ल्वति भारे  
पोशि लंजिनय प्यठ शूभान ।  
संतोषि वृँच प्राणु संधॉरी  
हॉरी कर पॉरी ज़ान ॥

भ्रम मॉनिथ करान खानुदॉरी  
गासु कचिनुय ओल येरान ।  
गछि आसुन युथुय समसॉरी  
हॉरी कर पॉरी ज़ान ॥

परपदु सौस्त थदि प्रकॉरी  
कर्म आश्रन परमें शिवु थान ।  
एक दॉयरन अनेक प्रकॉरी  
हॉरी कर पॉरी ज़ान ॥

ब्रह्म आज्ञायि किन्त् व्यवहॉरी  
बाल बचिनुय आंपु आपरान ।  
जीव दयायि पर व्वपकॉरी  
हॉरी कर पॉरी ज़ान ॥

थज़रस वोन दिथ च्वपॉरी  
अविनाशि भाषि छुय बोलान ।  
कृष्णस वुफि तारि हम्सदॉरी  
हॉरी कर पॉरी ज़ान ॥



## 92. मीनावती यँज़मन नारायनस कुन स्तुति करान

मन म्योन बिन्दराबन तु लो लो ।  
आत्म रुपु नारायण तु लो लो ॥

सुत्त् सुत्त् ब्रँच गूपियन तु लो लो ।  
तथ मंज़ छु रास खेलन तु लो लो ॥

अन्धकारु कालु सर्फन तु लो लो ।  
भूतात्म वोल हन हन तु लो लो ॥

यँद्रय गूर्य बालकन तु लोलो ।  
वेह दिथ छु होशि डालन तु लो लो ॥

ज्ञानु रुपु कृष्णन तु लो लो ।  
मोह गोल दिथ सत् ग्वण तु लो लो ॥

प्रकृच जल हन हन तु लो लो ।  
श्वद्ध कोर अमृत ज़न तु लो लो ॥

भावनायि जमुनायि तन तु लो लो ।  
वृच गूपियि नावन तु लो लो ॥

न्यथुननि पान हावन तु लो लो ।  
लूक लजायि त्रावन तु लो लो ॥

भकच त्वलसी छावन तु लो लो ।  
श्री कृष्णस प्रावन तु लो लो ॥

कृष्णु नाव छु आनन्दघन तु लो लो ।  
कृष्णु नाव छु मूक्ष दावन तु लो लो ॥

कृष्णु नाव छु प्राण प्रॉणियन तु लो लो ।  
कृष्णु नाव छु प्राणन अन्न तु लो लो ॥

कृष्णु नाव छु संजीवन तु लो लो ।  
कृष्णु नाव छु ऑर्यत्यन धन तु लो लो ॥

कृष्णु नाव छु गूपियन ग्वण तु लो लो ।  
कृष्णु नाव छु अभिज़ित् ज़न तु लो लो ॥

कृष्ण कृष्ण कौर कृष्णन तु लो लो ।  
सरतलि सपनुन स्वन तु लो लो ॥

मन म्योन बिन्दराबन तु लो लो ।  
आत्म रूपु नारायन तु लो लो ॥



### 93. साँमी जी भगवान शिवस कुन स्तुति करान

भावु यावुन छु होशि पोशि थरि शम्भू ।  
हरु द्रष्टि गछि वरि कति हरि शम्भू ॥

राँच वनु खोतु वन कुस वन छु गम्भीर  
तथ मंज तप साध अदु मानोथ वीर ।  
जाल अज्ञानु अरखोल हरि शम्भू  
हरु द्रष्टि गछि वरि कति हरि शम्भू ॥

स्वप्रकाशु रुप सनम्बख वुछतु छुय नु दूर  
अन्धकारु छाय जाल मल विज्ञानु सूर ।  
हाह छुय मंज अँइनस ठरि शम्भू  
हरु द्रष्टि गछि वरि कति हरि शम्भू ॥

हमसु पखवुय सुत्य् वुफनावुन पान  
जीव आत्मु हालव होशि माँदान ।  
लूभु तौंति मंजु चोल मोह चरि शम्भू  
हरु द्रष्टि गछि वरि कति हरि शम्भू ॥

सुय वांगुज वारि घन बरि शम्भू  
युस परजुनावि खानुदार गरि शम्भू ।  
नरि लोसु बाँडरान लूकृ लरि शम्भू  
हरु द्रष्टि गच्छि वरि कति हरि शम्भू ॥

मूक्ष दायक प्रावुनावि साक्षात्कार  
क्षनु मात्रस मंज गालि मोह अन्धकार ।  
सिरियस निशि गट्ट कति दरि शम्भू  
हरु द्रष्टि गच्छि वरि कति हरि शम्भू ॥

राजु योग राजु यस पकि चै ह्यू सुत्यु  
दयि धनु वॉल्यु तस वति मेलन कृत्यु ।  
यँद्रय चूरन कति डरि शम्भू  
हरु द्रष्टि गच्छि वरि कति हरि शम्भू ॥

थदि सिरियुक छुस नु प्योमुत रसगाह  
तनिरस गनिरस वुछजि अनिरस क्याह ।  
ननिरस प्यठु बालादरि शम्भू  
हरु द्रष्टि गच्छि वरि कति हरि शम्भू ॥

वैष्णारपण कृष्णस सु स्वरूप हाव  
चिदानन्दु अमृत न्यथ चावुनाव ।  
निमेषि उन्मेशि गरि गरि शम्भू  
हरु द्रष्टि गच्छि वरि कति हरि शम्भू ॥



94. परमहंस, राज़ ऋष्य ह्यथ छु येनिवोल नज़दीक वातान । तमिच प्रशंसा

युस सर्व सृष्टि हुंद बब तय मॉजी ।  
सुय ह्यथ परम हंसु फोजी आव ।।

रायि रोस्त ख्यनु चनुचे अपीक्षायि रोस्त  
लूभ यछायि रोस्त सानि जायि मंज़ ।  
खेनि आव हैनि पनुनि मायायि मोजी  
सुय ह्यथ परमहंसु फोजी आव ।।

योगु राज़ शाह ऑस्य् ज़न गतु मारन  
वर्ण राज़ सबि क्युत पोन्ग् सारन ।  
यस निशि दीव लूक शूभि नु पोजी  
सुय ह्यथ परमहंसु फोजी आव ।।

अन्न राज़, स्वछि राज़ सुत्य् ह्यथ दीवगन  
वाज़ ज़न श्रूच अन्न बॉगरावान ।  
सारिनुय भूज़नन दिवुनु छु ओजी  
सुय ह्यथ परमहंसु फोजी आव ।।

अनुग्रह करवुन खेनि चेनि आमुत  
कृष्णस तृप्ती दिनि आमुत ।  
सुबहस शाम करि शामस कोजी  
सुय ह्यथ परमहंसु फोजी आव ।।



## 95. येनि वॉलिस भूज़न क्षावनुच प्रशंसा

महाराजस सुत्सु सालर आये ।  
कर्मवान धर्म सभाये बीढ्य ॥

येछि सानि रुचि सान बीढ्य श्रुचि जाये  
यछा भूज़न छुख तयार ।  
ख्वश गव यिय ईश्वर यछाये  
कर्मवान धर्म सभाये बीढ्य ॥

ताज़ ताज़ भूज़न रनुनय आये  
माज़रँच हुंद कॅह ति छुख नु हाजथ ।  
राज़ बीढ्य सबि वाज़ बाँग्रनि द्राये  
कर्मवान धर्म सभाये बीढ्य ॥

भूज़न ख्वथ तिम आंगन चाये  
तृप्त गॅयि तिहिंजि सीवायि सुत्सु ।  
तनु मनु वारु लॅग्य् द्वारु पूजाये  
कर्मवान धर्म सभाये बीढ्य ॥



## 96. सालरन हुंज प्रशंसा

म्यवु कनि म्वख्तु वोथ चन्दन बागस  
नागस प्यठ लोग हमसु दर्बार ।  
हमसु दर्बार परमु हमसु दर्बार  
नागस प्यठ लोग हमसु दर्बार ॥

जलु कनि अमृत नोन द्राव नागस  
बागस मंजु चाव संतु अटहार ।  
संतु अटहार परमु संतु अटहार  
नागस प्यठ लोग हमसु दर्बार ॥

बद्ध क्याह वाति यथ रागस तु त्यागस  
वरनि आव शक्तीयि त्रिभुवन सार ।  
तस रोस्त क्याह छु तिय पूजायि लागस  
नागस प्यठ लोग हमसु दर्बार ॥

त्युथ दशहार कर तिथिसुय प्रयागस  
यथ देह इन्द्रय छि देह अवतार ।  
कोहिम ति द्वादशांतस पूजि लागस  
नागस प्यठ लोग हमसु दर्बार ।

नामु रुप कल्पित जोन ह्यथ रागस  
अस्ति, भाति, प्रिय रुप पथ द्राव सार ।  
शमन्दगी चँज मन्दु वौरागस  
नागस प्यठ लोग हमसु दर्बार ।



प्रेयमु करमु फलनुय यमु नेमु द्रागस  
प्रावुनाव अनुग्रह किय अम्भार ।  
तृप्ति पम्पोश फॅल्स् ललु त्रागस  
नागस प्यठ लोग हमसु दर्बार ।

होशि पोश फोल वुद्यूगु पोशि बागस  
दासु भावु किन्स् आस खँदमतगार ।  
कृष्णु सीवा कर आत्मु रुपु आगस  
नागस प्यठ लोग हमसु दर्बार ।



### 97. भूज़नुच प्रशंसा तु तमि पतु वीगिस खसुन

महादीव यैलि महाराज़ा बँनिथ आव  
त्युहुंद भावा वुछिथ बागस अन्दर चाव  
कॅरिथ ओस थोवमुत फर्शा तिमव ज़्यूठ  
यछा भूज़न ख्यने ह्यथ दीवता ब्यूठ  
यछा भूज़न वनय क्याह कथ दपन छिय  
येमिस येमिच यछा गँयि तस बनन तिय  
प्रयन यस ओस यिय तस तिय दयन लोद  
वयन यस ओस तस तिय मृत्युंजयन लोद  
यछा भूज़न खेने आंगन अन्दर चाय  
व्वत्तम वैक्वठ खोतु साँपुन्स् तिहुंज जाय  
पद्य पादव कदम तँम्स् यान्स् त्रोवुन  
सु आंगुन परमु पदवी प्रावुनोवुन

खँसिथ प्यठ वीगिसुय यैलि थौव तँम्प पाद  
कोरुख तथ सर्व तीर्थव वारु प्रसाद  
महारेन्प वीगिसुय प्यठ वातुनॉवुख  
महाराजस स्व खोहवरि कनि थावुख  
महाराजु ओस कुस क्वसु ऑस महारेन्प  
महादीवस महामाया खोहवर्य किन्प  
स्यदथ आयख जंगे कोरनख नमस्कार  
छँकिख लँक्षमियि कलु पेद्य मोहरु तय द्वार  
अथस क्यथ दुप ह्यथ ऑस दुपमाला  
रत्न चॉग्य आलवन ऑस पानु ज़ाला  
महाविद्या तिमन ऑस आपरावन  
तिथिय नाबद फँली यिम मूक्ष दावन  
बँसिथ ओस शीषनाग मंजु किसि वाजे  
बनेमुच सरस्वती ऑस द्वधु मॉजी  
गंगासागर अन्दर ऑस पानु गंगा  
गंगाज़ल ह्यथ गंगाधारुय चमुना  
पकान गँय वीगि प्यठु यैलि वारु वारय  
करनि लँग्य द्वारु पूज़ा वारु कारय  
छे क्याह कथ तति ब्रांदन प्रॉव किछ गथ  
येमिस प्यठु सत्चिदानन्दन थँवुय लथ  
वँनिथ कुस हेकि यिथिस व्यवहारस  
नज़र त्रॉवुन बन्यव हरद्वार द्वारस



## 98. द्वार पूजा

वनु वनि अछु रछु वछु स्वरगु द्वारय ।

वारय करयो द्वारय पूजा ॥

चानि सत् संगु सुत्य् गंगाधारय

द्वारस कर्म क्रूल वारय खोर ।

रंगु रंगु बर हंगु द्राव गंगु आरय

वारय करयो द्वारय पूजा ॥

हरु द्रष्टि द्वारस कौर हरद्वारय

दासु भावु दासस बन्याव कैलास

क्रूल खोर लबु गॅयि नभुचे तारय

वारय करयो द्वारय पूजा ॥

भीदु रस्ति शिवु वेदकि अँकारय

श्वकदीव व्यास छिय वीद वखनान ।

ग्वणुवान योन्यस छय स्वनु तारय

वारय करयो द्वारय पूजा ॥

नव द्वार मुचरिथ धारनायि धारय

जटु धारु संकटु कटु चोन ध्यान ।

पादन तल बो इन्द्रय मारय

वारय करयो द्वारय पूजा ॥

असि दरकारय कति छय हारय  
मोहरु तु द्यारय ठेलि बॅर्य बॅर्य ।  
कलु प्यठु छकोय लूभु रस्ति शूभिदारय  
वारय करयो द्वारय पूजा ॥

वुज्ज सोन वैक्वंठ बन्याव वारु कारय  
कुट्यन मंज्ज ब्यूठ कूटी तीर्थ ।  
चन्दनुक स्वभाव द्राव दीवदारय  
वारय करयो द्वारय पूजा ॥

लॅग्नस वेलु वोत व्यग्न न्यवारय  
अॅग्नस प्यठ छिय प्रारान देव ।  
ग्वणुवानु स्वनु हेरि खस वारु वारय  
वारय करयो द्वारय पूजा ॥

कृष्णस परमात्मा न्यराकारय  
प्राणु रुप नॉडियन छुख फेरान ।  
विषय धारुवुन छुय नव द्वारय  
वारय करयो द्वारय पूजा ॥



## 99. लॅग्न मंडप

बनोवुन दासु भावस दास कौलास  
हरी हर श्याम सुन्दर येलि अन्दर चास

बिहित तति ओस ब्रह्मा ह्यथ ब्रह्मन  
महाराज्जु वोत तोत ह्यथ श्री नारायण  
बिहित रूद पद्य आसन शकलि ॐकार  
द्युतुख अङ्गुक तु लङ्गुक जान व्यस्तार  
सपुन्य् मीनावती ख्वश युथ वुछिथ रंग  
परनि लँज त्रियि वॉनियि भावकी भंग  
नचन नचन दोपुन तमना मे हय द्राम  
जगत ईश्वर हरी हर गरु हय चाम



## 100. मीनावती हर्षस मंजु स्तुति करान

राज्जु हमसा गरु चामय ।  
अज्ज मे द्रामय तमना ॥

बालु बालु पानु वनि आमय  
लालु मालु छस नॉली ।  
कमि हालु छिस सालु जामय  
अज्ज मे द्रामय तमना ॥

हनि हनि युस छांज्यामय  
शहरु गामय आलुमस ।  
मनि मंजु बाग वनि आमय  
अज्ज मे द्रामय तमना ॥

शामु रुप ह्यथ डेंछामय  
प्यटु बामय शिवजी ।  
करु शिव शिव रामु रामय  
अज़ मै द्रामय तमना ॥

मनु नागस भावु सानय  
गँड्य मे धॉरुकि चिलु सुत्य ।  
प्रेयमु ज़ल चोम दामु दामय  
अज़ मै द्रामय तमना ॥

शिवरागुक वव्यामय  
करमु बुतरॉच़ भावु ब्योल ।  
सत् च्यथ ज़लु सुत्य् जामय  
अज़ मै द्रामय तमना ॥

ह्यथ अविचारचि आमय  
नेमु न्यंदु दिथ कजिमस ।  
प्रेमु रसु बसु ननु आमय  
अज़ मै द्रामय तमना ॥

अनुग्रह शरु निशि खामय  
प्वख्तु गँयि भक्ती म्वख्तु माल ।  
गजिमु फिक्रु तु च़जिमु पामय  
अज़ मै द्रामय तमना ॥

कृष्ण नैष्कल नैष्कामय  
शिव नामय स्वख बर ।  
सुबह हाविय मंजु शामय  
अज मै द्रामय तमना ॥



### 101. वनवुन

होशि पोशनूलु वन वनुहारे ।  
दयि ग्वण ग्यव प्यठ तुम्बकनारे ॥

रॉत् रतस असि ह्योत ग्यवुनुय  
तिय बूज शिवनुय तु केशवनुय ।  
अमृत प्यव चव धारि धारे  
दयि ग्वण ग्यव प्यठ तुम्बकनारे ॥

गटु चॅज सिरियन होव दरशोन  
दरशोन ओस अमृत वरशोन ।  
तमि वर्शनु पोश फोल् वारे  
दयि ग्वण ग्यव प्यठ तुम्बकनारे ॥

माँजि क्वंडुसुय वुछ ज़रकॉरी  
तथ अँद्य अँद्य बीट्य लूख साँरी ।  
रंगु दिवथुय सारिनुय लारे  
दयि ग्वण ग्यव प्यठ तुम्बकनारे ॥

जेशनु नगमय जायि जायि लॉगी  
स्यदथुय आयि ह्यथ रुत्य् भॉगी ।  
द्वह गुजर्यव वारे वारे  
दयि ग्वण ग्यव प्यठ तुम्बकनारे ॥

ज्योति रुपन रुप होवुय  
लायि बोय गंगु व्यस मंगुनॉवुय ।  
दिवथुय प्रथ चीजस सारे  
दयि ग्वण ग्यव प्यठ तुम्बकनारे ॥

आयि बरकथ ह्यथ अतूलुय  
खरचॉविथ पथ कूथ डूलुय ।  
स्यदुथुय चायि बीठ प्यठ दारे  
दयि ग्वुण ग्यव प्यठ तुम्बकनारे ॥

सानि वॉनियि हंजि क्वमॉरी  
शारदायि निशि शीर्य अंग सॉरी ।  
स्यदु लॅक्षमी तस वॉकृ पारे  
दयि ग्वण ग्यव प्यठ तुम्बकनारे ॥

वनि कृष्णन दयि सुंजि माये  
कम कम मेछि मेछि लीलाये ।  
पानु दयि गथ अथ कन दारे  
दयि ग्वण ग्यव प्यठ तुम्बकनारे ॥





## 102. महाराज तु महारेनि हुंज प्रशंसा

गंधर्व लूख आव वायिनि बाजे ।  
त्रन भवनन हुंद राजे आव ।।

शक्ती पातु द्रष्टि वरि करि प्रसादा  
सादु शहजादा आंगन चाव ।  
जोनून तु मोनून जगतुचि माजे  
त्रन भवनन हुंद राजे आव ।।

ओरु कनि जटा योरु मुकटा  
ओरु वासुक तु योरु चंदनहार ।  
ओरु कनि तैर्के योरु कनु वाजे  
त्रन भवनन हुंद राजे आव ।।

सर्व मंगल बनि सुत्य् चानि वरनय  
नतु क्याह बनि सानि करनय सुत्य् ।  
त्रभवन भरनय आव धनु दाजे  
त्रन भवनन हुंद राजे आव ।।

श्यामु प्रभातु रुपु ध्यान दोर चोपोर  
हारमहोर वुछ सोर समसार ।  
मोह मोर स्वन ज़न कोर मनु थाजे  
त्रन भवनन हुंद राजे आव ।।

सिरिं भगवान आव तीजु सुत्य् बरनय  
यँद्राजस मुकटु जरनय आव ।  
रुचु रुचु जुचु द्रायि मंजु तीजु ताजे  
त्रन भवनन हुंद राजे आव ।।

चंदुन क्वंग गुह क्वंगु चे काजे  
ॐकारु रुपस छे द्वारु पूजा ।  
कृष्णु वैष्णु नाव खन मनुचे वाजे  
त्रन भवनन हुंद राजे आव ।।



### 103. लग्न

गनन गनन प्रेयम येलि तमि युथ वोन  
कनन यस गव सु तँती म्वक्त साँपुन  
परान ओस साम वीदुक्य् श्रूख ब्रह्मा  
व्वमा छय सुत्य् सुती कर चु क्षमा  
परान आँस्य् सामवीदुक्य् भक्ती श्रूखुय  
यि ब्रह्मा जी ह्यथ गन्धर्व लूखुय  
तुलान ओस पानु नारायन च्वतुरब्वज  
शिव शास्त्र नामु पॅर्य पॅरी ग्रज  
लॅग्न वुछ ब्रह्मनव ह्योत वीद वखनुन  
व्यग्न च्चोल ज्योति रुप गव अग्न मंजु नोन  
त्रगुण प्वरूषा अग्न मंजु गव नमूदार  
बिहित सन्मुख कोरुन प्रथ चीज आहार

जटव मंजु अग्नु रूपु द्राव वीर भद्रय  
दपन तस नाव छुय कालाग्नि रूद्रय  
प्रेयमु भावुक स्वयं छुय तस मकानय  
छु अन्न श्रपनुक अँग्न तसुंदुय निशानय  
सु छुय च्यतुकुय विमर्षी दिप्तिमानुय  
तवय हृदयस अंदर तसुंदुय छु थानुय  
सु ज्योती रूपु शिवजी ओस पानय  
अग्नु मंजु नौन गछुन ओसुस बहानय  
सु ज्योती रूपु छुय हृदयुक स्वप्रकाश  
सु ज्योती रूपु छुय तत सत् च्यथत आकाश  
सु ज्योती रूपु छुय नेत्रन अंदर गाश  
सु ज्योती रूपु छुय लग्नन अंदर राश  
सु ज्योती रूपु छुय सिर्यिस अंदर गाश  
सु ज्योती रूपु छुय पापन करन नाश  
सु ज्योती रूपु छुय सिर्यस अंदर तीज  
सु ज्योती रूपु छुय प्रथ चीजुकुय बीज  
सु ज्योती रूपु पानय शिव तु केशव  
प्रसन्न गव अग्नु मंजु तस नौन गछुन प्यव  
महामायायि मन हर्षस स्यटाह गव  
कोरुन अनुग्रह वोरुन शम्भू सदाशिव  
जानानन वोन दयन कँर पानु दया  
दयाये दोप दयन वँर पानु दया  
परम ब्रह्मस पनुन त्रियि भाव बोवुख  
स्वंदर वॉनियि भवॉनियि वनुनोवुख



## 104. वनवुन

न्यथ पोशिवुनि थरि फॅल्य फूल हय ।  
हॉरी होशि पोशनूल हय आव ॥

श्यामु स्वंदर ह्यथ सर्व सामानु साज्जु  
राज्जु योगु राज्जु आव मोज वुछने ।  
स्वप्रकाशि बोज़ हंजि वति ज़ोल ज़ूल हय  
हॉरी होशि पोशनूल हय आव ॥

तत् पदु बंगु लंगु लंगु फोल कुल हय  
सत् संगु रंगु बुलबुल हय आव ।  
कुकिलव भस्मु मोल शिव शिव बूल हय  
हॉरी होशि पोशनूल हय आव ॥

सतसंगु सुय कुन गॅय मशगूल हय  
सत श्रवनु सुत्यन बन्याव श्चकदीव ।  
करतान्य् प्योमुत पथर गांदु ठूल हय  
हॉरी होशि पोशनूल हय आव ॥

आत्मबद्ध कुलिसुय ज्ञानु घल गूल हय  
भक्त छस लंजि फल ब्रह्मानंद ।  
म्वक्त छुस त्युहुरुय शाँती मूल हय  
हॉरी होशि पोशनूल हय आव ॥

पजि भावु सुत्य अनुग्रह पूर्णायि सुत्य्  
सर्व शक्तीमानुनि रायि त्रायि सुत्य् ।  
भक्ती भावु तारदि प्वख्तु म्वख्तु तूल हय  
हॉरी होशि पोशनूल हय आव ॥

गूपियव राधा कृष्ण कृष्ण बूल हय  
पथ ब्रोंठ प्रेयमुचि थॉवुख कथ ।  
सत भाषायि हुंद अमृत खूल हय  
हॉरी होशि पोशनूल हय आव ॥

समसारु सन्तापु मंजु महसूल हय  
प्वख्तु गछि सब्जा सब्जुय गव ।  
ह्वछिमदि दां पचि वोत पांछूल हय  
हॉरी होशि पोशनूल हय आव ॥

ईश्वरु अनुग्रह रूद अनुकूल हय  
हनु वनु दयि अन्नु धनु हय प्रोव ।  
कृष्णस प्रथ चीज पथ ब्रोंठ डूल हय  
हॉरी होशि पोशनूल हय आव ॥



### 105. पोशि पूजायि किच तयॉरी करान

ॐ कर श्रुख पर श्री गणीशाये ।  
पोशि पूजाये वेलु हय वोत ॥

कर्म पम्पोश सोन लेंबि मंजु खोत सरु  
हरु सोन गरु सानि बरु यान्य् चाव ।  
स्वर्गुचि अछु रछु वनुवुनि आये  
पोशि पूजाये वेलु हय वोत ॥

जोनुन तु मोनुन जगत्तुचि माजे  
तवय द्रास त्रिभुवन राजे नाव ।  
लगस ना पोत छायि तु ब्रोंह ग्राये  
पोशि पूजाये वेलु हय वोत ॥

एकस अनेकस शरने आये  
शिव शक्ती रुपस सुत्य् सुती ।  
ब्योन ब्योन रुप होव माजि व्वमाये  
पोशि पूजाये वेलु हय वोत ॥

सुलि वुलि तुलमुलि ग्वरु आज्ञाये  
पूजा कॅरुम भावुनाये सुत्य् ।  
भूतीश्वर वोर माजि रॉज्ञाये  
पोशि पूजाये वेलु हय वोत ॥

सतु सुत्य् पर्वतु प्रेयम तु माये  
तिछि बजि जाये दिम प्रदक्षन ।  
जय कोर वामदीव वोर शारिकाये  
पोशि पूजाये वेलु हय वोत ॥

खृवि कौर ज्योति रुपन सोन पाये  
सानि पालुनाये प्यठ छे दीवी ।  
श्री महादीव वोर माजि ज़ालाये  
पोशि पूज़ाये वेलु हय वोत ।।

अँकिनगामु कँर असि मनु कामनाये  
स्तुता त्रिजगत माताये ।  
ज्वम्बकीश्वर वोर माजि शिवाये  
पोशि पूज़ाये वेलु हय वोत ।।

धर्मुक सौथ द्युत कर्म लीखाये  
शक्ती वोर शिव, शिवन वँर शक्त ।  
श्री महा रूद्र वोर माजि व्वमाये  
पोशि पूज़ाये वेलु हय वोत ।।

शक्ती वोर शिव, दय वोर दयाये  
पार्वतिये वोर परमीश्वर ।  
ईश्वर वोर ईश्वर यछाये  
पोशि पूज़ाये वेलु हय वोत ।।

मनु किय तमना सॉरिय द्राये  
क्वशल्ल्याये माये सुत्प ।  
शामु रुप रामु जुव वोर सीताये  
पोशि पूज़ाये वेलु हय वोत ।।

भाग्यवानुय किछ अँस जसुदाये  
यिछि यँजमन बाये पादि प्रणाम ।  
वेषु रुप कृष्ण जुव वोर राधाये  
पोशि पूजाये वेलु हय वोत ॥

श्री महा गणपत वोर वलभाये  
सावित्रिये वोर ब्रह्माजी ।  
ग्वणवान भगवान वोर सम्पदाये  
पोशि पूजाये वेलु हय वोत ॥

कश्मीर नगरुचि उत्तम जाये  
शारदा पीठ छुस प्योमुत नाव ।  
कॉमीश्वर वोर माजि त्रिपुराये  
पोशि पूजाये वेलु हय वोत ॥

प्राण वोर बोज ध्यान वोर धारनाये  
भक्ती भावनायि वोर सत् स्वभाव ।  
म्वक्त कोर कृष्ण वोर शिव लीलाये  
पोशि पूजाये वेलु हय वोत ॥



## 106. पोशि पूजा

म्वख्तु कनि तारक छिस तापु दानस ।  
बँडिस भगवानस छे पोशि पूजा ॥



आकाशि पोशि वरशोन हनि हनि छुस  
रथबानु कनि छुस सिरिं भगवान ।  
सायबान बनोवमुत छुस आसमानय  
बँडिस भगवानस छे पोशि पूजा ॥

अथस क्यथ चँद्रम ह्यथ रुमाल छुस  
वाव लोकपाल छुस करान गँजगाह ।  
ब्रह्मा वेष्ण छुस सुत्य् जाँपानस  
बँडिस भगवानस छे पोशि पूजा ॥

चतुर्गुप्त ताह छुस करान सामानस  
यँद्राजु छुस म्वरछलु बरदार ।  
धर्म राजु थोवमुत प्यठ धर्मदानस  
बँडिस भगवानस छे पोशि पूजा ॥

सतु ऋष्य सत जल ह्यथ मंज बानस  
कोफूर मिलविथ छिस छकान ।  
सतुवय ग्रुहद्य छिस ह्यथ विमानस  
बँडिस भगवानस छे पोशि पूजा ॥

गंगासागर ह्यथ छस गंगा  
वुदु जालान छस चँद्र भागा ।  
लक्ष्मी मीढ्य छस दिवान दामानस  
बँडिस भगवानस छे पोशि पूजा ॥

नाबद आपुरान महा विद्या छस  
करान जमुना छस वावुजि वाव ।  
द्वधु मॉज सरस्वती सुत्य् छस पानस  
बँडिस भगवानस छे पोशि पूजा ॥

जंगि थाल अनुवुन्य् छस पानु स्यद्धा  
व्यूग लेखान छस कर्मलीखा ।  
आत्मरूपु बसुवुन छु मनुकिस थानस  
बँडिस भगवानस छे पोशि पूजा ॥

वासुक तु शीषनाग छत्र बर्दार छिस  
रँत्नन हुंद म्वख्तु हार छुस नॉल्य् ।  
गट्ट चँज तु गाश आव सॉरिस जहानस  
बँडिस भगवानस छे पोशि पूजा ॥

कुबीर जी वरुण जी खर्च बर्दारुय  
सोर स्वर्गद्वारुय सुत्य् सुत्य् ह्यथ ।  
रथ छिख गँड्यमुत्य् मंज मॉदानस  
बँडिस भगवानस छे पोशि पूजा ॥

ड्यकस प्यठ चंदन ट्योक तीजवानस  
बुथिस छुस करोरु सिर्युक तीज ।  
छय दया गुल्य् गँडिथ तस दयावानस  
बँडिस भगवानस छे पोशि पूजा ॥

अर्ग कर मनस तय पोश कर प्राणस  
कृष्ण पूजायि सनि दानस लाग ।  
जालिय पाप, गालिय अज्ञानस  
बँडिस भगवानस छे पोशि पूजा ।।



### 107. पोशि पूजा

ग्यवुन गिंदुन नचुन तति सारिवुय ह्योत  
ति बूजिथ मंज स्वखस गव त्रयलोक मोत  
वजान ओस जा बजा सेतार संतूर  
दजान ओस जा बजा अंबर तु कोफूर  
ग्यवन ओस सामवीदुक प्रथ अखाह राग  
गछान ओस मंज कनन धन भाग धन भाग  
तिथय पॉट्य ह्योत त्रियव त्रियि भाव बावुन  
स्वंदर वॉनी अंदर ह्योत वनुनावुन  
कुनुय जॉनिथ ग्यवान आसु रॉत्त्य रातस  
शिवस तय कीशवस शामस प्रभातस



## 108. पोशि पूजा

भावु पम्पोश फॅल्य् प्रेयमय सरु सुय ।  
शिव शंकरु सुय छे पोशि पूजा ॥

शिव ध्यान धारन वीद व्यस्तारन  
अमृत छि हारन कारण तु दीव ।  
वैक्वण्ठ साँपुन साँनिस गरु सुय  
रामीश्वरु सुय छे पोशि पूजा ॥

अमरनाथु किस निशि अमर सुय  
तीर्थ यात्रायि द्राय ह्यथ पुण्य फल ।  
सर्व तीर्थन हुंद फल छु काशमरु सुय  
म्वक्तीश्वरु सुय छे पोशि पूजा ॥

ग्वडु आदि दीवस छु जय जयकारय  
गोड दिस छस अनवारुय ब्रोंठ ।  
गणीश बल ज़लु हलु मूसलधरु सुय  
लम्बूदरु सुय छे पोशि पूजा ॥

नवदलु कलु वन्दु अमरीश्वरु सुय  
थँजवारि करु शंकरु सुय पूज ।  
वेजिब्रारि प्रदक्षन दिमु चक्रधरु सुय  
विजयीश्वरु सुय छे पोशि पूजा ॥

बालु प्यठु तोतलायि त्वता करु सुय  
अनन्तनागु करु नागु नागय श्रान ।  
शाप चोल यँद्रस गव आश्चरु सुय  
विश्वम्बरु सुय छे पोशि पूजा ॥

अर्गु पोशि बँग शाखायि पूज करु सुय  
मटन वॉतिथ हटन अपराध ।  
मूक्ष प्यँत्रन मंज क्षन मातरु सुय  
श्री भास्करु सुय छे पोशि पूजा ॥

शिवरागु कारकूट नागु पाठ परु सुय  
पापु हरन नागु हरतम पाप ।  
भीमसेनुन्यु पॉट्य सुत्यु हलधरु सुय  
हरी हरु सुय छे पोशि पूजा ॥

प्रेयमु पोशि मालु ह्यथ बालु पेठ्य तरु सुय  
सुनुशायि व्वमायि करु पोशि पूजा ।  
क्षमा करि मै ध्याना स्वरसुय  
उमाधरु सुय छे पोशि पूजा ॥

कुठेरु अँघ अँघ फेरु तथ सरसुय  
कूटि तीर्थुक छुस महिमा ।  
आश थवि शंकर शनुनिस वरु सुय  
कूटीश्वरु सुय छे पोशि पूजा ॥

खसु र्वखसत ह्यथ नन्दकीश्वरु सुय  
शिवस तु शिवायि करु पोशि पूजा ।  
परमीश्वरिये तु परमीश्वरु सुय  
ज्वम्बकीश्वरु सुय छे पोशि पूजा ॥

त्रेनुवय संज कॅरिथ न्यथ व्रत दरु सुय  
त्रेनवुन्य् बोयनख पादि प्रणाम ।  
स्यंदु ब्रारि वन्दु प्राण शामु स्वंदरु सुय  
पीताम्बरु सुय छे पोशि पूजा ॥

खिरु खंडु कन्दु सुत्य् थाला भरसुय  
प्रेयमु सुत्य् आपरिथ वन्दुहँस पान ।  
नीलनागु नीलकँठस दिगम्बरु सुय  
नीलाम्बरु सुय छे पोशि पूजा ॥

दीवस्थली छे दीवी सरसुय  
सारिनुय दीवन आदि प्रणाम ।  
वासकनागु श्रानु शमु प्यमु स्वरु सुय  
स्वयं कौंसरु सुय छे पोशि पूजा ॥

कपालु मूचनु भक्तीभाव करु सुय  
पाप क्षय गॅछिथ परु शाप मूचन ।  
पालुवुनिस कपालु मालाधरु सुय  
बाघम्बरु सुय छे पोशि पूजा ॥

न्यथ सूत्य् ह्यथ पनुनिस तु व्वपरु सुय  
शिवरागु प्रयागु मंज करु श्रान ।  
कूटी तीरथु पोश लागु ईश्वरु सुय  
त्रिपुष्करसु छे पोशि पूजा ॥

गंगु जटनुय गॅछिथ वर मंगु हरु सुय  
चावुनाव्यम अमृतु चिय धार ।  
प्रारान छुस तसुंदिस आसरु सुय  
जटाधरु सुय छे पोशि पूजा ॥

स्वयं गॅछिथ प्रेयम बरसुय  
कालाग्नि रूद्रस तु भद्रकौली ।  
पूजु नेष्कलु कलु मालाधरु सुय  
कालशेखरु सुय छे पोशि पूजा ॥

तुलमुलि परजुनॉविथ सत् ग्वरसुय  
राजि रेनि माजि रॉज्ञायि करु पूज ।  
धूप दीप आलवस ह्यथ चामरु सुय  
भूतीश्वरु सुय छे पोशि पूजा ॥

रामु रादनु तनु मनु पूजु हरु सुय  
प्रारस हरम्वखु बरसुय तल ।  
भर्तु बालु खसु वातु प्यठ ब्रह्मसरु सुय  
जगतीश्वरु सुय छे पोशि पूजा ॥

हमसु द्वार तरु वातु प्यठ क्वलु सरु सुय  
शिव लोलु गंगायि मंजु करु श्रान ।  
वैष्णु रुपु जॉनिथ विश्वीश्वरु सुय  
गंगाधरु सुय छे पोशि पूजा ॥

अर्जन दीवन ह्यथ युधिष्ठरु सुय  
नारान नागु करु ध्यानु पूजा ।  
मनु किस मन्दरस मंजु श्रीधरु सुय  
दोमूदरु सुय छे पोशि पूजा ॥

पर्बतु शारिकायि पूजा करसुय  
वामदीव रछि मे परसुय तल ।  
गाल्यम संकटुकिस असुरु सुय  
चेंक्रीश्वरु सुय छे पोशि पूजा ॥

रंगु रंगु क्वंगु पोश फॅल्यु पांपरु सुय  
जालायि बालिकायि पूजायि लाग ।  
श्री महादीवस तु भस्माधरु सुय  
हरषीश्वरु सुय छे पोशि पूजा ॥

नागु नागु फेरु कोत यथ भवसरु सुय  
लागु नागु नाथस कुन मन तय प्राण ।  
पूजु करु अन्दर शिव मन्दरु सुय  
आत्मरुपु हरु सुय छे पोशि पूजा ॥



कृष्णस चावि शिव प्रेयमुक चरसुय  
तीर्थ फल दाव्यस गरु सुय मंज ।  
रुप हाव्यस मंज क्षनु मातरु सुय  
षडोक्षरु सुय छे पोशि पूजा ॥



### 109. पोशि पूजा

यि केंछा ओस लॉजिम करनि लॅग्य ती  
प्रसन्न साँपुन तिमन प्यठ पानु शिवजी  
कॅरिथ प्रथ रंगु रंगु पोशि किय ढेर  
कोरुख शिव शक्ती रुपस अँद्य अँद्य घेर  
अँनिख वोन दिथ च्वपॉरी पोश साँरी  
करनि लॅग्य पोशि पूजा चॉर्य चॉरी  
परान ओस साम वीदुक्क्य श्रूख ब्रह्मा  
व्वमा छय सुत्त्य सुती कर च्य क्षमा  
तॅमिस भास्यव अँदुर्य नेबुर्य शिवुय शिव  
चॅलिस नीरिथ शिवु सुँद्य लोलु आलव



## 110. ब्रह्माजी छु शिवस पोशि पूजा करान

वृषस युस छु खसुवुनुये  
हृदयस मंज छु बसुवुनुये ।  
यियि ना दियि दरशोनुये  
करसॉय पोशि वरशोनुये ॥

पानस छु भस्मा मलवुनुये  
ड्यकस छुस चंद्रम नोनुये ।  
दोयुम कांह छुस नु छुय कुनुये  
करसॉय पोशि वरशोनुये ॥

प्रथ जायि सु छु आसुवुनुये  
संकट तु द्वख कासुवुनुये ।  
ल्वलि मंज ह्यमोन ललवुनुये  
करसॉय पोशि वरशोनुये ॥

मायायि सॅद्रा छु सोनुये  
मुष्किल छु तथ तरूनुये ।  
तमि मंजु सुय छु तारवुनुये  
करसॉय पोशि वरशोनुये ॥

स्वप्रकाशि रुप छुस नोनुये  
गाशि रॅसित्यन छुनु वोनुये ।  
गाशि निशि रातु म्वगुल औनुये  
करसॉय पोशि वरशोनुये ॥

गछिना पालनायि कुनये  
जॉन्य् गाश हेयि बख्खुनुये ।  
अँस्य् ह्यमोन परजुनावुनुये  
करसॉय पोशि वरशोनुये ।।

च्यथ थाव ज्यथ छुनु ज्योनुये  
सुय सत रोजि पथ कुनुये ।  
यँहय कथ न्यथ मानुनुये  
करसॉय पोशि वरशोनुये ।।

ग्वणु सुत्य् मनसुय सोनुये  
वनसुय ह्यमोन छारुनुये ।  
धारनायि ध्यान धारुनुये  
करसॉय पोशि वरशोनुये ।।

स्वनु पोश व्यनु जानुनुये  
शरने गछ तस कुनुये ।  
लोभ छुस नु छुय न्यथु नोनुये  
करसॉय पोशि वरशोनुये ।।

हरु नाव वॉलिंजि खनुनुये  
शिवलूक ह्यथ प्रावुनुये ।  
तति छुनु ज्योन तु मरुनुये  
करसॉय पोशि वरशोनुये ।।

स्थूल किन्त् सुय छु शूभवुनुये  
सूक्ष्म रुपु देह निशि ब्योनुये ।  
मायायि अन्द रोज़वुनुये  
करसॉय पोशि वरशोनुये ।।

असि मंज बोड छु कुन ज़ोनुये  
शख़्च सुत्प भख़्च टोठवुनुये ।  
पोशि पूज़ायि खोत बोनुये  
करसॉय पोशि वरशोनुये ।।

अँगन ह्योत प्रज़लुनुये  
अँहवँच सुत्प बल न्युनुये ।  
ब्रह्मा सुंद तु वेष्णुनुये  
करसॉय पोशि वरशोनुये ।।

समसारु सर छु कट्युनुये  
वंदकुय चंद छुनु छोनुये ।  
हरु नाव छु तारु तारवुनुये  
करसॉय पोशि वरशोनुये ।।

खिरु खंडु थाला औनुये  
कन्दु नाबद सुत्प गोनुये ।  
दय हेयि दय बतु ख्योनुये  
करसॉय पोशि वरशोनुये ।।

कृष्णन भक्ती भाव वौनुये  
रंगु रंगु भंगु ब्योन ब्योनुये ।  
दियि तस लोलु मस चोनुये  
करसॉय पोशि वरशोनुये ।।



### 111. मीनावती अस्तुति करान

युथुय रंगा वुछिथ मीना वनान ऑस  
कनन यस गव तु तस मूक्षी बनान ऑस  
ग्वणन चान्यन मनन माला बनॉवुम  
म्वकटस प्यठ गँडिथ चाला बनॉवुम  
चोलुम शर आश्चर चाले लगॉयो  
मे गव स्यद्ध तप तु ज़प माले लगॉयो  
बँडिस नावस तु ल्वकृचारस लगॉयो  
जँरी त्वरस तु दस्तारस लगॉयो  
रंगारंग पोशि क्यन छँत्रन लगॉयो  
स्वंदर नेत्रन पद्य पत्रन लगॉयो  
लगय प्वष्यक विमानस सायिबानस  
क्वलस म्वलस तु शॉही खानदानस  
ग्वलाबा छुय चै म्वख म्यूठा दिमय ना  
यिमय ना ब्रॉठकुन मुष्का ह्यमय ना  
रटय दामन उत्तम जामन लमय ना  
शरण गँछिथ परन पादन प्यमय ना  
शमय ना चानि प्रेयमुक मस चमय ना

नमय ना छस शरन आमुच बौ मयना  
लगय जेगस ड्यकस तय म्वख्तु हारस  
वन्दय सोरुय च़े हिविस शूभिदारस  
ट्यौका छुय ज़न स्वनु दुपा लगय बौ  
प्रज़लवुन छुय स्वंदर रुपा लगय बौ  
छे चॉनी तन स्यठा ज़ोतन लगय बौ  
यि गोंडमुत छुय च़े छुय शूभन लगय बौ  
वुछिथ ह्योतुमुत छु पौत लूभन लगय बौ  
जॅरी च्वगस कमर बन्दस लगय बौ  
नज़र त्रॉविथ च़े न्यूथम मन लगय बौ  
मे छम चॉन्य भावना भक्ती लगय बौ  
शक्ती नाथो च़े यिछि शक्तीयि लगय बौ  
दिनस हर्षस तु आनन्दस लगय बौ  
यशे पुछि ख्वश बु कॅरथस छुम हशी नाव  
अशे सुत्य् गोड दिमय कासुम पशे भाव  
दौपुन तस हे ज़गतपाला दयाला  
मनन माला गंडय छय राज़ु चाला



## 112. मनन माल

भक्त वत्सलु मोनुख म्यॉन्य् मननुय ।  
शक्तीनाथु गंडयो मननुय माल ॥

बूज्य् बूज्य् श्रवनुय तु कॅर्य कॅर्य मननुय  
निदिध्यासनु ज्ञानु दुप ज़ाल ।  
साक्षात्कार छुख शिव रुप नननुय  
शक्तीनाथु गंडयो मननुय माल ॥

आधिकार द्युतमुत छुय सत ज़नुनुय  
मंज़ छिय अन्द ह्यथ माया ज़ाल ।  
न्यर ग्वण लगयो यिथिनुय ग्वनुनुय  
शक्तीनाथु गंडयो मननुय माल ॥

युथ छुख तु क्युथ छुख त्युथ छुख येतिनुय  
सुय ज़ानि यस बनि युथ ह्यू हाल ।  
वोन दिथ नोन वुछ वुछ छि अँन्य् बननुय  
शक्तीनाथु गंडयो मननुय माल ॥

देह अन्धकारुक कुल हेयि छनुनुय  
तीत्र वॉरागुक सूराह वाल ।  
शिव रुपु तिय बनि यिय पोह्य पननुय  
शक्तीनाथु गंडयो मननुय माल ॥

भीषनु यिम म्वख च़ेय कुन अनुनुय  
तिमनुय आयि मंग कौल्य् य़ेच़काल ।  
तिहिंजि अँछ नाटि मंज कल्पाँत बननुय  
शक्तीनाथु गंडयो मननुय माल ॥

लोलु आलव अँष्य् फ़योर बाँसु कननुय  
चान्यन गछि ना तर छिम लाल ।  
सुय म्वख्तु बनिहेस यथ छि म्वख्तु वननुय  
शक्तीनाथु गंडयो मननुय माल ॥

पजि भावु परमानु नाव पान पननुय  
शाह पूर वर्ताव अथि ह्यथ माल ।  
मंज बाज़रस वान लोद न्यरधननुय  
शक्तीनाथु गंडयो मननुय माल ॥

हेलि हेलि मावि मावि लावि लावि ग्वनिनुय  
कुनिरुकि खलु फलु वुछ म्वख्तु हाल ।  
गाटस गाटु प्यव हुरिरस छु छ्वनुनुय  
शक्तीनाथु गंडयो मननुय माल ॥

न्यमुचन नारजन यमु क्यन यनुनुय  
सम दृष्टि ज़ल फिर मालामाल ।  
नेष्कामु कर्म भूमि कल्प वृक्ष बननुय  
शक्तीनाथु गंडयो मननुय माल ॥



च्यथ आकाशि हाव न्यथ म्वख पनुनुय  
छांडनस लोगमुत छुस पाताल ।  
रौन ज़न ख्वनुवठ ख्वड छुस खननुय  
शक्तीनाथु गंडयो मननुय माल ॥

यूगु अंग्नु विन छुस ज्ञानु अन्न रननुय  
यूगीश्वरु छुय मूरखु सुंद साल ।  
अनिछा करतम अनुग्रह पनुनुय  
शक्तीनाथु गंडयो मननुय माल ॥

दयि धनु प्राप्त प्रथ काँसि बननुय  
बानु रोस्त कर्म ह्यून छुस कंगाल ।  
बडि भगवानु लदतम बानु पनुनुय  
शक्तीनाथु गंडयो मननुय माल ॥

गंडु गंड वुनि छम आम्यन पनुनुय  
वर दिम यँद्रु चँद्रु छुख दयाल ।  
दौगनाव व्वलंगिथ छुख त्रन ग्वणुनुय  
शक्तीनाथु गंडयो मननुय माल ॥

सादु छम यछा क्वमॉरी ननुनुय  
स्यँज साज़ु गॅर सूज़िथ सम्बाल ।  
वॅरनस सँज़्यु वॅर्य किय वर्तननुय  
शक्तीनाथु गंडयो मननुय माल ॥

शक्तीपानु सुत्त्य् भक्ती भावु न्यथु ननिनुय  
भक्त कर मीना भाव हियमाल ।  
ताह खोल वर दिनुक्यन वर्धनुनुय  
शक्तीनाथु गंडयो मननुय माल ॥

थफ कॅर मनस च्यथ आनन्दघनुनुय  
तप गव स्यद्ध अथि मॅठ ज़पु माल ।  
मस्त कॅरनस यिथिय प्रेयमु मस चनुनुय  
शक्तीनाथु गंडयो मननुय माल ॥

मीनायि हियमाल पर्वत छु वननुय  
चॅक्रीश्वर छुय त्रिजगत पाल ।  
सौर्य दीव चॅक्रस फीर्य प्रदक्षनुनुय  
शक्तीनाथु गंडयो मननुय माल ॥

कृष्णस हरम्बखु म्बख हाव पनुनुय  
थपि खारतन पेढ्य सोहमवाल ।  
फीर्य फीर्य नीर्य नीर्य न्यर्नय वननुय  
शक्तीनाथु गंडयो मननुय माल ॥



### 113. ज़नानु छे महारेनि किचु लॉकरन मंगान तु भगवानु छु प्रबंध करान

दयन दयायि सुत्त् ह्योत दयि बतु ख्योन  
जानानव वनुवुनि वॉनी अन्दर वोन  
शक्त यियि व्वलसनस समसार धारे  
गछि आसुन्य लॉकरन राजु क्वमारे  
यँहय कथ गँयि शिवनाथस कनन मंज  
सु छुना सारिनुय वॉतिथ मनन मंज  
दोपुख तँम्य लॉकरन क्याह गँयि वँन्यतोम  
स्व क्वसु औषद्ध छे वँनिथ पछ मे अँन्यतोम  
विनथ कँरहस महाराजा च्चु थव कन  
महारेनि लॉकरन गँयि गँहनु तु स्वन  
दोपुख तँम्य गँहनु तय स्वन कथ छि वनन  
कनन कँर्यतोम छु ना काँसि बनन  
सु छा अन्न ह्यू जि युथ संदारि प्रानन  
छु क्याह तथ ग्वण बो युथ स्वन छुस नु ज्ञानन  
वोपुद येलि कम तु अमदम युथ म्वलुल गव  
ह्युवुय शाहो गदा असि व्वन्य करुन प्यव  
त्युथुय बुतरॉच प्यठ व्वत्पत बनन स्वन  
हिविय सॉरिय बनन अदु लूभु निशि प्यन  
यि वँनिथ गँयि बे परवायि सुय राय  
कँरुन गगराय गँहनस किचु कँरिव जाय  
ह्योतुन स्वनु शीन वालुन धारि धारे  
गँहनु वोत वॉरिव्युक राजु क्वमारे



## 114. गँहनु बापत ह्योतुन स्वनु शीन वालुन

स्वनु शीनु बुतराथ भरनय आये ।  
जय जय भगवत मायाये ॥

सारिनुय गँहनु किय तमना द्राये  
शंकरन यि केंछा लाँकरन त्रॉव ।  
डाय गज स्वनु किय खँत्य् भूमिकाये  
जय जय भगवत मायाये ॥

शरने आये चै बे परवाये  
बडि दयि यितु पनुनि दयायि प्यठ ।  
दरि नय जल प्यन लरि तय जाये  
जय जय भगवत मायाये ॥

सम दृष्टि सुत्य् ह्योत पोत तृष्णाये  
राज्जन छे वाज्जन सुत्य् क्वसु कॉम ।  
राज्जु बायि हिशि द्रायि च्वंजु तय दाये  
जय जय भगवत मायाये ॥

स्वनु कुय अवतार दोर स्वनु शाये  
खँत्य् प्रथ शाये स्वनु किय ढेर ।  
ख्वश गव यिय ईश्वर यछाये  
जय जय भगवत मायाये ॥

सारिनुय स्यद्ध गॅयि मनु कामनाये  
लोभ च़ोल कुस कस रूद मोहताज ।  
सोरुय समसार गव कुनिय त्राये  
जय जय भगवत मायाये ॥

दयि धनु असि वोन छु नु भावनाये  
सुय धनु गच्छि येमि निशि गॅय सेर ।  
अदु मोंग तिय सारिय प्रज़ाये  
जय जय भगवत मायाये ॥

कर्म फल व्वपदोव धर्म श्रधाये  
लोभ येलि गोल मोह पानय च़ोल ।  
पर तु पान यकसान बोज़नु आये  
जय जय भगवत मायाये ॥

लोभ कास कृष्णस कर व्वपाये  
च़्यथ शख़ेच़ हंज़ि शूभाये सुत्य ।  
हावुस दरशोन प्रथ जायि जाये  
जय जय भगवत मायाये ॥



## 115. महा लक्ष्मी हुंद प्रत्यक्ष दरशोन (शीनु रुपस मंज)

महामायायि प्रत्यक्ष होव दरशोन  
रूदुकि बदलु प्यवान ओस लालु वरशोन

करान ऑस्व् पानुवँन्व् सम्वाद सॉरी  
कॅरिव बा व्वन्व् लर्यन खसनुच तयॉरी

खँसिव बा प्यठ लर्यन ज़न शीन वॉलिव  
मॅरिव बा व्वन्व् कॅरिव क्याह कूत चॉलिव



## 116. रत्न, लाल, म्वख्तु तु स्वन ह्योतुन वालुन तु लूख गॅय परेशान

सँमिवो लूकव शीन ज़न वालव ।  
पश आयि बॅर्य बॅर्य लालव सुत्त्य् ।।

आंगुनन टेंग खँत्त्य् पोत ह्योत बालव  
कुट्य पोरन खोत तालुवन सुत्त्य् ।  
द्वर्गत त्रॉव गथ प्रॉव जदालव  
पश आयि बॅर्य बॅर्य लालव सुत्त्य् ।।

शिवनाथु सॉमियो व्वन्व् कूत च़ालव  
क्याह बनि सान्यव ज़ालव सुत्त्य् ।  
वथ हेयि लगुन्व् व्वन्व् पैट्य बंगालव  
पश आयि बॅर्य बॅर्य लालव सुत्त्य् ।।

कम छुनु प्योमुत कुछि सम्भालव  
क्याह बनि फवतुर्यव तु थालव सुत्पु ।  
वानु वॉल्यु वानन गॅय दिथ फालव  
पश आयि बॅर्य बॅर्य लालव सुत्पु ॥

यॅद्राज़न तोरु कौरनख आलव  
क्याह बनि तुहुंघव नालव सुत्पु ।  
बूज़िन शिवजी ओबरस डालव  
पश आयि बॅर्य बॅर्य लालव सुत्पु ॥

लेलुक ओश त्रोव च़ालव च़ालव  
म्वख्तु त्रोव नेत्रुक्यव लालव सुत्पु ।  
कृष्णो ज़प कर मालव मालव  
पश आयि बॅर्य बॅर्य लालव सुत्पु ॥



### 117. पृथवी माता फॅरियाद करान

वननि लॅज पृथवी किथु कॅन्थु दरय बो ।  
यिथय पॉढ्य वालि योदवय क्याह करय बो ॥

वननि लॅज यिय ज़गत रक्षपालु सुय कुन ।  
पज़्या येमि हालु त्रावुन लालु वरशोन ॥



## 118. पृथ्वी माता स्तुति करान

पालवुनि येमि हालु वथ लँज बालु बालु ।  
बालु यूत च़ालु कूत लालु वरशोन ॥

चानि पालुनायि सुत्पु बालु त्रिजगत पालु  
च़ालुवुनु छस बो जगतुक भार ।  
हिरन्याक्ष मॉरिथ खॉरथस पातालु  
बालु यूत च़ालु कूत लालु वरशोन ॥

भय कास दयि मृत्युंजयि अकालु  
जय शिव अँकारु छम चॉनु सथ ।  
कम करतु स्वनु शीनस दम बो सम्भालु  
बालु यूत च़ालु कूत लालु वरशोन ॥

खण्डु खण्डु कश्मीरु काशी नैपालु  
भक्त चॉनु थववुनु छि मे प्यठ पाद ।  
तिहिंदि पासु कौलास वासु कासतम ज़ालु  
बालु यूत च़ालु कूत लालु वरशोन ॥

दशबुजु त्रावु कौचाह अशिने च़ालु  
नशि मा समसार पशि कोताह ।  
पालवुनि यितु सालु शूभा बु येमि हालु  
बालु यूत च़ालु कूत लालु वरशोन ॥



शौक्ल रंगु गंगु जटु धारवुनि भूलबालु  
न्यथुननि नंगु नालुमति रटुहॉथ ।  
मंगु क्याह चै टंगु आयस बोज़तम नालु  
बालु यूत च़ालु कूत लालु वरशोन ॥

स्थावरन मंज़ बडि बलु सोस्ति हीमालु  
स्वनु शीनु सुत्यन कावरन छस ।  
नेत्रुक्यव लालव कोताह बो म्वख्तु वालु  
बालु यूत च़ालु कूत लालु वरशोन ॥

नेष्कलु कलु मालु धारवुनि कलवालु  
प्रेयमु मसु किय प्यालु कृष्णस चाव ।  
मँस्ती अनतस अदु बनि मतवालु  
बालु यूत च़ालु कूत लालु वरशोन ॥



119. युथ ह्यु शीन वुछिथ छि सॉरिय आश्चरस गछ़ान तु क्षमा मंगान

वुछिथ स्वनु शीन गँयि हॉरान सॉरी ।  
परम ब्रह्मो लगुयो पॉर्य पॉरी ॥

शक्तनाथो भक्त दिनस लगॉयो ।  
शखच़ सुत्य् व्वलसनस यिनस लगॉयो ॥

ग्वसान्यो जूग्य् सँन्यासो लगॉयो ।  
जितेंद्रय यूगु अभ्यासो लगॉयो ॥

अभीदु भक्तु के भावो लगॉयो ।  
प्रयेवनि रामु सुँदि नावो लगॉयो ॥

अनाहदु शब्दु के नादो लगॉयो ।  
पद्यपादो स्यदो साधो लगॉयो ॥

च्यतुकि चैननु सतुकि संगो लगॉयो ।  
रंगन हुँदि रंगु बेरंगो लगॉयो ॥

शँमिथ समसारु वॉरागो लगॉयो ।  
दिहिकि त्यागो सतुकि रागो लगॉयो ॥

शिव प्रेयमकि आनन्दो लगॉयो ।  
अमरनाथुकि सुछन्दो लगॉयो ॥

कमलु चरणो मनुकि स्वरनो लगॉयो ।  
अन्दर हृदयिकि स्वंदर वर्णो लगॉयो ॥

ज्ञानुकि यूगुके होशो लगॉयो ।  
फोलिथ हृदयिकि पम्पोषो लगॉयो ॥

असत् त्रॉविथ सतुकि वीरो लगॉयो ।  
सतूग्वणु रुपु बोज वीरो लगॉयो ॥

दया धर्मकि व्यचारो लगॉयो ।  
न्यराकारो न्यराहारो लगॉयो ॥

अविनाशे चिदाकाशो लगॉयो ।  
मनुकि गाशो स्वप्रकाशो लगॉयो ॥

कुनुय ऑसिथ बहूस्यामो लगॉयो ।  
मनुकि आरामु श्री रामो लगॉयो ॥

यछा गनुनस प्रकट बननस लगॉयो ।  
सु बेयि पानस कुनुय अनुनस लगॉयो ॥

दिहिचि सूरच करनि लगनस लगॉयो ।  
दिहन मंज मूह गॅछिथ लगनस लगॉयो ॥

चे सॉक्षी रोजनस पुरुषो लगॉयो ।  
स्वरूपय दृष्टि हुंदि हर्षो लगॉयो ॥

कुमार सुंदि गॅणिशु सुंदि माल्यो लगॉयो ।  
जगत व्वतपथ करन वाल्यो लगॉयो ॥

लगॉयो जुव पनुन अर्पन करॉयो ।  
कॅरिथ अर्पन जुवस जिन्दय मरॉयो ॥

खबर कति आँस युथ आसख च़ु शिवजी ।  
पनुनि पानय मंजय भासख च़ु शिवजी ॥

खबर कति आँस छुख हने हने मंज ।  
कुनुय आँसिथ च़ु आसख प्रथ कुने मंज ॥

महातमु चानि निशि अँस्य् डँल्य्मुती आँस्य् ।  
चे कोसुथ लूभ, लूभन वँल्य्मुती आँस्य् ॥

स्वनुक च़ोल लूभ धनुक असि द्राव तमना ।  
सपुन मोलूम सोरुय कर च़ु क्षमा ॥



## 120. मीना तु हीमाल इत्यादि सॉरिय लूख छि वनान शिवस कुन

श्रोग ज़ोन शिवु रुप, द्रोग ज़ोन स्वन ।  
राय कति आँस असि ढाय गज़ प्यन ॥

असि ओस राज़ुसी हुंद अन्धकार  
पांदि मोहरि कडुहोन राज़ु क्वमॉर ।  
स्वनु र्वपु दिमुहोस सुत्य् अख ज़ु मन  
राय कति आँस असि ढाय गज़ प्यन ॥

शिवनाथ ख्वश साँपन छि काँपन  
दरि नय जल लरि लरि फेरन ।

ब्रन पैयि, बोनि पैयि, भरनु आयि वन  
राय कति आँस असि ढाय गज प्यन ।।

वाँनी वॅन्यमुच आँस वीदन  
श्रूच गव स्वन पानय छु श्रोचन ।  
सूरु बठिनुय प्यठ अज छु डोलन  
राय कति आँस असि ढाय गज प्यन ।।

भय कास दयि असि द्राव अरमान  
यि वुछिथ लक्ष्मी गॅयि हॉरान ।  
यिछि मायायि निशि स्व छि मंदछन  
राय कति आँस असि ढाय गज प्यन ।।

नावु किन्य् बूज्यमुत्य् आँस्य् असि लाल  
राजस साँनिस आँस अख माल ।  
तोदु तोदु आंगनस मंज छि वुन्य्क्यन  
राय कति आँस असि ढाय गज प्यन ।।

खोतमुत अन्धकार वोथ राजन  
वेचि कुस मेचि खोतु श्रोग गव स्वन ।  
राजु क्वमार्यन कुस च्वंबि कन  
राय कति आँस असि ढाय गज प्यन ।।

आपदा छै तापु सुत्य् कति गलि स्वन  
वाति कति बुतराँच कुत्य् छि फेरन ।

प्राण क्यथु पॉट्य नवि, ब्वि नय अन्न  
राय कति ऑस असि ढाय गज़ प्यन ।।

सूरु मति पम्पोश हिव्य छिय पाद  
असि छा खबर येमि शखच आसि साध ।  
नूर आसि सूर तय सूर आसि स्वन  
राय कति ऑस असि ढाय गज़ प्यन ।।

न्यथ हे सत् च्यथ आनन्द घन  
कृष्णस नादन कुन थव कन ।  
कुन्दन स्वन छस स्वय स्मरन  
राय कति ऑस असि ढाय गज़ प्यन ।।



## 121. यि प्रार्थना बूज़िथ छु महादेव स्वनु शीन तुलनावनुक व्पाय करान

असान असान दपान ओसुख सदा शिव  
मँगिव तोह्य वारियाह स्वन वुनि क्याह प्यव  
स्यठाह ख्वश साँपनुस तुहुंज़न बो लँहरन  
स्योदुय वँन्य् तोम व्वन्य् छिवु क्याज़ि त्रँहरन  
गँडिथ गुल्य् दोपुख तस हे महीश्वर  
हरी हरु कर दया बुतराँच वँछ थर  
छि काँपन तापु सुत्यन गलि नु स्वन  
न्यबर बुतराँच फल किथु पॉट्य नेरन

हिविय सॉरिय बनन अदु मानि कुस कस  
स्यटाह पेमुत्य् छि पायस बस कॅरिव बस  
कॅरिव ज़ीवन हुंदे बचनुक व्वपाया  
जगत रछनुच कॅडिव नॅन्य् वेष्णु माया  
विनथ बूज़िथ अमर नाथन असुन ह्योत  
तिथय आकाशि प्यटु ओब्रन वसुन ह्योत  
दोपुन वाव लोकपालस दानि दाने  
वटनि हे स्वनु शीनस शीनु माने  
वॅटिथ सोरुय कॅरिथ थावुन च़ु यकजा  
बन्यस सॅमीर पर्वत क्याह छु परवा  
द्युतुन वावस त्युथुय अदु बल तु ज़ोरुय  
अॅकिस क्षन मात्रस मंज़ वोटुन सोरुय  
अॅकिस सातस अंदर बुतराथ गॅयि नॅन्य्  
फरागत ज़ीव ज़ॉच़न वारु साँपुन्य्  
स्यद्धस साधस यि वोनुहस तिय करुन प्योस  
जगत सोरुय त्युथुय साँपुन युथुय ओस  
कृष्ण लीला परिय बोज़ुस ग्वसाने  
सॅमीरस द्युत बजर चाने यछ़ाये  
मनस अन वारु पछ़ समसारु ठाने  
ज्ञानुक स्वन दि बोज़ सरतलि म्याने



## 122. सॉमी कृष्ण जुव छु भगवानस कुन स्तुति करान

येछि चानि दानि दानि वचि स्वनु शीनु मानि ।

हा ग्वसानि सानि सरतलि कर तु स्वन ॥

नंगु छुस लोगमुत मंज प्यवुवुनि शानि

जंगु छम नु किथु पॉढ्य पक् मँजिलस ।

अंगहीनस श्रान करनाव गंगु वानि

हा ग्वसानि सानि सरतलि कर तु स्वन ॥

नेष्वद्ध कोरनस मायायि हुंजि ठानि

फवक् फोतु गों'जरुम ट्वक् रुदस ।

म्वख्तु छुम बासान जगतुचि सॉलानि

हा ग्वसानि सानि सरतलि कर तु स्वन ॥

संकल्पु चूर मंज मचि न्यँदरि म्यानि

अँन्य वासना ह्यथ छु सँन्य ज़ागन ।

गंडु थव च्यथ धनु मंज मनु हमियानि

हा ग्वसानि सानि सरतलि कर तु स्वन ॥

भावुक्य पोश ऑस्य पछि हँजि पाशानि

रागु द्वीषु रानि वति लूटु नियनस ।

राज़ु यूगु राज़ु आय अदालँच चानि

हा ग्वसानि सानि सरतलि कर तु स्वन ॥



तृष्णा तु ममता मीलिथ मॉन्य् मानि  
माजि कोरि मेजम खानुदारस ।  
सन्तोशुक स्वन न्यूहॅम मे दानि दानि  
हा ग्वसानि सानि सरतलि कर तु स्वन ॥

गंड छु सॅमीरु सुत्य् जॉन्य मालायि सानि  
सॅमीर छुख चय तु मालि फॅल्य् छि दीव ।  
यिछि स्मरनि फिरने सीवु चानि मानि  
हा ग्वसानि सानि सरतलि कर तु स्वन ॥

कृष्णस श्रान शिवु शखच हंडि गंगुवानि  
माजि भवानि हंडि पासु करुनाव ।  
तमि पानि पपि तस परमु आनन्द दानि  
हा ग्वसानि सानि सरतलि कर तु स्वन ॥



### 123. शिवरात्री हुंद वृतांत तु भगवान शिवु सुंद बजर

इशारा अख कोरुथ खॅत्य् स्वनुकी कोह  
छु भासन फागनस मंज माघ तय पौह  
मंगन छिस दीव छुस शिवरात्री नाव  
अमिय द्वहु कामदीवुय बेयि नोव जाव  
यि कॅछा ऑस्य् नु ज्ञानन गव सु व्वत्पथ  
व्रतुक व्रत छुय च्यतुक च्यथ छुय सतुक सथ

सदा शिवुन बजर अमि द्वह नोन गव  
यि ज़ाला लिंगु कुय हाला वनुन प्यव  
स्यठाह बोड तेज ज़ाला लिंगुनुय कोर  
स्वर्दशन च़क्र बख़शिथ येम्य् वैष्ण वोर  
ब्रह्मा तय वैष्णजी आव प्रदक्षन दिथ  
सु युथ ज़ोनुख तु त्युथ तिम गँय फल निथ  
सु छुय पूर्ण मंदछ तस छे नु मंज़ूर  
ततिय प्यटु अर्ध प्रक्रम शिवु सुंद पूर  
परा शक्तीयि छु ख्वश आमुत योहँय द्वह  
यिवान लारान दिवान भक्तन गरन छोह  
क्वमॉरी रुपु तस मानन छि सॉरिय  
छि हेरच़ भूग तस सोज़न च़वपॉरिय  
लदन छख़ भाग भागन तोरु फीरिथ  
स्वख़ुक्य् सामानु सोज़न छख़ स्व शीरिथ  
करान छख़ सारिनुय गॉबुच स्व बर्कत  
यँहय बर्कत शक्तीपातुच छे हरकत  
वटक़ भॉरव यिवान छुय सारिनुय सान  
स्यदँच़ हुंद सारिनुय बख़्ख़ान छु सामान  
छु हर नागस अमिय द्वह पोन्य् नेरन  
छि पानिक्य् बानु पानय चरखु फेरन  
अमिय द्वह बानु रँसित्यन बानु मेलन  
छि कारण दीवता अथ रॉच़ खेलन  
अनन सॉरिय अमिय द्वह क़ालु बानय  
यिमन ख़ांदर तिमन मेलन छि पानय  
डुल्यन डुल्य्जन अन्दर भॉरव छि सॉरी  
यिहंज़ सीवा दिवथ लागन च़वपॉरी

अमिय द्वह छय यिवान योत स्यंध ब्रॉरी  
छे योसु कॉमा बनन छस शूभ सॉरुय  
छि सॉरिय तॉयिफु हावन पनुन कार  
समन धर्ती, पवन, नभ, पोन्य् तय नार  
बनन अलमास पारुद संगि फारस  
यि द्वह पालुन छु रुत प्रथ कुनि दारस  
लगन अमि रॉच गॉबी कारखानय  
ननन छिय बॉतिनस जॉहिर निशानय  
दपान स्यंधमान राजु रूद हुशियार  
स्यदथ ह्यथ गव तु लोदुन शंकराचार  
शबे कदरो शबे मेराज मानन  
तिमय यथ रॉच यिम क्वदरत छि मानन  
फकत हुशियार रोजुन बॅड गथुय छय  
स्वरुनय केंह करुनय क्याह कथुय छय  
ह्यकथ नय केंह वटक व्यस्तारसुय गिन्द  
वुन्युंदुर कर शुर्यन सुत्य् ज़ारसुय गिंद  
बसाविय पितृ लूकस मूक्ष दाविय  
बनाविय भक्त लूका लूक हाविय  
अम्युक साधक छु अभिनवगुप्त आचॉर्य  
तैमिय समसारु सरस सासु बॅद्य तॉर्य  
मुनीश्वर बोड रखीश्वर बोड तपीश्वर  
लिवन डुवन ग्यवन छिय तस ह्यवन वर  
शिकॉरिस हा अमिय द्वह पाप गॅय माफ  
क्वकर्मन शीन ज़न त्रोवुन प्यठय ताफ  
छि अँस्य् अनज़ान कति ज़ानव अमिच वथ  
अमिय बडि द्वह असि कासिय सु द्वरगथ

छे यिछिनुय रॉचनुय मंज अख सतुच रात  
यँहय शिवरात शिवनाथुन्य सतौरात  
यिछिय शिवरॉच जय जय कार सोनुय  
योहय क्रम मानवुन्य सौरिय छि प्रोनुय  
यँहय शिवरात सोनुय गरु यियतन  
यँहय हेरत विभूती असि दियतन  
करुन्य एकस अनेकस छय यि पूजा  
अँमिस निशि पापु पुन्युक छुय नु परवा  
तवय एकस अनेकस छुय चै द्युन नाद  
करिय प्रसाद जन्मन हुंज चलिय व्याध  
दपान पथ कालि शिवस रूठ शक्ती  
तिमन निशि गँयि यिमन आँस भक्ती  
मनस मंज ओस तस मॉनय मलाला  
खयाला गोस प्योस हावुन जलाला  
प्रपंचुक फुटनि लोग अदु व्यवहारुय  
कँमिस रूज शक्त करिहे कारुबारुय  
कँमिस रूज शक्त ध्याना स्वरिहे कांह  
फरागँच सान साथा बरिहे कांह  
सँमिथ गँय पांछ कारण मनु नॉवुख  
पराशक्तीयि पनुन्य शक्त हॉवुख  
न्यराकारस त्युथुय काराह करुन प्यव  
शिवुय गव शक्त शक्ती गँयि सदाशिव  
यि सॉरुय शक्तीनाथुन्य छुस वनन गीत  
सु मायातीत खांदर छुम वनुन हीथ  
अरुपन शिवु रुपय रुप होवुम  
ल्वलि मंज लोलु सुत्य् अदु ललुनोवुम

निरंजन शिवुं संज शकला कॅरिथ आम  
द्वहस रातस ग्यवुन ह्यमु सुबह ता शाम



#### 124. सॉरी बरॉती छि प्रसन्न सपदान तु हीमाल स्तुति करान

बो क्याह वनु लूकनुय तति हाल क्युथ गव  
बॅनिथ येति ओस महाराजा सदाशिव  
बो क्याह वनु लूकनुय तति क्युथ सपुन मन  
बन्योमुत ओस येति भगवान यॅजमन  
स्यठाह हीमाल येति ख्वशहाल साँपुन  
करनि लोग आरती नारायणस कुन  
कोरुम चाने दयाये सुत्त्य मे युथ कार  
परय लीला करय भावुक नमस्कार



#### 125. यॅजमन नारायणस कुन छु हीमाल अस्तुति करान

गूकुलानन्द गूव्यंद गूपालय ।  
नादु ब्यंदु परमानन्दु नन्दु लालय ।।

मधुकैटभ मारवॅनि हा द्वधु चूरय  
मनु मंजलिस मंज करय गूरु गूरय ।  
गूपी नाथु बालु त्रिजगत पालय  
नादु ब्यंदु परमानन्दु नन्दु लालय ।।

यादव क्वलु के माधव रामय  
हे न्यर्मलु नैष्कलु नैष्कामय ।  
गूर्य बालकन सुत्त्य् मारवॅनि छालय  
नादु ब्यंदु परमानन्दु नन्दु लालय ॥

राधा कृष्णु च़ेय नादा लायय  
श्रीधरु प्रेयमु स्वरु मुर्ली वायय ।  
रोज़ रामु बोज़ सामु वीदुचि तालय  
नादु ब्यंदु परमानन्दु नन्दु लालय ॥

हृदयस मंज़ बसुवुनि न्यथ लसुवुनि  
असुवुनि आसुवुनि गरूडस खसुवुनि ।  
नालुमति रट्टहँथ मो दिम डालय  
नादु ब्यंदु परमानन्दु नन्दु लालय ॥

हनि हनि मंज़ आसुवुनि वासुदीवय  
रासु मंडुल खेलुवुनि कृष्णु जुवय ।  
न्यथ भासुवुनि सत येमि कलिकालय  
नादु ब्यंदु परमानन्दु नन्दु लालय ॥

पंकज़ तनि विजयंती माला  
तरज़ु अकि नॉल्य् तय मोज दुबाला ।  
सन्तु छुय वॅलिथ बसंतु दुशालय  
नादु ब्यंदु परमानन्दु नन्दु लालय ॥

कीशवु शिव रुपु नारायणय  
वोन दिथ नोन गोख बिंद्राबनय ।  
चोन ह्योत चोन प्रेयमु मस प्यालु प्यालय  
नादु ब्यंदु परमानन्दु नन्दु लालय ॥

विदुर जियिनुय गरु येलि चाखुय  
भावनायि सुत्य् ख्योथ स्युवमुत हाखुय ।  
कति गोख तति कोरवन हुंद सालय  
नादु ब्यंदु परमानन्दु नन्दु लालय ॥

द्रौपदीयि अकि कृष्णु नावु सुत्य् शामय  
पाँदु गँयि तस कृत्य् वस्त्र तु जामय ।  
यीत्य् कँडिस दुर्योधनु नुय नालय  
नादु ब्यंदु परमानन्दु नन्दु लालय ॥

चानि मायायि सुत्य् मंजु द्वारिकाये  
मथुरायि हुंजु हिशि लरि तय जाये ।  
पाँदु गँयि अकि क्षनु मंजु कमि हालय ।  
नादु ब्यंदु परमानन्दु नन्दु लालय ॥

अजामिल द्राव बोड भाग्यवानुय  
नेचिविस नाव तस ओस नाराणुय  
मृतु विजि फूर तस तिय अकालय  
नादु ब्यंदु परमानन्दु नन्दु लालय ॥

श्री भगवानु छुख पानु प्रथ जाये  
कुस वोत कुस वाति चानि मायाये ।  
म्वकुलाव असि येमि मोहुने ज़ालय  
नादु ब्यंदु परमानन्दु नन्दु लालय ॥

कृष्णस शिव रुप दरशोन दितु च्यय  
सुय च्यय च्यय सुय कीवलु छुख नु ज़य ।  
शामु प्रभातु रुप हावतस कालय  
नादु ब्यंदु परमानन्दु नन्दु लालय ॥



## 126. ज़नानु छे महाराज़ु शम्भूजियस वनवान

गोशि प्यठु होशि पोशिनूलु छुख बोलन ।  
बोज़न छसय ताक़दारे प्यठ ॥

सतसंगु रंगु बुलबुल छुख च्य शूभन  
नेर फेर होशि पोशि बागन न्यथ ।  
म्वख्तु तुलि युस चानि बोलि कन दारे  
बोज़न छसय ताक़दारे प्यठ ॥

आशु तोशि कथु चानि अमृत छे हारन  
तिमनुय कथनुय थोवमुत छु च्यथ ।  
ऑस छुम दोरमुत अमृतु धारे  
बोज़न छसय ताक़दारे प्यठ ॥



त्रिभुवन राजे अमि थजि कारे  
सॉरस नेर द्राक वारे क्यथ ।  
शालुमॉर बनोवुम मनुचे वारे  
बोजन छसय ताकदारे प्यठ ॥

महाराज सुत्य सुत्य राज कुमारे  
तोतु ज़न द्राख वन हारे ह्यथ ।  
कन थवु कथि चानि मन गोम तारे  
बोजन छसय ताकदारे प्यठ ॥

अतु गतु पानु चै पतु पतु लारे  
कृष्ण समसारस लॉयिथ लथ ।  
सथ छस चॉन्य न्यथ सत व्यचारे  
बोजन छसय ताकदारे प्यठ ॥



### 127. वनवुन

सॉंत आव बामुन द्राव ह्वछिमचि हरि ।  
बालादरि ब्यूठ बाला मकुंद ॥

भक्ती भावु पखु जरि सत्संगु रंगु च़रि  
सानि लरि प्यठ ब्यूठ राज़ हंसा ।  
संकट हरि असि पानस ह्यू करि  
बालादरि ब्यूठ बाला मकुंद ॥

अमृतु कुय सग द्युत त्वलसी थरि  
स्वय त्वलसी लँज भगवानस ।  
युस युस पोश फोल सुय सुय गव वरि  
बालादरि ब्यूठ बाला मकुंद ॥

शखच कोतुर द्रायि भकच कोतर मरि  
युखच पान वुफनावि आकाशस ।  
छोह दिथ रात द्वह हमसस सुत्य् बरि  
बालादरि ब्यूठ बाला मकुंद ॥

तसुँघन चरणु कमलन असि अँछ जरि  
व्वन्य् कति दरि असि ग्रह पीडा ।  
द्वख हरि परमु शान्ति सुत्य् मन बरि  
बालादरि ब्यूठ बाला मकुंद ॥

दूपु दुपु कोफूर ह्यथ आलवस नरि  
अँकारु रूपस छे द्वारु पूजा ।  
वैक्वठनाथ आव नोन द्राव सानि गरि  
बालादरि ब्यूठ बाला मकुंद ॥

तस रोस्त यि केंछा बासि सोरुय ति खरि  
कृष्णस क्याह करि व्यवहारु ब्वद्ध ।  
शिव तु कीशव स्वरि येमि भवसरु तरि  
बालादरि ब्यूठ बाला मकुंद ॥



## 128. यिथि वनवन सुत्य् छु भगवान शिव प्रसन्न गछान

त्वता बूजिथ स्यटाह ख्वश गव सु कीशव  
सु दामूदर सु विश्वम्बर सु माधव  
सपनि स्यद सारिनुय मनु कामनाये  
दपान ऑसिस यि कोर चाने दयाये  
तिथय नारद जुवन सेतारु वीयुन  
तिथय अदु नादब्यंदस नाद लीयुन  
पद्य पादस स्यदस साधस द्युतुन नाद  
करुम प्रसाद छुख साधन हुंदुय साध



## 129. नारद जी छु भगवान शिवस ब्रोंठु कनि ग्यवान

सत् प्वरुषन हुंदि सत ज़नय ।  
हे सत् च्यथ आनन्दघनय ।।

न्यर ग्वणय न्यरंज़नय  
अथ रुपस बो क्याह वनय ।  
छुख च़ु सॉक्षी च़्यथ च़ेननय  
हे सत् च़्यथ आनन्दघनय ।।

यनु प्यठु गोस च़े निशि छ़्यनय  
जीवतिस मंज़ आसय ह्यनय ।  
च़ंच़ल गोस मरनु ज़्यनय ।  
हे सत् च़्यथ आनन्दघनय ।।

टोटुहँमय अकिय क्षनय  
वासनायन मंज कति छ्यनय ।  
युथ ओसुस त्युथ बेयि बनय  
हे सत् च्यथ आनन्दघनय ।।

सॉन्य साधन छे व्यनय तु प्रनय  
चेनुवुन्य छिय चे मंज मनय ।  
सुत्य व्यचारु सतोग्वणय  
हे सत् च्यथ आनन्दघनय ।।

शिवु रुपस लगयो पॉरी  
मुलु तलु छुख न्यराकॉरी ।  
वनि यिवान छुख मंज मनय  
हे सत् च्यथ आनन्दघनय ।।

मोचुरावतम पथकुन सत् च्यथ  
चावुनावतम आनन्द अमृत ।  
तमि चनय चे ह्यू बनय  
हे सत् च्यथ आनन्दघनय ।।

त्रियि वॉनियि त्रयलूचनय  
वनवुनुय बूजुथ कनय ।  
अदु बुतराथ बँरुथ स्वनय  
हे सत् च्यथ आनन्दघनय ।।

च्यथ व्यमरषे छुख ज्योति रुपुय  
हृदयस मंज प्रजलान दुपुय ।  
सिरियि प्रजल्याव अमि प्रजलनय  
हे सत् च्यथ आनन्दघनय ॥

शखच सुती आख वलसनय  
हनु वनय न्यरंजनय ।  
लद कृष्णस सुय दयि धनय  
हे सत् च्यथ आनन्दघनय ॥



### 130. श्री शिवजी छु नारद जियस प्रश्नुक व्वतर दिवान

सतुक स्वर बूजिथुय ख्वश गोस सत्ग्वर  
प्रश्नुन बूजिथ व्वतर कोरनस बराबर ।  
सतजन बन मन कर कौलासुय ।  
बैस्ती मंज वनवासुय रोज ॥

च्यतु किन्थ भस्मु मल वल अतलासुय  
साधु प्रक्रेच सैन्यासुय रोज ।  
ॐ शिव शम्भू कर अभ्यासुय  
बैस्ती मंज वनवासुय रोज ॥

विषय त्यागकुय दर माघ मासुय  
सत्संगु कुय व्वपवासुय कर ।

आत्मु तीरथु मन नाव मोह मस कासुय  
बॅस्ती मंज वनवासुय रोज़ ।।

पान परज़ुनॉविथ पानय मु आसुय  
सर्व संकल्पन ग्रासुय कर ।  
तलु प्यटु त्रॉविथ त्राव तलवासुय  
बॅस्ती मंज वनवासुय रोज़ ।।

श्री कृष्ण महाराजन ख्यूल रासुय  
गूपियि शुराह सासुय ह्यथ ।  
बालु ब्रह्मचॉरी तोति नाव द्रासुय  
बॅस्ती मंज वनवासुय रोज़ ।।

महामाया ह्यथ रछवुन दासुय  
शिवनाथ हृदया वासुय छुय ।  
तोति तस नाव द्राव साधु सॅन्यासुय  
बॅस्ती मंज वनवासुय रोज़ ।।

कृष्णु अँदरिमि त्यागु मल सूर सासुय  
नेबरिमि रागु व्वलासुय कर ।  
श्वकदीवस गव यिय वॅनिथ व्यासुय  
बॅस्ती मंज वनवासुय रोज़ ।।



## 131. वनवुन

नन्दन बागस मंज न्यरबंधन ।  
सन्त बीठ्य चंदन कुलिनुय तल ॥

च्यथ सिरि नोन द्राव मोह गटु कति ऑस  
वति ऑस मंज आकाशस ज़ांड ।  
छाया छि वंदन माया छि अंदन  
सन्त बीठ्य चंदन कुलिनुय तल ॥

चरणार्ब्यन्दन कलु छिस वंदन  
जसुदा नन्दन परमु गत हॉव ।  
नेष्कामु कर्मु दानि धर्मु द्वध छि मंदन  
सन्त बीठ्य चंदन कुलिनुय तल ॥

दीवलूक ह्यथ तत् पद सत श्रवनुय  
परम शिवनुय तु कीशवुनुय कोर ।  
मोह गोल च़ोल प्रथ चीज़ुक बन्धन  
सन्त बीठ्य चंदन कुलिनुय तल ॥

समोज़ व्यथानस कुनुय म्ख गव  
अनन्तु स्वख गव सर्व व्यवहार ।  
द्वख च़ोल म्ख होव ब्रह्मानन्दन  
सन्त बीठ्य चंदन कुलिनुय तल ॥

अभेदु भखुच हुंद श्रवनुय छु ग्यवनुय  
विवेक ज्यवनुय ह्यवनुय छि मोज ।  
सृष्टियि हुंज भेदु दृष्टि छि वंदन  
सन्त बीठ्य चंदन कुलिनुय तल ॥

शिव प्रेयमु आनन्दु रसु नुय मस कॅर्य  
दँहवय यँद्रिय बे ह्यस कॅर्य ।  
सत्संगु भंगु चनु किय स्वगंधन  
सन्त बीठ्य चंदन कुलिनुय तल ॥

संसारु मायि मंजु न्यर्माया कर  
कृष्णस मोह हर हे हरी हर ।  
चानि रायि कुस वाति मायायि फंदन  
सन्त बीठ्य चंदन कुलिनुय तल ॥



### 132. येनि वोल नेरनुच तयॉरी करान

करनि लॅग्य् नेरनुच सॉरिय तयॉरी  
संबालुनि लॅग्य् पनुन्य् पनुन्य् सवॉरी  
वेषण जी वोथ क्वछे क्यथ ह्यथ सदाशिव  
स्व ब्वद्ध कति अनु वनय तति हाल क्युथ गव  
प्रभाता शामु रुप ह्यथ क्वछि क्यथ द्राव  
जानानव वोन गटे मंजु गाश हय आव



तिष्ठय मीनावॅती वॉनी वनान ऑस  
कनन अन्दर गॅछिथ मूक्षी बनान ऑस



### 133. ज़नानु छे यॅजमनस वनवान

होशि पोशनूलु थव कन ।  
वॉनीयि वन हारि लो लो ॥

राधा कृष्ण कृष्ण वन  
लोलुनि अँश धारि लो लो ।  
रंगु किन्य् तँस्य् ह्यू बन  
वॉनीयि वन हारि लो लो ॥

ग्वडु कर मन बिन्द्राबन  
अदु नेर बॅर्य तु दारि लो लो ।  
शामु रूप वुछ हन हन  
वॉनीयि वन हारि लो लो ॥

चाव वीद कामधीनि थन  
भखुच़ हंदि च़डवारि लो लो ।  
चथ बन आनन्दुघन  
वॉनीयि वन हारि लो लो ॥

पति व्रतियि गूपियन  
कोरमुत छु मन तारि लो लो ।

व्यापक वासुदीवन  
वाँनीयि वन हारि लो लो ॥

प्रेयमु सुत्य् कर मन रुक्षमन  
नाद लायुस प्यारि लो लो ।  
भक्ती भावु एक बनि द्वन  
वाँनीयि वन हारि लो लो ॥

बोज़ जसुदा छे ललवन  
मोह पूतनायि मारि लो लो ।  
यिछि बबि द्वध चन सतज़न  
वाँनीयि वन हारि लो लो ॥

भक्ती मंज़ बन अर्ज़न  
रथबानि सु लारि लो लो ।  
गलि पानय क्रूधु दुर्योधन  
वाँनीयि वन हारि लो लो ॥

मनु वाजे कृष्णु नाव खन  
धौरु अलमास तारि लो लो ।  
किसि प्यठ छुस गूवर्धन  
वाँनीयि वन हारि लो लो ॥

हिंसायि कमसस मारन  
सूक्ष्म धारि तलवारि लो लो ।  
माजि यिम राजि तस हिव्य ज्यन  
वाँनीयि वन हारि लो लो ॥

खँट्य खँट्य छु नोन भासन  
अँद्रिमि छयपु छारि लो लो ।  
च्यतु वुजमलु गट्ट कासन  
वाँनीयि वन हारि लो लो ॥

वृन्दावनु कुय वन  
मन म्योन व्वश्चारि लो लो ।  
सब्ज ज़न लागि चरणन  
वाँनीयि वन हारि लो लो ॥

दास येति रास खेलन  
व्यास नारुद ति लारि लो लो ।  
बोलु नावन श्वकदीव ज़न  
वाँनीयि वन हारि लो लो ॥

यूगियव भूगिथ भूगन  
दोपहस ब्रह्मचारि लो लो ।  
न्यर्मलु नेष्कलु न्यरग्वण  
वाँनीयि वन हारि लो लो ॥

कृष्णस टोठ वैष्णार्पन  
नतु येति क्याह लारि लो लो ।  
जॉन्य मंज तस ति सोहम अन  
वॉनीयि वन हारि लो लो ॥



### 134. वेष्णु रुप यँजमनस कुन स्तुति

बालक अवस्थायि लगयो बो ।  
मनु मंजलिस मंज करय हो हो ॥

बालु कृष्ण छालु मारान यितुमो  
गूपालु नन्दलालु सुत्य् नितुमो ।  
श्यामु प्रेयमु द्वध दामु दामु चतुमो  
मनु मंजलिस मंज करय हो हो ॥

त्रिजगतपालु नालमति रटुथो  
पूतना गालुवुनि क्वछि ह्यमुथो ।  
द्वध थनि चूरु गूरु गूरु करुयो  
मनु मंजलिस मंज करय हो हो ॥

जसुदानन्दु पतु पतु यिमुयो  
गूपीनाथु आलव दिमुयो ।  
राग छुम चोनुय तु ज़ाग ह्यमुयो  
मनु मंजलिस मंज करय हो हो ॥

भज गूव्यंद गूव्यंद करुयो  
असुवुनि गिन्दुवुनि जिन्दु मरुयो ।  
बडि दयि चानि बालु खेलु स्वरुयो  
मनु मंजलिस मंज करय हो हो ॥

दयि अवतार ह्यनु सुय लगुयो  
दिवकी निशि ज्यनुसुय लगुयो ।  
श्री कृष्ण नाव प्यनु सुय लगुयो  
मनु मंजलिस मंज करय हो हो ॥

वसुदीवुनिस निनु सुय लगुयो  
गूकुल ह्यथ यिनु सुय लगुयो ।  
जसुदायि द्वध चनुसुय लगुयो  
मनु मंजलिस मंज करय हो हो ॥

श्यामु स्वंदर वर्णस लगुयो  
जमुनायि मँज्य तरुनस लगुयो ।  
नाशि रँस्ति बाशि करुनस लगुयो  
मनु मंजलिस मंज करय हो हो ॥

पूतनायि दाम दिनुसुय लगुयो  
दाम दिथ प्राण ह्यनुसुय लगुयो ।  
प्रेयमुच थँन्य क्षनुसुय लगुयो  
मनु मंजलिस मंज करय हो हो ॥

जसुदा पतु लारुनस लगुयो  
थँकरॉविथ प्रारुनस लगुयो ।  
गंडुनस कलु दारुनस लगुयो  
मनु मंज़लिस मंज़ करय हो हो ॥

आंगुनुक्य् कुल्य् त्रावुनस लगुयो  
दिवता बनावुनस लगुयो ।  
आकाश वुफुनावुनस लगुयो  
मनु मंज़लिस मंज़ करय हो हो ॥

शामु रंगु जामु पॉरुनस लगुयो  
कामधेनु रछुनि नेरुनस लगुयो ।  
गूर्य शुर्य ह्यथ फेरुनस लगुयो  
मनु मंज़लिस मंज़ करय हो हो ॥

बंसँरी शब्द त्रावुनस लगुयो  
गूपियन बोज़ुनावुनस लगुयो ।  
दयि लोल गॅनिरावुनस लगुयो  
मनु मंज़लिस मंज़ करय हो हो ॥

गूर्य गरि मन मेलुनस लगुयो  
ठठु करुनस तु गेलुनस लगुयो ।  
रासु मंडुल खेलुनस लगुयो  
मनु मंज़लिस मंज़ करय हो हो ॥

यँद्रस क्रूध वालुनस लगुया  
अंतु रोस्त रूद वालुनस लगुयो ।  
गूकलुक्य लूख पालुनस लगुयो  
मनु मंज़लिस मंज़ करय हो हो ॥

गोवर्धन धारुनस लगुयो  
कोह किसि प्यठ खारुनस लगुयो ।  
राक्षस तु दुत मारुनस लगुयो  
मनु मंज़लिस मंज़ करय हो हो ॥

अक्रूर ग्वतु दावुनस लगुयो  
पानि मंज़ु तन हावुनस लगुयो ।  
आश्चर वुछुनावुनस लगुयो  
मनु मंज़लिस मंज़ करय हो हो ॥

कमसांतकू क्रूधु निशि शमुयो  
पम्पोशि पादन मीठ्य दिमुयो ।  
न्यथ चोन चरणामृत चमुयो  
मनु मंज़लिस मंज़ करय हो हो ॥

कृष्णु आँस मुच़रावुनस लगुयो  
वैष्णु विश्व रुप हावनस लगुयो ।  
जसुदा मँच़रावुनस लगुयो  
मनु मंज़लिस मंज़ करय हो हो ॥

शुर्य खँटिथ थावुनावुनस लगुयो  
वँछ्य चूरि निवुनावुनस लगुयो ।  
बैयि तिथ्य् बनुनावुनस लगुयो  
मनु मंजलिस मंज करय हो हो ॥

ब्रह्मा मन्दुछावुनस लगुयो  
गुल्य् गँडिथ वदुनावुनस लगुयो ।  
कृष्णु गीत ग्यवुनावुनस लगुयो  
मनु मंजलिस मंज करय हो हो ॥



### 135. हरी हरस कुन अस्तुति

मधुकैटभ मारवुनि, य्वद्ध वेष धारवुनि ।  
श्वद्ध शांतु द्वध चूरु, गूरु गूरु करयो ॥

शहरु शहरु गामु गामु, रामु रामु परयो ।  
दक्षनु व्वतरु पछमु पूरु, गूरु गूरु करयो ॥

छिय बसंत रंगु जामु, यिनु चानि फवजेम शामु ।  
लंजि लंजि मूरु मूरु, गूरु गूरु करयो ॥

कर हृषीकीशि रागु, दीषु किस शीशस ।  
खंजि खंजि चूरु चूरु, गूरु गूरु करयो ॥



बोम्बूरु गीता छे, गूपियि गावन ।  
स्वर्गु मण्डलुचि हूरु, गूरु गूरु करयो ॥

सिरिधि दरशोन दितु, मूह गटि मंज नितु ।  
यितु नूरुकि नूरु , गूरु गूरु करयो ॥

होशि अँलिशि पोशि किस, गोशस प्यठ बेह ।  
शामु रंगु बोम्बूरु, गूरु गूरु करयो ॥

त्वलसी छावय, हियि तन बो नावय ।  
फँलिल मुशक कोफूरु, गूरु गूरु करयो ॥

मननुकि तेलनु , निदिध्यासनु टोट ।  
श्रवनुकि कनु दूरु, गूरु गूरु करयो ॥

राजु यूगु राजु बोजु, सॉन्यु ताजु ताजु स्वर ।  
प्रेयमु साजु संतूरु, गूरु गूरु करयो ॥

देह अभिमानुक कुल हेयि छनुनुय ।  
तीव्र वॉरागु सूरु, गूरु गूरु करयो ॥

हे हरी हरु पाप हर कृष्णस कर ।  
अनुग्रह पूरु पूरु, गूरु गूरु करयो ॥



### 136. सत्यनारायण रुपु यँजमनस कुन स्तुति

ॐ सत् च्यथ आनन्दघनु टोट ।  
सत्य् दीवु सत्य् नारायनु टोट ॥

शमु दमु टोट दमु दमु ॐ टोट  
सत्संगु के समागमु टोट ।  
सत् प्वरुशन हुंदि सतजनु टोट  
सत्य् दीवु सत्य् नारायनु टोट ॥

एकु अनीकु म्वखु क्षनु क्षनु टोट  
शिव-शक्ती रुपु द्वयि लक्षनु टोट ।  
त्रैग्वणु स्वस्ति त्रैयलोचनु टोट  
सत्य् दीवु सत्य् नारायनु टोट ॥

न्यरग्वणु टोट न्यरंजनु टोट  
चेतनु च्यतु के चेननु टोट ।  
अकि पोशुवनि च्यय मंजु मनु टोट  
सत्य् दीवु सत्य् नारायनु टोट ॥

कीशवु कीशवु कीशवु टोट  
हे शिवु हे शिवु हे शिवु टोट ।  
गरूडासनु वृष्भासनु टोट  
सत्य् दीवु सत्य् नारायनु टोट ॥

न्यथ चोन व्रत दरु श्रीधरु टोट  
शामु स्वंदरु भस्माधरु टोट ।  
स्वदर्शनु शंकरशनु टोट  
सत्य् दीवु सत्य् नारायनु टोट ॥

कौशी नाथु मंजु तपु वनु टोट  
द्वारिकानाथु मंजु बिन्दराबनु टोट ।  
अयोध्यानाथु रामु रादनु टोट  
सत्य् दीवु सत्य् नारायनु टोट ॥

अमरनाथु श्वभ दर्शनु टोट  
शिवनाथु अमृत वर्शनु टोट ।  
विश्वनाथु कपालु मोचनु टोट  
सत्य् दीवु सत्य् नारायनु टोट ॥

अनुग्रह सुत्यन हनु वनु टोट  
पालवुनि नैपालु के वनु टोट ।  
वस्त्र रँस्ति वस्त्र वनु टोट  
सत्य् दीवु सत्य् नारायनु टोट ॥

गरि गरि क्षनु क्षनु घनु घनु टोट  
आकाशि पातालु हैरि ब्वनु टोट ।  
पूरि पछिमु व्वतरु दक्षनु टोट  
सत्य् दीवु सत्य् नारायनु टोट ॥

शामु रुपु टोट, प्रभात रुपु टोट  
स्वप्रकाशि रुपु ज्योति स्वरूपु टोट ।  
कृष्णस शिव रॉच हंदि दनु टोट  
सत्य् दीवु सत्य् नारायनु टोट ॥



### 137. अभीद अस्तुति

कर मे पदमु पॅत्रन नेत्रन मंज वास ।  
रास खेलवुनि, अथु रठ, च़ठ मु अथुवास ॥

सिरियि रुपु माया छे चॉनी छाया  
उस माया का भेद किसी ने न पाया ।  
पानु छुख मायायि मंज न्यर माया  
देखने देव लोक वह माया आया ॥  
ब्रह्मा विष्णु रूद्र इन्द्र श्वकदीव व्यास  
रास खेलवुनि, अथु रठ, च़ठ मु अथुवास ॥ ॥

राधा कृष्णा रामा शामा  
अरे नन्द लाला अरे निष्कामा ।  
ख्यख ना केंह चख ना अख दामा  
गँजरावख ना मे ति स्वदामा ॥  
व्वदास छुस बो दास सर्व संकट मे कास  
रास खेलवुनि, अथु रठ, च़ठ मु अथुवास ॥ ॥

त्रिजगत पाला बाल गोपाला  
देवकी नन्दना दीन दयाला ।  
हटि छुय कौस्तुभ मन बेयि वनमाला  
अरे नन्द लाला बनसरी वाला ॥  
सासु बजु त्रियि छय पतु मॅल्य् मॅल्य् सास  
रास खेलवुनि, अथु रठ, च़ठ मु अथुवास ॥।।

जसुदा बॅन्ग् बॅन्ग् कलु च़ेय वंदु ना  
कर्म कृयि ध्यानु दानि धर्म द्वध मन्दु ना ।  
हाल च़ेय ग्वंदुना च़ेय सुत्य् गिन्दु ना  
त्राँविथ भव बंधना दिवकी नन्दना ॥  
आसरु चानि आस ब्रिज बाँसियि पास  
रास खेलवुनि, अथु रठ, च़ठ मु अथुवास ॥।।

अच्युतु च़्यतु सुय म्यॉनिस मंजु गन  
सत कर सत्यभाभा मन रूकमन ।  
राधा प्राण म्यॉन्ग् पानस कुन अन  
वृच़ गूपियिन तन हाव सनम्वख नन ॥  
क्षनु क्षनु छ्यनु म आस अख श्वास उश्वास  
रास खेलवुनि, अथु रठ, च़ठ मु अथुवास ॥।।

सँखियन स्वख दिथ दुखियन द्वख कास  
तन स्वख मन स्वख दिथ सनम्वख आस ।  
शुराह कलायि सौस्त चोन आभास  
शुराह सिंगार पुरिथ व्वलास ॥।।

शुराह छुख च्च ह्यथ त्रियि शुराह सास  
रास खेलवुनि, अथु रठ, च़ठ मु अथुवास ।।।

गूपी नाथु च़ेय पतु पतु लारु ना  
म्वर्ली शब्दु न्यूथ मन कन दारु ना ।  
गछुखय छूयनु अकि क्षनु पान मारु ना  
शामस तान्य् च़ेय शामु रुपु प्रारु ना ।।  
कामधीनु ह्यथ यिख नतु बनु वनवास  
रास खेलवुनि, अथु रठ, च़ठ मु अथुवास ।।।

पोशिनूलु सुंघ पॉट्य लोलु ओल येरुना  
वनवुनि कृष्णं गीत वनु वनु फेरुना ।  
पीताम्बरु किय वस्त्र पॉरु ना  
वृन्दावनु के वनु किन्य् नेरु ना ।।  
हीमाल छुस बो दास ह्यथ सुमीर कॉलास  
रास खेलवुनि, अथु रठ, च़ठ मु अथुवास ।।।

अकि नरि रुकमन बेयि नरि राधा  
अथुवास कॅरिथ छय कर मे प्रसादा ।  
बन्सॅरी वायि वुनि लायोय नादा  
हॉविथ पद्य पादा गाल व्वपादा ।।  
कृष्णस प्रत्यक्ष भास आस पास आस  
रास खेलवुनि, अथु रठ, च़ठ मु अथुवास ।।।



### 138. यजमन वेष्णु भगवानस स्तुति

शंख चूड मारवुनि मोर मुकटु धारवुनि ।

पातालु पृथवी खारवुनि लगुयो ॥

संकट हारवुनि भवसरु तारवुनि ।

खगु खगु अवतार धारवुनि लगुयो ॥

श्वकदीव सॉमियस भीद दृष्टि गालवुनि ।

व्यासु म्बखु वीद व्यस्तारवुनि लगुयो ॥

वसिष्ट सुंदि म्बखु द्वख न्यवारवुनि ।

मूक्ष व्वपाय उधारवुनि लगुयो ॥

नारद मुनियस भक्त रथि खारवुनि ।

सामवीदस कन दारवुनि लगुयो ॥

वाल्मीकि सुंजि ज़ेवि अमृत हारवुनि ।

रामु कथा व्वचारवुनि लगुयो ॥

मृतु विजि ध्यानु सॉन्य प्राण संधारवुनि ।

कृष्णस दयि नाव यारवुनि लगुयो ॥



### 139. यँजमन नारायणस अस्तुति

परमीश्वरु पूरख पूरणो ।  
नारायणो नारायणो ॥

अन्ताह कर्णन हुंदि आभासो  
चेतन ब्रह्मो च्यथ आकाशो ।  
सौक्षी प्वरुषो च्यथ चेननो  
नारायणो नारायणो ॥

जगतनाथो ज़नार्धनो  
हे न्यर्मलु नैष्कलु न्यरग्वणो ।  
न्यराकारो न्यरंजुनो  
नारायणो नारायणो ॥

वीदान्तन गेविमुति गूव्यंदो  
पान च़ेय वन्दुयो माधव मकुंदो ।  
मोह मद गालवुनि मधुसूधनो  
नारायणो नारायणो ॥

भखच़ हुंजु सीता बोजु हुंदि वनो  
छांडन सुत्यू ह्यथ सतूग्वणो ।  
राम आत्मा ज़ान मन लक्षमनो  
नारायणो नारायणो ॥



अन तु अयोध्यायि मंजु रात दानो  
भावुक भरत छुय पूजुनो ।  
सुतुत् ह्यथ श्रुधायि शत्रूघनो  
नारायणो नारायणो ॥

शुवदुध वलसनलयि हुंद विभीषनो  
करवुन पान च़ेय पथ अर्पनो ।  
राघव रघुनाथु रघुनन्दनो  
नारायणो नारायणो ॥

धुयानुक हनुमान तनु मनो  
नाव च़ोन हृदयस छुय लेखनो ।  
तमि सुतुत् मूह लंकायि ज़ालनो  
नारायणो नारायणो ॥

गुपीनाथ जसुदा नन्दो  
गोरुयन सुतुत् भूगुथ आनन्दो ।  
ज़ुयोन मरुन छ़ुयोन च़ाने ज़ुयनो  
नारायणो नारायणो ॥

देह अन्धकारकि मुह दारनो  
राक्षस प्रकृच़ हुंदि मारनो ।  
स्वय मूक्षी छय कमसु रावनो  
नारायणो नारायणो ॥

ज्ञानकि विज्ञानु ध्यानकि ध्यानो  
यूगुकि यूगो प्राणकि प्राणो ।  
मायायि हुंद अन्त चानि ज्ञाननो  
नारायणो नारायणो ॥

निरार्गल निरान्तर मनो  
आनन्द अमृत चाव चितघनो ।  
अज्ञपा जपु यज्ञ जप जपुनो  
नारायणो नारायणो ॥

निमेषु व्वन्मेषु प्रथ क्षनु क्षनो  
सनम्बख रोज़तम सनातनो ।  
निवृत्त हुंजि वृत्त प्रवृत्त ब्यनो  
नारायणो नारायणो ॥

त्रेन कालन हुंदि ह्यस फेरनो  
तमि फेरनु छुनु कुन नेरनो ।  
शिवरुपु द्रुस चोन ओड प्रदिक्षनो  
नारायणो नारायणो ॥

मायायि म्युल करनुकि तेलनो  
तेलन तेलन चानि मेलनो ।  
दासन हुंदे रास खेलनो  
नारायणो नारायणो ॥

दीवन तृप्ति चाने क्षनो  
पत्रन यिथु सग मूलन दिनो ।  
प्यत्रन आप्या चानि तर्पनो  
नारायणो नारायणो ॥

स्थावरु जंगम छुख हनु हनो  
देह दृष्टि कर व्यसरजनो ।  
कृष्णस रूप हाव वैष्णर्पनो  
नारायणो नारायणो ॥



#### 140. शिव रुपु नारायनस कुन अस्तुति

धर्मुक धौर कोर खँत्य् हौरवनु सुय  
रंगु रंगु पोशन कोर अम्बार ।  
मादलि तुल्सीयि आर्वलि व्यनु सुय  
नारायणु सुय छु जय जय कार ॥

गरि द्रायि भावनायि सूत्य् दर्शनु सुय  
चायि पर्वत राजुनुय दरबार ।  
आयि चक्रीश्वरु सुय प्रदक्षनु सुय  
नारायणु सुय छु जय जय कार ॥

सुमीर पर्वत कोह खोत स्वनु सुय  
स्यद्ध पीठु सारिवुय प्रोव आधिकार ।

नाश गव दारिद्रस अँकिस क्षनुसुय  
नारायण सुय छु जय जय कार ।।

जय जय छु गूकूलस तु बिन्द्राबनु सुय  
जय जय छु नौन द्राव कृष्ण अवतार ।  
जय जय छु गूपियन तु गोवर्धनु सुय  
नारायण सुय छु जय जय कार ।।

जय जय छु वसुदीवुनिस च्यड ह्यनु सुय  
जय जय छु दिवकियि येमि चोल भार ।  
जय जय छु द्वख अन्द बन्द रोजनु सुय  
नारायण सुय छु जय जय कार ।।

जयजय छु बलभँद्रस तु अर्जनु सुय  
भक्तीयि मंजु यिम द्रायि सर्दार ।  
जय जय छु तथ विश्वरुपु दर्शनु सुय  
नारायण सुय छु जय जय कार ।।

जय जय छु दशरथ राजुनिस ग्वण सुय  
माजि कौशल्यायि बारम्बार ।  
जय जय छु अयोध्यायि राम जुव ज्यनु सुय  
नारायण सुय छु जय जय कार ।।

जय जय छु रामचँद्रस तु लँक्षमनु सुय  
सीता मातायि जयजयकार ।

जय जय छु भरतस तु शत्रुघनु सुय  
नारायण सुय छु जय जय कार ।।

जय जय छु वावु लोकपालु नन्दनु सुय  
येम्यु गौंड लचि सुत्यु लंकायि नार ।  
जय जय छु सुग्रीवस, विभीषनु सुय  
नारायण सुय छु जय जय कार ।।

मन म्योन पतु लारि मधुसुदनु सुय  
कामु क्रूधु कमसस दिवुनावि मार ।  
होश कति हारि मारि मोह रावनु सुय  
नारायण सुय छु जय जय कार ।।

कोह आव ब्रौंठु द्वह वोत प्यठ खनुसुय  
तार दियि करि पंचालस पार ।  
सतुचिय थ्यत थवि श्वद्ध च्यथ मनु सुय  
नारायण सुय छु जय जय कार ।।

वनवुन सोन गव मंजु त्रिभुवनु सुय  
थवुनुय तस प्यव ग्यवुनुय सार ।  
मानुवुन छु भक्त राजस तु न्यर्धनु सुय  
नारायण सुय छु जय जय कार ।।

हीतु अकि मायातीतु न्यरग्वणु सुय  
महा मायायि सुत्यु व्यवाह कार ।

शीतु पीतु वरणु स्वरनु टोठ रात धनु सुय  
नारायणु सुय छु जय जय कार ।।

वनवुन यि केंछा ओस प्रथ वनु सुय  
तिय वातुनोव गूपियव गुपकार ।  
वारु आव शंकराचार व्वलुसनु सुय  
नारायणु सुय छु जय जय कार ।।

अनुग्रह चोन मंज अन्नु सुय तु धनु सुय  
वाँसि तान्यु पोशिनावि होशि व्यवहार ।  
कृष्णस तोषि मन पोषि वर्षनु सुय  
नारायणु सुय छु जय जय कार ।।



#### 141. मीनावती छे शिव तु कीशव कुनुय मॉनिथ स्तुति करान

श्यामु स्वंदरु बेह स्वंदर जाये ।  
वथुरॉय मनु मथुराये लो लो ।।

प्रानु पवनु सुत्यन मुचरनु आये  
नव द्वारु देह द्वारिकाये लो लो ।  
वृच गूपियि च़ेय वुछने द्राये  
वथुरॉय मनु मथुराये लो लो ।।

बालु रठ नालुमति सुत्पु पालुनाये  
सानि भखचु हुंजि कुवबुजाये लो लो ।  
नेष्कामु स्यद कर मनु कामुनाये  
वथुरॉय मनु मथुराये लो लो ॥

टोदुयोख गजेंदुरस कथ वैद्याये  
ऑयरिस कथ श्रुधाये लो लो ।  
कमि शुरोचि ख्वश सपनुक शिवराये  
वथुरॉय मनु मथुराये लो लो ॥

कीवलु भखचु हुन्द कर मे वुपाये  
सुत्पु पनुनि प्रेयम तु माये लो लो ।  
वासुदीवु वास कर मंजु वासुनाये  
वथुरॉय मनु मथुराये लो लो ॥

राजु द्वारस चॉनिस भिक्षाये  
ऑधीन कर्महीन आये लो लो ।  
चारु कर मे आरुकचि सुशीलाये  
वथुरॉय मनु मथुराये लो लो ॥

स्वदाम जॉनिथ कर मे वुपाये  
वोल्मुत छुस जिष्ठाये लो लो ।  
छुवचुरुय म्योन पूर सुत्पु पूर्णाये  
वथुरॉय मनु मथुराये लो लो ॥

बानु रौस्त द्रामुत छुस भिक्षाये  
वूँछमुत दैव संपदाये लो लो ।  
भेखिकस मे त्राव राज्जु हम्सुन साये  
वथुरौय मनु मथुराये लो लो ॥

फलदायक चानि खलु किन्च् आये  
अनुग्रह मे तोल पूरु त्राये लो लो ।  
वोवुमुत केँह ति छुम नु कर्म भूमिकाये  
वथुरौय मनु मथुराये लो लो ॥

शौजराव संकट ग्रह दशाये  
वुल्ट समयस प्यठ ज़ाये लो लो ।  
फिरुथुर कर च्चु सानि कर्म लीखाये  
वथुरौय मनु मथुराये लो लो ॥

भावु मच्च कन्द म्योन पनुनि यछाये  
सोव मंज मोह निद्राये लो लो ।  
वुज्जुनाव मंज स्मरँच्च ग्वफाये  
वथुरौय मनु मथुराये लो लो ॥

पानस पतु दोरुनाव म्यानि राये  
सिरिं रुपु अन पोत छाये लो लो ।  
जाल मदु कालि यवनस कायाये  
वथुरौय मनु मथुराये लो लो ॥



मारकँडी ज़न चानि आशाये  
आयस च़े मंगुने आये लो लो ।  
कालस मे ग़ास कर तु भास जायि जाये  
वथुरॉय मनु मथुराये लो लो ॥

आत्मा रामु न्यवृच़ हंज़ि राये  
सुत्य् पख़ मे शान्त सीताये लो लो ।  
डंड कर प्रवृच़ श्रूपुनखाये  
वथुरॉय मनु मथुराये लो लो ॥

गाल मोह रावनस तु क्रूध सेनाये  
ज़ाल लूभुच़ लंकाये लो लो ।  
विवेक़ मनु लक्ष्मनु ने भाये  
वथुरॉय मनु मथुराये लो लो ॥

सत्ग्वणु प्रकृच़ कौशल्य़ाये  
म्वख़ हाव सुत्य् दयाये लो लो ।  
राज कर आनन्द अयोध्याये  
वथुरॉय मनु मथुराये लो लो ॥

ज्ञानु ताज दिथ ध्यानु धारनाये  
सुत्य् स्वतंत्रताये लो लो ।  
च़्यतु तख़तस बेह ह्यथ समताये  
वथुरॉय मनु मथुराये लो लो ॥

हुशियार रोज़ मंज यूग न्यँद्राये  
ह्यथ समदृष्टि एकताये लो लो ।  
तुर्या रुपु मंज राज़ सभाये  
वथुरॉय मनु मथुराये लो लो ॥

अज तान्यु काँत्याह गूयि कृत्यु आये  
वतु गथ यथ यात्राये लो लो ।  
एकाह कुस वोत चानि अनीकताये  
वथुरॉय मनु मथुराये लो लो ॥

वीर कॅर्य यीरु चानि वैष्णु मायाये  
बडि दयि बे परवाये लो लो ।  
यिम तॅर्य तु तिम तॅर्य चानि कृपाये  
वथुरॉय मनु मथुराये लो लो ॥

मे ति तार भवसरु आवलनु जाये  
सुत्यु विवेकु व्वपाये लो लो ।  
युथ देह डूंगु सूहमु हमु वाये  
वथुरॉय मनु मथुराये लो लो ॥

कीशवु नाव ज़पुनाव भावुनाये  
अज़पा ज़पु मालाये लो लो ।  
मन नाव आत्मु तीर्थुचि जमुनाये  
वथुरॉय मनु मथुराये लो लो ॥

राम चन्द्र शिवु लगहोय एकताये  
हॉविथ चन्द्रकलाये लो लो ।  
मोह गटु कास म्यानि बोज़ मीनाये  
वथरॉय मनु मथुराये लो लो ॥

साविधान मन कर यँज़मन बाये  
खसु द्रायि मंज़ प्रजाये लो लो ।  
वरतस व्वन्य् वॉनियि कन्याये  
वथरॉय मनु मथुराये लो लो ॥

विश्वरूपु व्यूग ल्यूख कर्म लीखाये  
सुत्य् नाना वर्णाये लो लो ।  
शक्तीपातु दृष्टि थव प्यठ नेष्टाये  
वथरॉय मनु मथुराये लो लो ॥

करनीश्वरियन हुंज़ु गूर्यबाये  
रास खेलुनि ननि द्राये लो लो ।  
थफ कर कृष्णुनि रागु राधाये  
वथरॉय मनु मथुराये लो लो ॥



## 142. येनिवोल छु नेरनुच तयॉरी करान

रातस घन गव बँस्तियि वन गव ।  
मन गव ह्यथ मन मोहन नाथ ॥

मनु कुय हीथ करवुन कर्मन गव  
मनु कुय परतीत गव दयि लाभ ।  
मनु कुय जीत जेनुन त्रिभुवन गव  
मन गव ह्यथ मन मोहन नाथ ॥

मन गव मीलित्थ सुय हन हन गव  
मनु कुय मानुन गव समसार ।  
मिथ्या निश्चय सोन पूर्ण गव  
मन गव ह्यथ मन मोहन नाथ ॥

ब्रह्म व्यचारस मंज अख क्षन गव  
पकनु रोस्तुय प्रॉव तीर्थ यात्रा ।  
नेष्कल बीट्य स्वफल प्रदिक्षन गव  
मन गव ह्यथ मन मोहन नाथ ॥

नचवुनि वृच हरकँच निशि छ्यन गव  
पन गव प्रवृच प्रँचि म्वकलिथ ।  
यिछि स्मृच यँचकाल अख क्षन गव  
मन गव ह्यथ मन मोहन नाथ ॥

शब्दस अँछ गँयि अँछिनुय कन गव  
आनन्दघन गव च्यथ ब्द्ध ह्यथ ।  
सुशप्त तुर्या ज़ाग्रत ज़न गव  
मन गव ह्यथ मन मोहन नाथ ।।

घन तु रॉच शुर्य तु बॉच मँशरावन गव  
रावुरावन गव मूर्ख व्यवहार ।  
रागु दीशु चूरस सुत्य् वर्तन गव  
मन गव ह्यथ मन मोहन नाथ ।।

एक भास्याव मिलुनॉविथ द्वन गव  
मनु रूक्षमन गव क्वछि क्यथ ह्यथ ।  
पारस मीलित्थ शँस्त्र स्वन गव  
मन गव ह्यथ मन मोहन नाथ ।।

प्रकृच भखशिथ श्वद्ध सतग्वण गव  
ह्यस व्यसरन गव व्यवहारुक ।  
टेबि टेबि मीलित्थ अथु सुय पन गव  
मन गव ह्यथ मन मोहन नाथ ।।

रावुन तु प्रावुन ज़न व्वपुरन गव  
अदु कुस ऋन असि पथ कुन रूद ।  
सानि म्वखु रायि ओस भूग भूगन गव  
मन गव ह्यथ मन मोहन नाथ ।।

युथ हाल विज्ञानुवान यूगियन गव  
भगवत् गीता अथ छे साक्षी ।  
यथ प्यठ स्यद्ध प्वर्शन ज़ग्रन गव  
मन गव ह्यथ मन मोहन नाथ ।।

श्वद्ध ज़ाग्रतु कुय विषेश रास गव  
सुय अभ्यास गव गूपियन रूढ ।  
संकल्पन तु व्यकल्पन छ्यन गव  
मन गव ह्यथ मन मोहन नाथ ।।

न्यराकारु सुंद रूप त्रिभव गव  
सर्व आकारु होवुन विश्व रूप ।  
डीशित आश्चर्यस अर्जुन गव  
मन गव ह्यथ मन मोहन नाथ ।।

तस निशि स्वर्गुक राज़ु मंदछन गव  
यस खोहवरि किसि प्यठ खौरिथ ।  
गासु कचि खोत लोत गोवर्धन गव  
मन गव ह्यथ मन मोहन नाथ ।।

द्रौपदीयि यैलि अम्बार फ्यरनन गव  
दुशासन गव कँड्य कँड्य तंग ।  
ह्यथ सभा रूज़िथ दुर्योधन गव  
मन गव ह्यथ मन मोहन नाथ ।।

शीतल कोमल मन शीशुनाग गव  
तथ प्यठ कृष्णुन राग गव स्यद्ध ।  
वैक्वठस ह्यु बिन्द्राबन गव  
मन गव ह्यथ मन मोहन नाथ ॥



### 143. महाराज् तु महारिन्धु नेरनु विजि छे मीनावती स्तुति करान

लथ लॉयिथ समसारस ।  
पतु लारस लँतिये ॥

हम्सु नावु किस जानावारस  
नॉल्य् जामु छिस छेतिये ।  
वुफि तार्यस हमदारस  
पतु लारस लँतिये ॥

सूर कोर तँम्य् अन्धकारस  
युस वोर सूरु मँतिये ।  
बो ति धारुनायि ध्यान धारस  
पतु लारस लँतिये ॥

अथ तीज्जु रुप आकारस  
फेरु ब्रोंटु तय पँतिये ।  
पोंपूर ज़न गतु मारस  
पतु लारस लँतिये ॥

लोलु फम्बु किस अम्बारस  
रेह मे दिच सूरु मँतिये ।  
श्रेह मे छुम व्वन्य कति प्रारस  
पतु लारस लँतिये ॥

आर्वल मंज लोलु नारस  
दँजमुच प्रेयमु सुँतिये ।  
शेहजारस छे मंज आरस  
पतु लारस लँतिये ॥

न्यथ लगु सत् व्यचारस  
सत भासनाव सँतिये ।  
स्वरु फिरतु च्यथ सेतारस  
पतु लारस लँतिये ॥

वन्दुन छुम पान यारस  
अन्दुन छुम येँतिये ।  
चन्दुन गोम दिवदारस  
पतु लारस लँतिये ॥

ग्रज वँछ स्वंदरि नारस  
येत्युँ आँसिथ छि तँतिये ।  
वनवनु सुय कन दारस  
पतु लारस लँतिये ॥



छालु मॉर्य मॉर्य ल्वकृचारस  
कॅर्य मे पोशन फॅतिये ।  
शेरि लागस जटु धारस  
पतु लारस लॅतिये ॥

कृष्णुन दफतु बालु यारस  
करिहेस नालु मॅतिये ।  
मेलि शस्त्र तु संगि फारस  
पतु लारस लॅतिये ॥



#### 144. यँजमन द्राव महाराजु महारेन्यु ह्यथ

हरी हर द्राव ह्यथ महाराजु महारेन्यु  
दयिय दय ओस तति, गॅयि दयि गत नॅन्यु  
ह्योतुख र्वखसत खबर प्रथ जायि साँपुन्यु  
शरन शिवजी सुँजे मायायि साँपुन्यु  
वेशम्भर लोग वेशश्वर ह्यथ पकाँने  
हलम बॅर्य बॅर्य लॅगिस त्वलसी छकाँने  
पकान नेष्कल क्वछे क्यथ द्राव न्यर्मल  
छकान आँसिस लर्यव पेढ्य ब्यल तु मादल  
हरस साँपुन हरी कीशव बन्यव शिव  
अद्वैतुय रुपु नारायण प्रकट गव



## 145. महारेण्यु पार्वती खँचु वुडडानस तु लँगु सँरिय पकनि

वुडडानस कुथ पकान ह्यथ अँस डवँनी  
सुडथ अथ ड्रँठ ड्रँठ अँसुस डवँनी  
करान ज़ुड ज़ुड ज़ुड अँसुस डुड ह्यथ  
वुडतसुतु नरुडुड डंगुड गँडुड ह्यथ  
तुरिसंघुड रूडुर संघुड डवनु संघुड  
करान आसु धुडनु तसुंडे शुरान संघुड  
पकान अडुत छकान अडुरावँती अँस  
गुडवान तस गीत डानड सरसुवती अँस  
शैडव तरुडव वनान तस डैरवी अँसु  
डुरान तस डुडनु तुवत डुडनुसुतवी अँसु  
सुवंडर वँनी सुवंडर लहरी डुरान अँसु  
डुहा डुडुड डुहा डुडुड करान अँसु



## 146. शारिका रुडुी शुरी डारुवती डुडतुडु कुन असुतुतु

सुडरनु चानु सँरिय डुड हँरी  
हुरँडु डरुडतुच हँरुडे ।  
हँरी हँरी लगुडु डुडु डुडु  
हुरँडु डरुडतुच हँरुडे ।।

संकटु कट छखु ही डुडकटु धँरी  
तीजु चानु डुरजुलनु आवु सडुसुडर ।

सिंहासनु चिय छय सवॉरी  
हारॉय पर्वतुच हॉरिये ।।

गौरी नावस लगोय पॉर्य पॉरी  
चाव प्रेयमु द्वधु चडवॉरिये ।  
जॉनिख अभिनव गुप्त आचॉरी  
हारॉय पर्वतुच हॉरिये ।।

नॅट्य लछुल्य् आकाशन ग्रटन तॉरी  
नोन नीरिथ वोन चोन महिमा ।  
परम शक्त मॉनिख शंकराचॉरी  
हारॉय पर्वतुच हॉरिये ।।

शिव शक्ती रुपु जॉनिथ च्वपॉरी  
गुल्य् गँडिथ वोनूनय यॉरी मे कर ।  
ह्यथ नखस नियिनख मँज्य कष्टवॉरी  
हारॉय पर्वतुच हॉरिये ।।

निथ सुमीरस तान्य् लॉर्य लॉरी  
कति ऑस वातनुच शक्त ओस सख्त ।  
परबतु प्रदक्षनु पाप न्यवॉरी  
हारॉय पर्वतुच हॉरिये ।।

शारिका नाव छुय भाव छुम चोनुय  
नोव नोवराव त्राव प्रोनुय याद ।

हाल बाव वाल पापन हुंघ बॉरी  
हारॉय पर्वतुच हॉरिये ।।

आदि शक्तु पानु छख सर्व आधिकॉरी  
पूज़ा करवुन्यु सॉरिय छिय ।  
साध संत वॉरॉग्यु जूग्यु ब्रह्मचॉरी  
हारॉय पर्वतुच हॉरिये ।।

चक्रीश्वरसुय छु जय जय कारुय  
सारिवुय रोट दरबारुय सुय ।  
स्यदु पीठु प्यठु गॅयि स्यद्ध ह्यथ सॉरी  
हारॉय पर्वतुच हॉरिये ।।

चानि सुत्तु सॉर्य दीव जीव व्यवहॉरी  
चानि सुत्तु व्वलसनु आव समसार ।  
चानि सुत्तु सॉनी छे दुनिया दॉरी  
हारॉय पर्वतुच हॉरिये ।।

अष्टादश बुजवुय सुत्तु पर्वतु  
ह्यतकारु पुछि छख बतु बॉगरान ।  
सर्व व्यापक छख सर्व व्वपकॉरी  
हारॉय पर्वतुच हॉरिये ।।

कर्मलीखा छख पानु परम शक्ती  
करमु सानि पनुनी भक्ती लेख ।

कृत्य कर्म फल छख दिवुवुन्य् सॉरी  
हारॉय पर्वतुच हॉरिये ।।

अजपा गायत्री जपुहोथ अंदरी  
श्री स्वंदरी यूग नंद्रे मंज ।  
मनु प्राण ध्यानु ज्ञानु व्यचॉरी  
हारॉय पर्वतुच हॉरिये ।।

परमात्मा रुपु छख जगतुच सॉक्षी  
जितेंद्रय यंद्रॉखी छख ।  
प्राणु शखच सुत्य् छख पानु व्यवहॉरी  
हारॉय पर्वतुच हॉरिये ।।

पानु छख यूगी तु पानु ज्ञॉनी  
वॉनी रुपु भवॉनी छख ।  
बोज सुत्य् ह्यस रटनुच व्यस्तॉरी  
हारॉय पर्वतुच हॉरिये ।।

चामर लागुहोय पोश चॉर्य चॉरी  
चंडी चुय छख चैतन स्वरुप ।  
च्यथ शक्त छख चेनुवॅन्य् च्वपॉरी  
हारॉय पर्वतुच हॉरिये ।।

मोह जालु मंजु नेरनुक वपाया  
कर राजु हम्सुन साया त्राव ।

हम्सु नादु सुत्सु तारु येमि हम्सुदॉरी  
हारॉयु पबुतुचु हॉरिये ॥

हीमालु पबुतुनु यु ररु कुवरुमी  
चरणन लुगुयु पॉरु पॉरिये ।  
कृष्णुनु भक्तु बुकु कन दॉरु दॉरी  
हारॉयु पबुतुचु हॉरिये ॥



### 147. हीमालु ररु छु शक्तुीपलतु खॉतरु प्रलरुथनल करलन

शखुचु रुरुस्तु शक्तु प्रलतु भखुचु रुरुस्तु सभुभलु ।  
भक्तु वतुसलु चलनि शक्तुीपलतु सुत्सु ॥

नलयकु फल दलयकु कुनु सुफलु  
लुंबु मंजु फवलु पम्पुशलु ह्यु ।  
कुवलदीपु प्रजुलनु मंजु कुवलु मुवकुलु  
भक्तु वतुसलु चलनि शक्तुीपलतु सुत्सु ॥

कुलनलयु ररुस्तु वनुदुहॉयु नुषुकलु कुलु  
कुलु मलु धलरवुनि कुलुवललयु ।  
चमु प्यलु चलनि अमृतु जलु जलु थलु  
भक्तु वतुसलु चलनि शक्तुीपलतु सुत्सु ॥

चन्द्रचूड सिरियि नेत्र कमल कोमल  
शीन ज़न गलु मेलु ज़लु सुय सुतुत् ।  
न्यथ च्यथ वुज़मलु मंज़ ज़लु प्रज़लु  
भक्त वत्सलु चानि शक्तीपातु सुतुत् ॥

नेष्कल ठँहरु मंज़ मनु चंचलु च़लु  
फलु रँस्ति करमु परम गत प्रॉविथ ।  
त्रॉविथ नर्कस स्वर्ग मंडलु डलु  
भक्त वत्सलु चानि शक्तीपातु सुतुत् ॥

श्रावन शीन ज़न ध्यानु जंगलु गलु  
पानु कुनि रोज़ु नु ज़ानु छुस ज़लु ।  
चे हिव्यु जामु व्यरक्त कीवलु वलु  
भक्त वत्सलु चानि शक्तीपातु सुतुत् ॥

नित्यकरमु च्यतु किन्नु भस्मु न्यर्मल मलु  
नाव छुम कृष्ण हावतम शिवु रुप ।  
शँत्रु क्षयि रूगु निशि अकि पँत्रु ब्यलु बलु  
भक्त वत्सलु चानि शक्तिपातु सुतुत् ॥



## 148. भगवान शिवस कुन सतरॉच यिनु बापत प्रार्थना

ह्यथ प्रभाता क्वछि क्यथ आव ।

शामु रुप चाव गरु सोन ।।

रंग अँछन हुंद वुछ वुछ त्राव

छोत तु क्रुहुन नुन्द बोन ।

गाशि सुती गाश परजुनाव

शामु रुप चाव गरु सोन ।।

अख अँकिस निशि प्रथ अखाह जाव

असि कुनुय प्वरुश मोन ।

कुनि सुय छिय लछि बँद्य नाव

शामु रुप चाव गरु सोन ।।

चेतन येलि चेननु आव

अदु क्याह गव नौव तु प्रोन ।

जानुवुन जान देह दृष्टि त्राव

शामु रुप चाव गरु सोन ।।

प्रथ चीजुक सुय छु स्वभाव

प्रथ कुन्युक दैवु लोन ।

रुपु कुय रुप वावु कुय वाव

शामु रुप चाव गरु सोन ।।



प्राण ह्यु तस टोठ गँजराव  
ल्वलि मंज बाग ललुवोन ।  
च्यतु ऑनस म्वख पनुन हाव  
शामु रुप चाव गरु सोन ॥

अख चेतन ब्रह्म नोन द्राव  
वेषण कृष्णस शिव ज़ोन ।  
आत्मस प्यठ छुख कुनुय भाव  
शामु रुप चाव गरु सोन ॥



#### 149. शिव मायायि हुंद अख अंशाह

न्यर्वानु परमु पद धर्मु सभाये ।  
कर्म काण्डुचि कुकिलाये बूल ॥

नामु स्मरँनि स्वस्ति रामु कथाये  
वन्दे वाल्मीकु कोकिलम बूल ।  
जय श्वकदीवुनि शोगु भाषाये  
कर्म काण्डुचि कुकिलाये बूल ॥

तत्पद कथ पथ जंगलुचि जाये  
शिव सुंजि राये सत्संगु पाठ ।  
सत श्रवनुय येलि वोन व्वमाये  
कर्म काण्डुचि कुकिलाये बूल ॥

बूज़िथ शक्त गयि मंज़ निन्द्राये  
विचित्र बोज़ अदु रूद समसार ।  
रोह्व कोर समतायि सुत्य् ममताये  
कर्म काण्डुचि कुकिलाये बूल ॥

बद्ध क्याह वाति ईश्वर यछाये  
होल तु स्योद सम विषम रूद समसार ।  
ठूल गव श्वकदीव तथ अवस्थाये  
कर्म काण्डुचि कुकिलाये बूल ॥

प्रेदिक्षन अन्तु रस्तिस दिनि द्राये  
फीरिथ आये मंदुछिथ बीढ्य ।  
अर्ध प्रक्रम द्रुस छु यिछि पूजाये  
कर्म काण्डुचि कुकिलाये बूल ॥

आद्य मध्य अन्त रँस्ति कर्म लेखाये  
यूग व्यूग नाना रुपु किन्त्य् ल्यूख ।  
शिव शक्ती रुप तति मारान ग्राये  
कर्म काण्डुचि कुकिलाये बूल ॥

तेलना कोर वुछ मेलनुचि जाये  
फर्जानुगी सुत्य् मस्तानुगी ।  
ऑस्य् कुनुय होश ह्यथ दुयि मंज़ द्राये  
कर्म काण्डुचि कुकिलाये बूल ॥

जय जय छु होशि मचरुचि भावनाये  
क्राल क्रॉज कठ कॅटिन्य् सॉक्षी छि अथ ।

छावुल्य् बूल्य् शूभि यिछि पूजाये  
कर्म काण्डुचि कुकिलाये बूल ॥

आशुतोषि जॉम ब्रांदुचि आशाये  
चार्यर पूर्यव तु सोरुय तोग ।  
चौतरिस छु कतरुय राज्रहमसु साये  
कर्म काण्डुचि कुकिलाये बूल ॥

थाव ब्रह्मविद् प्वरुषन हुंजि त्राये  
कर अखंडु अकारु राये सोस्त ।  
वर कृष्णस दिथ न्यर्वासुनाये  
कर्म काण्डुचि कुकिलाये बूल ॥



### 150. शिव सतरात

शामु छुय क्वछि सूमु सिरिं रुपु प्रभात ।  
शिवरॉच हंदि द्वह छय सतरात ॥

तेशस प्वनर्वसु सुय छु अभिज्यथ सात  
सिरिं वोत तथ मंज लॅज वॅहरात ।  
अमृत वर्षनु फल दियि बुतरात  
शिवरॉच हंदि द्वह छय सतरात ॥

छोच प्रक्रच हॉगिन्य् सॉन्य् लोच ज्ञान  
भवसरु सॅद्रस मंज छि यीरान ।  
मुक्तु प्रावुनाव त्राव शक्तीपातु बरसात  
शिवरॉच हंडि द्वह छय सतरात ॥

वटक भौरवनाथु छुख च्चु शम्भूनाथ  
सॉथी छुख च्चु ह्यथ सॉथी साथ ।  
पालवुनि सालु यितु पालुवुन्य् छे शिवरात  
शिवरॉच हंडि द्वह छय सतरात ॥

बानु रोस्त बानु प्रावि स्वय गॅयि सतरात  
अशक्त शक्त प्रावि गव शक्ती पात ।  
फ्रस्तस तु वीरि बनि कल्पवृक्ष तु पारिज्ञात  
शिवरॉच हंडि द्वह छय सतरात ॥

भाग्यवान साविधान असि थव तु द्यन तु रात  
धर्मस कर्महीनस मे कास घात ।  
बानु रॅस्तिस लद दयि धनु पॅहरात  
शिवरॉच हंडि द्वह छय सतरात ॥

योगु ज्ञानु शखच हंड दिम मे प्वरुशात  
शूभुराव जॉचन मंज म्यॉन्य् ज्ञात ।  
भ्रमु शतरंज बाजि मंज मे मु कर मात  
शिवरॉच हंडि द्वह छय सतरात ॥

चैय रौस्त पारुद ज़न छुस घन तु रात  
पानस कुन नि मे दीना नाथ ।  
शिव शक्ती पदमानु शक्त दिम साक्षात  
शिवरौंच हंदि द्वह छय सतरात ॥

कृष्णस नालुमति रठ हे शक्तिनाथ  
यकजा मिलुनाव पारस तु धात ।  
सुय गव अनुग्रह सुय गव शक्ती पात  
शिवरौंच हंदि द्वह छय सतरात ॥



### 151. श्री शिवरात्री सदा शिवुन्यु सतरात

शिवरौंच हंदि द्वह बीठ्य नेष्काम ।  
असि वुछ क्वछि क्यथ सुबुह ह्यथ शाम ॥

सिरिं चंद्रम गव अन्तरध्याण  
तथ वेशि तारा मंडलस सान ।  
प्रोव शिव शक्ती कर्म धर्म परमु धाम  
असि वुछ क्वछि क्यथ सुबुह ह्यथ शाम ॥

जयि स्वस्ति दयि गँच हंज शिवरात  
स्यदुथुय आयि ह्यथ अभिज्यथ सात ।  
मेचि गव स्वन कत्रि बानन त्राम  
असि वुछ क्वछि क्यथ सुबुह ह्यथ शाम ॥

सुय आव यस छु नु क्वल गुथुर क्राम  
सृत्य् ह्यथ यस छु बोय हलधर राम ।  
दिवकी मॉज कमसास्वर माम  
असि वुछ क्वछि क्यथ सुबुह ह्यथ शाम ॥

शाक्तीकि मतु चारुच चॅज पाम  
कॅज लॅज बोलनि गोव्यंद नाम ।  
हॅज गॅयि स्यॅज यिछि बोज प्रणाम  
असि वुछ क्वछि क्यथ सुबुह ह्यथ शाम ॥

दक्षनाचारु वामाचारु वत  
येम्य् हॉव तॅम्य् प्रॉव ईश्वरु गत ।  
स्यद गव राजु. यूग प्राणायाम  
असि वुछ क्वछि क्यथ सुबुह ह्यथ शाम ॥

फलदायक छि कल्पवृक्ष तु पॉरिजात  
थ्यकनी छे सारिनुय यिछ शिवरात ।  
पक्तु द्राव शक्ती मार्गुक फल खाम  
असि वुछ क्वछि क्यथ सुबुह ह्यथ शाम ॥

कॅम्य् कोड युथ रुत आश्चर्य मत  
ख्यथ चथ शांत गॅयि सॉरिय ह्यथ ।  
यूग धर्मसालि द्युत भूगुक बाम  
असि वुछ क्वछि क्यथ सुबुह ह्यथ शाम ॥

हे रती नाव शिवरात्रीयि प्यव  
तमि द्वह बैयि जिंदु कामदीव गव ।  
छुय रती कामदीवुनि त्रियि नाम  
असि वुछ क्वछि क्यथ सुबुह ह्यथ शाम ॥

सर्व शक्तीमानुन्य् वुछ दयि गत  
क्राल क्रॉज कठ कॅटिन्य् सॉक्षी छि अथ ।  
ख्वश गोस स्यज़रुय मानन छु आम  
असि वुछ क्वछि क्यथ सुबुह ह्यथ शाम ॥

प्रथ चीज़स शक्तीयि अथु लोग  
सारिनुय वातन हेरच भोग ।  
धर्म अर्थ काम मूक्ष हुंद पॉगाम  
असि वुछ क्वछि क्यथ सुबुह ह्यथ शाम ॥

सारिनुय तूषतन सर्व शक्तीमान  
पांच द्वह पूशतन अमि येमि सान ।  
जॉम ब्रांद रॅट्यतन ज़यि सौस्त ज़ाम  
असि वुछ क्वछि क्यथ सुबुह ह्यथ शाम ॥

रामु चॅद्रन रामीश्वर पूज़  
फोज ह्यथ सागरस तोर तु कथ रुज़ ।  
अदु आव लंकायि ज़ीनिथ राम  
असि वुछ क्वछि क्यथ सुबुह ह्यथ शाम ॥

सुबहस शाम गव तु रातस घन  
मन गव तस कुन ति वुछ कृष्णन ।  
गामस शहरुय शहरस गाम  
असि वुछ क्वछि क्यथ सुबुह ह्यथ शाम ॥



### 152. सतरात गॅयि समाप्त

कॅरिथ सतरात सॅरिय हर्षघन ऑस्य् ।  
शिवु प्रेयमुक्य् चवन ऑस्य् प्रेयमु मस खॉस्य ॥



### 153. मीनावती छे महाराजस कुन अस्तुति करान

बालु छुय लालु त्रेटि कनि वासुक हटि ।  
हटि मेघ वर्णु चानि स्वरनु आपदा ॥

च्यथ वुजमलि सानि परमु आकाश खटि  
अदु कस छटि रागु द्वीशुक वाव ।  
गाश अनि मंजु गटि आश थवि मंजु त्रेटि  
हटि मेघ वर्णु चानि स्वरनु आपदा ॥

त्रेशि हचि तृष्णायि पान म्योन कोनु नटि  
यूत सोम्बरुम त्यूत व्वपद्योम लूभ ।



सँद्रस पोन्ऱ् खारुन मे गोम नटि नटि  
हटि मेघवर्णु चानि स्वरनु आपदा ।।

निम पानस कुन यिम दिम मे मटि मटि  
पालना सॉनिय मटि च़ेय छय ।  
असुवुन्ऱ् गंगा वसुवुन्ऱ् च़े मंज़ जटि  
हटि मेघवर्णु चानि स्वरनु आपदा ।।

मनुकिस वनुसुय मंज़ युस पान खटि  
हरु हरुम्बखु च़ेय परज़ुनॉविथ ।  
पर तु पान कुनुय विन्दि कति मूह सिन्धि फटि  
हटि मेघवर्णु चानि स्वरनु आपदा ।।

वीरु भद्रु चोन ज़ोर नय आसि कति म्वटि  
मदु कुय मद होस्त च़्यथ वगि तल ।  
नखु क्याह वसि थपि द्वसि हुंदि नलवटि  
हटि मेघवर्णु चानि स्वरनु आपदा ।।

शँस्त्र ब्योन ज़न नेरि मंज़ कुरकटि  
यस छटि चानि लोलु नारुच रेह ।  
धौरुकि ड्वकुर्य दबु सुत्त्य कालस च़टि  
हटि मेघवर्णु चानि स्वरनु आपदा ।।

बेहोश कोरमुत छुस मोहने लटि  
सूरु मति थपि वृष्णुनि लटि सुत्त्य ।

येमि भवसरु तरु अकि नतु अकि लटि  
हटि मेघवर्णु चानि स्वरनु आपदा ।।

अपरोक्ष रुपस क्याह बडि क्याह घटि  
क्याह छ्वटि क्याह जेठि येम्य तूल पान ।  
रावुरावि क्याह प्रावि क्याह त्रावि क्याह रटि  
हटि मेघवर्णु चानि स्वरनु आपदा ।।

देह के यावनु ख्वटि रंगमति पटि  
म्वलु रँस्ति छुय तावनुन बाजार ।  
बेरंगु लयि चानि लयि म्वख्वुचि रटि  
हटि मेघवर्णु चानि स्वरनु आपदा ।।

पंच म्वखु चोपोर सुय वाति अकि व्वटि  
युस ज़पि भेद रोस्त षडाक्षर नाव ।  
त्रेन पोरन फेरि बिहिथुय मंज व्वटि  
हटि मेघवर्णु चानि स्वरनु आपदा ।।

कृष्णस छे मनिकामन दामन वटि  
जगतुक क्रीडु ज़ाल नतु च़टि तस ।  
व्यरक्तु पाद चॉन्य नय रटि कति वटि  
हटि मेघवर्णु चानि स्वरनु आपदा ।।



## 154. भगवान शिवस कुन प्रार्थना

### तारकासुर दैत्य मारनु बापथ

यिम दिम भवसरु तार  
शिवु करुनाव तारो वे ।  
सॉरिय पाप सॉन्य हार  
बालु कालु सम्हारो वे ॥

नाव छुय गंगाधार  
चाव अमृतु धारो वे ।  
रुप चोन लिंगाकार,  
अंग सिरिं प्रकारो वे ॥

सॉरिय पाप सॉन्य हार, बालु कालु सम्हारो वे ॥॥

तस छु सोरुय आधिकार  
साधि युस ओमकारो वे ।  
सोहम सु ज्ञानि सार  
भ्रम मानि समसारो वे ॥

सॉरिय पाप सॉन्य हार, बालु कालु सम्हारो वे ॥॥

अनुग्रह किय अम्बार  
निमु चानि दरबारो वे ।  
पाप पुन्य् ब्योन ब्योन चार  
सुत्य् धर्म व्यचारो वे ॥

सॉरिय पाप सॉन्य हार, बालु कालु सम्हारो वे ॥॥

साम वीदस व्यस्तार  
दिम प्रेयमु सेतारो वे ।  
वॉनियि म्यानि कन दार  
हा भस्माधारो वे ॥  
सॉरिय पाप सॉन्य हार, बालु कालु सम्हारो वे ॥॥

दीव आमृत्य् छि लाचार  
करतख व्वन्य् चारो वे ।  
सुत्य् सुत्य् ह्यथ क्वमार  
तारक दुत मारो वे ॥  
सॉरिय पाप सॉन्य हार, बालु कालु सम्हारो वे ॥॥

कृष्णस तप ज़प यार  
बुडनस छु तयारो वे ।  
सोर रोज्यस नु ल्वकचार  
करतस व्वन्य् चारो वे ॥  
सॉरिय पाप सॉन्य हार, बालु कालु सम्हारो वे ॥॥



155. राजदान साँब भगवान शिवस कुन अस्तुति तु प्रारथना करान

होश दिम तु लगयो पम्पोशि पादन ।  
साधन हुंदि हा साधो हो ॥

यूगियन हुंदि यूगु प्राँणियन हुंदि प्राणु  
ज्ञानियन हुंदि ज्ञानो ।  
चानि प्रसादु सुत्य् छि तप साधन  
साधन हुंदि हा साधो हो ॥

अचुतु चानि सुत्य् च्यतु कुय च्चनुन  
नतु गछि मेनुन क्रँजिल्यन पोन् ।  
प्रेमु जल छु वुजान भावु नागरादन  
साधन हुंदि हा साधो हो ॥

ब्रह्म जन्मस यिथ छुस नु ब्रह्म स्मरँच  
वुछ मु म्यानि राक्षँच प्रकृच कुन ।  
चानि सुत्य् भक्त चॉन् चँर प्रहलादन  
साधन हुंदि हा साधो हो ॥

पूर्ण प्वरशु छम चॉनिय लादन  
प्रणवु पान वन्दुहॉय च्वन पादन ।  
नादु ब्यंदु कन थाव सान्यन नादन  
साधन हुंदि हा साधो हो ॥

व्यचारु नेत्रन जॉन्य गाश अन, छि अँन्य  
हरु हरम्बखु च़ैय दिमुहोय वँन्य ।  
नेष्कलु मनु नेष्कामु रामुरादन  
साधन हुंदि हा साधो हो ॥

अनुग्रह चोन गछि आसुन साधन  
क्याह छु पापन कमन ज़्यादन प्यठ ।  
दय छुख क्षय कर सान्यन अपराधन  
साधन हुंदि हा साधो हो ॥

कृष्णय चानि कपटुनि तलु नेरिहे  
अदु कति पॉरिहे जामु नँव्य नँव्य ।  
पुशि कति पेयिहेस हॉज़न तु रादन  
साधन हुंदि हा साधो हो ॥

छ्वपि मंज़य तस छ्वचिरा बनि हे  
अदु कति वनि हे ज़ेछर यूत ।  
यादुय रोज़िहेस वुनि छुस आदन  
साधन हुंदि हा साधो हो ॥



## 156. सतरात कॅस्थि द्रायि र्वखसत ह्यथ वारु कारु

न्यरंजन वॉत्तिथुय प्यव ला—मकानस ।  
निशाना कुस वनिय तस बे निशानस ॥



## 157. स्तुति

रुपु रॅस्ति कुस ज्ञानि कमि सनु नयि गोख  
दयि गोख शिनि शयि ह्यथ विज्ञान

साधु सत्संगु चे न्यर्नय नयि गोख  
जितेंद्रय गोख लयस्थान

साधु नादु ब्यंदु वॉन्नियि हुंदि वनु गोख  
नेष्कलु च्युय गोख न्यर अभिमान

आनन्द भूगुनि आनन्दघनु गोख  
न्यरंजनु गोख ला—मकान

अद्वैतु अचुतु अन्तर्ध्यान गोख  
दिथ विज्ञान गोख जॉन्य हुंज ज्ञान

कीवलु पनुन्यन निशि बेगानु गोख  
शिवनाथु पानु गोख शक्तीयि सान



## 158. नेरनु विजिं छे मीनावती स्तुति करान

हरु हरम्वख वन गोम ह्यथ व्वमाये

चिदानन्दघन गोम ह्यथ मायाये ।  
हरु हरम्वख वन गोम ह्यथ व्वमाये ॥

राम रामुराधन गोम ह्यथ सीताये  
हरु हरम्वख वन गोम ह्यथ व्वमाये ॥

नरनारायण गोम तपु चिय जाये  
हरु हरम्वख वन गोम ह्यथ व्वमाये ॥

अँशि सुय कति छ्यन गोम तसुंजि माये  
हरु हरम्वख वन गोम ह्यथ व्वमाये ॥

सुत्प ह्यथ अर्जुन गोम स्वभँद्राये  
हरु हरम्वख वन गोम ह्यथ व्वमाये ॥

शब्दस पतु कन गोम तसुंजि राये  
हरु हरम्वख वन गोम ह्यथ व्वमाये ॥

वनु क्याह वर्तन गोम अथ शिनिशाये  
हरु हरम्वख वन गोम ह्यथ व्वमाये ॥



अन्धकार अर्पण गोम अहंताये  
हरु हरम्वख वन गोम ह्यथ व्वमाये ।।

न्यर ग्वण दिथ ग्वण गोम व्वपासुनाये  
हरु हरम्वख वन गोम ह्यथ व्वमाये ।।

मिलुनॉविथ द्वन गोम दिथ नेष्ठाये  
हरु हरम्वख वन गोम ह्यथ व्वमाये ।।

दृष्टि तलु सत्ज़न गोम मंज़ धारुनाये  
हरु हरम्वख वन गोम ह्यथ व्वमाये ।।

सुफल प्रदक्षन गोम गरि याम द्राये  
हरु हरम्वख वन गोम ह्यथ व्वमाये ।।

विश्वरूप हन हन गोम कुनिय त्राये  
हरु हरम्वख वन गोम ह्यथ व्वमाये ।।

दृष्टि तलु त्रिभुवन गोम मंज़ तुर्याये  
हरु हरम्वख वन गोम ह्यथ व्वमाये ।।

कृष्णस पतु मन गोम बोज़ राधाये  
हरु हरम्वख वन गोम ह्यथ व्वमाये ।।



## 159. हिमाल राज़ तु मीनावती इकवटु भगवानस कुन स्तुति करान

चे ब्यन क्यथु ह्यकृ द्वह गुज़रॉविथ ।

कस गोख त्रॉविथ हे शम्भू ।।

अज्ञानुय छुम वथ रावुरॉविथ

कोचन मंज़ फिरुनॉविथ मे ।

चोफेरस छुनतम वथ हॉविथ

कस गोख त्रॉविथ हे शम्भू ।।

ओन छुस पकनस हतु बज़ु वतु छम

पतु छम लारान मन कामना ।

शूभ्या गछुन चे मे पथर पॉविथ

कस गोख त्रॉविथ हे शम्भू ।।

दया चॉन्य् आयि अज़तान्य् थ्यकन

यथ मँज़िलस लूख पकन गँय ।

छम्बस प्यठ छुख मे चलान सॉविथ

कस गोख त्रॉविथ हे शम्भू ।।

ज़यि स्वस्ति चे अथि ओस दयि लोनुय

बूज़िथ ज़ोनुय नु चोन महिमा ।

सत्य् दीवु कति ज़ोनुख परज़ुनॉविथ

कस गोख त्रॉविथ हे शम्भू ।।

क्रेरि मंजु खार म्योन बोडुमुत पानुय  
भगवानु दया वानुय छुख ।  
युथ नु यथ नावस गछय मंदुछॉविथ  
कस गोख त्रॉविथ हे शम्भू ।।

कायायि काँठिस प्यठ छुस बु खँसिथ  
रोजुन तु वँसिथ प्योन छुम क्रूठ ।  
धर्मस ब्रह्मनस नितम म्वकलॉविथ  
कस गोख त्रॉविथ हे शम्भू ।।

छुस वोतुमुत प्यठ शमशेरि दँदरि  
शॉगमुत छुस मोह नँदरि मंजु ।  
चानि जेरि रोस्त कुस हेक्यम वुजुनॉविथ  
कस गोख त्रॉविथ हे शम्भू ।।

रूशिथ चोलुहँम मे डीशिथ भावुय  
न्यथु नँनिसुय ब्रॉठु वावुय छुम ।  
स्येजु हुंद जामा थवुम पॉरॉविथ  
कस गोख त्रॉविथ हे शम्भू ।।

नफसुन्यु बाम्बुर छम तम्बुलॉविथ  
दयि नाव चोन मँशुरॉविथ मे ।  
कस ह्यकु पनुन युथ हाल बॉविथ  
कस गोख त्रॉविथ हे शम्भू ।।

रौन छुस प्योमुत मंज मॉदानस  
आशावानस मु यूत प्रारुनाव ।  
श्रधा दिहँम ना अनिय मनुनॉविथ  
कस गोख त्रॉविथ हे शम्भू ।।

कृष्णस यूत ऑधीन गँजराँविथ  
म छुनुन त्रॉविथ लूकन ताम ।  
वैष्णपनु निन स्वख प्रावुनॉविथ  
कस गोख त्रॉविथ हे शम्भू ।।



### 160. राजदान जी छु स्तुति करान

कृपा करतम हरी हरय ।  
बो क्याह करय ज़ोर ।।

लूसिथ प्योमुत छुस बुजरय  
खोतमुत छुम बोड बोर ।  
यथ पंचालस किथु पॉढ्य तरय  
बो क्याह करय ज़ोर ।।

आरु छु वसान व्वगनि दरय  
वारु छु करान शोर ।  
छ्वपु छु करान समंदरय  
बो क्याह करय ज़ोर ।।

वैन्य् वैन्य् यच्च गोस छोच्च अंदरय  
ननन ज़न छुस चोर ।  
छ्वपि हुंद स्वख दिम यूगीश्वरय  
बो क्याह करय ज़ोर ।।

पखु छम जरिमच्च छुम ज़रु ज़रय  
बन्योमुत छुस मोर ।  
ह्यून छुस खोरन हुंदि औरचरय  
बो क्याह करय ज़ोर ।।

सनम्वख रोज़तम शाम स्वंदरय  
प्रभात ह्यू चोपोर ।  
युथ नु पम्पोशस द्वह लागि दरय  
बो क्याह करय ज़ोर ।।

आभासु चानि सुत्य् गौमुत्य् छि खरय  
अन्तःकरण चोर ।  
मे भास प्रकाशि रुपु ईश्वरय  
बो क्याह करय ज़ोर ।।

त्रेग्वण व्वलंगिथ छुख शंकरय  
शक्तीयि चानि छुस लोर ।  
ओगुनिस दोगुनाव कुनिय वरय  
बो क्याह करय ज़ोर ।।

च्वरोंग ज़न मै मु फिर गरु गरय  
यि बॉज़्यगार छा सोर ।  
दुबारु मु डाल प्यठ खालुदरय  
बो क्याह करय ज़ोर ॥

अन्दर चॉनिथ ज्ञानु गरय  
हावुम चूर्युम पोर ।  
तथ मंज़ रूज़िथ आनन्द भरय  
बो क्याह करय ज़ोर ॥

कृष्णस मुच़राव भावुकि बरय  
कुनिय वरय तोर ।  
यथ लरि च़े ह्यथ बसु अमरय  
बो क्याह करय ज़ोर ॥



### 161. बेयि करान अस्तुति

सनम्वख यितु ध्यानु सुत्त्य नितु म्योन मन ।  
गुह्य र्यूंज़ बनि काचु बोठा ज़न ॥

ज़यि स्वस्ति भयि चोन मँशरावि हन हन  
प्रावुनावि रुप चोन सनातन ।  
च्यथ ब्बद्ध मन प्राण करुनावि अर्पन  
गुह्य र्यूंज़ बनि काचु बोठा ज़न ॥

आवेशि पनुनि सुत्त्य् म्यानि रायि मंज गन  
म्यानि म्वखु पनुनि रुच्चि कर वर्तन ।  
व्वन्मत ब्वद्ध म्यॉन्य् होषस कुन अन  
गुह्य र्यूंज बनि काचु बोठा ज़न ॥

होख तु ओद्रुय रोज़्या येलि दज़ि वन  
रेह मज़ु छा चीज़ाह भासन ।  
सिर्यिस निशि छा अनि गट्टु ठँहरन  
गुह्य र्यूंज बनि काचु बोठा ज़न ॥

नँनि सुय वल वर दिनु कुय वर्दन  
नंगरन ताले प्यठ संगरन ।  
सोंतु रोज़्या नंगु कुल हौरमुत पन  
गुह्य र्यूंज बनि काचु बोठा ज़न ॥

अदु क्याज़ि छुख दयिगत नँन्य् हावन  
येलि नारुद छुय बोज़ुनावन ।  
तिथि ग्वणु स्वनुरिस छुख म्वकृलावन  
गुह्य र्यूंज बनि काचु बोठा ज़न ॥

दया चॉन्य् छा पाप प्वन्य् गँज़रन  
पथ कालि प्यट्टु आयि थ्यकृनावन ।  
कृष्णस यथ प्रँश्नस व्वतरा वन  
गुह्य र्यूंज बनि काचु बोठा ज़न ॥



ॐ शांति शांति शांति

श्री शिव पार्वती हृदि शुभ व्याहक इतिहास गव समाप्त ।



श्री कृष्णजी राजदानु सुंदि प्रँशुक उत्तर दिनु सुत्य् छु भगवान शंकर सुंदि मुखार्विन्दु किन्त्य्  
कर्म, ज्ञान, वॉराग, भक्ती इत्यादि व्वपदीशुक आरम्भ सपदान ।



## 162. कर्मयूग

सतुचिय वति पख सथ भूमिकायि ज्ञान  
ब्रह्म रन्द्रु गगनस खस साविधान ।  
मिलविय ज्ञान च्यथ् चँद्रमु सिर्यि प्राण ।  
प्रावुनावि यूग परमु आनन्दथान ॥

दशमोद्वारु किन्त्य् वारु कड अर्मान  
सुशम्ना मारगु सुफारु सान ।  
भासु ननि वासना व्वपासुना मान  
प्रावुनावि यूग परमु आनन्दथान ॥

ललीश्वरीयि सोध योगाह जान  
द्वादशांत मण्डल वातुनॉविम प्राण ।  
अनाहद् शब्दु वुछ प्रणवुय सनिधान  
प्रावुनावि यूग परमु आनन्दथान ॥

शब्द प्रकाशि दिप्त ऑसुस प्रजलान  
स्वठकय खोतु न्यर्मल भासान ।



नेष्कल शशि कलि अमृत च्यवान  
प्रावुनावि यूग परमु आनन्दथान ।।

पंच दश कलायि कल्पना गालान  
शोडष कला आँच म्वचान ।  
पूर्णमावसि हुत्शीष ज़न रोज़ान  
प्रावुनावि यूग परमु आनन्दथान ।।

योहय गव परम शखच दीवियि हुंद ध्यान  
परम धाम अपरोपरम अस्थान ।  
अपर परापर परपद प्रधान  
प्रावुनावि यूग परमु आनन्दथान ।।

ग्यव गव ज्ञान तय मुष्क गव विज्ञान  
शब्द प्रकाशस छु चमकावान ।  
नोन भासुनाव कृष्णस युथ न्यर्वान  
प्रावुनावि यूग परमु आनन्दथान ।।



### 163. वॉराग

सुलि व्वथ बोज़ राज़ हमसुन्य् बूली  
रोज़ समसारु निशि न्यर माया ।  
सत् श्रवनुक म्वख्तु रठ तूल्य् तूली  
यिय बूल होशि पोशि नूलिये ।।

बँड्य यशु वॉल्य् मंज् सर्व सामानु साज्  
कम कम राज् गँयि अथु हावान ।  
पॉर अँद्रिमि त्यागु वॉरागु चूली  
यिय बूल होशि पोशि नूलिये ।।

थवक् छुन समसारस पँत्युम दम स्वर  
शाँती, शम, दम, उपरम कर ।  
युथ नु भ्रम दिथ च़लिय समुयिच लूली  
यिय बूल होशि पोशि नूलिये ।।

स्थिरता वन छे कथ क्याह छु सत् क्याह असत  
व्वदॉसीनवत् कर च़ु व्यवहार ।  
पथ रोज़ि पदार्थ डूल्य् डूली  
यिय बूल होशि पोशि नूलिये ।।

प्रवृच़ ममतायि दुत बायि दिथ मार  
रागु द्वीष राक्षसन हुन्द रथ हार ।  
बेरंग ज़ान छख रंगु रंगु हूली  
यिय बूल होशि पोशि नूलिये ।।

कृष्णु थव कन सतु क्यन समवादन  
सन्तन साधन हुंजुय प्रय बर ।  
दण्ड कर पखांडस गंड खूल्य् खूली  
यिय बूल होशि पोशि नूलिये ।।



## 164. वॉराग

पांछ द्वह यावुनुन्श् श्रावुनुन्श् सूरी ।  
यिय बूल त्यागु कोस्तूरिये ॥

मतु वुछतु समसारुचि शूभायि कुन  
मतु वुछतु देह स्वनु लंकायि कुन ।  
वॅद्य वॅद्य लॅद्य लॅद्य गॅयि लूर्य लूरी  
यिय बूल त्यागु कोस्तूरिये ॥

समसार वन छु कस लारि क्याह यस छु तस  
जेठुन छु ब्रेठुन बस कर बस ।  
येति प्यव सारिनुय पुशि पूर्य पूरी  
यिय बूल त्यागु कोस्तूरिये ॥

व्यवहारु बोज़ सोस्त अन्नु धनु द्यारु सोस्त  
गाटुजारु सोस्त ब्रह्म व्यचारु रोस्त ।  
मून्य् ही गॅयि हून्य् ज़न वूर्य वूरी  
यिय बूल त्यागु कोस्तूरिये ॥

त्यागु वॉरागुक बन अधिकॉरी  
संकल्प व्यकल्प सॉरिय त्राव ।  
ममता पथ थाव वथ युथ नु दूरी  
यिय बूल त्यागु कोस्तूरिये ॥

मूह ज़ालु मंजु नेरनुक वपाया  
कर राजु हमसुन साया त्राव ।  
अमरनाथु चिय जानुवार जूरी  
यिय बूल त्यागु कोस्तूरिये ॥

कृपायि खोतु छुय श्वद्ध वास्तायि फल  
पूजायि खोतु प्रेयमस तु मायि फल ।  
कृष्णस रायि चानि आयि मंजूरी  
यिय बूल त्यागु कोस्तूरिये ॥



### 165. रास कृडा

कृष्णस छारान अँस्य् गँयि मचय ।  
न्यस्फ शबन नँदरि हचय ॥

नचन नचन वनन छे वचन  
अंदस तु मंजस पानय छु नचन ।  
शामस छांडान अँछ गँयि छचय  
न्यस्फ शबन नँदरि हचय ॥

तारा मंडल ज़न आसु शूभन  
मुनीश्वरन मन ओस लूभन ।  
जु ज़नि ह्यथ च़ोल तु अँस्य् आसु कँचय  
न्यस्फ शबन नँदरि हचय ॥

तिमु जनि जन आसु सिरि चंद्रम  
पानस सुत्यन कौरनख समागम ।  
पातालु वछु किनु आकाश खचय  
न्यस्फ शबन नेंदरि हचय ॥

तिहिंदन कर्मन छु जय जय कारुय  
युथ प्योख नाजन खेंरीदारुय ।  
नखस ह्यचन तु ज्ञान्यन ल्वचय  
न्यस्फ शबन नेंदरि हचय ॥

पॅक्यतवी हन हन वेंन् दिथ त्रावव  
कदम तॅम्यसुंद कुनि परजुनावव ।  
प्रेयमय हचय छे मचु गॉमचय  
न्यस्फ शबन नेंदरि हचय ॥

यिय दॉयरॉविथ छांडनि द्राये  
राधा कृष्णस ह्यथ तिमु आये ।  
पूरण साँपनि ऑसिथ छ्वचय  
न्यस्फ शबन नेंदरि हचय ॥

यिथय पॉट्यन मे कृष्णस म्वख हाव  
वैष्णार्पन म्यानि विनेँच कन थाव ।  
राधा बॅनिथ मंज बाग नचय  
न्यस्फ शबन नेंदरि हचय ॥



## 166. रूक्मिणी जी छे प्रार्थना करान

कृष्ण छुख मंजु हनिहनि लो लो ।  
वनि यितु मनि रूक्मनि लो लो ॥

सोजय ब्रह्म जन्मुक मँज्युम योर  
पासा पेयि यिख नतु छा मे ज़ोर ।  
व्यचारु पुछि च़े अनि लो लो  
वनि यितु मनि रूक्मनि लो लो ॥

यूगु किस बामस प्यठ खारु नाव  
द्वह तारु मंजु रूद्य मे मु प्रारुनाव ।  
म्वख हाव तन लाग तनि लो लो  
वनि यितु मनि रूक्मनि लो लो ॥

रॉछ छिम च़े निशि वातनस कुत्पु  
ज़ोरु निम लँडिथ ह्यथ पानस सुत्पु ।  
च़े रोस्त नतु क्याह मे बनि लो लो  
वनि यितु मनि रूक्मनि लो लो ॥

कामु, क्रूध, लूभु मोहुन शशुपाल  
ज़ेनुनि आव मे कस वनु हाल ।  
ज़ोरु निम यिम ओरु कनि लो लो  
वनि यितु मनि रूक्मनि लो लो ॥

शरनागत वत्सल छुय नाव  
धर्मस यथ नावस मु मंदछाव ।  
वीरु धरमुय चोन ननि लो लो  
वनि यितु मनि रूक्मनि लो लो ॥

भक्त वत्सल छुख बोड बलवीर  
म्वकूलॉविथ निम कोरहम गीर ।  
ऑरचर म्योन चै कुस वनि लो लो  
वनि यितु मनि रूक्मनि लो लो ॥

अँछ लोसम चै वुछ वुछ यिम  
दरशोन दिम सुत्य् पानस निम ।  
युथ नु ज़ांह अथुवास छेनि लो लो  
वनि यितु मनि रूक्मनि लो लो ॥

ध्यान ज़ोमूवन्तस मे कास हान  
वास्नायि ज़ोमूवन्तियि सान ।  
मनु मन नितु दाजि कनि लो लो  
वनि यितु मनि रूक्मनि लो लो ॥

म्यानि समसारु यशि कुय मॉज मोल  
तृप्त कर ज़ोवराव म्वख्तुक ब्योल ।  
भक्तु कुलिनुय म्वख्तु छनि लो लो  
वनि यितु मनि रूक्मनि लो लो ॥

तनु स्वख मनु स्वख भाव प्रावुनाव  
स्वखु म्खु कृष्णस कुष्णु म्ख हाव ।  
अख सँखिया अख सु बनि लो लो  
वनि यितु मनि रूक्मनि लो लो ॥



### 167. भगवान शंकरस कुन अस्तुति तु प्रार्थना

बालु छांडथ हरुम्ख बालु शम्भू ।  
दितु हरुननि छाल लोलु डालु शम्भू ॥

न्यर्नय नयि नुनरुचि दिमुहोय वँन्यु  
भावु बँढ्यु बँढ्यु बेरि बेरि सँन्यु तु व्वर्गँन्यु ।  
सूहम हरुम्खु पंचालु शम्भू  
दितु हरुननि छाल लोलु डालु शम्भू ॥

यारु बलु छय सुत्यु भक्ती भावु शम्भू  
शक्ती पातुक्यु डूंगु तय नावु शम्भू ।  
वायिनस छिय भौरव व्यतालु शम्भू  
दितु हरुननि छाल लोलु डालु शम्भू ॥

शहरु गामु छय सौर करनस क्वसु तौर  
खसु वसि छय प्राणु अपानु छटु वौर ।  
फेर व्वंदु के स्यंदि हुंदि नालु शम्भू  
दितु हरुननि छाल लोलु डालु शम्भू ॥



बाल प्रारान प्यठ गंगु आरन छस  
लार तर्फस च़ेय पतु लारान छस ।  
गंगु बलु फोजिम संगरमालु शम्भू  
दितु हरनुनि छाल लोल डालु शम्भू ।।

तीजु रुपु चान्युक छुस पनु पोम्पूर  
ज्यूति रुप लोलु नारु चानि सूर मलु पूर ।  
देह अंधकारु त्वत च़े पथ ज़ालु शम्भू  
दितु हरनुनि छाल लोलु डालु शम्भू ।।

लोलु नारु चानि दँचमुच़ छस आरुवल  
भस्माधारु वारु वारु वस तु यारुबल ।  
हारु आरु हिय फोजुस कँड्य ज़ालु शम्भू  
दितु हरनुनि छाल लोलु डालु शम्भू ।।

रोशि रोशि बेह होशि पोशनूल गोशन  
वाँनी वन वन हॉर छस बो तोशन ।  
लोलु पोशन करय पोशि मालु शम्भू  
दितु हरनुनि छाल लोलु डालु शम्भू ।।

रागु रँस्ति छुय नागु नेंद्रे मॉल  
छावनस छय त्यागु बागु बबरे हॉल ।  
ज़ागु स्वंदरे लालु यितु सालु शम्भू  
दितु हरनुनि छाल लोलु डालु शम्भू ।।

ह्यसु हमसु पखि खार हरुम्वख बालस  
यॉर ह्यू कर वंदस तु र्यतुकालस ।  
पूरिथ बुरज्जु जामु दुशालु शम्भू  
दितु हरनुनि छाल लोल डालु शम्भू ।।

दशब्बज्जु मशि मे कति चोनुय श्रेह  
लशि मिलनावु अग्नस सुत्यन रेह ।  
म्वक्ती प्रावु त्रावु अशिने चालु शम्भू  
दितु हरनुनि छाल लोल डालु शम्भू ।।

वृत्तियि लंजि न्यर्वासनु फम्बुसीर  
बेहनोंविथ युस ज्ञानि सुय गव वीर ।  
त्रेन कालन वुफि अकि हालु शम्भू  
दितु हरनुनि छाल लोल डालु शम्भू ।।

स्वरु रोज़ बन मनु कनुकुय कनु दूर  
राज्जु यूगु राज्जु बोज्जु प्रेयमु साज्जु संतूर ।  
अजपा जीरु बमुचे तालु शम्भू  
दितु हरनुनि छाल लोल डालु शम्भू ।।

पोशव कनि दँह यँद्रेय लागय  
धूपु दुपु कनि प्राण आलविथ ज़ागय ।  
शिव पूजायि च्यथ शिवालु शम्भू  
दितु हरनुनि छाल लोल डालु शम्भू ।।

आशि वालु वाशि मंजु बाशि पान वुफनाव  
अविनाशि नीलु क्राशि हमसु बाशि करनाव ।

डालु दिथ कड मोहने जालु शम्भू  
दितु हरनुनि छाल लोलु डालु शम्भू ।।

कस छु सामर्थ करि सुय चॉन्यु हिव्यु कार

नेष्काम रुजिथ करि यूत व्यवहार ।

यूगु लरि लदि भूगु बंगालु शम्भू  
दितु हरनुनि छाल लोलु डालु शम्भू ।।

त्रेन भाग दिथ छुख त्रिकुभागुक एक

व्यन हालन मंजु विज्ञानु विवेक ।

मंजुबाग अंद मूह जंजालु शम्भू  
दितु हरनुनि छाल लोलु डालु शम्भू ।।

अमरीश्वरु छुय अथि अभय वर

वेष्णार्पन कृष्णुन्यु पालना कर ।

त्रिजगत पालु दीनु दयालु शम्भू  
दितु हरनुनि छाल लोलु डालु शम्भू ।।



## 168. सर्व शक्तिमान भगवान शिव सुंद अनुग्रह

यस छु हरुम्वखु प्यठु वसुवुन पोन्  
शिव शक्ती रुपु नादु ब्यंदु स्यंदि वोन् ।  
सुय ग्वसोन् सर्व शक्तीमान वरि मे  
सुय ग्वसोन् पनुनी दया करि मे ॥

येम्य सामवीदुकि स्वरु पॅर्य श्रूख  
शीन ज़न व्यगुलिथ गव दीवलूक ।  
दीवन शरीरन साँपुन पोन्  
सुय ग्वसोन् पनुनी दया करि मे ॥

दीवन हुंघ देह येलि गॅय ज़ल  
अख दॅरियावाह पोक न्यर्मल ।  
सुय पोन् आकाशि वोथ गंगु वोन्  
सुय ग्वसोन् पनुनी दया करि मे ॥

पनुनि मायायि सुत्पु बैयि व्वतपथ  
नॅव्य कॅर्य कारण दिवता ह्यथ ।  
सुय चावि अच्यतु अमृतु वोन्  
सुय ग्वसोन् पनुनी दया करि मे ॥

येम्य अभिनवगुप्तुन् मॉन् भक्त  
सासु बैघ च़ाठ ह्यथ सु कौरुन मुक्त ।  
येम्य गुपुकारुक वोर सौघवोन्  
सुय ग्वसोन् पनुनी दया करि मे ॥

येम्य् बुमजुवु कुय वोर भूम साध  
येम्य् ललीश्वरि कोर प्रसाद ।  
येम्य् नुन्दु र्योश चोव न्यद्वन्दु वोन्य्  
सुय ग्वसोन्य् पनुनी दया करि मे ॥

येम्य् रेशि पीरुन मोन अभ्यास  
जिन्दु कॅरिन सासन हुंघ सास ।  
यारु बलु माजि क्युत द्रास गंगुवोन्य्  
सुय ग्वसोन्य् पनुनी दया करि मे ॥

मीशा सुंद भक्तीभाव ख्वश आस  
कृष्णु कारस ह्यु कोरनस दास ।  
नेंटिसुय मंज वोट डलुकुय पोन्  
सुय ग्वसोन्य् पनुनी दया करि मे ॥

येम्य् स्यदु पीठ ज़ाला रुप होव  
मखदूम पादन तल वातुनोव ।  
सर्व स्यद चावुनोव शक्तीपातु वोन्य्  
सुय ग्वसोन्य् पनुनी दया करि मे ॥

साधमालिनि बुजरुक आस आर  
दोपनस पॅक्य् पॅक्य् व्वन्य् थोकुख प्रार ।  
ब्रोंटु कनि प्रकट गोस गंगुवोन्य्  
सुय ग्वसोन्य् पनुनी दया करि मे ॥

येम्य् रुचि जायि वातुनोव हमदान  
येम्य् ज़नक राज़सुय बैडरोव मान ।  
लोरि मंज़ गॉब गव लेदुरि हुंद पोन्य्  
सुय ग्वसोन्य् पनुनी दया करि मे ॥

येम्य् र्वपु भवानि हाँव रुच वथ  
धर्मय कर्मय परमय गथ ।  
चावुनाँवन पूर्ण आनन्दु वोन्य्  
सुय गोसोन्य् पनुनी दया करि मे ॥

यस पतु ऋष्टिष् मोल साँपुन मोत  
न्यंदव रोस्त तस बोठ गासु खोत ।  
डोर्यन मंज़ रूद दानि तु पोन्य्  
सुय ग्वसोन्य् पनुनी दया करि मे ॥

यिम केंह बेयि द्रायि सतज़न तु साध  
तिमनुय तोरय कोरुनख नाद ।  
समसार मानुनाँविन वुगु वोन्य्  
सुय ग्वसोन्य् पनुनी दया करि मे ॥

यिम केंह बेयि द्रायि ज्ञानुवान  
होवुनख पनुनुय शिव न्यर्वान ।  
प्यठु त्रोवुनख पूर्ण आनन्दु छोन्य्  
सुय ग्वसोन्य् पनुनी दया करि मे ॥

येम्य् म्वख खोट कॅर नूरु मंज़ु कथ

मूसाहस कोहि तूरस प्यठ ।  
पँहँल्य् चार्यर मोन घलि रोस्त पोन्य्  
सुय ग्वेसोन्य् पनुनी दया करि मे ॥

सुय करि कृष्णस शीतल मन  
चन्दुन चँद्रमु कोफूर ज़न ।  
शुमुरावि प्यठ त्रावि शान्ति शोन्य्  
सुय ग्वसोन्य् पनुनी दया करि मे ॥

बकृवासस मान्यस प्रेयम पूर  
हापथ होशस थव्यस मंज़ूर ।  
आपुराव्यस योगु ज्ञानु गोन्य्  
सुय ग्वसोन्य् पनुनी दया करि मे ॥



### 169. प्रदूष पूज़ा

सरे शामय गरे द्रायस  
चै कुन आयस हरे शम्भू ।  
यिथिस सायस तलय चायस  
पेयस पायस हरे शम्भू ॥

छु सायं काल गालन काल  
पालन असि हिव्य् कंगाल ।  
यिथिस कालस स्वरे युस तस  
कले कालस वरे शम्भू ॥

प्रदूषिय दूष छुय कासन  
सदा शिव दीव ह्यथ आसन ।  
छु आनन्दुक बचा भासन  
नचान प्यठ डाबरे शम्भू ।।

नचान छुय कीश मुचरॉविथ  
विषेशी जामु पॉरॉविथ ।  
छु कमि तान्य् हर्षु किन्य् त्रॉविथ  
डुपटा प्यठ नरे शम्भू ।।

छे स्मरन च्यतु स्वनुच साधन  
स्वरुस ध्याना जरुस पादन ।  
थविय कन लोलुक्यन नादन  
तु अपराधन हरे शम्भू ।।

छे ब्रह्मांडुच थरुय फोजमुच  
रंगारंग छस फुलय लॅजमुच ।  
बो लागस छस करुन्य् तॅजमुच  
वरे मे यथ थरे शम्भू ।।

महामाया छे मन मोहन  
प्रपंचस कारणन दीवन ।  
करान छुय थामि च्यथ ब्वद्ध मन  
यिछिय हिशि स्वंदरे शम्भू ।।



वज़ान थालुज तु घंटा छय  
वसूला ह्यथ करान जय जय ।  
लँबिथ पयि सुत्त्य् शब्दस लय  
करे अँकिसुय गरे शम्भू ।।

छु मूक्षी दातु युथ ज़ानन  
तँमिस छिय दीवता मानन ।  
सु ह्यथ छुय हर्षुक्यन थानन  
मे निशि वाँसा भरे शम्भू ।।

ग्यवान छुय ताल शाम स्वंदर  
तु स्वर साँपुन मनुक मंदर ।  
यिथिस नगमस अंदर कृष्णस  
कटाक्षा अख करे शम्भू ।।

सरे शामय गरे द्रायस  
चै कुन आयस हरे शम्भू ।



## 170. शामुच पूजा

शामु शामय शाम रुप गोरुम ।

शामु लालुन दोरुम ध्यान ।।

शामु शाम वुछ मे मंज शिव मंद्रस

श्यामु स्वंदरस सुत्य् शम्भू ।

शाम अथि आम द्वह रथि खोरुम

शामु लालुन दोरुम ध्यान ।।

शामस सुत्य् सुबुह मिलुनोवुम

रामस सुत्य् रामीश्वर ।

शिव तु कीशव कुनुय व्यचोरुम

शामु लालुन दोरुम ध्यान ।।

सुबुह शामस कल्प वृक्ष मोनुम

म्यवु जोनुम शिव अनुग्रह ।

घन तु रॉच हुंद जग तु प्रोन चोरुम

शामु लालुन दोरुम ध्यान ।।

शामु वेरि थेरि शिवु राग फ्योरुम

भावु छावु आव अनुग्रह अन्न ।

पान तृप्त गोम प्राण सन्दोरुम

शामु लालुन दोरुम ध्यान ।।

ब्यल अम्बार पँत्रु पँत्रु चोरुम  
सुत्त्य् थॉवमस हिय तु त्वलसी ।  
शामु वेलु शिव मंदरस सोरुम  
शामु लालुन दोरुम ध्यान ॥

मुख्रु व्यवहारु ग्यव ज़न कोरुम  
शामस ज़ोलुमस रत्न दीप ।  
आलुविथ गमु गट्टकार होरुम  
शामु लालुन दोरुम ध्यान ॥

शामु किस साज़स कन दोरुम  
हर्षुक बचि लोग नचने ।  
तँम्य् नचनन द्वख न्यवोरुम  
शामु लालुन दोरुम ध्यान ॥

सुबहस तु शामस व्यस्तोरुम  
बाण्डु जष्णा तु बचि नगमा ।  
तँम्य् नगमन पॉथुर मे खोरुम  
शामु लालुन दोरुम ध्यान ॥

समसारु यशि पशि भाव होरुम  
ख्वश गोम दशरथ नंदन ।  
व्वशि कुय दशुरावुन मे मोरुम  
शामु लालुन दोरुम ध्यान ॥

मनु मथुरायि शामु ध्यान दोरुम  
पजि रजि सुत्य युथ पजिहे ।  
गमु कमसुय थमसुय चोरुम  
शामु लालुन दोरुम ध्यान ॥

श्री कृष्णन शामु शूभायि सुत्य  
सायि सुत्य आँब गॉब कॅर्यनम ।  
तॅम्य पापन परम प्वण्य योरुम  
शामु लालुन दोरुम ध्यान ॥



### 171. भगवान शिवस कुन अस्तुति

यस छु हटि वासुक तस छु जटि पोन् ।  
ग्वसोन् हय, ग्वसोन् हय, ग्वसोन् हय ग्वसोन् ।

युस दीव सर्व दीवन हुंद छु आद्य  
सुय वरि पाप हरि करि प्रसाद ।  
तस दीवस छि पम्पोश हिव्य पाद  
हरम्बखु बरुतल लायोस नाद ॥  
पादव तॅल्य छुस पकान सॅदि वोन्  
ग्वसोन् हय, ग्वसोन् हय, ग्वसोन् हय ग्वेसोन् ॥ ॥

युस थ्यकनुय छु दीवियन तु दीवन  
तस दीवस छि सर्व दीव सीवन ।

आत्म रुप आसुवुन छु मंज जीवन  
प्राण धौरियन क्युत छु संजीवन ।।  
सुय नंगु नोन दियि चोन गंगु वोन्य  
ग्वसोन्य हय, ग्वसोन्य हय, ग्वेसोन्य हय ग्वसोन्य ।।।

पूर्णायि सोस्ता छु नूरु बैरिथुय  
ब्रह्माण्डन पालना कैरिथुय ।  
स्वखु म्खु सुत्य् छुय द्वखु हँरिथुय  
वरु अभयि सुत्यन छु वैरिथुय ।।  
येम्य सुत्य् पानस निव सोद्य वोन्य  
ग्वसोन्य हय, ग्वसोन्य हय, ग्वसोन्य हय ग्वसोन्य ।।।

जन्मन हुंजु व्यौज जालुवुन छुय  
ज्यनु मरनुक ग्वण गालुवुन छुय ।  
माजि मॉल्य् सुंदि खोतु पालुवुन छुय  
सानि कर्म बुतरौं च वालुवुन छुय ।  
आत्म बूधुक रूद शॉन्ति शोन्य  
ग्वसोन्य हय, ग्वसोन्य हय, ग्वसोन्य हय ग्वसोन्य ।।।

प्रेयमु मस चावि मँशरावि हन हन  
सत् भावि न्यथ थावि नैष्कल मन ।  
मूक्ष दावि करुनावि आनन्दुघन  
सनुम्बख नँन्य हावि जौतन तन ।।  
कृष्णस प्यठ त्रावि शॉंती छोन्य  
ग्वसोन्य हय, ग्वसोन्य हय, ग्वसोन्य हय ग्वसोन्य ।।।



## 172. स्तुति

जय कर जय कर हे मृत्युंजय ।  
जय बोयनय जय जय बोयनय ॥  
च्यथ तुर्गस त्रॉवुय येम्य हय ।  
अदु लभि चानि न्यरनयि चिय नय ॥  
शाय चॉन्ल् ला मकानुय छय ।  
कॅम्य् स्व वथ तय कॅर कॅम्य् लोब पय ॥  
तॅम्य् लोब पय येम्य् रोट यॅद्रय ।  
जय बोयनय जय जय बोयनय ॥



## 173. प्रभात तु मंदान कालच पूजा

ह्यथ प्रभातस मंदानु कालय ।  
हाव श्यामु लालय श्री रामु रुप ॥  
कामधीनु बिहिथ छे प्यठ गूर्यवानस  
अखा छे व्वदनि ध्यानस मंज ।  
चेय सूत्त्य् मील्लिथ कमि तान्य् हालय  
हाव श्यामु लालय श्री रामु रुप ॥  
एक जॉनिथ अनेकस तीलिथ  
रासा खील्लिथ मील्लिथ चेय ।  
वुछ प्रक्रम कोर ह्यथ पोशि मालय  
हाव श्यामु लालय श्री रामु रुप ॥

अखा आसि व्वदनि या आसि बिहिथ  
तति कलु गुहिथ छु परन प्योन ।  
सुय ख्योल स्योद करि होल कपालय  
हाव श्यामु लालय श्री रामु रुप ॥

श्री कृष्णन रामु मूरत कॅरुन  
वॅरुन ज़ोमूवन्तुन्य् कूर ।  
गथ हॉवुनस मंज़ हापथ खयालय  
हाव श्यामु लालय श्री रामु रुप ॥

रामुय छु कृष्ण, कृष्ण छु रामुय  
असि भक्ती नेष्कामुय कॅर ।  
अद्वैतु भावन कॅड्य मूह ज़ालय  
हाव श्यामु लालय श्री रामु रुप ॥

शिवुय छु कीशव, कीशव छु शिवुय  
थॅन्य् ऑस अदु प्योस ग्यवुय नाव ।  
आत्म द्वधु सुय छे ब्योन ब्योन चालय  
हाव श्यामु लालय श्री रामु रुप ॥

गोर्यन सुत्यन यारानु लोगुम  
गूर्य वानन प्यठ ज़ोगुम च़ेय ।  
कामधीनु लॅट्य नालु हॅट्य रॅट्य मे नालय  
हाव श्यामु लालय श्री रामु रुप ॥

जसुदा माता गुरुस छै मन्दन  
द्वध शुर्य सुंघ पौठ्य गिंदन छुख ।  
खेन्थ् थँन्थ् प्रँन्थ् छ्वकृ द्वध प्यालु प्यालय  
हाव श्यामु लालय श्री रामु रुप ॥

पछि हुंद वोछ क्वछि क्यथ ह्यथ छुस बु दोरन  
मिलुनावतस वुछ मु ज़ोरन कुन ।  
दयायि कामधीनि सुत्थ् दयालय  
हाव श्यामु लालय श्री रामु रुप ॥

राधा छै च़ेय पथ देवानु गौमुच़  
पथर पेमुच़ गूपियन सुत्थ् ।  
शाम वोत कामधीनु ह्यथ यिस दयालय  
हाव श्यामु लालय श्री रामु रुप ॥

कोचन मंज़ छय वँन्थ् दिनि नेरान  
वनु प्यठु गरु कोनु फ़ेरन छुख ।  
यिस दरशोन दिस निस दिथ डालय  
हाव श्यामु लालय श्री रामु रुप ॥

यँम्बुरज़ल छय मंज़ पोशि बागन  
ज़ागन बोम्बूर डेशन ना ।  
शामस सुत्थ् प्रभात वुछ कालु कालय  
हाव श्यामु लालय श्री रामु रुप ॥



क्षनस सातस घनस तु रातस  
छुस च़ेय दातस मंगान प्रय ।  
शामस तु प्रभातस कलि कालय  
हाव श्यामु लालय श्री रामु रुप ॥

कृष्णस मेलुनि नारुद छु आमुत  
खेलुनि च़ामुत छु मंज़ गूपियन ।  
स्वदु ज़ोव वोछ ज़न मारन छु छालय  
हाव श्यामु लालय श्री रामु रुप ॥



#### 174. आदि शक्ती कुन प्रभात अस्तुति

आदि प्रभातस बूल कुस्तूरी ।  
गटु च़ैज तु गाश आव पूरी किन्ऱु ॥

चानि प्रकाशि सुत्ऱु गटि मंज़ गाश आव  
पर्बतु तलु ज़न च़ैद्रम द्राव ।  
गौरी पर्बतु राज़ुन्ऱु कूरी  
गटु च़ैज तु गाश आव पूरी किन्ऱु ॥

तीज़ वुछ तु गतु मारि च़्यतु पांपूरी  
गमु गटि दमु दम प्रज़लनु आय ।  
शमु किय दमु किय शमा कोफूरी  
गटु च़ैज तु गाश आव पूरी किन्ऱु ॥

कौर चरागानु चानि ज्यूति रूप ध्यान सुत्पु  
यूगु अभ्यासु प्राणु अपानु सुत्पु ।  
ज्ञानु दुप प्रजलन छि न्यर्वानु जुवरी  
गटु चॅज तु गाश आव पूरी किन्पु ॥

लंगु लंजिवुय सान फोलमुत कुल ड्यूठ  
तथ प्यठ हमसु रंगु बुलबुल ब्यूठ ।  
गोशि गोशि फोजिखय होशि पोशिमूरी  
गटु चॅज तु गाश आव पूरी किन्पु ॥

भागनयि कर्मनि आयि मंजूरी  
नागु लुयि जलु कनि अमृत द्राव ।  
लागुनय सपजन छे डूरि खोतु डूरी  
गटु चॅज तु गाश आव पूरी किन्पु ॥

मूर्ख दमौली ज्ञान सौन्पु डौली  
राजु हमसु सायि त्राव नोन हाव पान ।  
अमर नाथु चिय जानुवार जूरी  
गटु चॅज तु गाश आव पूरी किन्पु ॥

शक्तीपातु दातु चैय निशि बेछिवुन आव  
धर्मस भिखिकस मु यूत प्रारुनाव ।  
कृष्णु आलव दितु कर्मस चै पूरिय  
गटु चॅज तु गाश आव पूरी किन्पु ॥



## 175. मानसिक पूजा (वृषदीश)

आदि प्रभातस अँछ मुचुर्यजे ।  
मनु किन्त् सौर्यजे श्री भगवान् ।।

न्यर्मलु बोज़ भवुसागरु तँर्यजे  
नेष्कलु यारबलु कँर्यजे श्रान ।  
त्रैष्वय मल अभिमानुक्य् हँर्यजे  
मनु किन्त् सौर्यजे श्री भगवान् ।।

समसार भ्रम मॉनिथ दम बँर्यजे  
सोहम स्वर्यजे तुहरिथ प्राण ।  
यँद्रेय शुमरिथ स्मरण फिर्यजे  
मनु किन्त् सौर्यजे श्री भगवान् ।।

त्यागु सुत्त्य् रागु द्वेशि निशि विसँर्यजे  
सोहम सौर्यजे दँर्यजे ध्यान ।  
मन स्थिर कर्यजे मंथुर पँर्यजे  
मनु किन्त् सौर्यजे श्री भगवान् ।।

श्री कृष्णु चरणु कमलान अँछ जँर्यजे  
यछि पछि श्रधायि भावुनायि सान ।  
मानसी पूजि सुत्त्य् देह मँशुर्यजे  
मनु किन्त् सौर्यजे श्री भगवान् ।।

नाना स्वर्न बानन बॅर्यजे  
भावनायि सुत्य् खिरु खण्डु पकवान ।

श्री कृष्ण महाराजस आपुर्यजे  
मनु किन्त् सौर्यजे श्री भगवान ॥

अष्ट दल हृदयस मंज व्वथुर्यजे  
न्यर्वासनु आसनु किय थान ।  
कृष्णनि ध्यानु पानु थानु आवुर्यजे  
मनु किन्त् सौर्यजे श्री भगवान ॥

धर्म कर्म ज़ोरु मोह राजस फॅर्यजे  
सुत्य् ह्यथ शमु दमु किय पॅहलवान ।  
आनन्दु नगरस राजाह कॅर्यजे  
मनु किन्त् सौर्यजे श्री भगवान ॥

देह उम्बुकिस क्वटम्बस खॅर्यजे  
आशिर्यजे ज्ञानु सन्तान ।  
एकान्तुच शान्त शक्ती वॅर्यजे  
मनु किन्त् सौर्यजे श्री भगवान ॥

बाला म्बुकुन्दुन ध्याना दॅर्यजे  
कृष्ण जन्मन हुंज हॅर्यजे हान ।  
न जि ज़ांह ज़ेविजे, न जि ज़ांह मॅर्यजे  
मनु किन्त् सौर्यजे श्री भगवान ॥



## 176. कर्म यूगुक व्वपदीश (प्रभात)

नूरु भॅर्यतिय सूरु मति असुना कोर गाश आव ।  
सुबुह फोल व्वथ शाम रूपस लवुहँती पोश छाव ।।

सिरिं खीत चोन चरणु कमल ध्यानु मंजय फवलनु आव  
मनु बोम्बूर सोन मुश्क हेनि तथ मंज बाग चाव ।  
चँद्र चूडनि दृष्टि सृत्यन शामु वख्ताय वटनु आव  
मनु बोम्बूर तथ मंज फोट युन गछुन ओस भ्रमु भाव ।।  
मोत स्वरूपस सृत्य लय गव पोत फीरिथ कोत सु द्राव ।  
सुबुह फोल व्वथ शामु रूपस लवुहँती पोश छाव ।।।

सिरिं चँद्रमु एक साँपुन पूर्ण मावस प्योस नाव  
सिरिंस निशि ब्योन हना गव छिय दपान चँद्रमु जाव ।  
यूत तस निशि दूर साँपुन म्वटनस सुय त्यूत आव  
आत्मस निशि मन बहिर म्वख गव तु प्योस प्रपंच नाव ।।  
एक नाना रूपु किन्त् अज्ञानु सृत्य बोजनु आव  
सुबुह फोल व्वथ शामु रूपस लवुहँती पोश छाव ।।।

खसु वसि प्राणु छट वारि प्रारान रातस मे गाश आव  
अँक्य इशारा कोर मे सुबहस स्यदु यारस प्यठ छे नाव ।  
यूगु नावे व्यज पूर्वक सॉर करनुक बोर मे चाव  
ओरु दोपुहम ऑठवय स्यँज लेम्बि हँद्य पॉठ्य तल दबाव ।।  
परमु शमु नमु दमु दमु सूहमु हमु वाय नाव  
सुबुह फोल व्वथ शामु रूपस लवुहँती पोश छाव ।।।

शिनि कुय शिन्या स्वरुन ह्योत भावु सुत्य् बावुक मै वाव  
पॉन्य् पानय पानस मंज पकृनॉव पानुच मै नाव ।  
हॉरतुक म्यूलुम निशाना च्युय मै दाना मोत बनाव  
मशिहे मै पॅश्य् भाव अख नशि दामा मै ति चाव ।।  
श्रेह रेहि सुत्य् दजि हे भ्रम अँदर्युम त्वंदरय ताव  
सुबुह फोल व्वथ शामु रुपस लवुहँती पोश छाव ।।।

जीवतुक भ्रम चलनु बापथ ग्वडु कोरुहँम कृष्णु नाव  
मंज रोटनस देह भ्रमन व्वन्य् छे कमन म्यॉन्य् ग्राव ।  
अंगुन्यासुक वुछ कवॉयिद सोरुय ओस हाव भाव  
ग्रज वॅछ यँद्रेय फोजस मंज विवेक राजु चाव ।।  
छु नु मानन दिन्य् सलॉमी कहता है भ्रम को हटाव  
सुबुह फोल व्वथ शामु रुपस लवुहँती पोश छाव ।।।

क्याह छु लबुन क्याह छु रावुन यिय छु प्रावुन तिय च्यु प्राव  
देह अभिमान गछि त्रावुन गछि प्रावुन ब्रह्म भाव ।  
गाटुजार गछि मँशुरावुन याद पावुन साधु नाव  
भोग अभिलाश गछि सावुन वुजुनावुन सत स्वभाव ।।  
वॉरागु बाग गछि छावुन फुलयि हावुन हर्दु वाव  
सुबुह फोल व्वथ शामु रुपस लवुहँती पोश छाव ।।।

यावनुन सॉताह छु फोलमुत होशि क्यन पोशन छे क्राव  
तावनुन हरूदा पतय छुस यिय छु प्रथ वख्तस स्वभाव ।  
लंजि प्यठ ब्यूठ पोशिनूला छुस पतय लारान काव  
कति बुलबुल बूल्य् बोजुन्य् कति कावुन टाव टाव ।।

सुबुह दम फोल क्वसु कृष्णस फुलयि हुंज वन्दस छे ग्राव  
सुबह फोल व्वथ शामु रुपस लवुहँती पोश छाव ।।।



### 177. प्रभात अस्तुति

अनि गटु चँज फोज संगरमालो ।  
व्वथू नन्दु लालो यूगु न्यँद्रे ।।

गाशि तारकुक गाह प्यव बालु बालो  
प्रकाशि चानि सुत्यु प्रजलनु आव ।  
दूरि खोत पूरि कनि प्यटु पंचालो  
व्वथू नन्दु लालो यूगु न्यँद्रे ।।

आशि चानि बुलबुल छिय दिवान नालो  
प्रकाशि चानि दिद्रि छय बोलान ।  
पोशुनूलु बोल बाशि बोजू गाशि लालो  
व्वथू नन्दु लालो यूगु न्यँद्रे ।।

गूपियि आयि ह्यथ प्रेयमु पोशि मालो  
राधा कृष्णु चै पूज करने ।  
जमुनायि श्रानस द्रायि कमि हालो  
व्वथू नन्दु लालो यूगु न्यँद्रे ।।

दीवी तु दिवता आयि सानि सालो  
रातस रूद्य प्रभातस तान्य् ।  
पतु ब्रोंठु सुत्य् छिय नॉली नालो  
व्वथू नन्दु लालो यूगु न्यँद्रे ॥

यारबलु बँढ्य बँढ्य शिव शिवलालो  
छिय वजान शंख तय छिय दजान दुप ।  
लूख आयि पूजायि ह्यथ पोशिमालो  
व्वथू नन्दु लालो यूगु न्यँद्रे ॥

चानि दयायि सुत्य् दीन दयालो  
स्यद्ध गँयि सॉन्य् दुनियादॉरी ।  
सुबहुक प्रथ चीज वोट कालु कालो  
व्वथू नन्दु लालो यूगु न्यँद्रे ॥

आकाशि वोथ प्रकाशि दुशालो  
वलनस क्युत गटु चलनस क्युत ।  
जगि वोल कोड कालु फयरुना नालो  
व्वथू नन्दु लालो यूगु न्यँद्रे ॥

चैय ह्यू शाह ड्यूठ बडि जलालो  
गाह प्यव जगि गँजगाह क्याह छु जान ।  
वाह वाह करवुन्य् छि भॉरव वेतालो  
व्वथू नन्दु लालो यूगु न्यँद्रे ॥



बाग छावुनि वस प्यठु बंगालो  
मथुरायि नगरस वथुरिथ छुय ।  
शामु वस बृज गामु प्यठु दिथ डालो  
व्वथू नन्दु लालो यूगु न्यँद्रे ॥

दीव गंधर्व आय बडि खयालो  
वायन तु गायन छि गूव्यंद गीत ।  
रोज रामु बोज सामु वीदुचि तालो  
व्वथू नन्दु लालो यूगु न्यँद्रे ॥

आशि चानि च्युय बालु गोपालो  
कृष्णस गटि मंजु गाशाह हाव ।  
पालना सॉन्य कर त्रिजगत पालो  
व्वथू नन्दु लालो यूगु न्यँद्रे ॥



### 178. प्रभात (व्वपदेश)

प्रभात हो आव अँछ मुचराव ।  
न्यँदुर मो त्राव, न्यँदुर मो त्राव ॥

छु चमकान आत्मु सिर्यिक गाश  
न्यँबुर्य अँदुर्य यि च्यथ आकाश ।  
मुचर अँछ दारि मो त्रौपुराव  
न्यँदुर मो त्राव, न्यँदुर मो त्राव ॥

छतुन्य हेतिनय चै क्रहनिय कीश  
चु चैनन कोनु छुख व्वपदेश ।  
समय गव रंग बदलिथ आव  
न्यँदुर मो त्राव, न्यँदुर मो त्राव ।।

समय ज़न बाण्डु जशना ज़ान  
गछ्यस युथ त्युथ गण्डुन सामान ।  
नोवुय नोव पॉथरा ह्यथ च़ाव  
न्यँदुर मो त्राव, न्यँदुर मो त्राव ।।

ज्ञानुक दुप प्रज़लिथ ज़ान  
व्यचारुकि नेत्रु वुछ शिव ध्यान ।  
वुज़िय युथ नु खयालुक वाव  
न्यँदुर मो त्राव, न्यँदुर मो त्राव ।।

म कर च़ेर फ़ेर होशस कुन  
वुद्यूगुक जामु नॉली छुन ।  
च़्यतस वुज़नाव आलुस त्राव  
न्यँदुर मो त्राव, न्यँदुर मो त्राव ।।

संगर मालन छच़र साँपुन  
ज़गत सोरुय ह्योतुन नाँपुन ।  
चु म्वख अद्वैतु आँनस हाव  
न्यँदुर मो त्राव, न्यँदुर मो त्राव ।।

वुद्धूगा कर च्चु सॉमी स्वर  
स्यदथ पानय दियिय ईश्वर ।  
सु करिय युथ च्चु करुहंस भाव  
न्यँदुर मो त्राव, न्यँदुर मो त्राव ।।

क्षनुय साथुय दनुय रातुय  
युहुंद सॉमी छु प्रभातुय ।  
अँमिस निशि अभिज्यथ हो ज़ाव  
न्यँदुर मो त्राव, न्यँदुर मो त्राव ।।

गछुन हुश्यार बँड गथ छय  
चै लागुन्य् क्वसु लागथ छय ।  
न्यराशन पानु गाश हो आव  
न्यँदुर मो त्राव, न्यँदुर मो त्राव ।।

कर्म ख्राव धरमु पादन पाव  
गछ आत्मु तीर्थु तन मन नाव ।  
भखुच़ सरु प्रेयमु पोन्याह छाव  
न्यँदुर मो त्राव, न्यँदुर मो त्राव ।।

खगन च्वन मंज़ छु चूर्युम जान  
छु ख्यथ चथ ख्वश गछान भगवान ।  
पँतिम पँहरस छु युथ स्वभाव  
न्यँदुर मो त्राव, न्यँदुर मो त्राव ।।

खगन त्रेन गछि करुन वपवास  
गृहस्थ त्रावुन बनून वनवास ।  
छु वुन्यक्यन बस कुनुय दयि नाव  
न्यँदुर मो त्राव, न्यँदुर मो त्राव ॥

यूगु राजस छु जय जय कार  
योहँय छुय स्यद्ध दनुक म्बखतार ।  
चु भूगन भूग मूक्षी प्राव  
न्यँदुर मो त्राव, न्यँदुर मो त्राव ॥

गँनीमथ ज़ान येम्यसुंद राज  
कलस प्यठ थव व्यचारुक ताज ।  
कमाना तुल निशाना पाव  
न्यँदुर मो त्राव, न्यँदुर मो त्राव ॥

दयस निशि येलि च्वशुवय चाय  
दिचुन प्यठ कनि येम्यसुय जाय ।  
यसुंद पानय बजर गँज़राव  
न्यँदुर मो त्राव, न्यँदुर मो त्राव ॥

खगन हुंदि अनुग्रह कुय अन्न  
तपु अग्न पाकवुन्य गँयि ज़न ।  
यिवान छुस यथ खगस मंज़ छाव  
न्यँदुर मो त्राव, न्यँदुर मो त्राव ॥

श्वंगुन छुय ख्वश यिवान वुन्य्क्यन  
स्यदथ छुय दय दिवान वुन्य्क्यन ।  
यिथिस वेलस सु मो मॅशराव  
न्यँदुर मो त्राव, न्यँदुर मो त्राव ॥

यिवान छिय वुछनि कम कम दीव  
ह्यसस कुस आसि वुन्य्क्यन जीव ।  
स्यदँच हंदि यारबलु छस नाव  
न्यँदुर मो त्राव, न्यँदुर मो त्राव ॥

फुलय लॅज भावुक्यन पोशन  
मुबारक साहिबे होशन ।  
यिथिस वेलस करुन्य् ह्यन क्राव  
न्यँदुर मो त्राव, न्यँदुर मो त्राव ॥

करुन्य् ह्यन बूल्य् जानावार  
कृष्ण कर पोशि नूलुन्य् कार ।  
प्रेयमु सुत्त्य् कृष्ण गीता गाव  
न्यँदुर मो त्राव, न्यँदुर मो त्राव ॥



### 179. प्रभात

मोह गटु चॅज सतसंगु के गाशे ।  
रंगु बुलबुलु बोल बाशे कर ॥

रातस ज़ोलुमय बागस ज़ूलो  
व्वथू पोशुनूलो गाश हो आव ।  
कुकिलायि कुन बूल्य् कॅर नीलु क्राशे  
रंगु बुलबुलु बोल बाशे कर ॥

ग्रज़ वॅछ जानवारन हंज़ वनुनुय  
स्वय गॅयि दिदुर्यन कनुनुय मंज़ ।  
विग्नि वछ कोतरि बॅनिथ आकाशो  
रंगु बुलबुलु बोल बाशे कर ॥

छॅचरुय नोन द्राव संगरमालन  
कोस्तूर्य नालन छि ककवन सुत्य् ।  
राज़ हमसु बोलन छि हे अविनाशे  
रंगु बुलबुलु बोल बाशे कर ॥

मेछि कथु बोज़न छि शोगु प्यठ दार्यन  
हार्यन छे मंज़ पोशि वार्यन शूभ ।  
फम्बुसीर लारान आयि चानि आशे  
रंगु बुलबुलु बोल बाशे कर ॥

संकट कट नठ वॅछमुच छे अथु रठ  
राज़ योगु राज़ हमसु ज्ञानु म्वख मु खठ ।  
चठ हठ कर्मुचि आशा पाशे  
रंगु बुलबुलु बोल बाशे कर ॥

कृष्णस वुफनाव लोत गोब बोर कर  
मोरु म्वकट धारवनि ज़ोर कर ।  
गरडु सुंदि पंजु चठ मोह वालु वाशे  
रंगु बुलबुलु बोल बाशे कर ॥



### 180. प्रभात (प्रार्थना)

व्वथू न्यँद्रे बालु गोपालो ।  
शामु लालो गाश हो आव ॥

अँस्य् हुशियार रूद्य रँत्त्य् रातस  
शामु प्यठु प्रभातस तान्य् ।  
हे मूक्ष दातु प्रभात कालो  
शामु लालो गाश हो आव ॥

लोलु चानि सानि अशिची धारा  
वॉच तारा मंडलस तान्य् ।  
ह्यथ छु चँद्रमु अमृतु प्यालो  
शामु लालो गाश हो आव ॥

सुलि वँथ्य् पोश चँट्य पोशि थरिनुय  
गरु वातुनॉव्य् छरिनुय क्यथ ।  
करि च़ेय किचु पोशन मालो  
शामु लालो गाश हो आव ॥

गूपियि द्रायि जमुनायि श्रानस  
ब्वजिमचु कृष्ण ध्यानस मंज ।  
योरु द्रायि ओरु आयि कमि हालो  
शामु लालो गाश हो आव ।।

लूख वुजुनॉव्य् सिर्यिन सॉरिय  
आव रथ सर्वोरी ह्यथ ।  
सॉरस नेर त्रिजगत पालो  
शामु लालो गाश हो आव ।।

क्याह करव अँस्य् नेचिव्य् कोरि वॉली  
बँड्य नावुदार खॉली दस्त ।  
घन छु गुजरान कमि कशालो  
शामु लालो गाश हो आव ।।

क्याह करव अँस्य् छि कर्महीन सॉरी  
यिछि दुनिया दॉरी मंज ।  
अडि खरचि तु बडि अयालो  
शामु लालो गाश हो आव ।।

क्याह करव अँस्य् छि चॉरी तु फ्यॉरी  
क्याह पकान नादॉरी मंज ।  
हवछि कथु छरि अथु मूर्खु चालो  
शामु लालो गाश हो आव ।।



हान चलि हे असि मान बडि हे  
शर्म कर्म धर्म दान शूभिहे ।  
लद तु अन्नु धनु दीन दयालो  
शामु लालो गाश हो आव ॥

यिनु मंदछनु यियि प्रोन नावुय  
वावु लदनुय वावुय कास ।  
करतु अनुग्रह वर तु कृपालो  
शामु लालो गाश हो आव ॥

क्याह करव अँस्य् बन्धन तु बायन  
मन्दुछन छि हमसायन मंज ।  
सानि म्चखु थावतख स्वखालो  
शामु लालो गाश हो आव ॥

हे मूक्षदातु प्रभातु कालो  
मोह न्यँद्रे मंज वुजुनाव ।  
कृष्णस मंज च्यथ शिवालो  
शामु लालो गाश हो आव ॥



## 181. प्रार्थना

भयि रोस्त थावतम ज़यि सानो ।  
दयि रोटुमय मे चोन दामानो ॥

तापु मंज़ु कोत गछु अनज़ानुय  
ब्रोंटु छुम ज़्यूठ सेकि मॉदानुय ।  
न्यथुननि सुंदे सायिबानो  
दयि रोटुमय मे चोन दामानो ॥

मंज़ कंडिनुय प्योस कमज़ोरुय  
पतु कनि ह्यम छुस ननुवोरुय ।  
अर्ज़न दीवुने रथुबानो  
दयि रोटुमय मे चोन दामानो ॥

साध संत गॅयि पथ कुन मे त्रॉविथ  
हमसु पख्रुवुय पान वुफुनॉविथ ।  
ओन तु रौन छुस करान मान मानो  
दयि रोटुमय मे चोन दामानो ॥

नाशि रॅस्ति छम चॉन्य् आशिय  
अॅनिसुय गटि मंज़ अनतु गाशुय ।  
रॅनिसुय क्युत लद तु व्यमानो  
दयि रोटुमय मे चोन दामानो ॥

मतु वुछ तु म्यॉनिस कर्मस कुन  
धर्मस ब्रह्मनस द्युन छुय यि पुन्यु ।  
म्वकूलॉविथ न्युन चै भगवानो  
दयि रोटुमय मे चोन दामानो ॥

धर्मदानु रोस्त छुस कर्म ह्यून्यु  
ब्रह्म जॉन्यु रोस्त दूषलद तु क्षून्यु ।  
यिथि ग्वणु छुस वर चै मंगानो  
दयि रोटुमय मे चोन दामानो ॥

समसारस मंजु छुस लाचार  
ब्रोटु छिम वॉत्युमुत्यु कम कम कार ।  
वारु थावतम अमि येमि सानो  
दयि रोटुमय मे चोन दामानो ॥

ऑधीनन अवतार धॉरिथ  
तारि गॉमुत्यु भवसरु तॉरिथ ।  
कृष्णस ति तार हा दयावानो  
दयि रोटुमय मे चोन दामानो ॥



## 182. ॐकारच वर्नना

ओमुय छुय आत्म दीवुय  
ओमुय छुय कृष्ण जुवुय ।  
ओमुय स्वर छुख त्वमेवुय  
ओमुय स्वर छुख न जीवुय ॥

ओमुय छुय वैष्णु ब्रह्मा  
ओमुय छुय शिव तु व्वमा ।  
ओमुय कासिय चै भ्रमा  
ओमुय स्वर छुख न जीवुय ॥

ओमुय छुय वीद प्वराण  
ओमुय छुय दीव भासान ।  
कुनुय अछुर पॅरिथ ज्ञान  
ओमुय स्वर छुख न जीवुय ॥

कुनुय अछुर स्यठा ज्ञान  
कुनुय अछुर स्यठा मान ।  
कुनुय अछुर छु प्रधान  
ओमुय स्वर छुख न जीवुय ॥

ओमुय छु सत समागम  
ओमुस आसिय चै सोहम ।  
ओमुय कासिय देहुक भ्रम  
ओमुय स्वर छुख न जीवुय ॥

ब्रह्म नैष्ठा ओमुय छुय  
स्वरुन ह्यन तु कुस भ्रमुय छुय ।  
थेकिथ छेनिथ तमुय छुय  
ओमुय स्वर छुख न जीवुय ॥

नरायण छुय नरन मंज  
अकार छुय अछरन मंज ।  
सतुक स्वर छुय स्वरन मंज  
ओमुय स्वर छुख न जीवुय ॥

ओमुय छुय यूग तय ज्ञान  
ओमुय छुय धारना ध्यान ।  
ओमुय छुय ज्ञान विज्ञान  
ओमुय स्वर छुख न जीवुय ॥

वनान ब्रह्मस छि अशब्द  
अशब्दय छुय ओमुक शब्द ।  
यछा वुद्यूग प्रारब्ध  
ओमुय स्वर छुख न जीवुय ॥

ओमुय छुय सतचित आनन्द  
ओमुय छुय आद्य, मद्य, अंद ।  
ओमस जीवुन पनुन वंद  
ओमुय स्वर छुख न जीवुय ॥

छिय यूगी ध्यान धारन  
अछर पांच पांच कारण ।  
छि स्वछन्दुय व्यचारन  
ओमुय स्वर छुख न जीवुय ॥

ओमुय श्री गायत्री ज्ञान  
म्वखन पांचन वंदुस पान ।  
तमिक्य् ग्वण पांचुवय प्राण  
ओमुय स्वर छुख न जीवुय ॥

ओमस छिय चोर पादुय  
ओमुय स्वर दिथ समाधुय ।  
शिवुय बिन्द शक्ती नादुय  
ओमुय स्वर छुख न जीवुय ॥

ओमुय काका जियन सौर  
सु पानय आत्मन वौर ।  
सँहज पान तँम्य् सरय कौर  
ओमुय स्वर छुख न जीवुय ॥

महा प्वरूषव ओमुय मोन  
ललीश्वरिये ओमुय ज़ोन ।  
कृष्ण छुय आत्मा चोन  
ओमुय स्वर छुख न जीवुय ॥



### 183. प्रार्थना

फवक डूना गव जलु मंजु खरय ।  
वुछ सागरय निशि छा सु दूर ॥

फवक डून्य जल म्यूल चोल जरु जरय  
ब्योन ब्योन रोज्या शमा तु नूर ।  
मीलिथ गव सिर्यिस सुत्य जरय  
वुछ सागरय निशि छा सु दूर ॥

पथ ब्रोंठ छख लाभ दातु छु हरय  
अरय ह्यु आस मु बन तूर ।  
व्यचारु दारु लद योगुक गरय  
वुछ सागरय निशि छा सु दूर ॥

चमत्कार तुलनाव हे अमरय  
चु बन शमा तु बो पाँपूर ।  
देह दौर थवतम तु रुपा स्वरय  
वुछ सागरय निशि छा सु दूर ॥

मोहनि साँलाबु येमि भवुसरय  
प्वख्तय कारुन्य वँस्व पेयि सूर ।  
सँगीन कर म्योन कागजु गरय  
वुछ सागरय निशि छा सु दूर ॥

नेबुर्य वजान छोट अंदुरय  
बन्योमुत ज़न छुस संतूर ।  
वायिवुनि वायतम पनुनि स्वरय  
वुछ सागरय निशि छा सु दूर ॥

कृष्णस वायिनाव गंगाधरय  
सोहम हम ह्यथ व्यचारु खूर ।  
देह डूंगस क्यथ तरि भवुसरय  
वुछ सागरय निशि छा सु दूर ॥



#### 184. श्वभ दर्शन मेलनुच आशा तु स्तुति

रामु जुव शामु रुप हावे ।  
परमय गत प्रावुनावे ॥

यूगु शोगु ह्यथ च्यथ हारे  
अचि मंज शॉच हुँजि वारे ।  
ब्रह्मानन्दु पोश छावे  
परमय गत प्रावुनावे ॥

करि सत्संगु बोल बाशे  
चरि मोहने वालुवाशे ।  
हमसु पखवुय वुफनावे  
परमय गत प्रावुनावे ॥



भकच ओला येरुनावे  
शखच सुती बसु नावे ।  
अमृतु किय फल ख्यावे  
परमय गत प्रावनावे ॥

पोशिनूल ज़न गँज़ुरावे  
कृष्णु गीता ग्यवुनावे ।  
नामु स्मरनि सोस्त थावे  
परमय गत प्रावनावे ॥

नेष्कामु ज़ल दामु चावे  
आत्म तीर्थय मनुनावे ।  
परमानन्दु मस चावे  
परमय गत प्रावनावे ॥

दयि नाव कति मन्दुछावे  
दैवागत नॅन्य हावे ।  
कृष्णस वैक्वंठ दावे  
परमय गत प्रावनावे ॥



## 185. श्वभ दरशोन प्राप्ति बापत प्रार्थना

अज तान्य् दोप मे लालु यिख हाल ।

गोम यॅच काल शम्भू ।।

छारान गॅय कोह तय बाल

हावतम तु याद पावतम ।

हटि गॅडिथुय छम म्वख्तु माल

गोम यॅच काल शम्भू ।।

ब्रोंठु कनि कति छ्यपु दियि हे

अथि यियिहे म्वख्तु हार ।

मोह गटि ज्ञानु दीप ज़ाल

गोम यॅच काल शम्भू ।।

छम वुज़ान तावनुच वावु माल

पॅत्य् गॅयम यावनुच दिप्त ।

कर कृपा व्वन्य् छैत्य् गॉम वाल

गोम यॅच काल शम्भू ।।

ल्वकृचारु प्यठु कौरुथ म्योन चारु

बुजुरस मंज प्रारु कूत ।

वारु नारु ज़ाल समसारु ज़ाल

गोम यॅच काल शम्भू ।।

युथ नु साधन सॉन्ग् नेरि जाल  
कथु कॅर्य कॅर्य गॅयि वॉस ।  
वारु पॉढ्य अज्ञान म्योन गाल  
गोम यॅच काल शम्भू ।।

परम गथ चॉन्ग् अख कथ म्यॉन्ग्  
तथ दपान मूक्षी सॉन्ग् ।  
न छे आकाश न छे पाताल  
गोम यॅच काल शम्भू ।।

कर्म हीनस फिरतु कपाल  
धर्म दानु रॅस्तिस मे वर ।  
कर्म लेखायि म्यानि अथु डाल  
गोम यॅच काल शम्भू ।।

क्याह कर्यम यूत ज्यूठ अयाल  
क्याह करनम बॉय बन्ध ।  
क्याह कर्यम देह ची याल चाल  
गोम यॅच काल शम्भू ।।

क्याह कर्यम बोड क्वल तु यकबाल  
क्याह कर्यम खानुवादगी ।  
क्याह कर्यम बोड नाव बोड माल  
गोम यॅच काल शम्भू ।।

परम म्येत्रा मेलि कांह खाल  
युस दियम चॉन्य् स्मरथ ।  
सुय चटयम ज्यूठ मूह जंजाल  
गोम येँच काल शम्भू ॥

म्यानि संकल्पु सुत्य् आलम  
म्यानि वुछनु सिरिं चँद्रम ।  
राजस गव यिय वॅनिथ शाल  
गोम येँच काल शम्भू ॥

सुय मूर्खुत गाटुजार गव  
यथ गाटस गाटु प्यव ।  
ज्यादु परनस दपान चाटुहाल  
गोम येँच काल शम्भू ॥

तीजु सोस्त अकारु बीजु हाव  
मध्य भागस ठॅहराव ।  
प्राण अपानुची खारु वाल  
गोम येँच काल शम्भू ॥

आत्म न्यर्नयिचिय संगरमाल  
वारु फवलुनाव नोन हाव ।  
वुछु सोहम हरम्बखु बाल  
गोम येँच काल शम्भू ॥

छा बजर प्रावुनुक मै मजाल  
छय यछा सौरुय चॉन्य ।  
छा प्रुछिथ बानन करान क्राल  
गोम यॅच काल शम्भू ।।

सीनु मुचरिथ मे वीनुमय हाल  
येन तेन दरशोन मे हाव ।  
कीनु त्राव हे दीनु दयाल  
गोम यॅच काल शम्भू ।।

चे तु मै मंज ओस पूर्यर  
पूर्णस छा दूर्यर ।  
ठटु म्योन बोज ले चलो नाल  
गोम यॅच काल शम्भू ।।

सँखियव दिच मंज जलस छाल  
तति छुख कॉलीनाग ।  
वुछ तु कृष्णस वलि मा नाल  
गोम यॅच काल शम्भू ।।



## 186. आत्म ज्ञान 'व्यपदेश'

अमर पानो भ्रम समसार छुय  
आदि दीव बननुक चै आधिकार छुय ।  
हारव रौस्तुय भवसरु तार छुय  
सत व्यचार सत व्यचार ।।

आद्य अन्त शब्दन मंज ओमकार छुय  
जपुनुय मंज अजपा जपु सार छुय ।  
ध्यान मंज आत्मुक ध्यान शूभिदार छुय  
धारनायि धार धारनायि धार ।।

ब्रोंठ पथ प्रारब्दुक व्यवहार छुय  
पथ ब्रोंठ नेरुनस तु फेरुनस वार छुय ।  
बॉय बन्ध बब मॉज कुस चै दर्कार छुय  
च्यथ कर यार च्यथ कर यार ।।

पराधीन मूर्खु बोज ल्वकृचार छुय  
यावुनस मंज कामुक अंधुकार छुय ।  
बुजरस न ह्यकुन संकल्पु मार छुय  
कर प्वरुषु कार कर प्वरुषु कार ।।

ग्वडु श्रवुनुय बोजुन दरकार छुय  
तमि पतु अदु मनुनुक आधिकार छुय ।  
निदिध्यासन जेन तोरु तयार छुय  
साक्षात्कार साक्षात्कार ।।

मौह सौन्दि सुमु कनि यँद्रय द्वार छुय  
यिम पार गँय तिम दँह अवतार छिय ।  
देह शमराव दँह खदमथगार छिय  
कर दशहार कर दशहार ।।

पानस नॉल्य् छनुनुक यखतियार छुय  
अथि आमुत भखच हुंद म्वख्तु हार छुय ।  
कुस मनाह छुय करान कसुंद आंकार छुय  
छुख च्चु म्वख्तार छुख च्चु म्वख्तार ।।

हार भर लारिय नु सुती च़े खार छय  
ऑस वाहरॉविथ नफसुन्य् खार छय ।  
प्रारब्ध फल भूगिथ पतु लार छय  
ग्रट अनवार ग्रट अनवार ।।

कँमिस कारुभार छुय कुस बेकार छुय  
नाहकय देह दृष्टि हुंद अन्धकार छुय ।  
मन ज़ेन वीदुचि ज़ेवि यकरार छुय  
साह्यबकार साह्यबकार ।।

तीव्र वॉरागुक खासु सब्ज़ार छुय  
शिव शिव बोलान पां आबुशार छुय ।  
बेहखय रागु रौस्त वुछुनस वार छुय  
शांत शालुमार शांत शालुमार ।।

शक्ती पातुकि शहरुक सूभुदार छुय  
धर्म अर्थ काम मूक्ष द्युन यखतियार छुय ।  
युथुय सरकार छुय युथुय सरकार छुय  
कर च्चु दर्बार कर च्चु दर्बार ॥

कृष्ण नाव प्योमुत दुनियादार छुय  
लूकन हुंद ह्यू च्चैति व्यवहार छुय ।  
दिवुनु पानय त्रिभुवनु सार छुय  
सर्व अधिकार सर्व अधिकार ॥



### 187. प्रार्थना

कृष्ण चॉनिस होषस लगे ।  
यि च्चै तोगुय ति तगे कस ॥

चानि ह्यसु सूत्य् वुछ्चैय मंज जगे  
भवु सरु सूक्षम स्थूलुच थल ।  
समदृष्टि सगय सूत्यन सगे  
यि च्चै तोगुय ति तगे कस ॥

सुह छुस दमन मंज कँड्य जालस  
कठिनिस बालस खसुन छुस ।  
च्यथ त्वरगु रटनावतन यूग वगे  
यि च्चै तोगुय ति तगे कस ॥



अँछ अबलक सुत् न्यवृच नवारु  
गँडिथ च्चु तस वारु करनाव सॉर ।  
समदृष्टि सडके ब्रह्मनिष्ट बगे  
यि च्चे तोगुय ति तगे कस ॥

सहँजु व्यचारु रोस्त कँह नु स्वरन  
अन्तःकरण ह्यथ तनमयता ।  
प्रकाश पिछे विमर्ष अगे  
यि च्चे तोगुय ति तगे कस ॥

प्रवृच मंज यँच छिवेमचु वृच  
न्यवृच कुन यिन तु मुजरा दिन ।  
कुकिलु फोज ज़न चानि अकि छगे  
यि च्चे तोगुय ति तगे कस ॥

सार्यय वतु चानि अमृत छे छकान  
थप करतु अँन्य् पॉट्य पकान छुय ।  
कमि तान्य् मारगु मावसि मघे  
यि च्चे तोगुय ति तगे कस ॥

ज्ञानु संजीवनी अनतस  
अज्ञानु रूगस बनतस वैद्य ।  
शेहजार फिरतस दॉदिस तु दगे  
यि च्चे तोगुय ति तगे कस ॥

सेरय करुहँन पनुने ढेरय  
सौरय बापथ कौत फेरे ।  
अदु क्याज़ि व्वपर गरन लगे  
यि च़े तौगुय ति तगे कस ॥

मोह्निस मँडिस मख ह्यथ यितस  
दितस पान परमानुनुक पर ।  
देह अभिमानस दुपु ज़न दगे  
यि च़े तौगुय ति तगे कस ॥

न्यरामयुक मै चावुनावतम  
पय दिथ न्यावतन लयस्थान ।  
पय ज़न फिरुनावतस रगि रगे  
यि च़े तौगुय ति तगे कस ॥

च्यथ आनन्दुकि रसु सुत्य् प्राणन  
पनुन्यन थानन मस चावुनाव ।  
राज़ु यूगु सभायि मंज़ तगि तगे  
यि च़े तौगुय ति तगे कस ॥



## 188. ब्रह्माकार वृत्ति

लगुयो परमु गँच्यय ।

ब्रह्माकारु वृच्यय ॥

सतग्वणु प्रकृच्यय, भीदु रँस्ति वीदु श्रुच्यय ।

यूगु ज्ञानु सच्यय, ब्रह्माकारु वृच्यय ॥

तुर्या ज़ाग्रतुय, त्रेन मोचुराव न्यथुय ।

हुशयार न्यँद्रि हँच्यय, ब्रह्माकारु वृच्यय ॥

ऑश्रिथ शिनि मकान, वेगु मेघु ख्वतु पकान ।

कडुयो आलच्यय, ब्रह्माकारु वृच्यय ॥

शब्दु प्रकाशि लोबुय, गगुरायि ख्वतु गोबुय ।

वुज़मलि ख्वतु लोच्यय, ब्रह्माकारु वृच्यय ॥

अँगनु गँगनु पवनु बुतरॉच, सलिलुय ज़न स्वलल वॉच ।

ख्वसु हँन छे माँज़ु मँच्यय, ब्रह्माकारु वृच्यय ॥

नेष्कल पवनु फुर्कल, ज़ल ज़न बनि शीतल ।

भव सन्तापु तँच्यय, ब्रह्माकारु वृच्यय ॥

ऑस्य थुय चानि मस्ती, वँसिथुय छु नशि खँसिथुय ।

मस मचि नँच बो नच्यय, ब्रह्माकारु वृच्यय ॥

रुद्र तुल्य् आंस कथुय, दम दिथ म्वख्तु ह्यथुय ।  
शिव अर्णवु खँचुय, ब्रह्माकारु वृचुय ॥

बोज़ तियि तार कँचुय, वरु चानि सूक्ष्म खँचुय ।  
जान छस वालु कँचुय, ब्रह्माकारु वृचुय ॥

सहज पानुच च्चु थव पछ, मूर्खन किच़ यि छय प्रछ ।  
तस परुन्य् यस यि व्यचुय, ब्रह्माकारु वृचुय ॥

कृष्णस हाव त्युथ रास, यथ अख गँजरि हथ सास ।  
नँच्य् नँच्य् प्रावि प्रचुय, ब्रह्माकारु वृचुय ॥



### 189. बाल कृष्णस कुन प्रार्थना

बालु कृष्णस छस बो प्रारान ।  
छालु मारान यियि ना ॥

बनसँरी छस कन बो दारान  
शब्द बूजिथ मतु ना ।  
जसुदा छस पतु लारान  
छालु मारान यियि ना ॥

द्रौपदी छस पान मारान  
हान दँर्योधन लघम ।

मान छुम छस ध्यान धारान  
छालु मारान यियि ना ।।

छस बो राधा दम गुज़ारान  
नन्दुलाल कुनि मेलि ना ।  
अशि कनि छस म्वख्तु हारान  
छालु मारान यियि ना ।।

गरि छिम शुर्य तु बाँच मारान  
क्याह सना रास खेलि ना ।  
मेलु ना तस छुम सु प्रारान  
छालु मारान यियि ना ।।

क्वबुजा छस तालु मारान  
नालुमति रटुहँन मोहन ।  
मालु करु छस पोश चारान  
छालु मारान यियि ना ।।

छस बो लक्ष्मी ग्वण व्यचारान  
छुनु तस ह्यु ब्याख कांह ।  
सुय छु स्वख दिथ द्वख निवारान  
छालु मारान यियि ना ।।

सरस्वती छस पान शेरान  
क्याह सना मै वरि ना ।

तस खोहवर्य आसन बो दारान  
छालु मारान यियि ना ।।

रुक्मन छस कृष्ण गारान  
वरुने शिशुपाल आम ।  
सुत्य् नियि मे यियि लारान  
छालु मारान यियि ना ।।

दिवकी छस कृष्ण छारान  
काँदु मंजु म्वकृलावि मे ।  
कासि गम छस दम गुजारान  
छालु मारान यियि ना ।।

शिवरा छस पोन्य् सारान  
गरु नावय करु ना ।  
भावु भूग ख्यावन बो नाराण  
छालु मारान यियि ना ।।

नागिनी छस खून हारान  
रून काँली नाग छुम ।  
गोस बल ओस जहर हारान  
छालु मारान यियि ना ।।

च्वंजु दायि ह्यथ ग्रायि मारान  
वुछ स्वशीला भाग्यवान ।

अन्न कनि आँस पान्य कारान  
छालु मारान यियि ना ।।

सुय छु भक्ती रथि खारान  
तँम्य् सुंजे पूजायि किच ।  
छस बो तुल्सी अर्ग चारान  
छालु मारान यियि ना ।।

किसि प्यठ कोहस छु खारान  
मोज वुछ लूकव वोनुख ।  
आसिहे प्रलयुक यि बारान  
छालु मारान यियि ना ।।

पान्य पानस छु अथु दारान  
मंगुवुन कुस दातु कुस ।  
ओरु योरु पानय छु नाराण  
छालु मारान यियि ना ।।

भावुनायि द्वध छस बो कारान  
शामलालु यियि चैयि ना ।  
प्रेयमु साफि सुत्य् छस बो फ्यारान  
छालु मारान यियि ना ।।

दयि नाव योत पथ छु सारान  
क्याह बकार यूत व्यवहार ।

संसारु मंजु क्याह छु लारान  
छालु मारान यियि ना ।।

कृष्ण कृष्णस भक्त यारान  
भवसरु दियि तार तस ।  
तारि गौमुत्य् सुय छु तारान  
छालु मारान यियि ना ।।



### 190. रास लीला

सँमिवी करव अथुवास ।  
पँकिवी रास गिंदुने ।।

शे र्यथ साँपुन्य् कुनिय रात  
गूपी नाथ नचुनि लोग ।  
वँहर द्वह गव पँहर मास  
पँकिवी रास गिंदुने ।।

यथ बालु पानस दिमव छौहा  
युथुय द्वहा छु गँनीमथ ।  
सासस युगस करव सास  
पँकिवी रास गिंदुने ।।



शुर्यन बॉचन लबि कनि सॉविथ  
वछि तलु त्रॉविथ नेरव ना ।  
सुत्सु सुत्सु ह्यथ बेनि बब मॉज मास  
पॅकिवी रास गिंदुने ॥

वॅनिवी कस छु कृष्णुन लोल  
जुवुक जुव तय कॅम्पु क्याह चोल ।  
निवुवुन मन, दिवुवुन विकास  
पॅकिवी रास गिंदुने ॥

त्वहि कति सोन ह्यु बन्यव हाल  
अदु कति जॉन्यून तोह्य नन्दुलाल ।  
नीरिव ना पुरिथ व्वलास  
पॅकिवी रास गिंदुने ॥

अँस्यु कमि बापथ करव त्याग  
असि गछि आसुन कृष्णु राग ।  
सुय गव तप जप यूग अभ्यास  
पॅकिवी रास गिंदुने ॥

कथ सॉन्पु महा मंत्र ज्ञान  
वुछुन सोन मान उत्तम ध्यान ।  
ख्योन चोन सोन गव बोड व्वपवास  
पॅकिवी रास गिंदुने ॥

बर दारि वैथिय त्रॉविथ नेरव  
वथ लॅब तु मस्तानुवत् फेरव ।  
दयि लोलु रोस्त क्याह लयि अतलास  
पॅकिवी रास गिंदुने ॥

कथ गॅयि न्यंगुलिथ अथु रूज़िथ  
कन छिनु ह्यकान कॅह बूज़िथ ।  
संकल्पन हुंद कोर सॅन्यास  
पॅकिवी रास गिंदुने ॥

यिथ्य् हर्षन क्षय कोर शूकन  
कति बनि मंज़ लूका लूकन ।  
यिछि वति अछु रछु वैक्वंठ वास  
पॅकिवी रास गिंदुने ॥

ह्यस गव ह्यथ मुर्ली वायन  
दिवचन तु गन्धर्व कन्यायन ।  
यिमु गरि रोज़ु तिमु गॅयि व्ददास  
पॅकिवी रास गिंदुने ॥

उर्वशी वश कॅर नचॉनन  
गश गोस पुशि प्योस वचॉनन ।  
वुछ वुछ विगने गॅयि वनवास  
पॅकिवी रास गिंदुने ॥

रागन स्वरन सांगन ज़ीन्  
नाग आय बेहोश बोज़नि बीन ।  
गम बम छु कासान बम ज़ीर तास  
पँकिवी रास गिंदुने ॥

तपीश्वर आय सुत्प ह्यथ बाल  
मंज अकृहारस मारान ताल ।  
हीमाल समीर ह्यथ काँलास  
पँकिवी रास गिंदुने ॥

सनकादिक सतु रेष्प लूकपाल  
बेयि यिम छि व्वलंगिथ मायाज़ाल ।  
गुल्प गँड्य गँड्य छिस पृष्ठान यितिहास  
पँकिवी रास गिंदुने ॥

काया दाँरिथ माया तीत  
यूगुक साँमी भूगुक हीथ ।  
भूगिथ छु न्यर्मल न्यराभास  
पँकिवी रास गिंदुने ॥

तनु स्वख मनु स्वख ह्यथ मंजबाग  
सँखियन सुत्प छुय ग्यवान राग ।  
राँसी सुत्प ह्यथ दाँसी दास  
पँकिवी रास गिंदुने ॥

अपौर्य नादा यपौर्य वादा  
च्वपौर्य राधा कृष्ण छुय ।  
प्रथ काँसि सुत्यन कँरिथ अथुवास  
पँकिवी रास गिंदुने ॥

जसुदा माता गुरुस छे मंदन  
नन्दु गूप नन्दन गिंदन छुस ।  
द्वधस तु थनि छुस करान ग्रास  
पँकिवी रास गिंदुने ॥

अथु छस कृयि मंजु न्यबर कडन  
चखि मंजु प्रेयम बडन छुस ।  
ख्वश यिवुवुन छस करान त्रास  
पँकिवी रास गिंदुने ॥

कन्यन थँन्यु गँयि पलन पोन्यु  
नचन मंजु नारद गोसोन्यु ।  
शीन ज़न मोहु गोल च़ोल तलवास  
पँकिवी रास गिंदुने ॥

मँशिथ गव गुपनन गासु ख्योन  
वछ्यन तु शुर्यन मोठ दाम द्युन ।  
सीमाबस सपुन अलमास  
पँकिवी रास गिंदुने ॥

रातस घन गव द्वहस रात  
शामस वुछिने आव प्रभात ।  
पानय साँपुन कालस ग्रास  
पँकिवी रास गिंदने ॥

युस असि कोचन मंज प्रारान  
तस पतु कारण छिय लारान ।  
ब्रह्मा यँद्र रुद्र व्यास  
पँकिवी रास गिंदने ॥

असि मँजिम्यन हुंद छुस बोड पास  
करुनावोन अँस्य् शुराह सास ।  
कृष्णस श्री कृष्णस अथुवास  
पँकिवी रास गिंदने ॥



### 191. कर्म यूग

यूग बलु सहस्र दलु डलु द्युत मे दम हरे  
च्यतु नावि रोट मे नम सूहम हम हरे ।  
नेष्कल शेशकलि वुजम जम जम हरे  
च्यतु नावि रोट मे नम सूहम हम हरे ॥

बालु पानु आम चोन स्वयं प्रेयम हरे  
पॉन्य पानु श्रेह रेहु वोथ मे जम जम हरे ।

तिष्ठ गँयम प्रय चॉन्य् पथ हैयम यम हरे  
च्यतु नावि रोट मे नम सूहम हम हरे ।।

तेलि सुय स्वरुपस यस चलि भ्रम हरे  
नतु छा त्रेलु करमु तीज शेलि शम हरे ।  
मेलि मस चोन कस गेलि आलम हरे  
च्यतु नावि रोट मे नम सूहम हम हरे ।।

दोरुम ध्यान ह्यसु खोरुम दम हरे  
तोरुम पान व्वश्चोरुम ॐ हरे ।  
चोरुम तु तोरुम म्वख्तस त्रम हरे  
च्यतु नावि रोट मे नम सूहम हम हरे ।।

आश्चर्य थानस छि आश्चर्य थम हरे  
आश्चर यि बसुवुन छुस न्यरालम्ब हरे ।  
आश्चर्य ज्ञानान छुस व्वतम हरे  
च्यतु नावि रोट मे नम सूहम हम हरे ।।

फवकु रोस्त शंख छुय करान ॐ ॐ हरे  
ठिनि रँस्ति गंटायि स्वर छि कम कम हरे ।  
जरि रोस्त बोज अजपा जीरु बम हरे  
च्यतु नावि रोट मे नम सूहम हम हरे ।।

सांख्य् यूगु सोंथ आम ह्यथ समागम हरे  
हर्षु रँस्ति बामुन द्राम चोल मे गम हरे ।

होशि पोशि थरि प्योम शांत शबनम हरे  
च्यतु नावि रोट मे नम सूहम हम हरे ॥

सकाम कर्म भारुक तुल मे कोम हरे  
नेष्कामु कोचि त्रावुनावतम कदम हरे ।  
न्यर्वासनु आसन त्रावुतम हरे  
च्यतु नावि रोट मे नम सूहम हम हरे ॥

सु स्वयं वासुदीव छु सर्व स्थितम हरे  
श्वद्ध च्यतु बोद्धमय शब्द ब्रह्म हरे ।  
आत्म त्वतु राग त्याग अनातम हरे  
च्यतु नावि रोट मे नम सूहम हम हरे ॥

सूर्या छे तत् पद त्रावान त्वम हरे  
विजया स्वय प्रया चॉनिय छम हरे ।  
कर दया वुछ मु कृष्णस क्रिया क्रम हरे  
च्यतु नावि रोट मे नम सूहम हम हरे ॥



## 192. पूजा

नेष्कामु निर्मलु नेष्कलु शम्भू ।  
वर मे शरनागतु वत्सलु शम्भू ॥

गोड बु दिमयो अशि के ज़लु शम्भू  
अशि के ज़लु नेत्र कमलु शम्भू ।  
नेत्र कमलु पंकज डलु शम्भू  
पंकज डलु मंज ज़लु थलु शम्भू ॥  
मंज ज़लु थलु ध्यानु यारुबलु शम्भू  
वर मे शरनागतु वत्सलु शम्भू ॥ ॥

पान वन्दुयो श्वद्ध कायायि शम्भू  
श्वद्ध कायायि न्यर्मायायि शम्भू ।  
न्यर्मायायि शांत प्रतिमायि शम्भू  
शांत प्रतिमायि अथ तीजु छायि शम्भू ॥  
तीजु छायि खसु छे योगु वुजमलु शम्भू  
वर मे शरनागतु वत्सलु शम्भू ॥ ॥

नेत्रन मंज करुयो जाय शम्भू  
करुयो जाय छम चॉन्ग् माय शम्भू ।  
छम चॉन्ग् माय सतुचिय राय शम्भू  
सतुचिय राय कर मे व्पपाय शम्भू ॥  
कर मे व्पपाय युथ नु ज़ांह डलु शम्भू  
वर मे शरनागतु वत्सलु शम्भू ॥ ॥



रेंद्रेय ढोष फॅल्य् मनु ढागु शम्भू  
फॅल्य् मनु ढागु ढूजि च़ेय ललगु शम्भू ।  
ढूजि च़ेय ललगु सुतुय् सरुव तुयलगु शम्भू  
सुतुय् सरुव तुयलगु तीवुर वॉरलगु शम्भू ।।  
तीवुर वॉरलगु वन्दुयो कलु शम्भू  
वर मे शरनलगतु वत्सलु शम्भू ।।।

चानि आशायि च़ेय कुन आस शम्भू  
च़ेय कुन आस ढेयनय ढास शम्भू ।  
ढेयनय ढास छुस ढु चोन दास शम्भू  
छुस ढु चोन दास संकट मे कास शम्भू ।।  
संकट मे कास सरुव मंगलु शम्भू  
वर मे शरनलगतु वत्सलु शम्भू ।।।

तोर मुच़राव श्रुधायि ढरु शम्भू  
श्रुधायि ढरु विज्ञानु गरु शम्भू ।  
विज्ञानु गरु युगु मंदरु शम्भू  
युगु मंदरु शख़च़ हंडि वरु शम्भू ।।  
शख़च़ हंडि वरु युख़च़ हंडि छलु शम्भू  
वर मे शरनलगतु वत्सलु शम्भू ।।।

हॉविथ ढाद गाल वुढाध शम्भू  
गाल वुढाध ज़ाल अढराध शम्भू ।  
ज़ाल अढराध कर मे ढुरसाद शम्भू  
कर मे ढुरसाद लायय नलद शम्भू ।।

लायय नाद व्वलु कीवलु शम्भू  
वर मे शरनागतु वत्सलु शम्भू ।।।

ब्रह्म जन्मुक छुम नवसाल शम्भू  
छुम नवसाल शक्तीपातु भर मे थाल शम्भू ।  
भर मे थाल वुछु श्वभ फलु फाल शम्भू  
फाल वुछु हाल दिम म्वक्तु हाल शम्भू ।।  
दिम म्वक्तु हाल अनुग्रह खलु शम्भू  
वर मे शरनागतु वत्सलु शम्भू ।।।

त्युथ करुनाव यथ नु आसि करुनुय केंह  
त्युथ परुनाव यथ नु आसि परुनुय केंह ।  
त्युथ दरुनाव यथ नु आसि दरुनुय केंह  
त्युथ स्वरुनाव यथ नु आसि स्वरुनुय केंह ।।  
मंजु रागु नगरु त्यागु जंगलु शम्भू  
वर मे शरनागतु वत्सलु शम्भू ।।।

कृष्णस तार येमि भवुसरु शम्भू  
येमि भवुसरु कास अरु सरु शम्भू ।  
कास अरु सरु फिरतन सु स्वरु शम्भू  
फिरतन सु स्वरु पान करि सरु शम्भू ।।  
पान करि सरु चानि रायि त्रायि तलु शम्भू  
वर मे शरनागतु वत्सलु शम्भू ।।।



### 193. ॐ (प्रणव) व्वचारनुक उपदेश

सौरिय समव तु पायस प्यमव  
शमव तु शाँती कुनुय लमव  
अभीद अनाथ अतीत बनव  
व्यचार करव तु स्वरव प्रणव

यथ मोहु गलिस ब्वद्ध छनु तरन  
च्यथ जानवारस पखु छे हरन  
नठ वँछमुच छे राजु हमसस परन  
मन छुनु ठिकन तु ध्यान छुनु दरन

श्वद्ध छिनु बनन अंतःकरण  
अव्यक्त वरून गोछ छुनु वरन  
युथ गोछ त्युथ छुनु निशानु मरन  
शरन साँपुन्य् व्वन्य् सत् ग्वरन

तम कोड तु ॐ रोट व्वन्य् क्याजि छ्यनव  
व्यचार करव तु स्वरव प्रणव  
सन्तोष वृच गछि प्राण सन्धारुन  
शाह गछि बूजिथ वालुन तु खारुन

देहुक अभिमानुय गछि मारुन  
संकल्पन पतु गछि नु लारुन  
वॉराग धारुन येमि समसारुन  
गम्बीर पानस छ्वचर हारुन

सहज पान गच्छि पानय तारुन  
तारुन गव यिय ॐ व्यचारुन  
यिय वोन वीदव तु यिय सतजनव  
व्यचार करव तु स्वरव प्रणव

समसार समंदराह छु सोनुय  
तृष्णायि जलाह छुस फेरु वुनुय  
राग द्वीष क्रिम मछ छिस ब्योन ब्योनुय  
फाटुनावुवुन छुस मोह आवुलुनुय

आशायि बोठ छुस भ्राँत्य् स्वपुनुय  
हाँगिनि रोफ सेकि जल भासुवुनुय  
वान्ति कति लगु छाँटि क्युत छुस रोनुय  
केशव रुपु छुम ॐ तारुवुनुय

युथ नाव मंज अनुभवस अनव  
व्यचार करव तु स्वरव प्रणव  
बोड लूटरा यिथ देहुक भ्रम प्यव  
लूटुनि लोग वनु क्याह क्युथ गम प्यव

यिछि दबदबि मंज शाम प्यव तु दम प्यव  
स्यजर तु पजर क्रिया तु क्रम प्यव  
ब्रह्मन जन्मुक महातम प्यव  
अथ मंज यिथ धर्म राजा ॐ प्यव

विवेक ह्यथ ड्यूठ भ्रमन तु काँप्यव  
तल गव तु तस प्यठ न्यरालम्ब प्यव  
दयि धनु अथि आव खज़ानु खनव  
व्यचार करव तु स्वरव प्रणव

शार्यर पनुन छुय कुनिसुय ज़ु हावन  
दुगोश दुच्च्योत छुय द्वगुनावन  
छुख रातुम्बगुल मंज़ बाग कावन  
अन्यरु पनुनि द्वह रावुरावन

पत्युम शोत्रुथ न च्यतस पावन  
ब्रौठकुन ति नोवुय नोव नोवुरावन  
बर मंघन्यन पानस छ्यपुदावन  
सिर्यिस तामथ हान वातुनावन

ॐ शब्दु प्रकाश वुछ पूर्णव  
व्यचार करव तु स्वरव प्रणव  
अरूपस कुस स्वरूप वने  
स्वरुन त्रौविथ अच्यथ बने

यिय आसि तिय भासि तति कांह नु कुने  
तूर्या रुप़ा निर्लेप नने  
म्वचि नाद बिन्दा मन्ज़ हनि हने  
ब्रह्मानन्द सनि वोगने

प्रथ कुनि मंज् अँसिथ अन्दुकने  
तथ कलि यथ नेष्कल ॐ गने  
सुय ज़ानि यस बनि अँस्य् क्याह वनव  
व्यचार करव तु स्वरव प्रणव

वनुन छु स्वलभ द्वर्लभ छु पालुन  
पालुन गव सोरुय केँह च़ालुन  
च़ालुन गव श्रेह रेहु पान ज़ालुन  
ज़ालुन गव देहु अभिमान गालुन

गालुन गव मदु निशि पान वालुन  
वालुन गव भय कासुन कालुन  
पावुन च्यतस रामुचँद्रुन तु शालुन  
व्वपाय छ़ांडुन येमि कलि कालुन

नतु क्याह वोथ नखु बूज्य् बूज्य् कथन  
व्यचार करव तु स्वरव प्रणव  
न्यथ सर्व संकल्प सँन्यौसी आस  
न्यवृच़ हंजि वृच़ अभ्यौसी आस

व्यवहारस मंज् व्वदौसी आस  
बँस्ती मंज्बाग बनवौसी आस  
अभिलाशव रोस्त व्वलौसी आस  
अँसिथ न अँसिथ व्यकौसी आस

च्यवुवुन न्यरामय खॉसी आस  
आत्म निश्चय विश्वॉसी आस  
वथ हॉव गथ प्रॉव आनन्दुघनव  
व्यचार करव तु स्वरव प्रणव

कृत्य् पोश फॅल्य् ब्रह्मांडुचि थरे  
ॐ ज़ोन यिमव तु तिम गॅय वरे  
ॐ शिव हरे ॐ शिव हरे  
तॅम्य् पौर सोरुय युस ॐ परे

तॅम्य् सौर सोरुय युस ॐ स्वरे  
तॅम्य् कौर सोरुय युस ॐ करे  
अदु कस मारन तु अदु कुस मरे  
विज्ञानु रूपय ॐ तस वरे

कृष्णस ॐकार मनु वाजि खनव  
व्यचार करव तु स्वरव प्रणव



## 194. सर्वाकार रुपु भगवानस कुन स्तुति

सोरुय अमि येमि सानुय ।

छुख च़ पानय शम्भू ।।

देह च़्यथ बोज़ मनु प्राणय

अमि येमि सानय छुख ।

सोरुय च़य, अँस्य् बहानय

छुख च़ पानय शम्भू ।।

हेलि हेलि खल छु सपदानय

कतरु कतराँय दँरियाव ।

गलु अम्बार दानु दानय

छुख च़ पानय शम्भू ।।

प्रथ सौदा छु वानु वानय

गछि आसुन चोन भाव ।

अदु मेलि पूरि परमानय

छुख च़ पानय शम्भू ।।

पूरिथ ज़लु सामानय

देह फवकूडूना द्राव ।

मेलि तथ मंज़ अकि आनय

छुख च़ पानय शम्भू ।।



सीमिनि द्वध स्वनु बानय  
मंजु ठेकनुक हाव रुप ।  
भक्तन छु ज्ञान ठँहरानय  
छुख च़ पानय शम्भू ।।

वँछ बलाया आसुमानय  
छस कलाया धर्मचिय ।  
गॉब गँयि शिनि मॉदानय  
छुख च़ पानय शम्भू ।।

नेर मंजु देह अभिमानय  
कर मु सामानु स्वरमु साज ।  
नाजु कम कर राजुदानय  
छुख च़ पानय शम्भू ।।



### 195. आवागमनु निशि म्वकलनपाय (व्वपदेश)

सरु कोर समसार नदुरुय द्राव ।  
डल मु होशि च़्यतु किय पम्पोश छाव ।।

बन्द कर लूभु संकल्पुक वाव  
पानय पकि प्रारब्धुच नाव ।  
कर पुरु कर्मक्यन पम्बुछन क्राव  
डल मु होशि च़्यतु किय पम्पोश छाव ।।

समसारस मंज रोज न्यर्मल  
वुछ तु ख्यलु वँथरस लारि मा जल ।  
पॉनिस मंज ऑसिथ त्राव त्राव  
डल मु होशि च्यतु किय पम्पोश छाव ॥

मायायि हिलि खोच पतु छस खॉज  
समदृष्टि छटुवॉर पकृनाव तेज ।  
धर्म वुद्युगु कर्मु खोरि वाय नाव  
डल मु होशि च्यतु किय पम्पोश छाव ॥

मायायि मंज न्यर्माया रोज  
स्वरु सान रोज वॉरागु स्वर बोज ।  
सतसंगु क्यन बंगुनुय कन थाव  
डल मु होशि च्यतु किय पम्पोश छाव ॥

सोहमु हम वाय मोहने शॉद्य  
जॉन्यु नाव पकृनाव सेंजि वति पॉद्य ।  
सहस्र दलु डलु पद्मु आसन प्राव  
डल मु होशि च्यतु किय पम्पोश छाव ॥

अन्दर वैरु छोर रोज नरु किय पॉद्य  
स्नेह बोरुतुय पख सतजन गॉद्य ।  
लाभ प्राव पेचि ह्यु छ्वचुरुय मु हाव  
डल मु होशि च्यतु किय पम्पोश छाव ॥

परदु तैल्य् क्रय कर वुछ कैव्य जूज  
अँदुर्य प्राव गोर ज़न ज्ञानुच गूज ।  
नेबुर्य देह अंधकारु कोण्ड फुटुराव  
डल मु होशि च्यतु किय पम्पोश छाव ॥

अतु गतु कुकिलु पॉट्य येन्य् ज़न मु येर  
जुवुरुक्य् पॉट्य क्वसंगु मुज़ु नेर ।  
म्वख्तु छुय सतज़न बाज़रुक भाव  
डल मु होशि च्यतु किय पम्पोश छाव ॥

मनु क्यनुबोब दयि लोलु लाभु भर  
मेलिय सतग्वर सौदागर ।  
भावु वावु होशि बुम्बिपोश फवलुनाव  
डल मु होशि च्यतु किय पम्पोश छाव ॥

समसारु बोर लोचराव त्राव फ़ख  
गिलि हुंघ पॉट्य डलु ज़लु पेट्य पख ।  
राज़ु हमसु पानस अँज़ मु गँज़राव  
डल मु होशि च्यतु किय पम्पोश छाव ॥

श्वद्ध वासनायि शम रटुनय कम  
शमु दमु वुफ त्राव दि मु किसि दम ।  
थदि होशिकि गोशि पान वुफुनाव  
डल मु होशि च्यतु किय पम्पोश छाव ॥

जबकुकु सुंघ पॉट्य थोद मु तुल फूद  
बूद रोज़ सूद छुय आत्म बूद्ध ।  
पोशिनूलु सुंघ पॉट्य कृष्णु गीत गाव  
डल मु होशि च्यतु किय पम्पोश छाव ॥

जगतुचि तापु तचि वुडरि निशि चल  
सायि कर सतजन कुलिसुय तल ।  
जल चथ फल ख्यथ लाग डल काव  
डल मु होशि च्यतु किय पम्पोश छाव ॥

ग्वरु शब्द कुकिल ज़न बोल शम्भू  
कर मु क्वकरु सुंघ पॉट्य कुकुरुकू ।  
अंगु दूशि संगु दूशि देह मु रावुराव  
डल मु होशि च्यतु किय पम्पोश छाव ॥

वासनायि गाड लूभ व्वटु मो दाव  
मनु चिय तृष्णा कनु किन्य त्राव ।  
बोज़ ब्रग संतोशि ताज दिथ थाव  
डल मु होशि च्यतु किय पम्पोश छाव ॥

जीव दयायि हुंद कर व्यवहार  
अविद्यायि हारुवचि भीदु न्याय हार ।  
अविनाशि नीलु क्राशि बाशि करुनाव  
डल मु होशि च्यतु किय पम्पोश छाव ॥

वद्वकि लूभुक्य क्रिम तय मछ  
शुमरिथ सन्तोशिचि ग्वफि अछ ।  
कामनायि सीमिन्यु बारव मु दाव  
डल मु होशि च्यतु किय पम्पोश छाव ॥

रजि छुय सर्फु भ्रम नजि छुय नाश  
पजि पजि वुछ तु छुख च्यथ आकाश ।  
दँजिथ रज ह्यु बन तैजिथ नैट्यभाव  
डल मु होशि च्यतु किय पम्पोश छाव ॥

वीरु कवीर छुख छिय नु धनु द्यार  
समयिकि स्वखु द्वखु वीरुथ मु हार ।  
वीर चानि धौर बोनि निशि वीरि माव  
डल मु होशि च्यतु किय पम्पोश छाव ॥

स्वप्रकाशि बोज स्वनु लाँकि वथुराव  
व्यचारु नेत्रव नजराह त्राव ।  
रंगु रंगु बेरंग वुछ तु क्युथ द्राव  
डल मु होशि च्यतु किय पम्पोश छाव ॥

शांत शालुमौर छुय शिव अनुग्रह  
अँदरिमि त्यागु नेबुरिमि रागु बेह ।  
सन्यासु वृँच अतलास पौराव  
डल मु होशि च्यतु किय पम्पोश छाव ॥

राजु रेशि नगरु मंजु रोज़ वनवास  
नेष्काम रोज़ त्रियि ऑसिथ दास ।  
ज़नक राज़ राज़सी मंजु याद पाव  
डल मु होशि च्यतु किय पम्पोश छाव ॥

शक्तीपातु निशातु शिवुमण्डल  
प्राव छाव भखुच़ युखुच़ शखुच़ हुंद डल ।  
आत्मस परमु आनन्दु मस चाव  
डल मु होशि च्यतु किय पम्पोश छाव ॥

नेष्कलु कुय प्वलावाह खेह  
न्यर्मायायि हुंजु चायाह चेह ।  
मोह वति थकनुक रोज़िय नु ताव  
डल मु होशि च्यतु किय पम्पोश छाव ॥

च्यथ तँकिया दिथ सत फरशस  
बोज़ भौर्या आत्मा प्वरूषस ।  
यूगु बालादरि प्यठ लरि साव  
डल मु होशि च्यतु किय पम्पोश छाव ॥

विवेक वैसरु मंजु कर श्रान  
अद्वैतु पानि नाव मन तय प्राण ।  
तुर्या बागु यूगु नेंद्रा त्राव  
डल मु होशि च्यतु किय पम्पोश छाव ॥

हमसु नादु सरु कर शाह तूल्य् तूल्य्  
मण्डक शब्दु मिनि म्ण्डक बूल्य् ।  
पवनस गगनस सुत्य् मिलुनाव  
डल मु होशि च्यतु किय पम्पोश छाव ॥

अन्न जल भूगुनि ग्रटु ज़न फेर  
कर्म फलु छलु तलु ओट ह्यु नेर ।  
ग्रख दियि लख त्रख चॉन्य् अख पाव  
डल मु होशि च्यतु किय पम्पोश छाव ॥

स्यज़रुकि स्वथि पख सतु सुय सुत्य्  
अज़ तान्य् वतुगत आयि गॅय कृत्य् ।  
त्यागु खोरन लाग वॉरागु ख्राव  
डल मु होशि च्यतु किय पम्पोश छाव ॥

भवसरु सॉरुक कड अरमान  
मोह गुतु कॅदलस नीरिथ ज़ान ।  
कर्मु स्यॅज़ बोज़ नाव स्यॅज़ पकृनाव  
डल मु होशि च्यतु किय पम्पोश छाव ॥

यकजा मिलविथ पांचुवय त्वथ  
देह अॅग्नबोटा सुत्य् आख ह्यथ ।  
राज़ु नेर सॉरस छुय कुस वाव  
डल मु होशि च्यतु किय पम्पोश छाव ॥

परजुनॉविथ अमरु पान आस  
ख्यथ चथ ह्यथ दिथ भाग्यवान आस ।  
सुत्य् बाजन हुंज थॉव्यज्यनु ग्राव  
डल मु होशि च्यतु किय पम्पोश छाव ॥

राज यूगु अभ्यासु मनु डूंग रठ  
हठ करमु यँद्रेय वगुव्यन मु चठ ।  
फटनुकि खोफु गाल वासुनायि वाव  
डल मु होशि च्यतु किय पम्पोश छाव ॥

दोरु फिरु म्वकलख वुछ वावुमाल  
बालुपान आलविथ वाल रठ बाल ।  
पूर पख दूर छुय नखु पुर्य त्राव  
डल मु होशि च्यतु किय पम्पोश छाव ॥

मन जेन स्वख प्राव स्यद्ध गछिय यूग  
यँद्रेय खुलु त्राव भूगिन भूग ।  
न्यर्मल आस कास देह भ्रम भाव  
डल मु होशि च्यतु किय पम्पोश छाव ॥

साधु प्रकृच्च शाहजादु गरि नेर  
रादु रादु सॉरा कँरिथ पोत फेर ।  
सुत्य् आख ह्यथ तु ख्यथ आनन्द प्राव  
डल मु होशि च्यतु किय पम्पोश छाव ॥



पछि वछि सुत्प प्राव ज्ञानु गूर्यभाव  
च्यथ चडि मंजु आत्म द्वध प्रजनाव ।  
न्यर्नयि खोर ख्याव चाव वीदु गाव  
डल मु होशि च्यतु किय पम्पोश छाव ॥

कर्म कृयि ध्यानु दानि धर्म द्वध मंद  
औषद्ध नेरि तथ जसुदानन्द ।  
तस छु भूग भूगिथ ब्रह्मचौर्य नाव  
डल मु होशि च्यतु किय पम्पोश छाव ॥

यिछि प्रकृच मूक्षदायक नाम  
व्यवहारस मंजु रुद नैष्काम ।  
लेंबि मंजु यिथु पम्पोशा द्राव  
डल मु होशि च्यतु किय पम्पोश छाव ॥

मोह सेदिं तारिय करुनावतार  
कृष्णु बोठ खारिय गंगाधार ।  
भवसरु आवलनु कीशव नाव  
डल मु होशि च्यतु किय पम्पोश छाव ॥



## 196. श्री सोद्यवानिन्य् पॉट्य दरशोन दिनु बापथ प्रार्थना

भूलबालु बालकन सुत्य् खेलुनावतम  
बालक अवस्था प्रावुनावतम ।  
ज्ञान करुनॉविथ पान परजुनावतम  
सोद्य वानिन्य् पॉट्य हावतम रुप ॥

कठिने भवसरु छांट वायिनावतम  
मोह पोन्त्य् वोतुम हँटिसुय ताम ।  
लँटिसुय वृष्मस थफ करुनावतम  
सोद्य वानिन्य् पॉट्य हावतम रुप ॥

थजरय प्यटु अख नजराह त्रावतम  
शीश्रमनागु मे थावतम नेब ।  
वनि यितु अनिरुकि सनिरय मु रावतम  
सोद्य वानिन्य् पॉट्य हावतम रुप ॥

ब्रह्मन जन्म दिथ मतु मन्दुछावतम  
नभु प्यटु ब्वन मतु दावतम दब ।  
अमरनाथु अमर बनुनावतम  
सोद्य वानिन्य् पॉट्य हावतम रुप ॥

दासन हुंद दासा गँजुरावतम  
मतु मँशुरावतम पनुनी ज्ञान ।  
येति छुख पानय तोत वातुनावतम  
सोद्य वानिन्य् पॉट्य हावतम रुप ॥

अजपा जप यैज्ञ ज्यूत्य् प्रजुलावतम  
हुतशीष ज़न मोचुरावतम मै ।  
हे महीश दीशु दीशु मतु दशुरावतम  
सौद्य वानिन्य् पौढ्य हावतम रुप ॥

सतच्यत् आनन्द अमृत चावतम  
न्यथ भासुनावतम सूहम सू ।  
ॐ शिव शम्भू शब्द शुमुरावतम  
सौद्य वानिन्य् पौढ्य हावतम रुप ॥

मनु नागस प्रेयमु पोन्त्य् वुजुनावतम  
सुलि वुजुनावतम हावतम रुप ।  
मंजु प्रभातस सातस मतु सावतम  
सौद्य वानिन्य् पौढ्य हावतम रुप ॥

मोह मायायि सुत्य् मतु तम्बुलावतम  
सतुचिय कथ पावुनावतम याद ।  
च्यतु कुय च़ेनुन न्यथ च़ेनुनावतम  
सौद्य वानिन्य् पौढ्य हावतम रुप ॥

सतुचिय न्यर्नयि पय पकृनावतम  
दयि पनुने नयि हावतम वथ ।  
नाव छुम कृष्ण शिव भावु बैडुरावतम  
सौद्य वानिन्य् पौढ्य हावतम रुप ॥



197. श्री अभिनवगुप्ताचार्य सुंघ पौठ्य म्वक्ति मंगनुच प्रार्थना

सौरिय ह्यथ निम सर्व व्वपकौरी ।

अभिनव गुप्ताचौरी ज़न ।।

बाह शथ च़ाठ ह्यथ सु बालु ब्रह्मचौरी

सौरिय ह्यथ गव शिवलूकस ।

येति देह ह्यथ गव कुस देहधौरी

अभिनव गुप्ताचौरी ज़न ।।

भक्त च़ौन्य कति महाकालन मौरौ

लगुयो पौरौ शिव रुपस ।

पालना करवुनि कालु समहौरौ

अभिनव गुप्ताचौरी ज़न ।।

हरम्वखु दृष्टि आसि सर्व पाप हौरौ

यान्य आयि नुनरुकि नौरौ किन्य ।

सेंदि श्रानु शिव ध्यानु पापु निवौरौ

अभिनव गुप्ताचौरी ज़न ।।

रामु रादनु भरतु बाल खँत्य सौरौ

महालिशि प्यठ बीठ्य सौरौ ह्यथ ।

बरनिबलु मुच़रिथ प्रेयमु बरनि तौरौ

अभिनव गुप्ताचौरी ज़न ।।

नाद बिन्दु हमसु नाद छुख च्ववापॉरी  
नाँडी चक्र सुत्य गॅयि ब्रह्म ज्ञान ।  
ब्रह्म सरु सरु गोख तॅर्य हमसुदाँरी  
अभिनव गुप्ताचॉरी ज़न ॥

स्वखु म्खु प्रेयमुक ओश गव जाँरी  
न्यथ ननि सनि वोगनि असि वनि आख ।  
शिव लोलु कोल सरु सर्व पाप हाँरी  
अभिनव गुप्ताचॉरी ज़न ॥

कोफूर रंगु छुख गंगा धॉरी  
असि प्यठ गंगु जटु जाँरी त्राव ।  
भक्त ननु अदु बनु सर्व व्वपकाँरी  
अभिनव गुप्ताचॉरी ज़न ॥

भाँरव नथु च़ेय पतु लॉर्य लॉरी  
बीरू प्यठु निम लॉरी किन्य् ।  
ग्वफि मंज़ अमृत दिम दाँर्य दाँरी  
अभिनव गुप्ताचॉरी ज़न ॥

गँज मे द्वर्गत च़ँज मे खॉरी  
लँज मे वथ थँजवाँरी किन्य् ।  
ग्वफि मंज़ गँजगाह करय जटुधॉरी  
अभिनव गुप्ताचॉरी ज़न ॥

जय जय छुय च़ेय शिव अँकॉरी  
यितु दरशोन दितु नितु कृष्णस ।  
त्रावुनॉविथ सर्व संकल्पु भॉरी  
अभिनव गुप्ताचॉरी ज़न ।।



### 198. प्रार्थना

सदा शिव सॉमियो कर म्योन चारय  
यि ब्रह्मन ज़न्म मा मेल्यम दुबारय  
दया धर्मय व्यचारय सुत्य् वारय  
सहाय रोज़तम तु बोज़तम कथु तारय  
छे अख कथ यिय बनुन् य गँछ मै पनुन् य ज़ान  
येमिय ज़न्मय गोछुम नेरुन यि अरमान  
सतुय भासुन तु कासुन गछि मै अज्ञान  
मरुन गोछुस नु पौश ह्यू मूर्ख नादान  
मरनु वख्तय स्वरुन गोछुस शिवु ध्यान  
सोचिथ पथ कुन मोचिथ त्रावुन गोछुस प्राण  
यँहय कथ नँन् य छे कँन् य छय संगि फारस  
चन्दुन छुय हँट तु वुछतस शीतु जारस  
स्व हँट यथ लँज तु तथ तोरुन पनुन ग्वण  
स्व कँन् यथ लँज तु तथ चीज़स बन्यव स्वन  
हचे तय कनि येलि युथ आसि स्वभाव  
बो क्याह वनु आसि क्युथ अदु शिवु सुंद नाव

छु अस्तुत मे द्वहय शिवय शिवय कौर  
छु अस्तुत मे न्यथुय शिवय व्रतय दोर  
छु अस्तुत मे द्वहय ओस शिवु सुंद लोल  
छु अस्तुत मे शिवुय ज़ोन मॉज तय मोल  
त्वता चॉनिय मे यिछ पँज या अपँज वँन्य  
यछाये चानि कँड वॉनी मे निशि नँन्य



### 199. श्री शिवनाव स्मरनुच महिमा

पथकुन अमृत प्योमुत छु यारे  
बे खबरी मंज साँपुन्य सब्ज ।  
अदु युस शिव नाव ज़ेवि प्यठ खारे  
तस कति मारे यम तय काल ।।

समया वॉतिथ पानु देह त्रावे  
च्यथ स्वरूप तस ध्यान पावे याद ।  
ब्रह्मांडस प्यठ प्राण तस खारे  
तस कति मारे यम तय काल ।।

युस येति लोलु ओश त्रावि धारि धारे  
वैतारनी नँदी क्याह करि तस ।  
अकि शिव नावु सुत्पु ज़गत सु तारे  
तस कति मारे यम तय काल ।।

युस शिवनाथस अनजॉन्य् माने  
तस कुस चाने यमु द्वारस ।  
धर्म राज्जु ब्रॉटु तस मीठ्य दिनि लारे  
तस कति मारे यम तय काल ॥

अकि शिव नावु लछि बँद्य पाप गाले  
चतुर्गुप्त कुस कलम डाले तस ।  
कुस पापु डण्ड तस बँही प्यठ चारे  
तस कति मारे यम तय काल ॥

युस शिव पूजायि कित्य् पोश चारे  
तस करि दीवु लोक पोशि वरशोन ।  
सुय खसि व्यमानुचि सवारे  
तस कति मारे यम तय काल ॥

समसारस युन छु ग्रटु अनवारे  
प्रारब्ध फल छुय खारे मंज ।  
फल सोरि छल बेहे कुस कस प्रारे  
तस कति मारे यम तय काल ॥

कृष्णस सुय शिव शिव करुनावे  
चावुनावे तस प्रेयमु अमृत ।  
सुय नाव विज्ञानु यूग तस यारे  
तस कति मारे यम तय काल ॥





200. मोहस मंज फसनुक हाल तु तमि निशि म्वकुलावनु बापथ प्रार्थना

कथु कॅर्य कॅर्य गोम ल्वकुचार ।

आर यियनय शम्भू ।।

ज्यूठ सॅद्रा छु क्रूठ समसार  
छुस नु बौठ तय छुस नु तार ।  
यिथि मंजय क्वछि क्यथ मै खार  
आर यियनय शम्भू ।।

ब्रौंटुकनि छुम दजुवुन नार  
पतु कनि शोरु अम्बार ।  
यिथिसुय मंज छु म्योन व्यवहार  
आर यियनय शम्भू ।।

ज्यूठ मंजिला कोड मै यकबार  
पोत फेरुनस छुम नु वार ।  
वति प्यठ छुम कालु शाहमार  
आर यियनय शम्भू ।।

अति क्याह पकि म्योन गाटुजार  
अति कुस यियि दरकार ।  
वुफुनस ज़न मै जानावार  
आर यियनय शम्भू ।।

खसुवुन कोह वसुवुन नार  
पतु कनि छुम बोड बार ।  
थँकिमुतिसुय कर परमपार  
आर यियनय शम्भू ।।

अख जंगला वुछ मे शूभिदार  
वेह सान छुस शेहजार ।  
अथ जंगलस छु चंदुनुक दार  
आर यियनय शम्भू ।।

अथ जंगलस छु गुनसु गटुकार  
अथु लागनस छुम नु वार ।  
अति दार श्री कृष्णु अवतार  
आर यियनय शम्भू ।।

जन्मन हुंद कर्म फल हार  
करुनाव नेष्कामु कार ।  
देह अभिमान मद म्योन मार  
आर यियनय शम्भू ।।

अँन्य् आशा नँन्य् तु नादार  
करि हे कम कम कार ।  
नचुवुन्य् छस नँन्य् तलवार  
आर यियनय शम्भू ।।

कौरमुत छुम नु कांह त्युथ कार  
न ज़ि काँसि प्यठ व्वपकार ।  
दयि गॅच सुत्त् केंछा मे यार  
आर यियनय शम्भू ।।

ज़ीवुतिस मंज़ छुस लाचार  
क्याह करु दुनियादार ।  
दयि धौरय छु धनु तय द्यार  
आर यियनय शम्भू ।।

कृष्णस दितु साक्षात्कार  
बारंबार शम्भू ।  
च्यथ सुफार ब्रह्म व्यचार  
आर यियनय शम्भू ।।



## 201. अनुग्रह करनु बापथ प्रार्थना

बालु पान आलुवय बालव बालव  
बालो आलव दितुमो ।  
बालव बालव पैठ्य संगरमालव  
बालो आलव दितुमो ।।

सुह कैर्य प्छलौव्य् चान्यव हरनु छालव  
पैठ्य पंचालस यितुमो ।

वुंगु दिचु शालव, बोऒु विशालव  
बालो आलव दितुमो ।।

लोलु मसुकी प्यालु बॅरिय कलुवालव  
प्यालव प्यालव चतुमो ।  
मे ति दितु मॅस्ती पनुन्य् मतुवालो  
बालो आलव दितुमो ।।

खिरु खंडु कंदु भावु भूग संबालव  
थालव थालव ख्यतुमो ।  
अनुग्रह छु व्वपदान यिथिवुय सालव  
बालो आलव दितुमो ।।

भवसरु सॉर करु नालव नालव  
लालो सुत्य् सुत्य् नितुमो ।  
आलव च्चु यूगुनावि बॅर्य मे भूगु गालव  
बालो आलव दितुमो ।।

कृष्णन ओश त्रोव च़ालव च़ालव  
व्वन्य् कूत च़ालव यितुमो ।  
अऒपा ज़प कोर मालव मालव  
बालो आलव दितुमो ।।



## 202. भक्तु सुंद आलव

वारु वनतम मारु मते, छुख च़ु कते हे ।  
वैन्यु बु दिमुयो वति वते, छुख च़ु कते हे ॥

स्यंदु बढ्यन गंगु आरन, प्यठ च़े प्रारन छुस  
ध्यान धारन म्वख्तु हारन, सत व्यचारन छुस  
लारुवुन छुस लारु वते, छुख च़ु कते हे ॥

जोनुमखय छुख च़ु पूर्ण, क्याजि दूरन छुख ।  
नूरु बैरिते सूरु मते, छुख च़ु कते हे ॥

यूगक्यव ज्ञानु नेत्रव, पद्मु पत्रव सुत्यु ।  
वुछ तु मे कुन नैद्रुहते, छुख च़ु कते हे ॥

दिवुवुन छुस नेष्कामय, शहरु गामय वैन्यु ।  
काम दग्दु जामु छते, छुख च़ु कते हे ॥

दरशोन अमृतु वरशोन, दिम मे लोगमुत छुस ।  
फल कुल ज़न प्यठ दते, छुख च़ु कते हे ॥

पालुवनि यितु कृष्णस निशि, आलुवीहिय पान ।  
बालु रटिहिय नालुमते, छुख च़ु कते हे ॥



## 203. हिन्दी भाषायि मंज श्यामु स्वंदरस कुन अस्तुति तु प्रार्थना

शाम वर्ण कमल चरन पद्म नैन धारी  
कृष्ण मुरारी प्यारी रे ।  
दीना नाथ वीना शब्द से व्याध हारी  
कृष्ण मुरारी प्यारी रे ॥

सर्व व्याद हारी सर्व आधिकारी  
सर्व आधिकारी दोष निवारी ।  
दोष निवारी कृष्ण मुरारी  
कृष्ण मुरारी प्यारी रे ॥

प्यारे लाल समझो विनती हमारी  
दिखलावो अपना गरूडा सवारी ।  
और क्या है मतलब मोर मुकटधारी  
कृष्ण मुरारी प्यारी रे ॥

नेडे नेडे आवो लाला बाल ब्रह्मचारी  
तेरे तेरे गालियां हैं अमृतधारी ।  
पियो पियो गोरी गोरी दूध हमारी  
कृष्ण मुरारी प्यारी रे ॥

साधू संत वैराग्य सब व्यवहारी  
बारी बारी जमा हो के जमुना किनारी ।  
आएँ आएँ गाएँ गाएँ कृष्ण गीत सारी  
कृष्ण मुरारी प्यारी रे ॥

## 204. ग्रह पीडायव निशि रछनु बापथ प्रार्थना

हे दीन दयालु हे त्रिजगत पालु ।

हे बालु हे कालु समहॉरी ।।

न्यर द्वन्ध स्वच्छन्द अखण्ड अकालु

कुकालु निशि रछ मे ह्यथ सॉरी ।

हे पालुवुनि कास्तम कालुने जालु

हे बालु हे कालु समहॉरी ।।

तिथि स्वरु स्वरुहोथ न्यथ शिव शिवालु

यथ स्वर छि भासान सेतॉरी ।

सेतालु मारान छि भॉरव वितालु

हे बालु हे कालु समहॉरी ।।

आपुदायि निशि रछतु शुवंजाह सालु

हे शाप क्षयि पापु निवॉरी ।

असि लेख कल्याण कपालु कृपालु

हे बालु हे कालु समहॉरी ।।

कावरनु आमृत्यु छि द्वखु वावु पंचालु

असि वल छि चंचल समसॉरी ।

कौशल करनुक दुशालु विशालु

हे बालु हे कालु समहॉरी ।।

बजर चोन मोन श्वभ ज़ोन यिथि हालु  
व्वपाय सोन कर छि देह धॉरी ।  
दयि लोन नोव फिरतु त्राव प्रोन मलालु  
हे बालु हे कालु समहॉरी ॥

तत् पद सत् भासुनाव यिथि कलि कालु  
गथ हाव पथ थाव महामॉरी ।  
हथ वाँसु बरुनाव म्वकूलाव मोह ज़ालु  
हे बालु हे कालु समहॉरी ॥

हे दयि मृत्युंजयि कालुकि कालु  
भयि रँस्ति ज़यि स्वसतुय थव सॉरी ।  
देश सोन श्वेतद्वीप ज़न कर चु दयालु  
हे बालु हे कालु समहॉरी ॥

आत्मारामु थव मंज क़ूध जंजालु  
आरामु सान गामु शहॉरी ।  
नेष्कामु संकूचुक जामु कड नालु  
हे बालु हे कालु समहॉरी ॥

मॅर्य सॉन्य् अॅर्य दॅर्य थव स्वख तु द्वख च़ालु  
रूगु निशि रछ कास बेमॉरी ।  
यूगु लरि प्यठ लदुनाव भूगु बंगालु  
हे बालु हे कालु समहॉरी ॥



पशि कूत समुयस त्रावु अशिने च़ालु  
नशि युथ नु समसार कर यॉरी ।  
पशि भावु घन छिय कडान कमि कशालु  
हे बालु हे कालु समहॉरी ॥

चावुक न्यरामयुक मे प्यालु  
यथ मँस्ती मंज़ छे हुश्योंरी ।  
कोत फेरु पोत योत तोत वातु मतवालु  
हे बालु हे कालु समहॉरी ॥

सुफल फल गॅय स्यद्ध वुछ वुछ फालु  
ह्यथ च्यथ सुफारु सुफॉरी ।  
सत् सभायि आयि दॅर्य आयि अँस्य् सालु  
हे बालु हे कालु समहॉरी ॥

खुर्य कास करमुन्य् टोठ अकि सवालु  
मुर दॉरिथ छिय मंगान सॉरी ।  
नतु शुर्य बोज़ कॅमिसुंज़ खँडिथ गालु  
हे बालु हे कालु समहॉरी ॥

सोमु सिरिं काबुतॉनु रात घन दिवान छालु  
धॉरु धनु समुयिचि पछ हॉरी ।  
दुबारु बाज़ हाव शिव शक्ती दुखालु  
हे बालु हे कालु समहॉरी ॥

रछुवनि अछिपोशन करु चै किचु मालु  
लछि नावि चँद्रकला धॉरी ।  
गटु पछि गाश अन शोक्लु म्वखु शामुकालु  
हे बालु हे कालु समहॉरी ।।

अवतार धार हार ज्यनु मरनुचि जालु  
द्वखु राक्षस मार मुरॉरी ।  
भवसरु तार गगुनस खार पातालु  
हे बालु हे कालु समहॉरी ।।

काश्मीरु नगरस काशी नैपालु  
व्वत्तम छि वनान च्वपॉरी ।  
तँत्यु ह्योत ब्रह्मन जन्म रछतु गूपालु  
हे बालु हे कालु समहॉरी ।।

देह धॉरियन खोफु निशि च्यथ बो संबालु  
सर्व व्वपकॉरी चु कर यॉरी ।  
होकुमुक सर गँजरन वाल्यन वालु  
हे बालु हे कालु समहॉरी ।।

गाटुल्यव हावि देह अभिमानुचि चालु  
दयि गँचु निशि सॉरिय चॉरी ।  
मायायि चानि आयि शरन अँस्यु बुडुबालु  
हे बालु हे कालु समहॉरी ।।

डुलु त्राव गृहघ बलु पैठ्य भौरव बालु  
अमर नाथु लोचराव भौरु ।  
लैट्य तारुकन ताज दिथ गंड चु त्रैट्य मालु  
हे बालु हे कालु समहौरु ॥

क्याह करव मँशुराव बडि गरु अयालु  
दयालु कास असि नादौरु ।  
आय अन्नु धनु चौर लद तु कर मु वडालु  
हे बालु हे कालु समहौरु ॥

कौलासु समीरु हरम्वखु हीमालु  
गोवर्धनु विन्ध मन्दौरु ।  
रछ यिथु रँछिथ दीव भक्त गौव गवालु  
हे बालु हे कालु समहौरु ॥

क्षय गछि वासनायि काम काठस ज़ालु  
पय लबु विज्ञानु व्यचौरु ।  
मनोज़य बनु सहजु क्रय पालु  
हे बालु हे कालु समहौरु ॥

साविधान ज्ञानुवान नितु अकि खयालु  
मंजु न्यर्नय नयि नुनरुकि नौरु ।  
कड मोह कँड्य ज़ालु दिवुनौविथ डालु  
हे बालु हे कालु समहौरु ॥

शुवभ कर्मु फल भूगनुक सैदि हुंद नालु  
अन्न पान वति सुतुतु थव जॉरी ।  
तृप्ती सॉनुतु कर सुतुतु अनुग्रह थालु  
हे बालु हे कालु समहॉरी ॥

गंगरहामि फवलनुविथ संगरमालु  
हरम्वखु नोन गोख च्वपॉरी ।  
वुछ कृष्णनुतु पालुना चानि हवालु  
हे बालु हे कालु समहॉरी ॥



## 205. अतुतुतुवृषुठि कम करनु बापथ प्रार्थना

सनम्वखु यिम तु मो दिम डालु ।  
मे छुयो बालु पानुक श्रेह ॥

शम्भूनाथु तुरिजगत पालु  
दीनु दयालु कर चु अनुग्रह ।  
करुयो लोलु पोशन मालु  
मे छुयो बालु पानुक श्रेह ॥

शालुमॉरु बैरुतुतुतु प्रेतुतुतु मसु प्यालु  
बालु गूपालु दामा चैह ।  
नालुमति रटुहॉथु यितु म्यानि सालु  
मे छुयो बालु पानुक श्रेह ॥

मृत्युंजयि कालुकि काल  
नीलकण्ठ चोथ कालुकूट नोम वेह ।  
धरती पॉजिथ त्रिजगत पाल  
मे छुयो बाल पानुक श्रेह ॥

शीतल शिव अँगु स्व स्वयं बाल  
ज्युति रुपु नँन्य हाव नेह गटि रेह ।  
तमि रेह ग्रह चक्रुचि व्यॉज जाल  
मे छुयो बाल पानुक श्रेह ॥

काल गाल पाल सतुवंजाह साल  
पालना कर ह्यथ सॉरिय मेह ।  
दास ह्यथ आस कास कालुनि जाल  
मे छुयो बाल पानुक श्रेह ॥

साफ कर नभ पाप गाल दयालु  
ताफ कर नोन ओबरस अन नेह ।  
वाफ वोत नँजदीक व्वन्य कूत चालु  
मे छुयो बाल पानुक श्रेह ॥

आत्मबोधु बामु लद योगु बंगाल  
ज्यतु प्राणु जेनि सुत्तु दॉविथ जेह ।  
तँत्तु भूग भूगुनाव अनुग्रह साल  
मे छुयो बाल पानुक श्रेह ॥

हतु गोज वोन सोन वॉसि दुशालु  
सोर्यस नु न्यूरुय मोर्यस नु तेह ।  
वरु अभयि द्वयि अथु दयालु  
मे छुयो बालु पानुक श्रेह ॥

पुशि मु पाव खर्चस बडि अयालु  
युथ गँजरन वाल्यन गछि हेह ।  
प्रथ चीज पॉदु गछि सुबहुक कालु  
मे छुयो बालु पानुक श्रेह ॥

तुलमुलि बॅर्यमय खिरु खंडु थालु  
परमु शक्ती स्वस्ति भावुक भूग खेह ।  
आय अन्न धनु चौर लद तु कृपालु  
मे छुयो बालु पानुक श्रेह ॥

हनि हनि तेलनुकि तेलबॅल्यु नालु  
मेलनुचि नावि कृष्णस सुत्यु बेह ।  
सॉर करि अटलु डलु स्वखालु  
मे छुयो बालु पानुक श्रेह ॥



## 206. सारिवुय युखव निशि म्वकूलनपाय तु परम गत प्राप्ति बापथ प्रार्थना

हे न्यरामय बडि दयि मृत्युंजयि ।  
भयि निशि रछ आपदायि निशि रछ ॥  
सिर्यिस चँद्रमस ग्रहनुचि जायि निशि ।  
न्यर्मल वस्त्रस हायि निशि रछ ॥  
कामु क्रूध लूभु मोहु मदु अन्धकारु निशि ।  
देह प्रयिचे वासुनायि निशि रछ ॥  
ध्यान मँशिरॉविथ धर्म ध्यान त्रॉविथ ।  
अनज्ञान श्रान संध्यायि निशि रछ ॥  
केंकर वरणु वैतारनी तरनु निशि ।  
पँतिमि समुयिचि पीडायि निशि रछ ॥  
स्वरगु निशि नरकु निशि वुल्टु पुल्टु करमु निशि ।  
धर्म राजुनि आज्ञायि निश रछ ॥  
आकाशु पातालु अनिगटि पकनु निशि ।  
कर्म कांडुकि व्वपायि निशि रछ ॥  
प्वत्रु म्यँत्रु बांधुवन हुंदि व्वपकारु निशि ।  
मंगनुचि ऑधीनतायि निशि रछ ॥  
ज्यनु निशि मरनु निशि सोरमुत स्वरनु निशि ।  
कोरमुत करनुचि रायि निशि रछ ॥  
त्रेशि मंजु त्रेशि निशि ब्वछि मंजु ब्वछि निशि ।  
क्षूदायि निशि तृष्णायि निशि रछ ॥  
लूभु पुछि ख्यनु चनु चे अपीक्षायि निशि ।  
विषय भूग यछायि निशि रछ ॥  
ज्वरु निशि तमु निशि गमु निशि बमु निशि ।  
अज्ञानु निशि अविद्यायि निशि रछ ॥

यशि सकामु निशि शिष्य प्रणामु निशि ।  
मूर्खन हंजि श्रधायि निशि रछ ॥  
श्रेष्ठ बननुचि अभिमानुचि त्रायि निशि ।  
गुरु गरि प्रतिष्ठायि निशि रछ ॥  
वाचक ज्ञानियन हंजि लडायि निशि ।  
शाँती रँस्ति विद्यायि निशि रछ ॥  
डम्बु किन्य् खलवत बेहनुचि जायि निशि ।  
त्रियि रायि मनु कामुनायि निशि रछ ॥  
युथ त्युथ कपटा छु अँदरी तु न्यँबरी ।  
यिछि तिछि बजि बलायि निशि रछ ॥  
यि केंछा छि करवुन्य् अन्तःकरनु किन्य् ।  
यिछि जान यिछि कृपायि निशि रछ ॥  
देह अभिमानु स्वस्ति दीव पूजायि निशि ।  
यश कडुनुचि शूभायि निशि रछ ॥  
आलुच करनुचि ग्वरु सीवायि निशि ।  
गृहघन हंजि दशायि निशि रछ ॥  
ग्रह चक्रचि भ्रामरी संकटायि निशि  
बडशरवारि व्वल्कायि निशि रछ ॥  
व्रत दरनुचि किबरुचि टासुरायि निशि ।  
फल मंगनुचि भावुनायि निशि रछ ॥  
छ्योट तु श्रूच अन्न दिनुचे ससुरायि निशि ।  
दजि मचि ध्यान धारुनायि निशि रछ ॥  
ब्रह्मन जन्मुचि लूभु तृष्णायि निशि ।  
मान हीन स्वस्ति भिक्षायि निशि रछ ॥  
व्यमुख रूजिथ जीव दयायि निशि ।  
भ्रष्ट करवुनि संपदायि निशि रछ ॥



स्योद तु हौल स्वखु द्वखु कपालु जायि निशि ।  
लेछिमुचि कर्म लीखायि निशि रछ ॥  
यथ मंज ब्रोंटु आसि नशुनुय तु पशुनुय ।  
यिछि तिछि वाँसि निशि आयि निशि रछ ॥  
यथ मंज ब्रोंटु आसि हलुनुय तु डलुनुय ।  
तमि तमि रंगु जीवुकायि निशि रछ ॥  
येति चुय आँसिथ बोय आसु भासन ।  
तिछि भखच व्वासुनायि निशि रछ ॥  
पनुन्यन परुद्यन हुंजि नेंद्यायि निशि ।  
मूर्खन हुंजि वासुनायि निशि रछ ॥  
अभिमानु पुछि आसि श्रवुनुय तु ग्यवुनुय ।  
तिथि श्रवनुचि कथायि निशि रछ ॥  
हिम सायि पुछि आसि कामुना करुनिय ।  
तिथि परनु रामुगीतायि निशि रछ ॥  
कामु निशि क्रूधु निशि लूभु निशि मोह निशि ।  
अन्धुकारु निशि हिमसायि निशि रछ ॥  
क्वमारु गणीशु सुंदि दीवियि हुंदि पासु ।  
कृष्णस मोह मायायि निशि रछ ॥



## 207. मोहिनी रुपच महिमा वार्ता तु अस्तुति

गच्छि कृठि बेहनोव रछुवुन लछिनोव ।  
मन निवुवुन्य् होव मोहिनी रुप ॥

असुनस तु गिन्दुनस मंजु मँशिथ पान गव  
ध्यान गव स्यद्ध मन प्राण गव लीन ।  
न्यथ लसुवुन बसुवुन असि असुनोव  
मन निवुवुन्य् होव मोहिनी रुप ॥

चरणु कमलन लँक्षमी फश दिवुवुन्य्  
यश कडुवुन्य् त्रेन भवनन मंजु ।  
स्वय ह्यथ मन मँजिलस स्वनु सोव सोव  
मन निवुवुन्य् होव मोहिनी रुप ॥

वैक्वंटुकि बागु मंजु आगु परजुनोव  
प्रेयम रागु तस कोर आवाहन ।  
देशि कालु रोस्त शीषुनागु प्यठु वुजुनोव  
मन निवुवुन्य् होव मोहिनी रुप ॥

अकि छलु ह्यथ गव च्यथ गम्भीरन  
युथ अलु अलु बलुवीरन चाव ।  
बलुवान काँलीनागु जलु मंजु चलुनोव  
मन निवुवुन्य् होव मोहिनी रुप ॥

श्वकदेव साँमियस नारुदस तु व्यासस  
रासु मंजु होव न्यर्वासनु भाव ।  
सासु अथुवासु अख वासुदीव भासुनोव  
मन निवुवुन्य् होव मोहिनी रुप ॥

कामस भस्मु करुवुन रुप मानुनोव  
ज्ञानुनोव कथ दपन माया मोह ।  
नारूद व्यसुरोव ह्यसु फ्युर प्रसुनोव  
मन निवुवुन्य् होव मोहिनी रुप ॥

भूमासुर येम्य् दबि दबि मंजु पोव  
बाँघवानु म्वकृलोव त्रियि अट्टहार ।  
तिमु त्रियि ह्यथ गव महलखानु शूभुरोव  
मन निवुवुन्य् होव मोहिनी रुप ॥

च्यथ बुद्ध मन प्राण गोपियन तम्बलोव  
होश निव तु प्योस मन मोहन नाव ।  
पानस भस्मासुर सूर करुनोव  
मन निवुवुन्य् होव मोहिनी रुप ॥

श्री श्यामु स्वंदर म्वख मथुरायि होव  
चावुनाव्यन त्रियि प्रेयमु मसु रस ।  
द्वदुरेमच्चि क्वबुजायि यावुन प्रोव  
मन निवुवुन्य् होव मोहिनी रुप ॥

जलन्धरु ने भौर्यायि फुटुरोव  
पनुनि मायायि सुत्य् अँम्य् सँती भाव ।  
तमि त्वलसी अँम्य् सालिग्रामु नाव प्रोव  
मन निवुवुन्य् होव मोहिनी रुप ॥

वेदवन्तीयि रायि किन्य् सु भर्ता दोर  
रावुण मोर तसुंदी कूपन ।  
सीतायि रुपु भूमि दुतुभार लोचुरोव  
मन निवुवुन्य् होव मोहिनी रुप ॥

वछि तीज हॉविथ कमसासुर मोर  
प्यठ अटल पदवी खोर ध्रुवजी ।  
पातालु लूकस बलदातु वातुनोव  
मन निवुवुन्य् होव मोहिनी रुप ॥

मोहित करवुन्य् वामन रुप दोर  
वातुनोव खर ब्रह्मलूकस तान्य् ।  
ब्रह्मा जियिनुय सु गंगुवानि सुत्य् नोव  
मन निवुवुन्य् होव मोहिनी रुप ॥

नर नारायन मोह छ्यपु दावुनोव  
पॉदु कँर उर्वषी मन्दुछोव काम ।  
दीव लूकस सान यँद्राजु भ्रमुरोव  
मन निवुवुन्य् होव मोहिनी रुप ॥

क्षीर सागर मँदिथुय लँक्षमी द्रायि  
श्रीधरुने शूभायि न्यूस मन ।  
सारिवुय खोतु तमि ग्वणुवान गँजुरोव  
मन निवुवुन्य् होव मोहिनी रुप ॥

ब्रह्मन सूजिथ कृष्णु जुव अनुनोव  
रूक्मनि मन मोहन ह्यथ गव ।  
कनिकृय ऑसिथ ज़ोरु पान निवुनोव  
मन निवुवुन्य् होव मोहिनी रुप ॥

फीर्य फीर्य शारदायि जायि जायि दित्य् वँन्य्  
तसुंजि पूर्णायि हुंघ ग्वण तस सँन्य् ।  
खोहवुरि त्रायि तमि तस आसन त्रोव  
मन निवुवुन्य् होव मोहिनी रुप ॥

रूक्मनि राधा तोत द्वध चावुनॉव  
बस्तु खचमच्चु वुछि कृष्णु चरणन ।  
अदु कृष्णन तस प्रेयमुक हाल बोव  
मन निवुवुन्य् होव मोहिनी रुप ॥

ज़ामूवन्तीयि कृष्णु लोल गनिरोव  
पनुनुय बब करुनोव दब दब ।  
मनु मनु सान तमि तस पान पुशुरोव  
मन निवुवुन्य् होव मोहिनी रुप ॥

श्रुपनखि पानस नस तु कन चट्टनोव  
राम लॅक्षमन येलि मन ह्यथ गोस ।  
चालुन प्योस तमि कोताह गुजुरोव  
मन निवुवुन्ऱु होव मोहिनी रुप ॥

स्वभद्रायि येलि अर्जुन ह्यथ गव  
चालुन प्यव हलधर रामस ।  
कृष्णन फीरिथ अनुनोव मनुनोव  
मन निवुवुन्ऱु होव मोहिनी रुप ॥

गूपीश्वर बॅनिथ शिव रास वुछिनोव  
सॅखियन तु गूपियन दोव परमु स्वख ।  
राधायि ललितायि ल्वलि प्यठ ललुनोव  
मन निवुवुन्ऱु होव मोहिनी रुप ॥

भीमुसीनन येलि व्रत दोर काह पॉज  
गोरि हुंद गरु गव तु नम्बलुय जॉज ।  
क्याह कोर तॅम्य् अदु गूर्य भायि द्वध चोव  
मन निवुवुन्ऱु होव मोहिनी रुप ॥

द्रौपदीयि सुत्ऱु च्वशुवय भॉय ह्यथ ओस  
नाव प्योस धर्मु राजुन अवतार ।  
कृष्णन येलि मोन सारिवुय थ्यकनोव  
मन निवुवुन्ऱु होव मोहिनी रुप ॥

मंत्र पॅर्य पॅर्य दिवता मंगुनॉव्य्  
क्वंतीयि सॉव्य् अँद्रिमि रायि सुत्य् ।  
कनिकन मंज तस कृष्णन नाव थोव  
मन निवुवुन्य् होव मोहिनी रुप ॥

तारा मन्दूदॅरी अँम्य् नवि नोवुरावि  
नॅव बॅस्ती करनावि सेद्य पॉढ्य ।  
शिवरायि कम कम छेट्य मीढ्य म्यवु ख्योव  
मन निवुवुन्य् होव मोहिनी रुप ॥

कोरुवन हुंजि दपि दुर्वासा आव  
खेनि च़ाव पांडुवन लंगरस अन्न ।  
तेलि आव येलि द्रौपदीयि तति दीचिनोव  
मन निवुवुन्य् होव मोहिनी रुप ॥

मनु किन्य् शाप द्युन ओस दॉयिरावन  
डाकर त्रावन च़ाठ ह्यथ च़ोल ।  
द्रौपदीयि कृष्णस येलि अन्नलीश आप्रोव  
मन निवुवुन्य् होव मोहिनी रुप ॥

द्वह अकि चँद्रमन यँद्राजु बोजुनोव  
अहिल्यायि हुंदि रुपुक महिमा ।  
बूजिथ यँद्राजु अमि कथि भ्रमुरोव  
मन निवुवुन्य् होव मोहिनी रुप ॥

कॅन्यु गॅयि अहिल्या गोतमुनि शापु सुत्यु  
पाप क्षय गॅछिथ बेयि तिछुय साँपुन्यु ।  
यैलि रामुचन्द्रन तस प्यठ पाद थोव  
मन निवुवुन्यु होव मोहिनी रुप ॥

मन निव तिहिंजि शूभायि मायि रायि त्रायि  
अष्टनायिकायि आयि भागुनि तस ।  
द्वारिकायि शोडष कलायि सायि त्रोव  
मन निवुवुन्यु होव मोहिनी रुप ॥

होषि अँल्युशि पोशिकिस गोशस प्यठ ब्यूठ  
कृष्ण रंगु सत्संग बोम्बुराह ड्यूठ ।  
च्यथ गव ह्यथ तँम्यु प्रथ पोशा छोव  
मन निवुवुन्यु होव मोहिनी रुप ॥

गूर्य बालुकव शेछ वँन्यु ऋष्यु बायन  
म्वली वायन वॉल्यु मोंगवु अन्न ।  
जगु ब्रॉठ ऋष्यु बायव भूजुन ख्योव  
मन निवुवुन्यु होव मोहिनी रुप ॥

योरु द्रायि व्वडि प्यठ भूग ह्यथ लारन  
तोरु आयि म्वखु प्यठु तीजु हारन ।  
जगु वाल्यव वुछ तु श्री कृष्णु गीत गोव  
मन निवुवुन्यु होव मोहिनी रुप ॥



ब्रह्मा तँम्य् पनुनि रायि पतु लारुनोव  
प्रथ कँह व्वपद्याव यछायि पुछ्य ।  
न्यरलीप रूजिथ ज्ञानु दीव प्रजुलोव  
मन निवुवुन्य् होव मोहिनी रुप ॥

येम्य् येम्य् दीवन तस सुत्य् मान कँर  
तस तस हान कँर कामु दीवन ।  
तँम्य् कोर जान येम्य् तस पान पुशुरोव  
मन निवुवुन्य् होव मोहिनी रुप ॥

युस तँम्य् कामु निशि क्रूधु निशि बँचुरोव  
तँम्य् होव फँकिरानि माजि हुंद फीस ।  
मानु बोड वीर्यवान पान तँम्य् थ्यकनोव  
मन निवुवुन्य् होव मोहिनी रुप ॥

श्रूच छुस यूगु ज्ञानु धरमु दानु सोस्त  
सन्ध्यायि श्रानु सोस्त छुस कामजित ।  
देह अभिमानु जामु तँम्य् पानु पॉरोव  
मन निवुवुन्य् होव मोहिनी रुप ॥

आत्म बूधु कुलिसुय छु दयि अनुग्रह मूल  
पूरु त्रायि तूल येम्य् ब्रह्म भावु ब्योल ।  
होशि डजि तँम्य् सु ज़ोरु रटनोव मूहमोव  
मन निवुवुन्य् होव मोहिनी रुप ॥

थजि खानुदौरी त्रैयि लूक भ्रमुरोव  
यूगु मायायि सुत्त्य भूगु रोस्त रूद ।  
न्यरलीप रूजिथ सोरुय व्वपुदोव  
मन निवुवुन्य् होव मोहिनी रुप ॥

सारिनुय आँबदारन सुय छु तारन  
तसुंघन कारन छु जय जय कार ।  
दयायि पुछि तँम्य् प्रथ कांह म्वकूलोव  
मन निवुवुन्य् होव मोहिनी रुप ॥

आँबदार कृष्णन भ्रमु सुत्त्य पाप कॅर्य  
गॉब कॅर्य माफ कॅर्य तस दयालन ।  
धर्म राजुनि सबि तँम्य् सु कति मन्दुछोव  
मन निवुवुन्य् होव मोहिनी रुप ॥



## 208. बसंत तु सब्ज रंग रुपु भगवानस कुन अस्तुति (विराट रुप)

शामु स्वंदर बसन्तु जामु पुरिथ आव ।  
सब्ज गव समसार सौंथ हय आव ॥

सब्ज रंगु गरुडस खँसिथ आंगन चाव  
गरु सोन सब्जा सब्जुय गव ।  
सब्ज बामुन सारिनुय कुलिनुय द्राव  
सब्ज गव समसार सौंथ हय आव ॥

सब्ज गॅय मॉदान बॅठ्य पर्वत बाल  
वन हॉर यियि माल ह्यथ छु हीमाल ।  
सब्ज रंग तोतस अडकजि कथु बाव  
सब्ज गव समसार सोंथ हय आव ।।

सब्ज आकाशि प्यव अमृत वरशोन  
सुय वरशोन गव श्वभ दरशोन ।  
शूभ आयि भूमिकायि जायि जायि सब्ज ज़ाव  
सब्ज गव समसार सोंथ हय आव ।।

सब्ज कुल्य् म्यवु सुत्य् बॅर्य बॅर्य छि त्राव त्राव  
सब्ज रंगु किन्य् प्योख कल्प वृक्ष नाव ।  
सब्ज जामु स्वरगुक्य् पानस पौराव  
सब्ज गव समसार सोंथ हय आव ।।

सब्ज रंग पृथवी हुंदुय छु स्वभाव  
सब्ज बन लागुनयि नयि पय थाव ।  
सब्ज नीलक्राशि राज़ हमसु बाशि करुनाव  
सब्ज गव समसार सोंथ हय आव ।।

सब्ज रंगु डल ज़लु सुय मंज नाव त्राव  
सॉर कर स्वखु बठिनुय म्ख हाव ।  
सब्ज बठिनुय सब्ज मखमल वथुराव  
सब्ज गव समसार सोंथ हय आव ।।

सब्ज बन नील नागुक सब्ज जल छाव  
शिव नाथस प्यव नीलकंठ नाव ।  
सब्जस मंज सब्जा सब्जय प्राव  
सब्ज गव समसार सोंथ हय आव ।।

द्वह खोतु द्वह न्यूरुक न्यूरुय प्राव  
प्रथ कुनि सूत्य् मेल च्यथ फवलुनाव ।  
संत साध सोंक्षी युथ छु भुषण्डु काव  
सब्ज गव समसार सोंथ हय आव ।।

थरिनुय ह्यथ छरिनुय क्यथ वातुनाव  
शक्तीपातु दातस ब्रोंठु कनि थाव ।  
कृष्णु कर सब्ज बागुचि सब्जीयि क्राव  
सब्ज गव समसार सोंथ हय आव ।।



### 209. अभिमॉनियन क्युत व्वपदेश

कुकनोसुन सोज चानि मायि वोन ।  
वीरुनायि वोन बो ति ती ती ।।

डोरुकानि पोशि नूलुनि जायि वोन  
चानि खोतु छय बूल्य् म्योंनी ।  
तिय वोन यिय फक् जिर्य चायि वोन  
वीरुनायि वोन बो ति ती ती ।।

पॉट्य मंडलिस मकायि लायि वोन  
चानि खोतु छय मेय नर्मी ।  
तिय वोन यिय फॅलिलस हायि वोन  
वीरुनायि वोन बो ति ती ती ॥

फॅकिरानि कुन दायि हुंज़ि दायि वोन  
बॅड रॉन्य् मॅलिकॉन्य् छस बोय ।  
तिय वोन यिय सिरियस छा़यि वोन  
वीरुनायि वोन बो ति ती ती ॥

कथु गाटुल्यव मूर्खु सभायि वोन  
कुस वनि म्यॉन्य् हिश वॉनी ।  
मज़ु रॅस्ति दज़ु दज़ु चे त्रायि वोन  
वीरुनायि वोन बो ति ती ती ॥

छोर चिर चिर तीलु रॅस्ति क्रायि वोन  
बोज़ुवुन्य् कति मानन तिय ।  
कॅम्य् मज़ु खुनि हुंद मलायि वोन  
वीरुनायि वोन बो ति ती ती ॥

साधु माल्यव पनुनि पनुनि जायि वोन  
चानि खोतु छुय म्योन सॉमी ।  
भक्ती भावुनायि ग्वरु श्रधायि वोन  
वीरुनायि वोन बो ति ती ती ॥

खेचरी शाम्भवी मुद्रायि वोन  
शालु यारस प्यठ छु शिवजी ।  
यूगु ज्ञान पूर्ण कलायि वोन  
वीरुनायि वोन बो ति ती ती ॥

सतु चिय अमृत भाषायि वोन  
वोनमुत बकवासा छुय ।  
सरु करुनय दरु सुसरायि वोन  
वीरुनायि वोन बो ति ती ती ॥

होशि वाल्यन कृष्णु लीलायि वोन  
छस बो प्रेयमु मसु रसु बैरिथुय ।  
राय राधा कृष्णुनि रायि वोन  
वीरुनायि वोन बो ति ती ती ॥



## 210. अस्तुति तु प्रार्थना

हे सदा शिवु चे किचु अनि मे पोशे डाले ।  
पूजि च़ेय लागु प्रेयम चोन मे संकट गाले ॥

साधु माले च़ु मे कुन वुछ तु लगय अथ चाले  
राजिरेनि माजि व्यनत बूजु स्व पानय पाले ।  
कर्म लेखायि यि केंह ल्यूख कलम तस डाले  
पूजि च़ेय लागु प्रेयम चोन मे संकट गाले ॥

भवुसागरु फकत चोन प्रेयम असि तारे  
यूगु ज्ञान बोडुय तप तु बोडुय जप यारे ।  
न्यथ थँविथ सतुचिय स्मरथ असि च्यथ संभाले  
पूजि च़ेय लागु प्रेयम चोन मे संकट गाले ॥

कास करमुन्य् खुर्य असि बोज च़ु व्वन्य् शुर्य भाशे  
कर्म भूमि सानि नजराह त्राव परमु आकाशे ।  
सुय दरशोन नभु प्यठु अमृतु वरशोन वाले  
पूजि च़ेय लागु प्रेयम चोन मे संकट गाले ॥

कस छु ताकथ युस कुनी भावु यि स्वख द्वख च़ाले  
तप तँमी कौर जप तँमी कौर युस प्रेयम चोन पाले ।  
युथ नु असि स्मरन डलि दफ च़ु च़्यथ जपुमाले  
पूजि च़ेय लागु प्रेयम चोन मे संकट गाले ॥

होशि पोशुनूलु द्वहय पोश मे पोशे वारे  
रंगु बुलबुलु च़ु ति पनुनी ग्वण वन वनहारे ।  
कुकिलव भस्मु मौल अज्ञानु वनस सुय ज़ाले  
पूजि च़ेय लागु प्रेयम चोन मे संकट गाले ॥

युस कृष्ण शिव शिवुय कृष्ण अद्वैतुय माने  
ज्ञान सुय प्रावि पनुन रुप प्रपंचस ज़ाने ।  
मूक्ष तस बनि न तस भ्रम तु न माया डाले  
पूजि च़ेय लागु प्रेयम चोन मे संकट गाले ॥

सुबुह तय शाम कुनुय गव तु मनस लोग आराम  
सारिवुय बूल हरे कृष्ण अरे राधे शाम ।  
मंजु ग्यवुनुचि ताले बनसँरी बजाने वाले  
हे सदाशिवु चे किचु अनि मे पोशे डाले ॥



### 211. दीवी स्तुति

शामु वेलय जामु छेतिये ।  
सूरु मँतिये द्युत मे होष ॥

सुत्यू छख तस सरस्वतिये  
सर्व स्यँज दिथ वाँसि पोश ।  
पोश लागय लवु हँतिये  
सूरु मँतिये द्युत मे होष ॥

ज्यूति रुपु छख भगवँतिये  
श्रेह रेहु मंजु दिम मे जोश ।  
भावु बँत्यु सॉन्यु कर मु पँतिये  
सूरु मँतिये द्युत मे होष ॥

अष्टु स्यँज छय ब्रॉणु पँतिये  
मनुनॉविथ मे मु रोश ।  
अनुग्रह कर धनवँतिये  
सूरु मँतिये द्युत मे होष ॥



आयि च़ेय कुन तापु तँतिये  
सायि चानि च़ोल ज़र तु जोश ।  
ग्रायि मारान द्रायि लोतिये  
सूरु मँतिये द्युत मे होष ॥

मनु वारि फँल्यु कारिपँतिये  
ब्रॉठु कनि वुछुनाव गोश ।  
सनम्वख रोज़ छख च़ु यँतिये  
सूरु मँतिये द्युत मे होष ॥

भक्त बँडराव अँस्यु छि गँतिये  
स्यँज जामु वल यियि बोश ।  
थँक्यु ज़ॉव्युल कँत्यु कँतिये  
सूरु मँतिये द्युत मे होष ॥

अनुनाव होशि पोशि फँतिये  
फवलुनाव प्रेयमु पम्पोश ।  
पूज़ करुहोय प्रेयमु हँतिये  
सूरु मँतिये द्युत मे होष ॥

शहरु गामु कृत्यु वँथ्यु तु खँतिये  
पांच़ द्वह छु सारिनुय बोश ।  
रोज़ कृष्णस सुत्यु सुतिये  
सूरु मँतिये द्युत मे होष ॥



## 212. अनुग्रह बापथ शिवस कुन प्रार्थना

हे दयावानु मे ह्यु चोर चे कोताह प्रारे ।  
असुवुनि म्चखु वसुवुन ओश छु मे धारे धारे ।।

फाकृ दिय दिय गॅयि वाँसा येति क्या हाँसिल आम  
चारिरस म्यॉनिस व्वन्त् टोठ मनस यियि आराम ।  
च्यथ शॉन्ति व्रत धारे न्यथ द्वर्गत हारे  
असुवुनि म्चखु वसुवुन ओश छु मे धारे धारे ।।

छि नु ठीकन पॅक्य् पॅक्य् कुनि अनेकन भवनन  
चंचल कॅर्यमुत्य् ऑस्य् कृत्य् येम्य् आवागवनन ।  
कर्म फल सुत्य् ह्यथ भारे यथ ग्रट् अनुवारे  
असुवुनि म्चखु वसुवुन ओश छु मे धारे धारे ।।

रंगु रंगु डलनुक्य् सामानु समय ह्यथ यिथ प्यव  
चे शरन आये पनुनि करतूतुक तसला गव ।  
हे दयावानु दया चॉन्त् मे कॅछा यारे  
असुवुनि म्चखु वसुवुन ओश छु मे धारे धारे ।।

कृत्य् बदकार दुराचार परमपार कॅरिथ  
कृत्य् बदबख्त ग्वनाह गार बयकबार वॅरिथ ।  
कम गछिय क्याह चे मे ते चॉन्त् दया बोठ खारे  
असुवुनि म्चखु वसुवुन ओश छु मे धारे धारे ।।

मन्दुछा छय ना कोर वाँसि मे चाने चाने  
जेवि किन्य कोर वनुना नतु महिमा कुस ज़ाने ।  
सुय वनुनुय भवसरु तारे अदु कस करि तारे  
असुवुनि म्चखु वसुवुन ओश छु मे धारे धारे ।।

कालु दिचु डालु फिरव मालु करव रुत्य् रुत्य् कार  
सुबुह येलि फोल तु पगाह आलुचि कुय रोट दरबार ।  
गँयि वाँसा गँज़रन व्वन्य् असि वारे वारे  
असुवुनि म्चखु वसुवुन ओश छु मे धारे धारे ।।

चानि रायि कोर मे यि केंछा थव मंज़ूरुय  
नतु कुस ज़ानि करुन्य् भक्ती क्रिया गछि पूरुय ।  
काम क्रूधस लूभ मोहस मदुसुय कुस मारे  
असुवुनि म्चखु वसुवुन ओश छु मे धारे धारे ।।

मृतु विजि ध्यान थवख प्राण सुय संदारे  
वारु कृष्णस न्यर्मल करि भवु सागरु तारे ।  
पद्मु पँत्रुक्य पौढ्य सरु मंज़ु ज़ल तस कति लारे  
असुवुनि म्चखु वसुवुन ओश छु मे धारे धारे ।।



### 213. अन्त काल विजि अभय वर खौतरु प्रार्थना

अन्तु कालुचि ज़ालु छम तमि हालु निशि रछतम दये ।  
दिम अभय वर छम यमुन्य् थर कर दया मृत्युंजये ॥

भवुसागरु दिवयि रंगस आयि कृत्य् काँत्याह गँये ।  
पार तारुम बोठ मे खारुम द्वख न्यवारुम मंज भये ॥  
दिम अभय वर छम यमुन्य् थर कर दया मृत्युंजये ॥ ॥

आसतम ख्वश कासतम द्वख भासतम सनम्बख दये ।  
मन मे छुम ऑयीनु सूरत साफ कर रोटमुत खये ॥  
दिम अभय वर छम यमुन्य् थर कर दया मृत्युंजये ॥ ॥

किथु पौँट्य ज़िन्दय मरव व्वन्य् क्याह करव वाँसाह गँये ।  
मायि रँट्य पनुन्यव गरव बसुनाव मंज शौँती शये ॥  
दिम अभय वर छम यमुन्य् थर कर दया मृत्युंजये ॥ ॥

वश छि गौँमुत्य् समुसारस यश कडुनस ख्वश छिये ।  
ओरु योरु नितु ज़ोरु म्योनुय मन च़ु मंज न्यर्नय नये ॥  
दिम अभय वर छम यमुन्य् थर कर दया मृत्युंजये ॥ ॥

द्युन शरीरस वाँसि हुंद आराम वुन्य्क्यन क्याह लये ।  
यथ दपन भूमा छि तथ थानस मे निम सत् ग्वरु पये ॥  
दिम अभय वर छम यमुन्य् थर कर दया मृत्युंजये ॥ ॥

निख च्च म्यान्यर म्योन लागुन्क् व्वसु अथ लागथ छये ।  
पथ म्वचख सोरुय च्च पानय अथि कालस क्याह यिये ॥  
दिम अभय वर छम यमुन्क् थर कर दया मृत्युंजये ॥ ॥

शिनि किस शिन्यस वनय क्याह तथ स्वरुन कांह क्याह हैये ।  
कर तु न्यर्वासन च्च दासन मूक्ष मस प्रथ कांह चैये ॥  
दिम अभय वर छम यमुन्क् थर कर दया मृत्युंजये ॥ ॥

चलुनावख जीवुतुक्य् छूठ युथ नु यिथ मूछा पेये ।  
फवलुनावख यस च्च च्यथ सुय भखच बागस फल खेये ॥  
दिम अभय वर छम यमुन्क् थर कर दया मृत्युंजये ॥ ॥

श्वेत द्वीपुक्य् हिव्य् मनुष कर पालुवुनि कालो क्षये ।  
मूक्ष अमृत प्यालु चाव अज्ञानु रौस्त न्यरामये ॥  
दिम अभय वर छम यमुन्क् थर कर दया मृत्युंजये ॥ ॥

गछ शरण कृष्णस करिय अन्तःकरन लयि मंज प्रये ।  
लूख डेशन दय स्वरन आलव करन ज्यत यँद्रेये ॥  
दिम अभय वर छम यमुन्क् थर कर दया मृत्युंजये ॥ ॥



## 214. विरह द्वख तु तमि निशि म्वकलावनु बापथ प्रार्थना

चे सन्तय साधु थोवथम वादु वनतम कूत प्रारय बो ।  
स्यटाह छम वतु यिथि अतु गतु व्वन्क् कस पतु लारय बो ॥

चै रोस्तुय क्याह लयि येमि तावनुनि बाजारु यावुन म्योन ।  
मे होषस कुस खरीदारुय छुस कस क्युत म्वख्तु हारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

मे लोलय चानि कम कम जामु पुरिम शामु स्वंदरा ।  
दिवान छिम पामु शहरय गामु यिख न तु पान मारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

स्यठाह छुम क्रूठ यथ भवुसागरस मे व्वन्य् तरुन बासन ।  
चु करतम थफ अथस अदु कृत्य् पानस सुत्य् तारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

नितम स्वखु सान येमि समसारु व्वन्य् द्वह तारु छम फुर्सत ।  
चु करतम अन्तु कालुक चारु तोत गछु वारु कारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

दया चै छय वनय काँचाह प्रुछुथ नु जांह करन छुख क्याह ।  
बु वुन्य्कयन व्वन्य् लदय कस राह डलन आस ल्वकृचारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

स्यठाह सुत्य् ह्यथ यि कमुनावुन बड्यव कस्बव सु रनुनावुन ।  
ल्वले मंज ललुविथ त्रावुन लगॉयो मुश्कृदारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

छु कौरमुत भ्रमु भूतन प्राह यि सोंबरिथ पतु लार्यम क्याह ।  
पगाह वनुनम गदा या शाह शिन्यस कुस रुप धारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

वज़न ओसुस भ्रमुक बाजा ननन ओसुख मुहुक राजा ।  
कलस प्यठ दिथ मदुक ताजाह लगॉयो ताजुदारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

यि ओसुय मानु मंज़ प्रावुन दँज़िथ देह सूर सोंबुरावुन ।  
सु अस्त्रक वारि मंज़ थावुन लगॉयो पेशु कारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

चु राजय हमसु प्यठ हियि लंजि कालुनि चंजि सुत्य् चोलुहम ।  
गछन छम खंजि छुस नु डंजि लगॉयो बालुयारस बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

चु प्रछनय गोख बेयि म्वख हाव स्यदुच हंछ जामु पुरिथ थाव ।  
करिय क्या अदु पँतिम्यन वाव लगॉयो नावुदारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

बु छस ना आरुवल प्यठ आरनुय बे आर च़ेय प्रारान ।  
वज़न छम प्रेयमुचे तारय दज़न छस लोलु नारय बो ॥  
स्यठाह छम वतु यिथि अतु गतु व्वन्य् कस पतु लारय बो ॥ ॥

दुहुच शैछ वॅन्च् मै नैष्कामन ति कौर मोलूम मै शामन ।  
कुनिय थफ दिथ रटय दामन पगाह डेशथ दुबारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥

स्वरन छस बोय वरन छुख च्युय चै रोस्तुय छस हरन ज़न हिय ।  
शरन आमुच्च बु छस त्वलसी करन छस ज़ारु पारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥

दितम ब्बदु यूग परजुनावथ महा प्वरुषन प्रकट हावथ ।  
भखच्च सीनन प्यटुय सावथ ज्ञानुक्य् म्वख्तु हारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥

द्वखन मंजु सर्व स्वख अँन्युज्यम च्यु पानय रायि मंजु गँनिज्यम ।  
सतुक मंत्र मनस वँन्युज्यम स्वरथ समसारु सारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥

ननन छुम आवुरन विक्षीप लय यथ शिनि मॉदानस ।  
सहाय रोजुम च्यु मूक्षी दातु चैय निशि वातु वारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥

च्यु छुख ना आत्म रुपी कृष्ण आकर्शनु शक्ती छय ।  
रँटिथ निम मन स्व छय पूजा व्यचारुक्य् पोश चारय बो ॥  
स्यठाह छम वतु यिथि अतु गतु व्वन्च् कस पतु लारय बो ॥॥





## 215. समागम बापथ श्री कृष्णस कुन व्यनती

आश्चर्य वत् छय याला चाला ।  
अरे मतवाला असि निशि बेह ॥

न्यथ छुख ह्यथ अच्यथ ज़पु माला ।  
असि सुत्य् प्रेयमु मस प्याला चेह ॥  
अरे मतवाला असि निशि बेह ॥ ॥

राधा कृष्णा बाल गोपाला ।  
बन्सरी वाला छु चोनुय श्रेह ॥  
अरे मतवाला असि निशि बेह ॥ ॥

अनाश्रतुकुय छु अनुग्रह थाला ।  
आत्म तृप्ति हुंद सालाह खेह ॥  
अरे मतवाला असि निशि बेह ॥ ॥

डेशनु चानि छेनि माया ज़ाला ।  
फर्जाना मस्ताना चाला छे चेह ॥  
अरे मतवाला असि निशि बेह ॥ ॥

बृज गामु डालु दिथ वस तु नन्दुलाला ।  
नेष्कामु प्रेयमु द्वध दामु दामु चेह ॥  
अरे मतवाला असि निशि बेह ॥ ॥

डीशुथ ऑन डसनुतु दुशललल ।  
डलवु डलग डवललहे ऑलल हे हेह ।।  
अरे डतवललल असल नलशल डेह ।।।

ठगु डुरलड लगुहुड ऑुड नु खडललल ।  
ऑूरल नुडुथ सुन ऑुडथ लललल ऑेह ।।  
अरे डतवललल असल नलशल डेह ।।।

डसुत ऑुख डुह ऑंगलुऑ ऑुख ऑु ऑुवललल ।  
नशल ऑुन सुलनल डशल डलवु लशल रेह ।।  
अरे डतवललल असल नलशल डेह ।।।

वृदुध ऑुस खसुनस ऑुड डुड डललल ।  
डलर तलर दुथ अख ऑललल डेह ।।  
अरे डतवललल असल नलशल डेह ।।।

डललनल करवुनल दुन दुडललल ।  
दुख हर कृषुणस कर अनुगुरह ।।  
अरे डतवललल असल नलशल डेह ।।।



216. श्री कृष्ण वृन्दावन प्यठ शामस गरु यिनुक दृष्य तु अस्तुति

शामु कालु गूर्य बालुकन सुत्य् कमि हालु ।  
वुछ यिवान श्याम लालु कामधेनु ह्यथ ॥

ब्रोंठु द्रायि राधा दिनि लँज लोलु डालु  
रोशि रोशि प्रेयमुचि पोशि मालु ह्यथ ।  
गूर्य बायि द्रायि ह्यथ ऑम्य् जॉम्य् द्वधु प्यालु  
वुछ यिवान श्याम लालु कामधेनु ह्यथ ॥

कामधेनु टांगु लजि दिनि आंगुनन मंजु  
सँखियव पॉरोव सामानु संजु ।  
वँछ्य ह्यथ क्वछि क्यथ ब्रोंठु द्रायि बुडु बालु  
वुछ यिवान श्याम लालु कामधेनु ह्यथ ॥

द्वधु बतु हुतशीष ऑसु मंजु दिम दयालु  
कारण तु दीव प्रारन छि मेलि ना ।  
गूर्य शुर्य ह्यथ ख्योथ कुस वनिय चै कंगालु  
वुछ यिवान श्याम लालु कामधेनु ह्यथ ॥

शाम वोत ब्रोंठु तस गूकुलुक ग्राम द्राव  
ग्रजु वँछ राधे श्याम हय आव ।  
द्वह गव प्रारान दूरिुक चोल मलालु  
वुछ यिवान श्याम लालु कामधेनु ह्यथ ॥

पेशकश द्रायि ह्यथ द्वधु चँड्य तु र्वपु बानु  
ख्यनु चनु सानु सर्व सामानु ह्यथ ।

अन्नु धनु मालु स्वनु रूद्रु म्वख्तु मालु  
वुछ यिवानु श्याम लालु कामधेनु ह्यथ ।।

प्रेयमु पद लेख सानि कपालु कृपालु  
पालना सॉन्यु बालु गूपालु कर ।  
पालवुनि डालु दिथ कड मीहुने ज़ालु  
वुछ यिवानु श्याम लालु कामधेनु ह्यथ ।।

शब्दुक राग व्यवहारुक त्याग गव  
धन धन भाग गव कनुनुय मंजु ।  
थामि गँय रूजिथ भौरव वैताल तालु  
वुछ यिवानु श्याम लालु कामधेनु ह्यथ ।।

अम्बर छोक आंगुनन शेरि धर्मसालु  
गौ लूकस ह्यु भू लूक गव ।  
पौर्य लजि कृष्णस च़जि कालुनि ज़ालु  
वुछ यिवानु श्याम लालु कामधेनु ह्यथ ।।

बोय च़ु बन तु रायि मंजु गन तु सन्तु खालु  
मूक्ष पद वन तु मनु वाजि खन तु नाव ।  
मन तु प्राण कृष्णुन तोत अन तु अन्तु कालु  
वुछ यिवानु श्याम लालु कामधेनु ह्यथ ।।



## 217. ज्ञान, यूग तु इहलूकुक स्वख दिनु बापथ प्रार्थना

हे प्रभू अज्ञान काँसिथ यूग दिम ज्ञान दिम ।  
अंगुहीनस दिम मे काया म्वरदु जिस्मस जान दिम ॥

शखच रँस्तिस दिम मे शक्ती भक्त रँस्तिस दिम मे भक्त ।  
एक भक्तिस द्वशवय दिम यिय मे धर्मस दान दिम ॥  
अंगुहीनस दिम मे काया म्वरदु जिस्मस जान दिम ॥॥

पकृनस क्युत ओन तु रोन छुस भखच क्युत छुस न्यथुनोन ।  
ज्ञानु वाल्यन यूगियन क्युत गंडुनुक सामानु दिम ॥  
अंगुहीनस दिम मे काया म्वरदु जिस्मस जान दिम ॥॥

हीन छुस विद्यायि अंदर दीन छुस श्रधायि मंज ।  
हान छम प्रथ कुनि करमुच सत ज़नन मंज मान दिम ॥  
अंगुहीनस दिम मे काया म्वरदु जिस्मस जान दिम ॥॥

ब्रॉठकुन पानस अँनिथ श्रवण करुम व्याख्यान दिम ।  
लूख युथ मूहित गछन त्युथ मे म्वखस न्यर्वान दिम ॥  
अंगुहीनस दिम मे काया म्वरदु जिस्मस जान दिम ॥॥

कर्म गछन अदु ईरु खस हिव्य होशि कुय तूफान दिम ।  
ग्वफ़ शाल खोचन मे पानय सुहु सुंद ह्यू त्रान दिम ॥  
अंगुहीनस दिम मे काया म्वरदु जिस्मस जान दिम ॥॥

जय जय श्री राम चंद्रस तैम्य सुंदुय वरदान दिम ।  
क्षय गच्छयम यैत्रेय शत्रुन वीरु धर्मुक कान दिम ॥  
अंगुहीनस दिम मे काया म्वरदु जिस्मस जान दिम ॥॥

येमि भक्तीयि बनि म्वक्ति तमिकुय विज्ञान दिम ।  
दिथ मनूजय वासुना क्षय सत स्वरूपुच ज्ञान दिम ॥  
अंगुहीनस दिम मे काया म्वरदु जिस्मस जान दिम ॥॥

सर्व मंगल परमु स्वख दिम हर्ष दिम कल्याण दिम ।  
अन्तु कालस मंज खयालस सत स्वरूपुक ध्यान दिम ॥  
अंगुहीनस दिम मे काया म्वरदु जिस्मस जान दिम ॥॥

बाग दिम बंगालु दिम हमाम दिम डालान दिम ।  
रायि रोस्तुय यिमु बनन तिमु जायि ऑलीशान दिम ॥  
अंगुहीनस दिम मे काया म्वरदु जिस्मस जान दिम ॥॥

जीवतुक भ्रम चलनु बापथ पानुसुय ह्यू पान दिम ।  
ध्यान कृष्णुन यूग ह्यथ दिम भूग अमि येमि सान दिम ॥  
अंगुहीनस दिम मे काया म्वरदु जिस्मस जान दिम ॥॥



218. कौशल्या माता श्री राम चंद्रनिस विरहस मंज वनान

हा न्यर्मलु नेष्कलु नेष्कामो ।

रामो रामो सीता रामो ॥

न्यथ च्यथ वन्दुहोय अथ सर्व त्यागस

तन नॉविथ तथ वॉरागु नागस ।

यथ नागस धर्मु धॉरुक्य् छि सामो

रामो रामो सीता रामो ॥

सॉंतु म्वख हाव यिथ अयोध्याये

मन फवलुनाव बोज कौशल्याये ।

वलुनाव प्रॉन्य कुल्य् नॅव्य् नॅव्य् जामो

रामो रामो सीता रामो ॥

धर्मुक कर्मुक साथ चानि सुती

अथ प्यठ ठीकिथ्य् म्वकलेयि कृती ।

मूक्षी लरि हुंदि शान्ति बामो

रामो रामो सीता रामो ॥

प्रयन शिवनाथस चोन नावुय

लूका लूकन छु चोन भक्ती भावुय ।

च्युय छुख बख्खान असि परम धामो

रामो रामो सीता रामो ॥

आत्मा राम छुय चोनुय रुपुय  
रुमव किन्य् छुख चमकान दुपुय ।  
असत्त्वथ च़ेय कुन च़ुय वनि आहमो  
रामो रामो सीता रामो ।।

दम छस गुज़रावान चाने सच़ुय  
प्रेयमय हँच़ुय मँच़ गॉमँच़ुय ।  
च़ॉलिथ नो ह्यक् लूक् हुंज़ु पामो  
रामो रामो सीता रामो ।।

वँन्य् दिनि द्रायस च़े मंज़ वनुनुय  
कुनि गोय ना कँह चान्यन कनुनुय ।  
च़लि हे होल मे लोल हो आमो  
रामो रामो सीता रामो ।।

चोनुय नाव करि परम पारुय  
पतव लाकँन्य् युहोय छु सारुय ।  
गॉबी बर्कत ह्यथ गरु च़ाहमो  
रामो रामो सीता रामो ।।

च़्यतुकि च़ेननु सतुकि संगो  
रंगन हुंदे रंगु बे रंगो ।  
च़ंच़ल प्वरुशन हुंदि आरामो  
रामो रामो सीता रामो ।।



फुलय लॅज होशि पोषि बागन  
अमृत जल नोन द्राव नागन ।  
हवछन लंजन बामुन द्रामो  
रामो रामो सीता रामो ॥

रामुय छु कृष्ण कृष्ण रामुय  
अभीद भक्त छय परम धामुय ।  
बोज बागस लोलु ब्योल जामो  
रामो रामो सीता रामो ॥

कृष्णस सुत्य् कर अथु वासुय  
यकजा मीलित् खीलिव रासुय ।  
सुबह सुत्य् ह्यथ यिख शामु शामो  
रामो रामो सीता रामो ॥



### 219. अद्वैत व्पासना (विधि)

सिर्थि वुज्जनोवुम चंद्रम सोवुम  
तारुकन दोवुम शिनि मंजु थान ।  
गाशि सुत्य् गाशुक गाश परज्जनोवुम  
सुबुह रुप होवुम शामु लालन ॥

घन तु रात पौदु गॅयि सिर्थि प्रक्रमु सुत्य्  
चंद्रन प्यालु बोर शबनम सुत्य् ।

तमि प्यालु गाशि लालु दामा चोवुम  
सुबह रुप होवुम शामु लालन ।।

मन गुलि आफताब ज़न फवलनोवुम  
सिरियि गँज़रोवुम परम आत्मा ।  
तथ कुन म्ख हॉविथ स्वख प्रोवुम  
सुबुह रुप होवुम शामु लालन ।।

आत्म तीर्थु मार्तण्डु मंज़ मन नोवुम  
पितृ लूकस दॉवुम तृप्ति ।  
तमि करमु त्रेन हुंद ऋन म्कलोवुम  
सुबुह रुप होवुम शामु लालन ।।

न्यर्वासनु कुय आसन त्रोवुम  
तथ बेहनोवुम प्रत्यक्ष दीव ।  
न्यर्मल पम्पोषि डल फवलनोवुम  
सुबुह रुप होवुम शामु लालन ।।

श्री कृष्णस सृत्य् द्वह गुज़रोवुम  
शामन होवुम तँम्य् शामु रुप ।  
सुबहस सृत्यन शाम मिलुनोवुम  
सुबुह रुप होवुम शामु लालन ।।



## 220. श्री कृष्ण भगवानस कुन अस्तुति तु प्रार्थना

लालु यितु सालु प्यालु हो भरयो ।  
मालु करय मालु हो करयो ॥

लोलु सुत्यु ल्वलि मंजु ललुनावथ  
लछि नावि मंजु गछि कुठि सावथ ।  
पम्पोशि पादन अँछ जरयो  
मालु करय मालु हो करयो ॥

राधा जनु च़ेय सुत्यु गिन्दुयो  
जसुदायि हुंघ पौठ्य कलु वन्दुयो ।  
ललितायि हुंघ पौठ्य लोल भरयो  
मालु करय मालु हो करयो ॥

मीठ्य मीठ्य श्रूच्यु भूजनु रनुयो  
भावुनायि सुत्यु ब्रौठकुन अनुयो ।  
सत्यु दीवु न्यथ चोन व्रत दरुयो  
मालु करय मालु हो करयो ॥

बसन्तु रंगु जोराह वलुयो  
मुष्कि कोफूर च़न्दुन मलुयो ।  
च़ेय सुत्यु ह्यथ रात दिन बरुयो  
मालु करय मालु हो करयो ॥

लाल छनुहॉय म्वख्तु मालु नॉली  
कनुनुय म्वख्तु टंग कनु वॉली ।  
मछु बन्द स्वनु कनु दूर गरुयो  
मालु करय मालु हो करयो ॥

त्वलसीयि हियि सुत्पू पूज करुयो  
राधा कृष्ण कृष्ण कृष्ण परुयो ।  
शिवरायि हुंद ह्यू म्यवु आपरुयो  
मालु करय मालु हो करयो ॥

त्रियि वॅर्य वॅर्य छुख न्यरलीपुय  
बाल ब्रह्मचॉर्य आश्चर्य रुपुय ।  
यिथि नावु यिछि जमुनायि तरुयो  
मालु करय मालु हो करयो ॥

राधा कृष्ण कर अथुवासुय  
ह्यथ श्वकदीव नारुद तु व्यासुय ।  
खेल रासुय सुय ध्यान धरुयो  
मालु करय मालु हो करयो ॥



## 221. अति प्रेयमु सान व्यनती

व्यनथ बोऽमु च राधा कृष्ण  
लायेय लोलु नादा बो ।  
बरय लोला परय लीला  
करय हो हो करय हो हो ॥

चु छुख यूगुक ज्ञानुक कुल  
बो छस ना भावु कुय बुलबुल ।  
चु लोब रोऽनुन ज़रय मा बो  
करय हो हो करय हो हो ॥

चे छय पम्पोशि पादुच द्रिय  
वरुम छस भखच बागुच हिय ।  
चु नय डेशथ हरय मा बो  
करय हो हो करय हो हो ॥

चु छुख ना प्राण बो छस तन  
सत्ता चॉनी छे द्वन मिलुवन ।  
चु नय आसख मरय मा बो  
करय हो हो करय हो हो ॥

जलस मंज गाड ज़न छस बुय  
बो छस च़ेय सुत्य् ज़ल छुख च़य ।  
चे रोस्तुय व्वन्य् दरय मा बो  
करय हो हो करय हो हो ॥

बौ छस चै मेघ वर्णस मोर  
वैटिथ छस खोर रासस मंज ।  
नचय लूकन खरय मा बो  
करय हो हो करय हो हो ॥

चै सर्वस छस बु कुमरी ज़न  
करन छस बूल्य् मैशिथ हन हन ।  
छुनय त्रॉविथ गरय मा बो  
करय हो हो करय हो हो ॥

चु छुख चंद्रमु ह्यु ज़ोतन  
ककव ज़न छस चै कुन बोलन ।  
वुछथ नय अँछ जरय मा बो  
करय हो हो करय हो हो ॥

चै श्री कृष्णस बो छस प्रारान  
दितम दरशोन यितम लारान ।  
चै रोस्तुय व्वन्य् बरय मा बो  
करय हो हो करय हो हो ॥



## 222. व्यनती

वाँसाह मे गँयम ललुनावान यथ कायाये ।  
और दोर थावुम मूक्ष दावुम सुत्त् दयाये ।।

अपुज पोज कूत वनुनोवुस गरुचि माये  
रंगाह लॉगिथ द्रास न्यर्मल वस्त्र मंज हाये ।  
व्वन्य् साफ करतम बडि दयालु बे परुवाये  
और दोर थावुम मूक्ष दावुम सुत्त् दयाये ।।

मे छुम नु ननन आस कति व्वन्य् गछु कथ शाये  
आवागवन छुम पतु ह्यवन पय वासुनाये ।  
वैष्णार्पन यितु नितु पानस कुन म्यानि राये  
और दोर थावुम मूक्ष दावुम सुत्त् दयाये ।।

सिर्णिक प्रकाश नोन छु रोटनस पनुनि छाये  
छाया छे काया सुत्त् मिलुनाव न्यर्मायाये ।  
समसारु भ्रॉन्ति कास शांती हुंदे व्वपाये  
और दोर थावुम मूक्ष दावुम सुत्त् दयाये ।।

त्रॉविथ मे गॉम प्यठ थॉविथ यिम ऑस्य् साये  
छुस वॅस्य् प्योमुत तारि गोमुत मंज लजाये ।  
छम चॉन्य् सथ मंज गटि अनतम गाश आशाये  
और दोर थावुम मूक्ष दावुम सुत्त् दयाये ।।

बुजर यिथ प्योम प्राक जन्मुच बँड वुगराये  
शाह पूर थवतम वुछु बज़र ज़पु मालाये ।  
छुम यावुनुक माल मंज़ न्यर्वानुचि भावुनाये  
ओर दोर थावुम मूक्ष दावुम सुत्त् दयाये ॥

पँतिमि समये वारु नितम सुत्त् शूभाये  
युथ यमुकिंकर दूर चलन मंज़ शिनिशाये ।  
बो आसु कृष्णस सुत्त् मारान लोलुनि ग्राये  
ओर दोर थावुम मूक्ष दावुम सुत्त् दयाये ॥



### 223. जीवन म्वक्त प्वरुशन हंघ लक्षण (व्वपदीश)

टाठि म्याने मुह नेंद्रे मंज़ अँछ मुचुरिजे  
रँच वनु सुय मंज़ कँरिजे तप देह मँशिरिजे ।  
पँछ्य लाज़ि पॉट्य खानुदॉरी मंज़ घन घन बँरिजे  
च्यथ फुर्ना बेहे पानय सत स्वरना सौरिजे ॥

वतु लरि हिशि पनुने लरि तय जायि अँशिरिजे  
पनुनी बॉच लूक् हंघ शुर्य तय बॉच गँज़ुरिजे ।  
पनुन्यन काम्यन लूक् काम्यन हंज़ प्रय बँरिजे  
च्यथ फुर्ना बेहे पानय सत स्वरना सौरिजे ॥

कथु गॉमुचु पथ कुन न जि मनु किन्य् दॉयिरिजे  
लूभु भ्रमु किन्य् अथु वँट्य वँट्य न जि कँह सोम्बरिजे ।



तीव्र वॉरागु त्यागु सुत्त्य् रागु द्वेशु निशि व्यसॅर्यजे  
च्यथ फुर्ना बेहे पानय सत स्वरना सौरिजे ।।

सॅन्यासु वृच हुंद सामानु वुर्यजे वथुर्यजे  
वुलटु हालुच अन्तुकालुच तुलुत्राव ऑशिरिजे ।  
प्रारब्दस प्यठ त्रॉविथ देह जिन्दय मॅर्यजे  
च्यथ फुर्ना बेहे पानय सत स्वरना सौरिजे ।।

प्रथ काँसि हुंद स्वख तय द्वख च्चु ति पानस बॅर्यजे  
मंगुवुन्यन दातु बॅनिथ अन्न धनु बाँगुर्यजे ।  
न जि च्चै कांछा खॅरिजे न जि च्चय काँसि खॅर्यजे  
च्यथ फुर्ना बेहे पानय सत स्वरना सौरिजे ।।

समसारु भ्रम बाँज्युगारस बाजि फुटुजन फॅर्यजे  
बाँज्य तस बेहे पाँन्य् पानय शुर्य ग्युंदुना कॅर्यजे ।  
फीरिथ तस मन थ्यरु करनुक मंत्र पॅर्यजे  
च्यथ फुर्ना बेहे पानय सत स्वरना सौरिजे ।।

सत्संगुचे छटवारि क्यथ भवुसागरु तॅर्यजे  
सत प्वरुषन सीवायि किन्त्य् चरनन अँछ जॅर्यजे ।  
च्यथ व्रतु न्यरुदु किय सतुकिय व्रत दॅर्यजे  
च्यथ फुर्ना बेहे पानय सत स्वरना सौरिजे ।।

कांह शब्दा युथ नु बोजख ह्यसु सान व्यसॅर्यजे  
लूकू सबि मंज एकांतुच शांत शक्ती वॅर्यजे ।

त्रैन कालन होशि प्यालन तुर्या मस फिर्यजे  
च्यथ फुर्ना बेहे पानय सत स्वरना सौरिजे ।।

अहिंसा धर्मस प्यठ ठुह्यजे दॅर्यजे  
साक्षवत रुजिथ दयायि सुत्य् ह्योन द्युन कॅर्यजे ।  
मानु रोस्त सामानु पुरिथ सन्तोशि बानु गॅर्यजे  
च्यथ फुर्ना बेहे पानय सत स्वरना सौरिजे ।।

प्रथ काँसि प्यठ व्वपकारा शेहजारा कॅर्यजे  
पॅछ्य पूजायि च्यथ रंजनायि सुत्य् बुमि गेन्य हॅर्यजे ।  
प्रथ म्वखु किन्य् श्री कृष्णस भावु भूग आपुर्यजे  
च्यथ फुर्ना बेहे पानय सत स्वरना सौरिजे ।।



## 224. आश्चर्यमय भगवानस कुन स्तुति तु प्रार्थना

मंज नीलि माजय ताजु थोवथस यिछि राजु चाले ।  
काया छे भ्रमुय युथ नु मे मुह माया डाले ।।

यि छुख तु ति छुख कुस छु दौयुम युस पर्जनावे  
आश्चर्य जॉनिथ आश्चरस वुछिथ हावे ।  
अँछन वुछुन चानि सुत्यन वुछन वाले  
काया छे भ्रमुय युथ नु मे मुह माया डाले ।।

प्रेयमु मस चोन यस तस प्रथ शूकस गाले  
फर्जानु मस्तानु बनि ह्युवुय स्वख द्वख ज़ाले ।  
ज्यूती स्वरूपस प्यठ पाँपूर ज़न पान ज़ाले  
काया छे भ्रमुय युथ नु मे मुह माया डाले ।।

दिख ब्वद्धि यूगस ज्ञान तम्युक पँज़ वथ हावे  
च्यतुच फुर्ना शुमुरावे शाँती दावे ।  
अदृष्टय अदु प्राण अपाण खाले तु वाले  
काया छे भ्रमुय युथ नु मे मुह माया डाले ।।

यँद्रेय शस्त्र छिम मे च्वपॉर्य लायान चंजे  
निशानस प्यठ वातुनावतस च्यथ थव मे डंजे ।  
होशिकि होशे होश दिम छुस गिन्दान हाले  
काया छे भ्रमुय युथ नु मे मुह माया डाले ।।

कतकृ पोश ज़न देह आत्मु युस व्यचारे  
द्वधस तु पाँनिस सृत्य रूज़िथ ब्योन ब्योन चारे ।  
तथ सृत्य मीलित्थ देह दृष्टि पानस गाले  
काया छे भ्रमुय युथ नु मे मुह माया डाले ।।

प्रेयम चोनुय सोन च़ेनुन ह्योर कुन खारे  
स्वरुन त्रॉविथ नियि पेट्य शब्दु धारे ।  
प्यठ शिनि थानस चॉन्य् दया पानय पाले  
काया छे भ्रमुय युथ नु मे मुह माया डाले ।।

दवा कर देह रूग् भ्रमस कुस कस मारे  
हवा ह्यु कर पकृनाव पेठ्य शमशेरि धारे ।  
कृष्णुन तप जप जिमु थव अच्यथ जपु माले  
काया छे भ्रमुय युथ नु मे मुह माया डाले ।।



## 225. संकट हरनु खॉतरु प्रार्थना

द्वर्गत छे चलन व्वन्य् छि गलन असि रूग् सॉरिय ।  
काया छे बलन जीव दयायि लगुहोय पॉरी ।।

द्वख छुख चु हरन तु आय शरन च्चे समसॉरी  
प्रथ युगु युगय चानि दयायि अवतार दॉरी ।  
सतजंन पॉलिथ राक्षस गॉलिथ मुरॉरी  
काया छे बलन जीव दयायि लगुहोय पॉरी ।।

चैय पान वन्दय गूव्यंदय आनन्दु कन्दय  
न्यर्द्वन्दु न्यसपन्दु नादुब्यंदय ब्रह्मानन्दय ।  
मायायि फन्दय मंजु म्वकृलाव अँस्य् देह धॉरी  
काया छे बलन जीव दयायि लगुहोय पॉरी ।।

येति पयि मंजय लयि क्याह सॉन्य् दुनियादॉरी  
छय दयिगथचॉन्य् जयि सोस्त न्यथ लगुहोय पॉरी ।

मृत्युंजय छुख असि चॅलिन महामॉरी  
काया छे बलन जीव दयायि लगुहोय पॉरी ।।

मन निथ च्युय भास सानि कनि कर समसारदौरी  
व्वदास थव दास रास खेलुन हाव च्वपौरी ।  
मंजु गरि वनवास करुनाव असि स्वय गॅयि यौरी  
काया छे बलन जीव दयायि लगुहोय पौरी ॥

छरि अतुगतय कति पचन असि बापौरी  
छिय वातुनस मंजु होशि वाल्यन निशि अँस्य चौरी ।  
दयाल बँनिथ पाल सौनिय अयालबौरी  
काया छे बलन जीव दयायि लगुहोय पौरी ॥

यिथि नावु मंजुय शूभ्या असि कर्जदौरी  
कर्ज हूरिथ बनाव असि पर व्वपकौरी ।  
कर अनुग्रह अन्नु धनु दिथ कास असि लाचौरी  
काया छे बलन जीव दयायि लगुहोय पौरी ॥

चरण चौन्य रटु कटु संकटु म्वकटुधौरी  
दिम भावुक पटु शाह जेनन येमि बाजौरी ।  
कास मूहन्य गटु कृष्ण चँद्रु च्युय च्वपौरी  
काया छे बलन जीव दयायि लगुहोय पौरी ॥



## 226. प्रार्थना

शंकरु लगुहोय पंकज पादन  
सान्यन अपराधन कर क्षय ।  
हे अमरीश्वरु परमीश्वरु हरु  
जय बोयनय जय जय बोयनय ॥

थफ करनाव परम शक्ती दामानस  
निम पानस कुन छम चॉन्य प्रय ।  
पॉरनॉविथ अच्यथ सामानस  
शिव न्यर्वानस मंज कर लय ॥

मृतु विजि सानि वासुनायि वथरून वठ  
संकट कट चठ जीवतुक छठ ।  
च्यथ रठ मूर्छा खठ चठ व्वचठ  
यमु नठ कास भास मृत्युंजय ॥

मन म्योन दर्पन जन छुय ज़ोतन  
लँजिमुच अथ चॉन्य सूरत छय ।  
नूरु सूरु फशि सूत्य पानस ह्यू कर  
कति रोज्यस व्यवहारुच खय ॥

ऑखुर छु पकनुय शिनि मॉदानस  
यथ कारुखानस क्वसु शूम छय ।  
तकलीफ तति वाति कुनिसुय पानस  
पय दिथ हाव न्यर्नयि चिय नय ॥

दिथ अभय वर मुह हर ज़य कर  
गाल कालुन्य थरु छम चॉन्य प्रय ।  
प्रथ कुनि चीज़ुच वॉसि हुंज़ प्रय कास  
पथ कुन च़य ओत भास बोड दय ॥

लूभु पुछि यथ वॉसि रंगु रंग वीश कॅर्य  
हॉसिल छेत्य कीश कॅर्य हय हय ।  
मानु पुछि ताबे कम कम दीश कॅर्य  
व्वन्य दितु शांती हे न्यरामय ॥

गीत ग्यवुनुय शूभि च़ेय भगवानस  
मंज़ अज्ञानस वॉयिम नय ।  
कनुनुय गछि ना काँसि ग्वणुवानस  
अस्तस म्यॉनिस करि व्वदय ॥

वॉसि हुंघ सॉरिय आँब गॉब करिहेम  
यिछि जीव दयायि बोयिनय जय ।  
मृतु विज़ि च़्यतु सुय हितकार करिहेम  
कति बेह्यस गछु कति व्यसरय ॥

कुस प्याव कुस ज़ाव कॅम्य् कोड बोड नाव  
शिनि मंज़ु द्राव शिनिसुय मंज़ द्राव ।  
कुस बोज़नु आव ओस वावुक वाव  
शांती प्रावुनाव गव मनोज़य ॥

नेष्कामु कर्मभूमि अनुग्रह ब्योल जेवि  
पोपुराव त्यागु वॉरागु लागु नय ।  
कर्मोय करनुच मेहनत शूभुराव  
पथ थव गृह दशायि हुंद रय ॥

ओरु योर ज़ोरु मन म्योन धॉरु म्वछि ह्यथ  
क्वछि क्यथ ललुनावि हिय म्यॉन्य प्रय ।  
तृष्णायि हुंजि ब्वछि तृप्ति बखशिथ  
भवसरु बोठ खार म्यॉन्य रुच क्रय ॥

पानस ह्यू कर मे ति दिगम्बर  
नंगु कर संगु दूषि निशि लगुहय ।  
प्रकाश बनु आकाश वुरनुय ह्यमु  
वथरुनि कनि पृथवी वथुरय ॥

लाकमि रोस्त च्यतु कुय गुर छुम  
नेष्बुद्ध शुर छुम तस खंसिथुय ।  
स्येज वथ हॉविथ सुत्य् पकृनॉविथ  
ठहरॉविथ त्रावुनावुन हय ॥

दिवुथा अनुहॉम पालुवुन बनुहॉम  
रायि मंज गनुहॉम बनु अभय ।  
दपुनम लूख अदु दय हो टोठ्योस  
नतु किथु पॉद्य गोस जित यँद्रय ॥



आत्मबोज़ नाग लुयि प्रेम ज़ल वुज़ुनाव  
श्वभ फल भागनयि फिरुनाव पय ।  
शीतल शिव अग्नु पाकृनाव बॉगुराव  
समदृष्टि भावुनायि अनुग्रह वय ॥

ओरु आयि वावु रिंगाह योर कुन गँयि  
येमि दयि गँच हुंद कस आव पय ।  
कति प्यठ कुस आव येत्य् ओस कोत गव  
युथ ज़्यूठ मँज़िला कँम्य् कोर तय ॥

बद्ध म्यॉन्य् वातिय योरय योरय  
तोरय तोरय सोरुय च़य ।  
म्वख्तु लरि हुंद हाव च़ूर्युम पोरुय  
तँत्य् बसुनाव न्यथ च़्यथ वन्दुहय ॥

च़य येलि बुय गोस योरु कुस ब्याख ओस  
कृष्णन भ्रम कोस टोदयोस दय ।  
च़े पूर्णस कुस प्रदिक्षन दिथ ह्यकृ  
क्वसु पूज़ा करु कम पोश लागय ॥

जय बोयिनय जय जय बोयिनय ।



## 227. सत्संग रुपु सर्वगवण निधान भगवानस अस्तुति

हमसु पखु छय ब्रह्माकारो ।  
सत्संगु के जानावारो ॥

श्रवणुकि मननुकि आधेकारो  
सतु के च्यतु के हितकारो ।  
न्यर्वासनु साक्षातकारो  
सत्संगु के जानावारो ॥

वीद वनु के चन्दन दारो  
प्रथ कुनि सुत्पु छुय शैहजारो ।  
शीतल थव मंजु व्यवहारो  
सत्संगु के जानावारो ॥

योगु राजगदि हुंदि ताजदारो  
सारिवुय रोट चोन दर्बारो ।  
सर्व स्वख दिवुवुनि सरकारो  
सत्संगु के जानावारो ॥

युथ पजि त्युथ छुख शूभिदारो  
यूगु ज्ञान डबि खार वारो ।  
भाव लरि हुंदि शांती दारो  
सत्संगु के जानावारो ॥

परजुनॉविथ सर्व आकारो  
सर्व आत्मभाव व्यचारो ।  
प्रथ मतु किन्त् चैय पतु लारो  
सत्संगु के जानावारो ॥

ल्वचुराव देह भ्रमु के भारो  
कृष्णस कर गगन आकारो ।  
वुफि सुय निन पेद्य हमसु दारो  
सत्संगु के जानावारो ॥



## 228. वॉराग

दमी ड्यूटुम नभ न्यथुनोनुय  
दमी पुरिथ अबरुक्य् थान ।  
दमी डीटुम अनि गटु रातस  
दमी चंद्रमु गाह त्रावान ॥

दमी ड्यूटुम ल्वकुटुय नेचुवा  
नेष्वद बालुकाह मूढ अनजान ।  
दमी ड्यूटुम पंडितन मंजु बाग  
मन निवुवुन दिवुवुन व्याखान ॥

दमी ड्यूटुम पोक तॉमीराह  
हमाम बंगालु ह्यथ डालान ।

दमी ड्यूटुम पथर प्योमुत  
वॉरान गोमुत ज़न मॉदान ।।

दमी डीटुम काया शूभान  
गँडिथ गँहना अमि येमि सान ।  
दमी डीटुम पथर पेमुच  
बेह्यस गॉमुच त्रॉविथ प्राण ।।

दमी ड्यूटुम कुल वुन्य् फोलुमुत  
फुलया लँजिमुच तथ क्याह जान ।  
दमी डीटिम पोश बरु गॉमुत्य्  
बुलबुल चँल्य्मुत्य् ब्रग बोलान ।।

दमी डीटुम स्वंदर माला  
दमी ड्यूटुमस होखमुत पान ।  
दोपुमस कति छुय गँहनु तु यावुन  
कति शुर्य् बॉय बंध कति सामान ।।

दोपुमस नाव क्याह छुय हे त्रिये  
दोपनम नाव ओसुम भाग्यवान ।  
वाव प्योम फँकिरॉन्य् ज़न छस भासान  
प्रथ कुनि चीज़ु किन्य् छस हॉरान ।।

दोपुनम कृत्यन योनि छिम छुन्य्मुत्य्  
कॉत्याह छिम कॅर्य्मुत्य् कनिदान ।

द्रामुत् कृत्य् अँसिम रोज़गारस  
कूत अँसिम तिम कमनावान ।।

दोपुमस थ्वक् छुन यथ समसारस  
प्रावुन गव त्रावुन अभिमान ।  
दोपुनम मनु किन्व् स्वरुनुय त्रोवुम  
कृष्णन होवुम करनुय मान ।।



## 229. वॉराग तु प्रार्थना

वावस मंज़ छम पकवुन्व् नावा  
लोगुमुत छुस भवसरु सुय मंज़ ।  
सूहमु हमु वॉयिथ बोट खॉरिथ  
वातुनाव शांती गरु सुय मंज़ ।।

कति आस कुस छुस कोत छुम गछनुय  
गोमुत छुस आश्चरु सुय मंज़ ।  
सत् ग्वण बखशिथ दीव प्रकृत दिम  
यिनु बन राक्षस वरु सुय मंज़ ।।

शिनि मंज़ु नीरिथ शिन्व् गव सनुन  
अच्यथ चेनुन स्वरु सुय मंज़ ।  
मोह मस चनु खोतु ह्य व्यसरनु खोतु  
जान गछि रोज़ुन ज़रु सुय मंज़ ।।

वॉरस नियतन धॉरस दियतन  
दरिरा छु खॉरस तु शरु सुय मंज ।  
व्यरक्तु भावु वैच्यतन मतु कृच्यतन  
दामन ख्वशुकस तु तरु सुय मंज ॥

मूर्खस वॅन्य् वॅन्य् कॅन्य् पॅत्य् गॅछ्यतन  
अॅन्य् पॉढ्य फटि व्वदरु सुय मंज ।  
मानु सूत्य् अभिमान मद छुस प्रावुन  
व्यद छस स्यद आदरु सुय मंज ॥

शिव शक्ती रुपुक विवेक बॅन्यतन  
हरकत छे प्रकृति परु सुय मंज ।  
अनेक एक ज्ञानुन ठीक बॅन्यतन  
च्यतु भ्रम छु मादस तु नरु सुय मंज ॥

ऑलिम जॉलिम सुह पीडा दियि  
तस ख्रोतु आर बॉर खरु सुय मंज ।  
श्रवुनुय बूजिथ ह्योन गछि ग्यवुनुय  
नतु क्याह वाति मरमरु सुय मंज ।

वासना नीरिथ फीरिथ अॅच्यतन  
लय गॅछ्यतन ईश्वरु सुय मंज ।  
कृष्णस वॅर्यतन, अभिमान हॅर्यतन  
मॅर्यतन च्यथ मन्दिरु सुय मंज ॥

वावस मंज छम पकवुन्य नावा ।  
लोगुमुत छुस भवसरु सुय मंज ॥



### 230. श्वभ दरशोन मेलनु बापत प्रार्थना

सन्तु अज बसन्तु ज़ोरा गोख हॉविथ यिय पज़्या ।  
लोलु बागस शोलुनॉविथ गोख छॉविथ यिय पज़्या ॥

सब्ज मखमल वथुरावन तन छे हावन यास्मन  
ग्वंचि फॅल्य फॅल्य असुनावन पान पॉरावन चमन ।  
जलवु हॉविथ मॅचरॉविथ गोख त्रॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ॥

अँछ वछय थॉविथ यॅम्बुरज़ल चे वुछिथ छय मन्दुछन  
कीश छुय सॉबुल गरूड छुय भ्रमु क्यन सर्फन वुछन ।  
पोशिनूलन बुलबुलन गोख तम्बुलॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ॥

कुकिलव मोल भस्मु कोस्तूर्यन दोपुख हर्षा बॅरिव  
कृष्ण जुव यियि बेयि फीरिथ हियि थर्यन ग्वड बॅरिव ।  
अनु नॉविथ बेयि रोशन मनु नॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ॥

मोरु म्वकट धारुवुन यियि गरूडस खँसिथ तोह्य नँचिव  
सान हेनि यियि जानुवारन युथ नु तोह्य आल्यन अँचिव ।  
शोगु बोलन तोह्य थँविव व्वन्य् पान सॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ।।

छ्यपु छारस गूपियन सुत्पु गिन्दुनस मंज़ नोन गछुन ।  
ग्वडु खटुन अदु डीशिथ बेयि मँशिथ वुन्य् गछुन ।  
चँड दिथ अथस च़लुन वथ रावुरॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ।।

मंज़ ज़लस वालुन तु खालुन पान डेशुन न्यथु नोन  
तुरि अंदर ह्यथ च़लुन वस्त्र गँरीबन मोज ह्योन ।  
नंगु डीशिथ पान खटुन मंदुछॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ।।

कस छु ताकत कुस वँनिथ हेकि ओय ख्वश यिय तिय कौरुथ  
मंज़ गृहस्थस सोन रोजुन गोय च़े ख्वश प्रथ कांह वोरुथ ।  
गोख सॉविथ नँद्रि हत्यन वुज़ुनॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ।।

कृष्णस निशि सिर खँटिथ कथ वातुनॉविथ यिय पज़्या  
कोनु मस्ताना कौरुथ मस प्यालु चॉविथ यिय पज़्या ।  
मँस्तियाह दिच़ुथस कमुय दाना बनॉविथ यिय पज़्या  
लोलु बागस शोलुनॉविथ गोख छॉविथ यिय पज़्या ।।





## 231. आपुदायव निशि रक्षायि खॉतरु प्रार्थना

रछ आपुदायव निशि गरि गरे  
हरे दीना नाथ ।  
चे रौस्त कुस सॉन्य रक्षा करे  
हरे दीना नाथ ॥

छुस तारि गोमुत पथर प्योमुत, सुत्य् पनुनि कर्म फलय  
दया करतम वरतम मंज लेंबि पम्पोशाह ज़न फवलय ।  
गृहृद्य बल कति मे निशि दरे  
हरे दीना नाथ ॥

वावा छु वुज़न नावा छे यीरन  
येमि भवुसरय छु वीरन खोफ ।  
यस च़ुय तारख सुय यथ तरे  
हरे दीना नाथ ॥

शरन आसय द्वख छुख च़ु हरन  
आवागवन ज़्यूठ फयरन छुम ।  
म्बक़लाव व्वन्य् आसय ब्रह्मन मुरे  
हरे दीना नाथ ॥

हाँकलु वछु छम दार्यन तु बरन  
यँद्रेय च़ूरन डरन छुस ।  
न्यर्भय थवतम पनुनि गरे  
हरे दीना नाथ ॥

अन्धीरा वॅछमुच छस गट सुती  
अॅछ वॅट्य वॅट्य येति कृती बीट्य ।  
बर दारि वछु छम दिहिचि लरे  
हरे दीना नाथ ॥

यारानु लॉगिथ छुस सुत्य् ठगन  
लगन कति छुस यिमव रोस्त ।  
तिम छिम मे पलज़न अदु कुस मे खरे  
हरे दीना नाथ ॥

हॉसिल क्याह छुम थॅविथ पले  
लॅदिथ ल्वले क्वसु शुभ छम ।  
त्युथ लद तु युथ काँसि कॅछा तरे  
हरे दीना नाथ ॥

ऑसिथ पकि म्याँन्त् दुनियादाँरी  
पनुने गरज़ुक्य् साँरी छिम ।  
नतु कुस कॅम्य् सुंदि बापथ मरे  
हरे दीना नाथ ॥

पथ कुन च्युय ओत नेरख सारुय  
ह्यसु सान पकि व्यवहारुय तस ।  
साधन पादन युस अॅछ जरे  
हरे दीना नाथ ॥

परम शमस सुत्सु सुहमस  
थेविथ समागमस मंजु ।  
दमस मंजु देह भ्रमस हरे  
हरे दीना नाथ ॥

च्यथ सिरियस आनन्दस सतस  
सनम्वख शर्नागतस थाव ।  
ज्ञानु नेत्रन थव मु केह ठरे  
हरे दीना नाथ ॥

गरूड गंजरिथ प्यठु साया त्राव  
यथ हमसु दारस प्यठ वुफुनाव ।  
हमस पख दिथ च्यतुचि चरे  
हरे दीना नाथ ॥

पथ ब्रोंठ कुस छुम छुस तारि गोमुत  
पथर प्योमुत छुस धर्म वीर ।  
स्वखु आसन दिम मंजु बाम्बरे  
हरे दीना नाथ ॥

शरन आसय संतन तु साधन  
तिहिंघन पादन छु जय जय कार ।  
तिहिंदे सुत्सु सोन ऑरुचर चरे तरे  
हरे दीना नाथ ॥

क्याह करु दुपस तु क्याह करु दीपस  
चै ज्यूति रुपस छुस आलुवन ।  
अहंकारुचि छरे नरे  
हरे दीना नाथ ॥

छुस दानु छांडन मंज वालु वाशे  
रूजिथ म्वख्तुचि आशे मंज ।  
कड राजु हमसस मंज वालु बरे  
हरे दीना नाथ ॥

येंद्राजु यैलि गव येंच मंज क्रूधस  
रूदस लॅज कल्पौतुच धार ।  
बॅचराव असि मंज कालुनि थरे  
हरे दीना नाथ ॥

मुशका ह्यथ प्रेयमचि पोशि थरे  
कृष्ण बुलबुल बॅनिथ द्राव ।  
बसंतु दुशालु न्यथ चोन स्वरे  
हरे दीना नाथ ॥



## 232. दरशोन मेलनु बापथ प्रार्थना

शामु स्वंदर सुबुह ह्यथ यियि ।  
दियि दरशोन शामुसुय ॥

राधिकायि हुंद भूजन खेयि  
शेछ गॅयि शहरु गामुसुय ।  
मालु करि असि त्वलसयि तु हियि  
दियि दरशोन शामुसुय ॥

द्वध मँदिथुय थोव मंज कृयि  
ख्वश छि अँम्य् सुंदिस दामुसुय ।  
प्रेयमु थँन्य् खेयि छ्वकृ द्वध चैयि  
दियि दरशोन शामुसुय ॥

पॉट्य वस्त्र वथरुन पेयि  
ख्वश छि अथ आरामुसुय ।  
कलु सुय प्यठ दुशालु हैयि  
दियि दरशोन शामुसुय ॥

गमु कमसस मारुनि यियि  
ह्यथ हलधर रामुसुय ।  
माजि मॉलिय काँदु मंजु नियि  
दियि दरशोन शामुसुय ॥

गाह अँम्यसुंद आंगुनन पेयि  
गछि च्यथ ह्यथ आमुसुय ।  
पूर्णा करि रुपस दियि  
दियि दरशोन शामुसुय ॥

प्राण सान्यन शँत्रन हेयि  
शूब्यस युस तामुसुय ।  
अथ ग्वणस सतूगुण वन्दुन पेयि  
दियि दरशोन शामुसुय ॥

लूकन मंज द्रीढ्य कति यियि  
प्यव खसुन प्यठ बामुसुय ।  
रास खेलुनि कृष्णस नियि  
दियि दरशोन शामुसुय ॥



### 233. आवागमनु निशि म्वकलावनु खँत्रु प्रार्थना

म्वकलाव मंज कौद खानय ।  
हा दयावानॉय वोलो ॥

वूनुमुत छुम मे ज़ाला  
म्वकलावि चोन अनुग्रह ।  
छुम ज़लुर्य सुंद ह्यू निशानुय  
हा दयावानॉय वोलो ॥

न्यथुनेनि सुंदि सायिबानय  
छुस बो तापु तदि वुडरि मंज ।  
त्राव रूदा आसुमानॉय  
हा दयावानॉय वोलो ॥

संगदिल छुस, छुम नु बानॉय  
बडि दयि करतम दया ।  
बानु लदतम मानु सानॉय  
हा दयावानॉय वोलो ॥

प्रथ सौदा छु वानु वानॉय  
गछि आसुन चोन भाव ।  
अदु मेलि पूरु परमानॉय  
हा दयावानॉय वोलो ॥

छुम स्यठा बोड कारुखानॉय  
अन्द वाति चानि प्रेयमु सुत्य् ।  
सत्यदीवु सत्यनाराण्य  
हा दयावानॉय वोलो ॥

हिय बो लागय दानु दानॉय  
द्रिय च्छे छय राधायि हुंज ।  
यिय मंगय तिय दिम च्चु पानय  
हा दयावानॉय वोलो ॥

सौंबरिथ छुम सामानॉय  
वति लागुन च़ेय तगिय ।  
अदु प्रावु आश्चर्य थानॉय  
हा दयावानॉय वोलो ॥

द्वारिका ज़न प्रथ मकानॉय  
वुछ बनोवुथ कृष्णु च़ेय ।  
यि छे चॉन्य् अँस्य् बहानॉय  
हा दयावानॉय वोलो ॥

छुख कुनिय रुपु भगवानॉय  
दुयिथुय छुम भासान ।  
त्रिभुवन सुत्य् अज्ञानॉय  
हा दयावानॉय वोलो ॥



#### 234. पनुनि मन्द वुद्यूगी आसनु खॉतरु क्षमा याचना तु अनुग्रह बापथ प्रार्थना

कस वँनिथ ह्यक आलुच्युक हाल शम्भू ।  
न मे कौर तप न मे जँप माल शम्भू ॥

न मे तिछ भक्त करुहा ब्रह्म व्यचार  
न मे तिछ शक्त करुहा पर व्वपकार ।  
बूजिथुय छुम अन्न धनु माल शम्भू  
न मे कौर तप न मे जँप माल शम्भू ॥



प्रथ रंगु किन्त् बौड कर्मह्यनुय छुस  
सुत्सु संगु दूषि अंगु दूषि चोनुय छुस ।  
न मे देह दौर न मे याल चाल शम्भू  
न मे कौर तप न मे जँप माल शम्भू ।।

न मे तिछ ब्बद्ध करु हॉ जान व्यवहार  
बजि गदि प्रावु हॉ नेरु हॉ दर्बार ।  
आसि मे ह्यू कांह खाल शम्भू  
न मे कौर तप न मे जँप माल शम्भू ।।

सन्तोशि वाल्यन मंज बौड क्षूद्रा छुस  
ह्यकनस क्युत बौड कमजोरा छुस ।  
क्यथु पॉट्य पकि म्योन अयाल शम्भू  
न मे कौर तप न मे जँप माल शम्भू ।।

मे मूर्खस पालक स्वय गयि कथ  
मे अँनिसुय हावख न्यवृच वथ ।  
नाव छुय न दीनु दयाल शम्भू  
न मे कौर तप न मे जँप माल शम्भू ।।

न मे तिछ भक्त यथ प्यठ च्यथ रटु हा  
पान खटु हा वास्नायन चटु हा ।  
म्योन करतूत सोरुय छु ज़ाल शम्भू  
न मे कौर तप न मे जँप माल शम्भू ।।

प्रारब्दस प्यठ युस दरि गव साध  
युस न दरि चय टोटुस गव प्रसाद ।  
डालुहॉस लोन गालुहॉस काल शम्भू  
न मे कोर तप न मे जॅप माल शम्भू ।।

भक्ती नेत्रन प्रजुलाव लाल शम्भू  
दातु बन भर शक्ती पातु थाल शम्भू ।  
भूगुनाव अनुग्रह कुय साल शम्भू  
न मे कोर तप न मे जॅप माल शम्भू ।।

बडि मानु आनन्दु सतु च्यतु सुती  
मे कृष्णस अनुग्रह दृष्टि सुती ।  
छोर गरु कर मालामाल शम्भू  
न मे कोर तप न मे जॅप माल शम्भू ।।



### 235. अति भक्ती सुत्य् भगवानस कुन शिकायत तु प्रारथना करान

दीवु दृष्टि असि प्यठ कोनु छुख त्रावन ।  
दयि गथ नॅन्य् कोनु हावन छुख ।।

परमु धामु गदि कोनु छुख बेहनावान  
शाँती कोनु प्रावुनावन छुख ।  
च्यथ फुर्णा कोनु छुख शुमुरावन  
दयि गथ नॅन्य् कोनु हावन छुख ।।

जीवतुच बाम्बुर छुख पतु थावन  
कोचि कोचि क्याजि फिरुनावन छुख ।  
केंह छुय ना छुख असि बेछिनावन  
दयि गथ नॅन्य् कोनु हावन छुख ॥

मूर्खन हंजु पामु छुख बोजुनावन  
शहरु गामु वटु तुलुनावन छुख ।  
न्यर्वासनु आसन छुख नु दावन  
दयि गथ नॅन्य् कोनु हावन छुख ॥

वादु थॅव्य् थॅव्य् क्याजि छुख प्रारुनावन  
छवचुरुय कोनु पूरुनावन छुख ।  
साधु नावस क्याजि छुख मन्दुछावन  
दयि गथ नॅन्य् कोनु हावन छुख ॥

भ्रम नॅद्रे मंजु क्याजि छुख सावन  
मोह मस क्याजि चावुनावन छुख ।  
च्यथ जेरि सुत्य् कोनु छुख वुजुनावन  
दयि गथ नॅन्य् कोनु हावन छुख ॥

आवागवन क्याजि छुख मॅशुरावन  
पशिभावु क्याजि पशुनावन छुख ।  
समसारु यशुकुय नशि छुख चावन  
दयि गथ नॅन्य् कोनु हावन छुख ॥

नेष्कामु जामु कोनु छुख पौरावन  
रामु रामु कोनु करुनावन छुख ।  
शामु रुप ध्यान कोनु छुख स्वरुनावन  
दयि गथ नॅन्य् कोनु हावन छुख ॥

बसन्तु ज़ोरु कोनु छुख न्यथ हावन  
च्यतु बाग कोनु फवलुनावन छुख ।  
दरदु थरि बरु करिमचु हरदु वावन  
दयि गथ नॅन्य् कोनु हावन छुख ॥

ब्रह्मन जन्मस ग्वडु अनुनावन  
पतु क्याजि वथ रावुरावन छुख ।  
सत स्मरन कोनु छुख फिरुनावन  
दयि गथ नॅन्य् कोनु हावन छुख ॥

ग्वडु छुख विषय भूग व्वपदावन  
सानि म्वखु तिम भूगुनावन छुख ।  
पतु छुख अथि हॉविथ निवुनावन  
दयि गथ नॅन्य् कोनु हावन छुख ॥

पानस सृत्य् कोनु छुख मिलुनावन  
द्वैतु भाव कोनु छलुनावन छुख ।  
व्यवहारु ह्यस कोनु छुख व्यसुरावन  
दयि गथ नॅन्य् कोनु हावन छुख ॥

असि कोनु चौर्य फ्यौर्य छुख गँजुरावन  
क्वब्जा कोनु याद पावन छुख ।  
हँज भक्त सॉन्य् छुख नु स्यँज बनावन  
दयि गथ नॅन्य् कोनु हावन छुख ॥

कर्मभूमि सानि छुख ब्योल जौवुरावन  
अनुग्रह सुत्य् पौपुरावन छुख ।  
भूग यूग तृप्ति कोनु छुख दावन  
दयि गथ नॅन्य् कोनु हावन छुख ॥

पोशिनूलस कुन यिय वोन कावन  
म्यॉन्य् हिश तन कोनु प्रावन छुख ।  
साफ सपनुन देह न्यथ छुस नावन  
दयि गथ नॅन्य् कोनु हावन छुख ॥

यिय हाल सोन छुय छिय गँजुरावन  
मतु वुछ तु सान्सन ग्रावन कुन ।  
त्रेशिवय मल छुख च्युय छलनावन  
दयि गथ नॅन्य् कोनु हावन छुख ॥

विश्वरूप दरशोन कोनु छुख हावन  
बोज जसुदा मँचरावन छुख ।  
श्री कृष्ण ऑस कोनु छुख मुचरावन  
दयि गथ नॅन्य् कोनु हावन छुख ॥



## 236. व्यनती माजि भवॉनियि कुन

भिक्षायि अँस्य् द्रायि आयि चे निशि दयावानय ।  
कम भक्तिस दिम आत्म तृप्ति हुंद बोड बानय ॥

अलख बोलन छुस नेबुर्य किन्य् कॅर्य कॅर्य बहानय  
अँदुर्य छुस छोच निमु क्याह येति धर्म दानय ।  
छय हरकत चॉन्य् बरकत सॉन्य् हे शक्तीमानय  
कम भक्तिस दिम आत्म तृप्ति हुंद बोड बानय ॥

यथ तावुनुनिस बाज़रस मंज़ छुस तंग दस्तुय  
खरीदार मेल्यम ना खसिहेम रंगुय ।  
छिम जोरु शालस भावु रँस्त्य् फिरवरन वानु वानय  
कम भक्तिस दिम आत्म तृप्ति हुंद बोड बानय ॥

वुछ सॉलाबा कतरु कतरय मीलित्थ पकानय  
वुछ अम्बार गलुकुय सोंबुरिथ दानु दानय ।  
वुछ समसारा ब्रह्मय ओत अमि येमि सानय  
कम भक्तिस दिम आत्म तृप्ति हुंद बोड बानय ॥

पथ ब्रॉठ कुस छुय पानु म्याने हा नादानय  
पथर प्योमुत पृथवी प्यठ छुख आसमानय ।  
पानय तुलिथ थोद भव सन्तापुक सायि बानय  
कम भक्तिस दिम आत्म तृप्ति हुंद बोड बानय ॥

चूरस यिथ प्यव चन्दु चूराह मंज शिनि थानय  
नफसस लूटनि लूभ लोग लॉगिथ यारानय ।  
बोलिय तस सज़ा राजु यूगुय भूग कौदखानय  
कम भक्तिस दिम आत्म तृप्ति हुंद बोड बानय ।।

सतुच शांती छय सतुच थ्यत सुत्य् ज्ञानय  
तिय सार छुय मंज तपु जपु तु यूगु तु ध्यानय ।  
नोन पौरि पानय शिव न्यर्वानुक सामानय  
कम भक्तिस दिम आत्म तृप्ति हुंद बोड बानय ।।

समसारु यशन मोह मस चथ कॅर्य दीवानॉय  
यिम पेयि पायस तिमन नाव प्यव फरजानय ।  
पानय तिमन गछि मोह मदुक जिन तानु तानय  
कम भक्तिस दिम आत्म तृप्ति हुंद बोड बानय ।।

शब्दस अँछ कर अदु वुछख तीजुक च्चु थानय  
तीजुक तीज़ा तीज़ु मंजय हा तीज़ु वानय ।  
तीजुक खार तीज़ु मंजु ह्यथ च्चु तीज़ु जॉपानय  
कम भक्तिस दिम आत्म तृप्ति हुंद बोड बानय ।।

हा गरु हा गरु कर मु लगख हा गरुचे छाये  
हा गरु यिय बोल ओल चोनुय छु मंज शिनि थानय ।  
पान वुफुनाव हगरुच हरकत छुख पॉन्य् पानय  
कम भक्तिस दिम आत्म तृप्ति हुंद बोड बानय ।।

रट्हाँन मुहुन चूर पूर गछतम दूर अज्ञानय  
दयि धनु लबु हॉन पूर गछतम दूर अज्ञानय ।  
फेरिय नु भॉवी नेरिय क्याह मंज अभिमानय  
कम भक्तिस दिम आत्म तृप्ति हुंद बोड बानय ।।

लूकन हुंज ज्यव दयि गँच हुंद नकारुखानॉय  
तिम छिस ग्यवान गीत कृष्ण अँस्य् अँस्य् छु वदानय ।  
नेष्वद्ध शुरिस थाव जगत अम्बा प्यठ दामानय  
कम भक्तिस दिम आत्म तृप्ति हुंद बोड बानय ।।



### 237. आवागवन अथवा नाना प्रकारुक्यन यूनियन मंज जन्म ह्यनुक नाटक

छुय बाण्डु जष्णा चानि मायायि हुंद कारुखानय ।  
कम कम पॉथुर लॉगिथ चास सुत्य् अज्ञानय ।।

यि सोरुय छुय चानि यछायि हुंद शॉद्यानय  
यि सोरुय छुय म्यानि मोहुक भ्रमुक निशानय ।  
यि सोरुय छुय सांग लागुन नफसुन बहानय  
छुय बाण्डु जष्णा चानि मायायि हुंद कारुखानय ।

तमाशि वुछन छुख च्च आसन सुत्य् ह्यथ आमय  
पॉथुर चानन छुस बो मेल्यम केंह यनामय ।  
यनामु द्युन गव चोन भख्शुन आश्चर्य थानुय  
छुय बाण्डु जष्णा चानि मायायि हुंद कारुखानय ।



गोखय ख्वश दिम बखशॉयिश दया वानय  
गोख नय ख्वश कड जशनु मंज़ु पॉथुर बैहे पानय ।

द्वशुवय कथु छय म्यानि मूक्षी हुंद सामानय  
छुय बाण्डु जष्णा चानि मायायि हुंद कारखानय ।

अख मसखराह च़ाव पॉथरस मंज़ु कमि तान्य् म्बखय  
च़ालन चपॉच़ मुशतु मुकालि ल्यक़ तु थ्वकय ।  
कोडरु कमचि कुरु चुमचि च़ॅप्य़ तॉज़्य़ यानय  
छुय बाण्डु जष्णा चानि मायायि हुंद कारखानय ।

ताजाह लॉगिथ राजा आव दिनि धर्म दानय  
बड्यन राजन सुत्य् करनि लोग मान मानय ।  
तिथिय बेछिनि लोग तुलिथ थोद सुय दामानय  
छुय बाण्डु जष्णा चानि मायायि हुंद कारखानय ।

शिकारुगाह पॉथरस मंज़ु च़ाव हॉविन ज़ोरुय  
शेरन मारन शाल वुछिथ त्रावन छोरुय ।  
मंज़ु मिनि मर्यन हांगुला आव नयिस तानय  
छुय बाण्डु जष्णा चानि मायायि हुंद कारखानय ।

छ़ावुल्य़ दॉरा लॉगिथ आव कलु गिलवानय  
थ्यक़नावन कोम क्वलु कॅबीलु छुस खानुदानय ।  
पॉज़ार ख्यथ लोगुन मूर्खन सुत्य् यारानय  
छुय बाण्डु जष्णा चानि मायायि हुंद कारखानय ।

जॅटाह गॅडिथ हमुतुलिस छुम सायि बानय  
तख्तु पोटाह मोनुन तख्त सुलयमानय ।  
टोटाह मॉनिथ लोरि खॅसिथ थकान रानय  
छुय बाण्डु जष्णा चानि मायायि हुंद कारखानय ।

दमालि फॅकीर आयि सूराह मॅलिथ पानस  
यथ समसारस थक्क छुनन ज़न आसमानस ।  
पखाण्डु पॉथुर लॉगिथ चाय सुत्त्य् अभिमानय  
छुय बाण्डु जष्णा चानि मायायि हुंद कारखानय ।

मकार आव अँछ वटन तु मुच़रावन  
गॉबी खबरु बोज़ुनावन शुर्य मॅच़रावन ।  
मस्ती हावन हाल बावन छुस मस्तानय  
छुय बाण्डु जष्णा चानि मायायि हुंद कारखानय ।

गरा बॅनिथ मोल मॉजी रछान शुरिय  
गरा बॅनिथ च़ोल च़ॉजी दारन मुरीय ।  
गरा बॅनिथ क्राल क्रॉजी थुरान बानय  
छुय बाण्डु जष्णा चानि मायायि हुंद कारखानय ।

मिथ्या ज़ॉनिथ ठटु मॉनिथ तोति छिय डलन  
मोजा ह्यवन पीर अँमीर अलन अलन ।  
मसखरु चाटन क्युत छु हाटन हुंद दरसखानय  
छुय बाण्डु जष्णा चानि मायायि हुंद कारखानय ।

लॉगिथ वांदर पँज् पॉथुर राक्षस मॉरीय  
चाने असनु बापथ असि कम कम वीष धॉरीय ।  
लचे लॉगिथ रूस्यकचे ज़न मॉदानय  
छुय बाण्डु जषणा चानि मायायि हुंद कारुखानय ।

छुम पहा पलवाह ओनमुत छुस वलन तु खोलन  
छोट ज़्यूठ गछन छुम नु शूभन छुस कूत बोलन ।  
दिम बखशॉयिश यिम वलन छुख तिम सामानय  
छुय बाण्डु जषणा चानि मायायि हुंद कारुखानय ।

पॅरी फोजा आयि जिन ह्यथ पॅरिस्तानय  
अख मसखरा वोथ मसखरस कुन वोथ पहलवानय ।  
पॅरी फोजस म्वकलाव कड जिन तानु तानय  
छुय बाण्डु जषणा चानि मायायि हुंद कारुखानय ।

इस बागे दुनिया में नहीं है अब शर्म की बू  
अरे राजा रंग बदला है फूलों फलों को ।  
युथ देंरज़ु पॉथुर छुय बनावान मर्दन ज़नानय  
छुय बाण्डु जषणा चानि मायायि हुंद कारुखानय ।

टरबाज़ आवे अपने बब को राजा कहावे  
परचा वथरिथ नेंदुर त्रावे फर्श हावे ।  
कख का परतीत नहीं मान का है लख लख खज़ानय  
छुय बाण्डु जषणा चानि मायायि हुंद कारुखानय ।

तॉयिफु दारन सुत्य् आरम ह्यथ हाक् पजे  
जचि मा जचन सुत्य् करान कथु अडु कजे ।  
सब्जी कुनन जचि फिरनावन वानु वानय  
छुय बाण्डु जष्णा चानि मायायि हुंद कारुखानय ।

गर्म मसालाह व्वडि प्यठ ह्यथ कोचन फेरन  
सुत्य् काचु गर्यन काचु बंगरि कुनुनि नेरन ।  
हारन सोंबुरिथ पाँसु बनन पाँसन आनय  
छुय बाण्डु जष्णा चानि मायायि हुंद कारुखानय ।

हापुथ सुत्य् ह्योन पैज्य् वाल्यन ज्यादु छुय लूभुय  
मिथ्या भ्रमस मंज सुत्य् थवुन होस्त क्वसु शूभुय ।  
हॉसिल क्याह छुय छावुल सुत्य् ह्योन नादानय  
छुय बाण्डु जष्णा चानि मायायि हुंद कारुखानय ।

छुस खार बैनिथ गिलुनावन दम भस्तु येरन  
स्वनुर बैनिथ बाँज्य् तारन पीरन अँमीरन ।  
होट ऑस होख फवख दिय दिय ग्रवख न्यंगुलानय  
छुय बाण्डु जष्णा चानि मायायि हुंद कारुखानय ।

दैसिल कारस मंज व्वस्ता छुख छुय नु जोरय  
कम कम मन्दोरि छुख लदन प्रथ पोरु पोरय ।  
कम कम तॉमीर छुख बनावान गाटुलि छानय  
छुय बाण्डु जष्णा चानि मायायि हुंद कारुखानय ।

पतव लाकन्य चकजि किन्त्य नेरिय व्वस्ताँदी  
जमीनदॉरी मंज करुन्य छय नँव आबॉदी ।  
बंजर पुटुन्य कँड्य चटुन्य छिय पहलवानय  
छुय बाण्डु जष्णा चानि मायायि हुंद कारुखानय ।

छुय दीवु अग्न होषि किन्त्य वॉतिथ च्वपोरुय  
बोड बलवीराह हाजितव कोरमुत कम ज़ोरुय ।  
व्वतम प्वरूषा मूर्ख दार्यन प्यठ प्रारानय  
छुय बाण्डु जष्णा चानि मायायि हुंद कारुखानय ।

छुय डाक्टर बँन्य बँन्य बँचरावान बेमारुय  
हरन देहुक्य द्वख तु करन पर व्वपुकारुय ।  
दवा करन दॉद्य लदन शफाखानय  
छुय बाण्डु जष्णा चानि मायायि हुंद कारुखानय ।

छुस रंगु रंगय राजन कित्य पोश वातुनावन  
यनामु दिथ छिम ख्वश गँछिथ यिय बोज़ुनावन ।  
यिथय पॉट्यन ऑस्यज़ि यिवन न्यथ बागुवानय  
छुय बाण्डु जष्णा चानि मायायि हुंद कारुखानय ।

छुस वाज़ु बँनिथ राजुदारन रनन तु प्यवन  
तिम छिम गछन ख्वश मीट्य भूज़न ख्यवन तु चवन ।  
तनखाह दिवन जँट पँट सुवन पॉन्य पानय  
छुय बाण्डु जष्णा चानि मायायि हुंद कारुखानय ।

पॉथुर ज़ानन तीत्त् छुस यथ छ्यन छुनु आसन  
मोह सेंदि फटुन छुम तिमन हुंद पानस मै बासन ।  
ह्यथ म्वख्तु खसन ओश मै वसन छुम दानु दानय  
छुय बाण्डु जष्णा चानि मायायि हुंद कारुखानय ।

तिथि स्वरु वज़न छि तिछ् स्वरनयि तु नकारखानय  
यथ स्वर नु रूज़िथ सुर तु असुर छिय व्यसुरानय ।  
कम कम बूज़न वॉल्त् गॉमुत्त् छि अति दीवानय  
छुय बाण्डु जष्णा चानि मायायि हुंद कारुखानय ।

हे राज़ यूगुकि राज़ सर्व शक्ती मानय  
मै कृष्णस क्युत मुच़रिथ दातु कलमदानय ।  
यनामु कनि दिम लीखिथ मूक्ष परवानय  
छुय बाण्डु जष्णा चानि मायायि हुंद कारुखानय ।



### 238. व्यनती

तारि छुस गोमुत तार दिम भवसरु ।  
शंकरु यियनय आर म्योनुय ।।

यावुन ह्यथ गोख यिथ प्योख बुजरु  
स्वप्नुवत् ओस ल्वकृचार म्योनुय ।  
न्यथ हाव शिव रुपु मंज़ च्यथ मन्दरु  
शंकरु यियनय आर म्योनुय ।।

माया ज़ाल वठ रठ चठ अकि दरु  
लबि कनि थव परिवार म्योनुय ।  
अन्तरम्वख रोज़ु स्वख बरु द्वख हरु  
शंकरु यियनय आर म्योनुय ।।

वॉरागु मछु ज़ोरु सुत्य् त्यागु खंजरु  
देह अभिमान मद मार म्योनुय ।  
जिन्दु थव वॉसि सुत्य् स्यजरु पजरु  
शंकरु यियनय आर म्योनुय ।।

वास्नायि म्यानि मंज़ बस प्रकृति परु  
पछि सोस्त थव आचार म्योनुय ।  
लछि प्यठ प्योमुत छुस करतम खरु  
शंकरु यियनय आर म्योनुय ।।

क्याह करु सारिय वॉसि कोर मे गरु गरु  
कस अँकिस वोत व्वपकार म्योनुय ।  
नशनुकि वेलु पशिनुय बैयि अरु सरु  
शंकरु यियनय आर म्योनुय ।।

वास्नायि अरखोलस करनाव अरु  
चन्दुन कर दिवदार म्योनुय ।  
यॉर ह्यु सब्ज़ कर अदु वन्दस दरु  
शंकरु यियनय आर म्योनुय ।।

अन्नदातु ज्ञानु मंजु ख्यनु चनु उदरु  
सुय आहार पूर्ण व्यचार म्योनुय ।  
असत्वथ चै कुन करु शांती श्रुख परु  
शंकरु यियनय आर म्योनुय ॥

सासु बज्जु वुल्टु रायि कोह ज़न गँयि खरु  
गासु कचि ह्यु व्यस्तार म्योनुय ।  
दय छुख लय कर न्यर्नयि नय स्वरु  
शंकरु यियनय आर म्योनुय ॥

प्राक् जन्मुच खँडिथुय आयि गँयि खरु  
अति क्याह पकि गाटुजार म्योनुय ।  
थोद तुल तु पथर प्योमुत प्यटु थरु  
शंकरु यियनय आर म्योनुय ॥

प्रारब्द फल भूगुनुय छुम तु क्याह करु  
पोत फेरनस छुनु वार म्योनुय ।  
प्रानि वॉरु मंजु कड नवि धॉरु सृत्पु दरु  
शंकरु यियनय आर म्योनुय ॥

द्वह आयि छौह दिथ अन्दरु न्यबरु  
अज़ ननि कुस आसि यार म्योनुय ।  
परदु थव क्वंगु पोष हरदु कति गच्छि बरु  
शंकरु यियनय आर म्योनुय ॥



छ्योट तु श्रूच मत्तु वुछत्तु अछ तु म्योनुय गरु  
शिव लूक ह्यू बनि दार म्योनुय ।  
यमदूत खोचन सुत्त्य् अभय वरु  
शंकरु यियनय आर म्योनुय ।।

छ्यैट वासना म्यौन्त्य् छल न्यर्मलु सरु  
काम क्रूध चमार मार म्योनुय ।  
ब्यल पँत्रु सुत्त्य् प्रधानु करनीश्वरु  
शंकरु यियनय आर म्योनुय ।।

पाद थँक्य् पँक्य् पँक्य् नाद करतु अन्दरु  
खलवत बनि दरबार म्योनुय ।  
जगतुचि रक्षायि हुंज व्यनथा करु  
शंकरु यियनय आर म्योनुय ।।

व्वपकारु सुत्त्य् पनुनुय छुख च्चु व्वपरु  
रुचि वति लागि रोजगार म्योनुय ।  
दातु नाव कडुनावतम जगत ईश्वरु  
शंकरु यियनय आर म्योनुय ।।

गटि मंज कमि ज़ोरु लौत तरु संगरु  
गगरायि खोतु गोब भार म्योनुय ।  
मेघवरणु तेज दिम वुजमलु ज़न तरु  
शंकरु यियनय आर म्योनुय ।।

अमृतु वर्षनु चानि गंगाधरु  
व्यतु छ्यतु गछि नरक नार म्योनुय ।  
धर्म राजु शेहजार फिरि बडि आदरु  
शंकरु यियनय आर म्योनुय ॥

ऊर्ध गथ तिछ दिम युथ अधोगथ हरु  
ज्यूति रुप थव प्राकार म्योनुय ।  
रैह ज़न गगनस खसनुक श्रेह बरु  
शंकरु यियनय आर म्योनुय ॥

वदनस मंज असनुकि म्वखु ध्यान धरु  
यूगु ह्यसु थव व्यवहार म्योनुय ।  
दज़नस मंज बाग शेहजारा करु  
शंकरु यियनय आर म्योनुय ॥

प्रेयमु बागस मंज पान बरु अम्बरु  
फवलनाव च्यथ सुफार म्योनुय ।  
अन्तु कालु हरदु वावु सुत्यु कति गछु बरु  
शंकरु यियनय आर म्योनुय ॥

प्रत्यक्ष भास चन्द्रकला शेखरु  
कास अज्ञानु अन्धकार म्योनुय ।  
दीवु देह प्रावुनाव जीव भाव थव मु ज़रु  
शंकरु यियनय आर म्योनुय ॥

थानु थानु पैठ्य पैठ्य हे विश्वबरु  
च्यथ ब्बद्ध मन प्राण खार म्योनुय ।  
चिन्मात्र म्चक्षराव क्षनमात्र  
शंकरु यियनय आर म्योनुय ।।

नवदार त्रौप्रनु पतु येलि व्यसरु  
ब्रोंठ शुमुराव तिय छु सार म्योनुय ।  
च्यथ जेनुनाव आश्चर्यकि आश्चरु  
शंकरु यियनय आर म्योनुय ।।

अनुग्रह अनुकूट हे दया सागरु  
तृप्त कर भर गरु बार म्योनुय ।  
कर्म ह्यून वर दयि गरुसुय छु लूठ हरु  
शंकरु यियनय आर म्योनुय ।।

भक्ती भावु बाज़रस मंज़ चानि आसरु  
प्वक्तुभाव प्रावि म्बख्तु हार म्योनुय ।  
दीवलूक फलि फलि रटि हटि गंडि लरु  
शंकरु यियनय आर म्योनुय ।।

देह भ्रमु रूग छुम पनुनि सुत्यन खरु  
आवागवन आज़ार म्योनुय ।  
च़ेय मकुंद वासना च़रण कमलन ज़रु  
शंकरु यियनय आर म्योनुय ।।

भूत प्रुत पिशाच डीशित्थ क्याजि डरु  
वेह कास्यख शेहजार म्योनुय ।  
आवेश करतम वरतम महीश्वरु  
शंकरु यियनय आर म्योनुय ।।

कर्पूर गौरम करूनावतारु तरु  
भवसरु द्युन चे मटि तार म्योनुय ।  
च्यथ फुर्ना बेहनाव न्यथ सतग्वरु  
शंकरु यियनय आर म्योनुय ।।

ज्योन मरुन युन गछुन भ्रम ओस प्योस परु  
मोह गटि खोट आधिकार म्योनुय ।  
गाश दिम च्यथ आकाश वुछु ज़रु ज़रु  
शंकरु यियनय आर म्योनुय ।।

कम कार करनि आस गम कास दम बरु  
यार छा यि भ्रम समसार म्योनुय ।  
हे अगम्य् अपारु हे दिगम्बरु हरु  
शंकरु यियनय आर म्योनुय ।।

लूक् हुंजि जेवि परनाव परात्परु  
परनय महिम्नापार म्योनुय ।  
पुष्प दन्तु आचार्य बन नन्दुकीश्वरु  
शंकरु यियनय आर म्योनुय ।।

सतसंगु रंग दिम रायि मूक्ष भंगु परु  
ध्यानु सुत्य् प्राण सन्धार म्योनुय ।  
येति तति शूभ अन यिनु वति प्यठ मरु  
शंकरु यियनय आर म्योनुय ॥

अज्ञानु काठ जॉलिथ भस्माधरु  
तीजु रुप थव आकार म्योनुय ।  
दैह क्षेत्रस दुह कास भास भास्करु  
शंकरु यियनय आर म्योनुय ॥

च्यतु पीडा कास नतु येति क्याह करु  
मृतु विजि छंड हितकार म्योनुय ।  
हे इष्ट दीवु भ्रष्ट प्रकृत थव मु ज़रु  
शंकरु यियनय आर म्योनुय ॥

पाप ज़ाल अग्न नेत्रु सुत्य् जटाधरु  
च्यु छुख विघ्नहर्ता म्योनुय ।  
निवृत दिम अँछ क्याजि लगुनम दरु  
शंकरु यियनय आर म्योनुय ॥

शुर्य तु बाँच वुछ वुछ औश त्रावन ज़रु  
कुस वदुन स्यद्ध करि कार म्योनुय ।  
यिनु त्युथ मरु ध्यानु निशि गछु व्यस्मरु  
शंकरु यियनय आर म्योनुय ॥

वाँसि हुंद करतूत ब्रोंठु कनि गछि खरु  
मृतु विजि तिय निवार म्योनुय ।  
मन निम परमु स्वख दिम परमीश्वरु  
शंकरु यियनय आर म्योनुय ॥

हे महीश जगतीश विश्वीश्वरु  
छति कीशि बोज जारु पार म्योनुय ।  
दीश दीश फिर मु वातुनाव पनुनुय गरु  
शंकरु यियनय आर म्योनुय ॥

मोह मस चथ छुस दोशुलद फिर मे स्वरु  
आशुतोश केंछा च्चु यार म्योनुय ।  
कृष्णस मूक्ष प्रावुनाव अमरीश्वरु  
शंकरु यियनय आर म्योनुय ॥



### 239. प्रार्थना

ॐ सतच्यथ आनन्दुघनु पूरणु ।  
नारायणः नारायनः नारायनः ॐ ॥

समसारु शुर्य बाजि मंज क्याजि यिमु ह्यनु  
मिथ्या भ्रमु सुत्य् देह मानु सार ।  
लोरि गुर ह्यु मानु खसु पकृ थकृ छ्यनु  
नारायणः नारायनः नारायनः ॐ ॥

पितृ लूक् सान चानि अनुग्रह अन्न कनु  
तृप्त बनु प्रावु देह आत्म व्यचार ।  
अन्न ज़न ब्योन नेरु मंज़ तोहि मंज़ कनु  
नारायणः नारायनः नारायनः ॐ ॥

भोग भासुनाव गासु ज़न मंज़ ख्यनु चनु  
द्वद्ध ज़न व्वपुदाव ब्रह्म व्यचार ।  
सर्व व्वपनिषदु वीदु कामधीनि हुंदि थनु  
नारायणः नारायनः नारायनः ॐ ॥

अन्तु कालुचि ज़ालु छम ह्यसु व्यसरनु  
गूपालु डालु दिथ मतु चलतम ।  
कामधीनि हुंदि पासु मनु बिन्द्राबनु  
नारायणः नारायनः नारायनः ॐ ॥

देह मद कास म्यानि मानु दुर्योधनु  
पांचुवय् प्राण म्योन्य् पांच पाण्डव ।  
तिम छि प्रथ काँसि मंज़ धरमु निशि मु गछ छ्यनु  
नारायणः नारायनः नारायनः ॐ ॥

शांती भाव प्रावुनाव प्रथ क्षनु क्षनु  
त्रावुनाव गरु बारुच ममता ।  
अर्पन गछु होय तनु मनु अन्न धनु  
नारायणः नारायनः नारायनः ॐ ॥

पूर्ण अन्त चोन ज़ानु कमि प्रदक्षानु  
च्यथ बेहनाव दिथ ब्रह्म व्यचार ।  
यँद्रेय पोशि पूज़ि हुंदि व्यनती व्यनु  
नारायणः नारायनः नारायनः ॐ ॥

मेछर बाँगरावु चानि भावु बागु अनु  
करुनाव होशि पोशन व्यवहार ।  
वृच माछ तुलुरे जीवतुकि मांछ गनु  
नारायणः नारायनः नारायनः ॐ ॥

चानि प्रेयमु बागुच यँम्बुरज़ल बनु  
अँछ टँटि रोस्त वुछु चोन शामु रुप ।  
बम्बूरस कुन बुम्बूरु गीत वनु  
नारायणः नारायनः नारायनः ॐ ॥

जय जय बोयनय दिवकी नन्दनु  
लय कर मन म्योन पानस सुत्य् ।  
भक्त वत्सलु भक्त दिम भक्ताननु  
नारायणः नारायनः नारायनः ॐ ॥

प्रथ कांह बूल्य् ज़ानु सुत्य् चानि ज़ाननु  
सुय ज़ानुन गव पनुनुय पान ।  
ज़ान गँयि ज्ञान प्रावुनावुन हनु वनु  
नारायणः नारायनः नारायनः ॐ ॥



शामु रुपु मंज परमु धामु बिन्द्राबन  
मनु मथुरायि यितु मनु नॉविथ ।  
पान वन्दुहोय नन्दु गोरिनि नन्दनु  
नारायणः नारायनः नारायनः ॐ ॥

आत्मा रामु यितु नैष्कामु तपु वनु  
ब्रह्म नैष्ठायि हुंजि अयोध्यायि मंज ।  
म्वख हाव परमु स्वख प्रावु चानि दर्शनु  
नारायणः नारायनः नारायनः ॐ ॥

जीवु पनु पोंपुर यनु फ्यूर पनु पनु  
तनु प्यटु तैम्य कति लोलु ओल यूर ।  
थ्यत प्रावि चानि भखच हुंदि पोशि वर्षनु  
नारायणः नारायनः नारायनः ॐ ॥

कुल्य् दिदराजन सुत्य् आंपु छाण्डनु  
बाल बचि करनुय छिम व्वदास ।  
त्युथ लदतम युथ नु फीर्य फीर्य ज्यादु छ्यनु  
नारायणः नारायनः नारायनः ॐ ॥

कामनायि गनु काचि क्रूधु निशि दितु प्यनु  
लूभ पुछि क्याजि दियि पंक्षियन खीद ।  
जानुवार जानुनुच हमसु बूल्य् बोजु कनु  
नारायणः नारायनः नारायनः ॐ ॥

मदु गुह्य रींजिस खोफ खोर त्रावनु  
ब्याख खोर त्रावु ब्बडि मा धरती ।  
यिथि देह मदु निशि रछतु मधुसूदन  
नारायणः नारायनः नारायनः ॐ ॥

स्तुता ज़न बनु लूभ तोंति कूत खनु  
अन्नु धनु अनु करु खानुदौरी ।  
यिथि ज़ेनुनुच प्रय साधु संतु कर छ्यनु  
नारायणः नारायनः नारायनः ॐ ॥

प्वत्रु म्यँत्रु चरि बचि आलि मंज दिम मु प्यनु  
सानि व्यवहारु हारि दिथ समभाव ।  
वाँसि वुफुनाव असि सुत्य् ह्यथ सतग्वणु  
नारायणः नारायनः नारायनः ॐ ॥

राजु हमसन सुत्य् क्वसु मान करु वनु  
वीरनायि हुंघ पौढ्य बो ति ती ती ।  
सतग्वण दिथ मै कर सन्तु साधु लक्षनु  
नारायणः नारायनः नारायनः ॐ ॥

शक्तीनाथु म्वख्तु लँर सॉन्य् लद हनु वनु  
तथ कामि भक्ती भावु कँतिजन लाग ।  
शक्तीपातु चानि खाम आँसिथ प्वख्तु बनु  
नारायणः नारायनः नारायनः ॐ ॥

भखच कुकिला वालमीक रामायण  
तोतु बूल्य श्वकदीव ज़न बोलुनाव ।  
मोर मुकटु धारवुनि गरूडासनु  
नारायणः नारायनः नारायनः ॐ ॥

सत संगु रंगु बुलबुल च्यथ च़ेननु  
होशि पोशिनूलस सुत्य् वुफ़ुनाव ।  
रागु फ़म्बसीर ब्योन नेरि त्यागु भागु बनु  
नारायणः नारायनः नारायनः ॐ ॥

प्रवृच पीच़ कानि अलु डलु क्षनु क्षनु  
फ़ुरनायि हंज़ि लचि सुत्य् साँपुनन ।  
शांत लंजि बेहनाव नेष्कलु न्यर ग्वणु  
नारायणः नारायनः नारायनः ॐ ॥

भखच हुंद कोस्तूर सामवीद गायनु  
प्रेयमु स्वरु ग्यवुनाव गूव्यंदु गीत ।  
दिद्रि ह्यथ जानुवार जल यिन व्वलुसनु  
नारायणः नारायनः नारायनः ॐ ॥

मनुना करुनाव युथ तथ मंज़ सनु  
पोज़ अपुज़ बोज़ुन वनुन त्रावुनाव ।  
वावु मंज़ु कमु डून्य् ग्रावु बोज़ु कावु कनु  
नारायणः नारायनः नारायनः ॐ ॥

वुल्ट संकल्पु रातु म्वगलिस मंज मनु  
स्वप्रकाश हाव वुफुनुय मॅशराव ।  
आत्म सिरिं चमकाव प्रथ रॉच दनु दनु  
नारायणः नारायनः नारायनः ॐ ॥

लूभु गाँठ सॉन्यु कम डोरु कानि खोतु छनु  
हिमसायि पुछि रात दन छे फेरान ।  
जीवु दया बखशुस मंज ख्यनु चनु  
नारायणः नारायनः नारायनः ॐ ॥

शिनि वॉदी रातु क्रील अनिरकि ग्वणु  
गाशुदार जानुवर छु अँन्यु मानन ।  
एकांत सीवुनाव च्यथ सिरिं प्रजलनु  
नारायणः नारायनः नारायनः ॐ ॥

वाक्य कुमरी सुत्यु तत पद बोलनु  
निवुनाव सर्व पंखियन मंज जीत ।  
सुत्यु श्रवनु मननु ह्यथ निदिध्यासनु  
नारायणः नारायनः नारायनः ॐ ॥

रागु चुनि हांग्रस नखु पखु वायनु  
हारु वातुज ज़न ग्यवुनाव गीत ।  
हटि सेतारु बूल्यु ह्योर खारुनाव ब्वनु  
नारायणः नारायनः नारायनः ॐ ॥

यनु प्यठु गोस साधु सन्तु पंथु निशि छ्यनु  
तनु प्यठु छुस मनु किन्त् व्वदास ।  
कृष्णु निम तोत सुत्त् पनुनि आकर्शनु  
नारायणः नारायनः नारायनः ॐ ॥



## 240. वॉराग (व्वपदेश)

छुय क्याह प्रावुन येमि समसारय ।  
कॅर्य कॅर्य बॅड्य बॅड्य कार ॥

वज़ख कोताह छ्वच्चि सेतारय  
छैनिय मा कांह तार ।  
स्व मा मेलिय ख्वटि बाज़ारय  
कॅर्य कॅर्य बॅड्य बॅड्य कार ॥

येमि बुजरु यावनु ल्वकचारय  
दयि नावुय ओत सार ।  
प्रावख सुय सुत्त् सत् व्यचारय  
कॅर्य कॅर्य बॅड्य बॅड्य कार ॥

यश थ्यकनोवुथ सुत्त् अन्धुकारय  
बो छुस दुनियादार ।  
यिथि छ्वटि होसलु ख्वटि व्यवहारय  
कॅर्य कॅर्य बॅड्य बॅड्य कार ॥

वीर दज़ि चाने मदु फुकारय  
छय नॅन्य् यमु तलवार ।  
कम कम बलुवीर अॅम्य् कॅर्य मारय  
कॅर्य कॅर्य बॅड्य बॅड्य कार ॥

बोज़वान बनियन हुंदि बाज़ारय  
कति पकनय खोट्य द्यार ।  
दयि धनु ज़ेन सुत्त्य् च्यथ सुफारय  
कॅर्य कॅर्य बॅड्य बॅड्य कार ॥

व्वत्पत सपनुक मंज़ राज़दारय  
नखु पखु छय शूभिदार ।  
थ्यत प्राव पान वुफुनाव जानुवारय  
कॅर्य कॅर्य बॅड्य बॅड्य कार ॥

अन्दर वखनुथ गर्भ आज़ारय  
करुहा पर व्वपकार ।  
न्यबर नीरिथ क्याह गोय यारय  
कॅर्य कॅर्य बॅड्य बॅड्य कार ॥

युन गछनुय ज़ान भ्रम बॉज़्य्गारय  
यिय स्वर बारम्बार ।  
पॅछ्य लाज़ि पॉट्य कड यिम द्वह तारय  
कॅर्य कॅर्य बॅड्य बॅड्य कार ॥

करजस हूरिथ करुजदारय  
पतु कति रोजिय लार ।  
न्यराश रोज मंज ह्यनु दिनु वारय  
कॅर्य कॅर्य बॅड्य बॅड्य कार ॥

कृष्णस करुनाव साक्षातकारय  
सन्तन सुत्य् दर्बार ।  
न्यथ थव तस वृत ब्रह्माकारय  
कॅर्य कॅर्य बॅड्य बॅड्य कार ॥



## 241. भक्ती लीला

यितु मै निशि दरशोन दितु शम्भू  
पानस सुत्य् नितु छुस प्रारान ।  
क्षय कर पापन मृत्युंजय छुख  
जय जय चान्यन श्वभ कारन ॥

घोर नर्का नर्कव निशि म्वकृलाव  
च्युय छुख भव सागरु तारन ।  
पत्र म्यॅत्र त्रियिनुय हंज कलना छम  
स्वय छुख विवेक दिथ हारन ॥

थजरस प्यठ प्योस सनिरस मंज गोस  
छुख पथर पेमुत्य् बोठ खारन ।

स्वखु म्खु भासुम सर्व द्वख कासुम  
भ्रमु म्ख होवुम समसारन ।।

हुशियार ऑसिथ समयन सोवुस  
कूत मन्दुछोवुस व्यवहारन ।  
कम छ्यपु दोवुस कूत वदुनोवुस  
अदु कोनु छुख अवतार धारन ।।

रागु द्वीश राक्षस छिम पतु लारन  
रामु रुपु तिम कोनु मारन छुख ।  
कॉम छम गॉमुच सुत्य् बॉज्य्गारन  
लोगमुत मंज दुनियादारन ।।

येति चोन ध्यान डलि पॅक्य् पॅक्य् थकि पान  
थ्वकृ छुन यिथिनुय दरबारन ।  
येमि जेननु स्मरँच गाश गच्छि  
धर्मस नाश गच्छि मंज ध्यारन ।।

पतु आसव पछतावन क्याह गव  
यस वरक सुय छु सत व्यचारन ।  
दयाल च्युय छुख असि सारिनुय पाल  
लोचुराव संकल्पुक्यन भारन ।।

गमु भूत प्रुत कास अयाल बारन  
लाचॉरी मु थव लाचारन ।



अन्तु कालुचि ज़ालु कृष्णस शुमराव  
दयि नावु सुत्त्यु केंह छुख यारन ॥

जय जय चान्यन श्वभ कारन ॥



## 242. क्वकालु निशि रछनुच प्रार्थना

काशी से कश्मीर मण्डल में आइये ।  
गोकुल से लाइये शुद्ध हुत्शेष ॥

मनमोहन के साथ भोजन खाइये  
भक्तों को दीजिये ऐसी विशीश ।  
सब को दुर्भिक की नीद से जगाइये  
गोकुल से लाइये शुद्ध हुत्शेष ॥

सब बाल गवाल गोपाल पाइये  
शेष गणेश ईश है ब्रह्मा महेश ।  
ब्रज वासियों का भक्तियोग गाइये  
गोकुल से लाइये शुद्ध हुत्शेष ॥

मालिक हो के सांग बनाइये  
मोहन माया से है निर्लीश ।  
अहवत दे के दूनी तपाइये  
गोकुल से लाइये शुद्ध हुत्शेष ॥

जसुदा माई को विनती सुनाइये  
धारन करके जोगी वेष ।  
भिक्षा कृष्ण दर्शन को मंगवाइये  
गोकुल से लाइये शुद्ध हुत्शेष ।।

गोप गोपियों का हाल बताइये  
उनको है भोग योग का उपदेश ।  
सारी सूरत का ध्यान लगाइये  
गोकुल से लाइये शुद्ध हुत्शेष ।।

अपने भक्तों को चटपट हटाइये  
काम क्रोध लोभ मोह मद राग द्वेश ।  
कलमाला से दुख राक्षस डराइये  
गोकुल से लाइये शुद्ध हुत्शेष ।।

बिन्दराबन से उत्तम पाइये  
गिरिजा का घर है कश्मीर देश ।  
उत्तर वाहिनी गंगा में नहाइये  
गोकुल से लाइये शुद्ध हुत्शेष ।।

कुकाल से हम को मत घबराइये  
चिटे चिटे बन गये काले काले केश ।  
बहुखातक का शंख बजाइये  
गोकुल से लाइये शुद्ध हुत्शेष ।।

कुमार जी को राजधानी में लाइये  
गिरधारी के साथ गौरी गणेश ।  
भिक्षिकों को मूकों को तृप्त फर्माइये  
गोकुल से लाइये शुद्ध हुत्शेष ॥

स्वर्ग से विश्वकर्मा बुलवाइये  
भूम पुत्र को दीजिये बुर्ज मेष ।  
कश्यप की झोंपडी को मरमत कराइये  
गोकुल से लाइये शुद्ध हुत्शेष ॥

कश्मीरियों को कहत से बचाइये  
कृष्ण को मिटाइये संकट कलेश ।  
अन्नपूर्णा का मुख दिखलाइये  
गोकुल से लाइये शुद्ध हुत्शेष ॥



### 243. प्रार्थना

दयायि हुंघ ग्वण चॉन्य् बडि खोतय बँडिये ।  
श्रधायि लक्षन सॉन्य् अडि खोतय अँडिये ॥

त्यज़ित षटकोषुकिस शरीरस ज़ान नाव  
ओरय वँरिथ ब्रह्मविद्या ब्रह्मभाव ।  
योरय बन्या ज़ोरय ह्योन लँड्य लँडिये  
श्रधायि लक्षन सॉन्य् अडि खोतय अँडिये ॥

अन्दर न्यबर सोनुय रोशन छुय कर्तूत  
दार्यव बरव किन्य छिम अचान यँद्रेय भूत ।  
छुनन ओसुहख पनुन्य किन्य कँड्य कँडिये  
श्रधायि लक्षन सॉन्य अडि खोतय अँडिये ॥

तृप्ति दितम ओनमुत छुस नफसि शूमन ज़ेर  
वरतम करतम विषय भूगव निशि सेर ।  
ख्यतम मोद्रि वॉनी हुंघ खंडु लँडिये  
श्रधायि लक्षन सॉन्य अडि खोतय अँडिये ॥

विश्वम्बरो छुख क्वछि क्यथ ह्यथ विश्वेश्वर  
गूपी नाथो चतम सुत्य ह्यथ गूपीश्वर ।  
ऑमी जॉमी श्रधायि हुंघ द्वधु चँडिये  
श्रधायि लक्षन सॉन्य अडि खोतय अँडिये ॥

दिल सीर समसारु निशि कर बनाव दुनियादार  
व्वदास थव दास सन्यासु वृच करुनाव व्यवहार ।  
कुस त्याग वॉराग गव अथि हेन्य अलुगँडिये  
श्रधायि लक्षन सॉन्य अडि खोतय अडिये ॥

कृष्ण चय छुख छलुनावुम जीव भावुच राय  
पनुनि स्वरूप सिवा थावुम मुँ कुनिच माय ।  
शांती ज़लुक्य प्यठय त्रावुम गँडिये  
श्रधायि लक्षन सॉन्य अडि खोतय अँडिये ॥



## 244. आरती

ब्यलु पूजा करु नैष्कलु कलु माला धरुसुय  
हरु कलु माला धरु सुय, शम्भू कलु माला धरुसुय ।  
क्षय करि सान्यन पापन  
क्षय करि सान्यन शापन  
जय गंगाधरुसुय, हरुसुय शंकरुसुय  
ॐ शिव शिव शिव शम्भू ।।

सुय छुय अजर सुय छुय अमर  
ध्यान पर परात्पर, शिवजी ध्यान पर परात्पर  
ॐ शिव शिव शिव शम्भू ।।

तस छि ज्ञानन यूगीश्वर  
आश्चर्युक आश्चर, शिवजी ध्यान पर परात्पर  
ॐ शिव शिव शिव शम्भू ।।

ज्ञानु गाश अनि यूगु नैत्रन  
वुछनावि आश्चरसुय, शिवजी ध्यान पर परात्पर  
ॐ शिव शिव शिव शम्भू ।।

क्षय करि सान्यन पापन  
क्षय करि सान्यन शापन  
जय गंगाधरु सुय हरु सुय शंकरसुय  
ॐ शिव शिव शिव शम्भू ।।

त्यागु वॉरागु च्यतु सौस्त थवि  
करुनावि ब्रह्म व्यचार, शिवजी ध्यानु पर परात्पर  
ॐ शिव शिव शिव शम्भू ।।

सतुचे वति पकृनाँविथ  
सतुचे वति पकृनाँविथ  
ज्ञानु नावि ब्रह्मय सार, शिवजी ध्यानु पर परात्पर  
ॐ शिव शिव शिव शम्भू ।।

आत्मबोद्धुक जल वुजनावि  
ब्रह्म भावु किस सरसुय, शिवजी ध्यानु पर परात्पर  
ॐ शिव शिव शिव शम्भू ।।

क्षय करि सान्यन पापन  
क्षय करि सान्यन शापन  
जय गंगाधरसुय हरसुय शंकरसुय  
ॐ शिव शिव शिव शम्भू ।।

ह्यथ गच्छि देह अभिमानस  
अज्ञानस गंडि लार, शिवजी ध्यानु पर परात्पर  
ॐ शिव शिव शिव शम्भू ।।

अच्यतुचे थ्यरतायि सुत्य्  
अच्यतुचे थ्यरतायि सुत्य्  
वृत थवि ब्रह्माकार  
शिवजी वृत थवि ब्रह्माकार

शिवजी वृत थवि ब्रह्माकार  
शम्भू वृत थवि ब्रह्माकार ।।

तमि ग्वुणु ब्रह्मवित साधन  
पादन अँछ जरुसुय, शिवजी ध्यानु पर परात्पर  
ॐ शिव शिव शिव शम्भू ।।

क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

समसारु यश भ्रम मॉनिथ  
मनुकिन्यु थवि व्वदास, शिवजी ध्यानु पर परात्पर  
ॐ शिव शिव शिव शम्भू ।।

यूगु ज्ञानु ध्यानु सोस्त थवि  
यूगु ज्ञानु ध्यानु सोस्त थवि  
बँस्ती मंजु वनवास, शिवजी ध्यानु पर परात्पर  
ॐ शिव शिव शिव शम्भू ।।

चिन्मात्र ओत मौचरावि  
मंजु क्षन मात्रसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

अन्तकालुचि ज़ालु कौसिथ  
च्यथ थवनावि नैष्कल, शिवजी ध्यानु पर परात्पर  
ॐ शिव शिव शिव शम्भू ।।  
चन्दुन चन्द्रम कोफूर ह्यु  
चन्दुन चन्द्रम कोफूर ह्यु  
म्वखुसुय हावि शीतल, शिवजी ध्यानु पर परात्पर  
ॐ शिव शिव शिव शम्भू ।।

सानि पालनुच आज्ञा दियि  
अभयस तु वरुसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

धर्म ज़ोर दियि तोर मुच़राव  
नावि श्रधायि बरुसुय, शिवजी तोर मुच़राव बरुसुय  
शिवजी ध्यानु पर परात्पर  
ॐ शिव शिव शिव शम्भू ।।

ह्योर खारि च़ूरिमिस पोरस  
ह्योर खारि च़ूरिमिस पोरस  
बसुनावि शांती गरुसुय, शिवजी ध्यानु पर परात्पर  
ॐ शिव शिव शिव शम्भू ।।



कर्मफलकुय बोर लोचरावि  
देह भ्रमु किस खरुसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

सिरिं ह्यु प्रत्यक्ष भॉसिथ  
न्यथ सनम्वख ऑसिथ, शिवजी ध्यानु पर परात्पर  
ॐ शिव शिव शिव शम्भू ।।

सतुचे वति पकुनॉविथ  
सतुचे वति पकुनॉविथ  
अज्ञानु गटु कॉसिथ, शिवजी ध्यानु पर परात्पर  
ॐ शिव शिव शिव शम्भू ।।

आत्म बोद्धुक दीप जॉलिथ  
थवुनावि मंज मरुसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

वनु कॉचाह छे त्रियि प्वत्रु प्रय  
अथ दपन मायाजाल, शिवजी ध्यानु पर परात्पर  
ॐ शिव शिव शिव शम्भू ।।

यिथि ज़ालु मंजु डालु दिथ कडि  
यिथि ज़ालु मंजु डालु दिथ कडि  
चटुनावि मोह जंजाल, शिवजी ध्यानु पर परात्पर  
ॐ शिव शिव शिव शम्भू ।।

अतलास वलुनावि सन्यासु वृच  
थवुनावि मंजु गरुसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

कर्महीनस द्वरगत हरि  
दरिद्रस करि नाश, शिवजी ध्यानु पर परात्पर  
ॐ शिव शिव शिव शम्भू ।।  
पालना साँनी छस मटि  
पालना साँनी छस मटि  
गटि मंजुय अनि गाश, शिवजी ध्यानु पर परात्पर  
ॐ शिव शिव शिव शम्भू ।।

आर यियिनस तारि कृष्णस  
यथ भवसागरुसुय, शिवजी ध्यानु पर परात्पर  
ॐ शिव शिव शिव शम्भू ।।  
क्षय करि सान्यन पापन, क्षय करि सान्यन शापन  
जय गंगाधरुसुय हरुसुय शंकरुसुय  
ॐ शिव शिव शिव शम्भू ।।

ब्यल पूजा करु नैष्कल कलु मालाधरसुय .....



### 245. नमस्कार तु प्रार्थना

नमामि शंकर त्वं परमेश्वरु ।  
आवागवनस करुनाव छ्यन ॥

त्वलि मंज ललुनावोथ मधुसूधन  
मोह मदु निशि रछतु म्योनुय मन ।  
वदनस म्यॉनिस तिछ स्यदुथा दितु  
युथ बनु चै ह्यु आनन्द घन ॥

ख्यनु सुय चनु सुय ह्यनु सुय दिनु सुय  
मंज छुस गोमुत उन्मत ज़न ।  
युन गछुन ज़्योन मरनुय छुम मशिनुय  
पशिनुय हुंज हिश छिम रात घन ॥

वासनायि ममतायि हिमसायि सानि फ़ठ  
दिनुसुय क्युत ज़न अशुमीध बन ।  
रामु चँद्वन्य पॉठय मूक्षी दावुनाव  
परम गत प्रावुनाव सर्व जीवन ॥

वॉरागु काचि सुत्य् रागु दीषि मस कास  
शहरस मंज भासुनाव त्यागु वन ।

शान्तिायि सीतायि सुत्पु सुत्पु पकुनाव  
आज्ञा मानुनाव मनु लकुमन ।।

ङीवु दयायि हुंङु मूकुषा नङुराह त्राव  
देह अभिमान हर ङन ढुह्य ढन ।  
संसारु ताढु मंङु कल्पवृकुष सायि त्राव  
कृषुणुय तथ तल बेहनाव तन ।।

नमामि शंकर त्वं ढरमेश्वरु ।  
आवागवनस करुनाव छुयन ।।



## 246. वुपदीश

असि क्वाङुगि गछुि छलु छांगुरि मन ।  
नरकु मंङु म्बकुलावि नारायण ।।

असि कुनु याद ढैयि तसुंदुय नाव  
यस निशि शिनि मंङु ढुरथ कुंह द्राव ।  
सुय सुुरुय ढानय छु हन हन  
नरकु मंङु म्बकुलावि नारायण ।।

असि कुनु याद ढैयि सुय नुधिराकार  
यस निशि नैनुयु द्रायि यीतुय अवतार ।

सुय छु नैष्कल न्यर्मल न्यर ग्वण  
नरकृ मंजु म्वकृलावि नारायण ।।

छिस दपान आश्चर्युक आश्चर  
छिस वुछान ध्यानु किन्य् यूगीश्वर ।  
सत् च्यथ आनन्दघन पूरण  
नरकृ मंजु म्वकृलावि नारायण ।।

पान वन्दुहोस पम्पोशि नेत्रन  
सुय करि क्षय सान्यन शॅत्रन ।  
सुय मूक्षी प्रावुनावि पित्रन  
नरकृ मंजु म्वकृलावि नारायण ।।

गरिचे मायि रॅट्य अॅस्य् सॉरिय  
लरि जायि लज्जु कॅर खानुदॉरी ।  
असि क्युत बॉगरावि अनुग्रह अन्न  
नरकृ मंजु म्वकृलावि नारायण ।।

कमि कमि छलु किन्य् कोर व्यवहार  
गरु अॅन्य् ज़ीनिथ अन्न धनु द्यार ।  
यिथि करतूतु किन्य् व्वन्य् छि मंदुछन  
नरकृ मंजु म्वकृलावि नारायण ।।

व्वश छुन्य् छुन्य् गॅयि द्यन तय रात  
कुनि वुछ जंगु तय कुनि वुछ सात ।

यिय भूगुन ओस तिय छि भूगन  
नरकृ मंजु म्वकृलावि नारायण ।।

जेवि किन्त् असि वोन भ्रम समसार  
यिम नु पजहॉन तिम तिम कॅर्य कार ।  
यिथि मदु निशि रछि मधुसूदन  
नरकृ मंजु म्वकृलावि नारायण ।।

असि वोल मोह कालुसर्फन नाल  
सुय च्छटि व्वन्त् सोन माया ज़ाल ।  
सम वुछनावि पनुन्यन व्वपुरन  
नरकृ मंजु म्वकृलावि नारायण ।।

अपुजुय ओस बोज़नु आव सत्  
पनुनि गरज़ुच कॅर प्रथ कांह कथ ।  
मोह मस च्छथ गॅय उन्मत ज़न  
नरकृ मंजु म्वकृलावि नारायण ।।

नादॉरी मंजु दय दियि धॉर  
लूकृ हंज़ि रुशि निशि थवि न्यरवॉर ।  
पनुनुय पान ह्यू भासि त्रिभुवन  
नरकृ मंजु म्वकृलावि नारायण ।।

कृष्णस च्छथ फुर्नायि करि छ्यन  
अन्तु कालु तस क्याज़ि ह्यस व्यसरन ।

नेष्कल थावि तस वेषणार्पन  
नरकृ मंजु म्वकृलावि नारायण ।।

हारि फोज हमसस छु पतु लारन  
पॉज तस न्यंदायि किन्य गारन ।  
गाँटु काव ब्रग छिख कन दारन  
नरकृ मंजु म्वकृलावि नारायण ।।

काँटर गुनियन क्याह छु तकसीर  
अति डॅल्यमुत्य् छि वुफुवुन्य् बलवीर ।  
वालु वाशि हुंदि छलु निशि रॅछतन  
नरकृ मंजु म्वकृलावि नारायण ।।



#### 247. सदा शिवस भिक्षा मंगान

गदा द्रास भिक्षाये सदा बोजुम सदाशिव ।  
ह्यथ अनुग्रहची भिक्षा दया सोजुम सदा शिव ।।

मे छम चॉनी आशा विनय बोजुम सदाशिव ।  
हॅरिथ समयिच पीडा सहाय रोजुम सदा शिव ।।

म वुछ म्यॉनी श्रधा सदा बोजुम सदा शिव ।  
सदा संतुष्ट रोजुम सदा बोजुम सदा शिव ।।

ललाटस यिय मे लीखिथ दुरक्षर छिम सदा शिव ।  
प्रणामा च़ेय द्युतुमय तिम नहॉविथ निम सदा शिव ॥

गृहस्थ पूरुन छे क्याह कथ परम गत दिम सदा शिव ।  
मे कम भक्तिस अशक्तस शक्त ह्यथ यिम सदा शिव ॥

भक्त हीनस मूर्खस मे संकट हर सदा शिव ।  
क्षमा दया ज़या ह्यथ मे रक्षा कर सदा शिव ॥

ज्यनुक मरनुक ज़रुय कास ह्यथ कालुन्य् थरु सदा शिव ।  
अथन क्यथ छुय अभय वर अमर अज़र सदा शिव ॥

यथ समयस छि स्यठाह म्वख वुछिथ वॅछ थरु सदा शिव ।  
वरिथ काँत्याह पाँपी मे कृष्णस वर सदा शिव ॥  
ह्यथ अनुग्रहची भिक्षा दया सोज़ुम सदा शिव ॥ ॥



## 248. शरनागति

कमल रुपी चरन चाँनी रटोय शरन च़े आये  
प्रेयम बरव तु ध्याना स्वरव करव नमः शिवाये ।  
त्वता परन परन करन यत्न शरन च़े आये  
प्रेयम बरव तु ध्याना स्वरव करव नमः शिवाये ॥



चु छुख पनुन्यन भक्तन वरन अँस्य् शरन चै आये  
चु छुख रूगन द्वखन हरन अँस्य् व्वन्य् शरन चै आये ।  
चै मूक्ष दातस मूक्षी मंगव तु करव नमः शिवाये  
प्रेयम बरव तु ध्याना स्वरव करव नमः शिवाये ॥

बड्यव यूगव तु सुत्य् सत संगव करव नमः शिवाये  
व्वतम पदव तु सुंदर बंगव करव नमः शिवाये ।  
अधर्मियन सुती जंगव तु करव नमः शिवाये  
समसारु समंदरस तरव करव नमः शिवाये ॥

म्वकृलाव रँट्य मायि पनुन्यव गरव करव नमः शिवाये  
अज तान्य् यिय वोन महाजनव करव नमः शिवाये ।  
तम्युक न्यर्नय अँस्य् क्याह वनव करव नमः शिवाये  
प्रेयम बरव तु ध्याना स्वरव करव नमः शिवाये ॥



### 249. यूगी तु ज्ञानी सुंघ लक्षण

कुल जगत युस ज्ञानि फॉनी, सुय ज्ञॉनी छुय

युस क्वटम्बस ज्ञानि नॉशी यथ शरीरस सान  
मूक्ष हुंद आसि अभिलॉशी करि आत्म ज्ञान  
ज्ञान तँम्य्सुंद देह छु कॉशी चलि यस अज्ञान  
छावि सुय वॉरागु हॉशी त्यागु जामन जान  
चटि मूहन्य् वालु वॉशी हावि हमसु पान

हेयि वुफुन आकाँशी लय गछ्यस मन प्राण  
प्रावुनाव्यस अविनाँशी परम पद न्यर्वान  
छय तसुंज वॉनी भवॉनी सुय ज्ञॉनी छुय  
कुल जगत युस ज्ञानि फॉनी, सुय ज्ञॉनी छुय

भूग तृप्ति प्रावि युस सुय हावि सतुच वथ  
प्रथ पदार्थ डोलि तस निशि बोलि सतुय सत  
ब्रॉठ यियस यशुचिय कथ रोजि पथुय पथ  
सत सदाशिव पानु बखशस परम धामुच थ्यथ  
मे रोस्तुय जयि सोस्तुय दयि सुंज स्मरन  
बलि तस अज्ञानु रुपुय चलि तस द्वर्गत  
गलि तस आवागवन चेनुन कर्यस अच्यत  
ब्रह्मलूकस असुवुनि म्वखु गछि सीवक ह्यथ  
प्रय बरन तस नँव्य तु प्राँनी सुय ज्ञॉनी छुय  
कुल जगत युस ज्ञानि फॉनी, सुय ज्ञॉनी छुय

केंह नु आँसिथ पॉदु कोरमुत येम्य जहानुय छुय  
देह, आत्म, रुप, च्यथ, ब्वद्ध, मन तु प्रानुय छुय  
येम्य थमव रोस्त खरु कोरमुत आस्मानुय छुय  
सिरिं चँद्रम तारुकव सान तीजुवानुय छुय  
क्याह वनव यि कथ बनोवुन क्याह ननानुय छुय  
वन च कुस छुख रुप क्याह छुय क्युथ चे पान छुय  
अँम्य सुंदिस अथ आसनस आसुन भ्रमानुय छुय  
भागवत छुय शास्त्र वीदुय प्वरानुय छुय  
सुय दयस सूत्य लय गछिय युस तस स्वरानुय छुय  
रिन्दु पॉट्य अज्ञानु रोस्त जिंदय मरानुय छुय

अन्तकालस सुत्य् पकन धर्म दानुय छुय  
भगवानुन येम्य् प्रेयम बोर भाग्यवानुय छुय  
युस नु एकस ज़ानि सॉनी सुय ज़ॉनी छुय  
कुल ज़गत युस ज़ानि फॉनी, सुय ज़ॉनी छुय

येम्य् ज़लस सूरत दिच्युय सुय याद छुय ना हाय  
भ्रम क्रीरिस फटनुक फॅर्याद छुय ना हाय  
सन्त कांह छुय ना म्यत्र कांह साध छुय ना हाय  
मॉलिकस रोस्त कॅह स्वरुन अपराध छुय ना हाय  
भक्तीभावस मंज च्यतस प्रह्लाद छुय ना हाय  
दीवु सुंद सत् ग्वुरु सुंद प्रसाद छुय ना हाय  
सतजंनन हुंद बूजमुत समवाद छुय ना हाय  
जांह बन्योमुत भखच सुत्य् आह्लाद छुय ना हाय  
दिल फुटिथ द्युतुमुत दयस कांह नाद छुय ना हाय  
प्रेयमु सुत्य् कोरमुत चै पित्रन श्राध छुय ना हाय  
याद छुय ना अन्तु रोस्तुय आद्य छुय ना हाय  
युस नु आसिय अभिमॉनी सुय ज़ॉनी छुय  
कुल ज़गत युस ज़ानि फॉनी, सुय ज़ॉनी छुय

ध्यान स्वरुन वारु करुन गछि धर्मु ध्यान  
हान कासिय जन्मन हुंज बॅडराविय मान  
मंज अपेक्षायन थवुन वॉराग छुय यॅच जान  
पॉरनाविय त्याग ह्यथ शांती हुंद सामान  
स्यद गछिय अदु राज योगुच धारना तय ध्यान  
निश्चल वृत वावु रोस्तुय चॉंग्य् रेह जंन ज़ान  
शब्द धारा ह्योर खारिय ह्यथ चेतन प्राण

ग्वरु प्रेयम प्रावुनाविय आश्चर्युक थान  
आश्चर्यकिस थानस छुय नाव शिव न्यर्वान  
यस सु बखशिय राजदानी सुय ज्ञानी छुय  
कुल जगत युस ज्ञानि फौनी, सुय ज्ञानी छुय

ग्रटु ज़न भूगनि अन्न ज़ल लूभु रौस्तुय फेर  
लूभु अपेक्षायि प्यनय ब्रौठकुन यिथ ढेर  
प्रारब्दस व्वडि प्यठ ह्यथ कर्म फल कर ज़ेर  
मज़ु मु वुछ कुनि वीज़स बौग्रिथ बन सेर  
ग्रायि मारख रायि रौस्तुय सीवक पनुन्यु निन सेर  
लूख गछन कर्म फल ह्यथ क्याज़ि करन देर  
पनुनी अनवारि प्यठ यिन सुल गछ्यख या च़ेर  
लूभु यँड संतोषि मेखा दिथ मु न्यबर नेर  
नेरुखय ज़ांह पान पनुन कौमिलन निशि शेर  
नेष्कल बन शब्दु सुत्पु कास तौलिबन अंधेर  
युस अच्यत कौर दयि लौनी सुय ज्ञानी छुय  
कुल जगत युस ज्ञानि फौनी, सुय ज्ञानी छुय

पतु त्रावख जायि अन्दर रायि थव ऋषेण पौर  
स्वर तु कथ प्यठ छुख भ्रम्योमुत करतु धर्मुक धौर  
प्रथ अँकिस सुत्पु प्रेयमु द्वध चथ थव तु च्यथ न्यरवौर  
द्रायि कस मायायि हुंजुय हौर गावुय सौर  
फल कुल ज़न शुमुरिथ रोज़ नौमुरिथ थव कौर  
धर्म दण्डुकि ग्रटु सुत्पु पीह अभिमानुच गौर  
भावु किन्पु वल बुर्जु जामय सत वनन कर सौर  
मंजु वन्दस तय र्यतुकालस सब्जु बन ज़न यौर

पजि प्रेयमय बोऽनुवुमख व्वन्य् मसॉ कर तॉर  
थ्यत प्रज्ञ बन मे वोनुमय मूर्ख ब्वद छय चॉर  
आसि यस युथ यारि जॉनी सुय जॉनी छुय  
कुल जगत युस ज्ञानि फॉनी, सुय जॉनी छुय

यस दयस कुन आसि मन तस भासि शहरस बन  
चिन्मात्र पॅहरस गच्छि वॅहरस अख क्षन  
सुय गछुन गव संकल्पन व्यकल्पन छ्यन  
तेलुन गव मेलुन खदवय गछ्यस लय मन  
धनु दौलत गॅहनु गोरमुत ज्ञानि होरमुत पन  
पारस मेलनु बापथ छकि सोरुय स्वन  
सन्तन प्यठ करि अर्पन अन्न धन तन मन  
खानुदॉरी आसि करान सॅन्यासाह ज्ञन  
आसि ज्ञानन मॉलिकस अन्दर न्यबर हन हन  
चटि युस संकल्प सॉनी सुय जॉनी छुय  
कुल जगत युस ज्ञानि फॉनी, सुय जॉनी छुय

हॉव कॅम्य् कालस दिलेरी हावि कुस अज या पगाह  
कृष्ण बेहतर छय फॅकीरी अज अॅमीरी सूद क्याह  
ग्वलि रोस्तुय डून यीरिय देह दृष्टि थव मु ज्ञांह  
छावुवुन बन त्यागु नीरी ऋष्य करन युथ वाह वाह  
वति वुछ खॅन्य् खॅन्य् क्रीरी स्योद पकख छुय खोफ क्याह  
सॅन्य् वोगुन्य् छिय कर्म क्रीरी पानु खॅन्य्मुत्य् कस छु राह  
होल मु पख दोल कुस चै चीरिय भव सॅदरस छुन मु थाह  
दूरि दिवये द्राख चीरी गछ शरन बखशिय ग्वनाह  
छुख थकन व्वन्य् फीर्य फीरी परमु स्वख व्यवहार छाह

ख्यनु चनु रोस्त प्राव सीरी फोजि रोस्त बन पादशाह  
युस च़टिय समसार हॉनी सुय ज़ॉनी छुय  
कुल ज़गत युस ज़ानि फॉनी, सुय ज़ॉनी छुय



## 250. माजि भवानि कुन अस्तुति

दीवी च़रण चॉनी भक्त स्वरन छिय ।  
यिमोय शरन करोय नमो नमस्ती ।।

संकट हरन कवच़ चॉनी परन छिय  
कमल च़रन चॉनी भक्तन वरन छिय ।  
प्रेयम बरन यथ भवसरस तरन छिय  
यिमोय शरन करोय नमो नमस्ती ।।

येति पुर्य त्रावख़ तथ जायि नेत्र ज़रन छिय  
मंगल रुपी ध्यानस चॉनिस स्वरन छिय ।  
कृष्णस सुत्य ह्यथ त्वता चॉनी करन छिय  
यिमोय शरन करोय नमो नमस्ती ।।



## 251. प्रार्थना

मंगल रुपी दीवी महा मंगल दितम च्चु मे ।  
अनाथस आँधीनस परम धामस नितम च्चु मे ॥

द्वधा फ्यौरिथ काँरिथ दँरिथ व्रत ओनुमय चतम च्चु मे ।  
खिरा खंडा थालस बैरिथ ओनुमय तिय ख्यतम च्चु मे ॥

खँसिथ प्पषपक विमानस व्वन्त् पानस सुत्त् ह्यतम च्चु मे ।  
च्यतुय पीडा मे कृष्णस हँरिथ ज़न पन नितम च्चु मे ॥

बहिरमुख छुस गोमुत अँदरु ज़ानुनु यितम च्चु मे ।  
अनाथस आँधीनस परम धामस नितम च्चु मे ॥



## 252. विनती

दया कर ही दीवी भक्त आमृत्य शरन च्चे छिय ।  
ड्यकस नहावुख दुर्क्षर प्यवन पादन परन च्चे छिय ॥

थँविथ च्चे कुन सतुक च्च्यथ व्वतम व्रत न्यथ दरन च्चे छिय ।  
वनन पद्मावती च्चे कमल कोमल च़रन च्चे छिय ॥

भक्त पंचस्तवी ह्यथ स्वंदर लहरी परन च्चे छिय ।  
करन चॉनी पूज़ा सदा प्रेयम बरन च्चे छिय ॥

अकाण्डस ब्रह्माण्डस महा माया स्वरन चै छिय ।  
तिमन धन धन भागुय यिम पादन अँछ जरन चै छिय ॥

शक्ती त्वतुच न्यंदा करन वॉली खरन चै छिय ।  
त्वता नैद्या हिशिय असन कौसम हरन चै छिय ॥

कृष्ण त्वता करन छुय तस हिव्य् कौत्याह करन चै छिय ।  
ड्यकस नहावुख दुर्क्षर प्यवन पादन परन चै छिय ॥



### 253. श्री महारॉज्ञाभगवती कुन स्तुति

छख महा विद्या जगत माता  
महालक्ष्मी शिव प्रया ।  
वैष्णु माया छख सर्व स्यद्धा  
सर्व शक्तीमान छख महा रॉज्ञा ॥

चानि माया सागरु व्वत्पत  
छिय गछान ब्रह्मांड बुद बुद वत्  
भवसर छु अमिकुय अख बूदा  
सर्व शक्तीमान छख महा रॉज्ञा ॥

चानि सुत्य तप जप यूग ज्ञान  
कारण छि धारन चोनुय ध्यान ।



त्रिभुवन मानन छु चॉन्य् आज्ञा  
सर्व शक्तीमान छख महा रॉज्ञा ।।

तुलमुलि नागस लछु बॅद्य लूख  
भक्ती भावु सुत्य् छिय परवुन्य् श्रूख ।  
करवुनय् तप ज़प पाठ पूज़ा  
सर्व शक्तीमान छख महा रॉज्ञा ।।

यस थवख तस थवन राज़ परतीत  
यस ग्यवख तस ग्यवन दिवता गीत ।  
न तु कुस करि त्वता नॅद्या  
सर्व शक्तीमान छख महा रॉज्ञा ।।

खदवय दयि लॉन्य् लीछ द्वर्गत  
शक्तीपातु चानि च़लि स्व छे क्या कथ ।  
अख प्रणाम चोन फिरि कर्मलीखा  
सर्व शक्तीमान छख महा रॉज्ञा ।।

हितकारुच कर अख कटाक्षा  
छ्यतु कर नरकु नार च्यतु पीडा ।  
द्वर्गत हर, नाव छुय दुर्गा  
सर्व शक्तीमान छख महा रॉज्ञा ।।

दिवथा अन तु छख ज़गत अम्बा  
कर तु नैष्वद्ध बालकस पालना ।

त्रिजगत मॉलिस चॉन्य् शोभा  
सर्व शक्तीमान छख महा रॉज्ञा ।।

मोल छु भूतीश्वर परम आत्मा  
तस मंगन छि मूक्ष सॉरिय दिवता ।  
प्रथ कुनि मंज छे तसुंजुय सता  
सर्व शक्तीमान छख महा रॉज्ञा ।।

सर्व मंगल दितु छख मंगला  
अपराध सॉन्य् ज़ाल छख ज़ाला ।  
कालु भयि निशि रछतु छख कालिका  
सर्व शक्तीमान छख महा रॉज्ञा ।।

ज़ानव नु केंह स्वरून करुन्य् त्वता  
अडु कजि कथु सानि बोज़ शारिका ।  
तोतु ज़न सब्ज कर हर आपदा  
सर्व शक्तीमान छख महा रॉज्ञा ।।

सर्व शक्ती रुपु छख श्री शिवा  
समसारु रूगस करतु दवा ।  
दितु विभूती बूट्य च़लि पीडा  
सर्व शक्तीमान छख महा रॉज्ञा ।।

चानि सुत्य् कति दरि सोन ग्रहच़ार  
स्वखुसान जान पकि सोन व्यवहार ।

हटि भ्रामरी उल्का संकटा  
सर्व शक्तीमान छख महा रॉज्ञा ।।

ममता नितु दितु दैवु संपदा  
प्रावु सर्वात्म भावु सता ।  
प्रथ अँकिस करुहॉ च्यतु रंजना  
सर्व शक्तीमान छख महा रॉज्ञा ।।

पंचतरनी ह्यथ गंगाजल  
आयि चान्यन पदमु पादन तल ।  
मीठ्य दिथ द्रायि स्यंद ह्यथ यकजा  
सर्व शक्तीमान छख महा रॉज्ञा ।।

च्युय छख चँद्रभागा व्यतस्ता  
सरस्वती गोमती स्यंद जमुना ।  
पाप छल न्यर्मल कर अवस्था  
सर्व शक्तीमान छख महा रॉज्ञा ।।

अमरनाथु जलसुय छे महानता  
पितृ लूकस छे मटनुच चाका ।  
प्रयाग ह्यथ गंगा गॅया  
सर्व शक्तीमान छख महा रॉज्ञा ।।

चैय द्युतुथ वटक भॉरवस बोड बल  
छख जलु रुपी नैष्कल न्यर्मल ।

शिवरॉच चॉनिय छे वटकु पूजा  
सर्व शक्तीमान छख महा रॉज्ञा ।।

सनिवारि मंज वाति प्रथ काँसि बल  
जल गव अन्न तय अन्न गव जल ।  
मंज जलस अहवत ख्यवन दिवता  
सर्व शक्तीमान छख महा रॉज्ञा ।।

जलसुय छि मानन अँगनुक म्ख  
मंज जलस अहवत दिन्ध छे दियि सुख ।  
जलस तु अग्नस छय एकता  
सर्व शक्तीमान छख महा रॉज्ञा ।।

सिन्दब्रारि ह्यथ सुत्य् रुद्र संध्या  
कपालु मोचनु पवनु संध्या ।  
गोदावरी जलचिय श्रधा  
सर्व शक्तीमान छख महा रॉज्ञा ।।

श्राद पिंड त्रावन छि जलसुय मंज  
तृप्ति थल सुय जल सुय मंज ।  
पितृ लूकस छि जलसुय आप्या  
सर्व शक्तीमान छख महा रॉज्ञा ।।

क्षीर सागरु सुय मंज छु भगवान  
अवतार धारन हारन हान ।

मंजु जलस दीव छिस करान त्वता  
सर्व शक्तीमान छख महा रॉज्ञा ॥

रामजी कृष्णजी छि बँड्य अवतार  
जलुकिय कार छिख यँच शूभिदार ।  
जलसुय मंजु छे लंका द्वारिका  
सर्व शक्तीमान छख महा रॉज्ञा ॥

असि भिकिकन हुंद बोज शब्दा  
स्यद सोज ह्यथ अनुग्रह भिक्षा ।  
बानु भर कृष्णस कर कृपा  
सर्व शक्तीमान छख महा रॉज्ञा ॥



#### 254. जगदम्बा श्री राज्ञा भगवती कुन स्तुति तु प्रार्थना

श्री राज राजेश्वरी आमृत्यु शरण छिय ।  
पूजायि लागोय पम्पोश ग्वलाब मादल तु हिय ॥

जगत अम्बा चय छख मंजु वदनस असुनाव  
नैषब्बद्ध शुर्यन दयायि हुंद दामन प्यटु त्राव ।  
कल्याणु सोस्त थाव सुतुय अशि फेर्यन बरन छिय  
पूजायि लागोय पम्पोश ग्वलाब मादल तु हिय ॥

बाहन सिरिर्नि चान्यन जुचन हुंद प्रकाश  
चरन चॉनी करन संकटु गटे छि नाश ।  
तिहिंजि गरदि सुत्त् दीव मुकटु जरन छिय  
पूजायि लागोय पम्पोश ग्वलाब मादल तु हिय ॥

लूका लूकन हुंद सत् ज़न कारण दीवघन  
सिंहासनस चॉनिस दिवन छिय प्रदिक्षन ।  
परम धामुक्य् प्वरुष प्यवन परन छिय  
पूजायि लागोय पम्पोश ग्वलाब मादल तु हिय ॥

ओमकार रुपी चॅक्र नागस छि नॅन् नेरन  
तीजुचि रेखायि चोपोर त्रिकूनस फेरन ।  
यूगी ज्ञॉनी प्रॉणी सुय ध्यान धरन छिय  
पूजायि लागोय पम्पोश ग्वलाब मादल तु हिय ॥

बुद्ध छनु वातन कम रंग चान्यन रंगन छिय  
कॉमीश्वरी चै मनु कामुनायन मंगन छिय ।  
यिछि जायि श्रधायि सुत्त् आयि त्वतायि परन छिय  
पूजायि लागोय पम्पोश ग्वलाब मादल तु हिय ॥

पनुन्यन भक्तन दासन हुंदुय पैयिनय पास  
तिहिंदे पासय क्वकर्मन हुंज गटय मे कास ।  
ज्यूती स्वरूप हाव छय भूतीश्वरुन्य् द्रिय  
पूजायि लागोय पम्पोश ग्वलाब मादल तु हिय ॥

भगवत मायायि हृद्य रंग चॉनी छि रंगारंग  
चाने सुती छि भूग छुय यूग छुय सत् संग ।  
तप जप समाध कृया कर्म करन छिय  
पूजायि लागोय पम्पोश ग्वलाब मादल तु हिय ॥

महामाया च्युय छख चठ असि माया जाल  
असि वोलमुत छुय गृहस्तुक्य कालु स्वरुन नाल ।  
लंग्यमुत्य् सौरिय पनुन्यन पनुन्यन गरन छिय  
पूजायि लागोय पम्पोश ग्वलाब मादल तु हिय ॥

कम भक्ती किन्य भक्तावारन खरन छिय  
कथ कामि लगव क्याह तगि जिन्दय मरन छिय ।  
च्युय टोठ सँच चानि सुती घन घन बरन छिय  
पूजायि लागोय पम्पोश ग्वलाब मादल तु हिय ॥

प्रसाद कर गाल जन्मा जन्मन हृद्य अपराध  
सब्ज रंगय जलय मंजु हाव पम्पोशि पाद ।  
यिम तिम स्वरन यथ भवसरस तरन छिय  
पूजायि लागोय पम्पोश ग्वलाब मादल तु हिय ॥

चाने सुत्य् सृष्टी गॅयि नॅनी जय बोयनय  
मंजु शिनि व्वत्पत साँपनी जय बोयनय ।  
कलर जोगुच महा राजिरॉनी शरन छिय  
पूजायि लागोय पम्पोश ग्वलाब मादल तु हिय ॥

कुनुय यैलि ओस वुछन वोला तस कुस ओस  
जगत यैलि ज़ाव मॉजा मोला तस कुस ओस ।  
च्यथ शक्ती चानि सुत्पु एक अनेक स्वरन छिय  
पूजायि लागोय पम्पोश ग्वलाब मादल तु हिय ॥

चैय अज़पा गायत्री कारण ग्यवन छि गीत  
न्यसत्रय ग्वण छख ग्वणन चाने सुत्पु परतीत ।  
चाने सुत्पु कार अन्तःकरण करन छिय  
पूजायि लागोय पम्पोश ग्वलाब मादल तु हिय ॥

अनेक नागन प्यठ छुय न्यर्वासन आसन  
प्यठ शीष नागस वैष्णु रुपी छख भासन ।  
सॉरिय ग्वण चॉन्पु महा प्वरूषन वरन छिय  
पूजायि लागोय पम्पोश ग्वलाब मादल तु हिय ॥

चैय कित्पु नाना रंगय भूज़न रनन छिय  
चैय निशि स्वर्ण बानन लँदिथ अनन छिय ।  
नाना रंगव मिठायि थाल बरन छिय  
पूजायि लागोय पम्पोश ग्वलाब मादल तु हिय ॥

चाने दयायि सुत्पु कँड्य बड्यव बँड्य बँड्य नाव  
नेष्वद्ध कृष्णस निशि वॉनी हुंद अमृत द्राव ।  
परन वाल्यन जन्मन हुंघ द्वख हरन छिय  
पूजायि लागोय पम्पोश ग्वलाब मादल तु हिय ॥





## 255. प्रार्थना

राजेश्वरी राजन हुंज छख बँड सरकार ।  
फिर दयि लोनुय सोनुय चोनुय रोट दर्बार ॥

सता छे चॉनिय च़ेय निशि अँस्य् आय व्वमेदवार  
अथा त्युथ दितु अँस्य् करुहॉव पर व्वपुकार ।  
यि क्वसु कथा छे च़े निशि असि लदख अन्न धन द्यार  
फिर दयि लोनुय सोनुय चोनुय रोट दर्बार ॥

यि क्वसु कथा छि च़े निशि करख परम पार  
यि क्वसु कथा छि च़े निशि दिख पंचालस तार ।  
यि क्वसु कथा छि च़े निशि करख साह्यब कार  
फिर दयि लोनुय सोनुय चोनुय रोट दर्बार ॥

यि क्वसु कथा छि च़े निशि वालख पापुन्य भार  
यि क्वसु कथा छि च़े निशि थवख केंछा च़ु सार ।  
यि क्वसु कथा छि च़े निशि दिख आत्मुक व्यचार  
फिर दयि लोनुय सोनुय चोनुय रोट दर्बार ॥

यि क्वसु कथा छि च़े निशि हावख तीज आकार  
पापन सान्यन दँजिथ बनि सूरुक अम्बार ।  
यि क्वसु कथा छि च़े निशि वरख असि हिव्य् ग्वनाहगार  
फिर दयि लोनुय सोनुय चोनुय रोट दर्बार ॥

यि क्वसु कथा छि चै निशि हावख म्वक्तिदार  
तथ द्वारस मंज चॉनिथ बनावख खानुदार ।  
यि क्वसु कथा छि चै निशि ज़ानुनावख स्वप्नुवत संसार  
फिर दयि लोनुय सोनुय चोनुय रोट दर्बार ॥

यि क्वसु कथा छि नारस सॉनिस करख गुलज़ार  
यि क्वसु कथा छि लोचुरावख ग्रह चँक्रुक भार ।  
यि क्वसु कथा छि दया ऑसिथ यियिय ना आर  
फिर दयि लोनुय सोनुय चोनुय रोट दर्बार ॥

वावस मंज छय नावा सॉनिय द्युन गछि तार  
पँत्युम नावा छु बोडुय ब्रॉठकुन वॉत्य्मुत्य् छि कार ।  
नेबुर्य छि फीसा कँरिथ अँदुर्य किन्य लाचार  
फिर दयि लोनुय सोनुय चोनुय रोट दर्बार ॥

नाना रंगय नाना रुपय छु प्रकार  
छख ज़ल रुपी छख थल रुपी सर्वाकार ।  
मारन राक्षस हारन द्वख धारन अवतार  
फिर दयि लोनुय सोनुय चोनुय रोट दर्बार ॥

असि गछि सोरुय आसुन अँस्य् छिय दुनियादार  
कांह चीज़ डलुन गछिय नु चलुन गछि व्यवहार ।  
छ्यनुन गछि नु ग्रहस्थ सेतारस कांह तार  
फिर दयि लोनुय सोनुय चोनुय रोट दर्बार ॥

चाने यछायि सुत्त्य् कॅर्य् खगव रुत्त्य् रुत्त्य् कार  
वुन्त्य्क्यनुकिस खगु राजस सोनुय छु जय जय कार ।

स्यदथ द्युनुक युहोय छुय थोवमुत म्वत्तार  
फिर दयि लोनुय सोनुय चोनुय रोट दर्बार ॥

स्यद गच्छि गछुन अँस्य् छि साधक सीवाकार  
श्रवन मनन निदिध्यासन साक्षात् कार ।  
कृष्णुन बोयिन चान्यन भक्तन नमस्कार  
फिर दयि लोनुय सोनुय चोनुय रोट दर्बार ॥

दिथ आपु रोछुथस सूक्षम बोज हुंद जानावार  
ऑलिस मंज ओस पखव रोस्त प्योमुत नाबुकार ।  
व्वन्य् राजु हमसस सुत्त्य् वुफुनुक द्युतुथस आधिकार  
फिर दयि लोनुय सोनुय चोनुय रोट दर्बार ॥



## 256. प्रार्थना

शोडशि कला छख च्चु चँद्र कलावती ।  
कास गट् मूह्च मदुची असि ही मधुमती ॥

पनुन्यन भक्तन नव न्यदा च्चुय छख दिवन  
आश्र्चर्यवत् छख बोज अन्दर ज्ञाननु यिवन ।  
छय ऑठ स्यदुच गुल्य् गँड्य गँड्य च्चै ब्रोंटु पँती  
कास गट् मूह्च मदुची असि ही मधुमती ॥

प्यठ नागस बीढ्य प्रेयमु बागस आव बहारुय  
नाना प्रकारुक्यन पोशन कोर अम्बारुय ।  
पूजायि कित् नील्य् शाम व्वजुल्य् जर्द छती  
कास गट् मूह्च मदुची असि ही मधुमती ।।

छख प्राणु रुपी परम आत्म न्यर्मल नैष्कल  
च्यथ शक्ती छख पानु छावन हृदयुक कमल ।  
पम्पोशि बॅर्गन छख च्चु फेरन पद्मावती  
कास गट् मूह्च मदुची असि ही मधुमती ।।

शरन आमुत्य् चान्यन पादन तल छि आँधीन  
पान मशराव असि कर पनुनिस ध्यानस अंदर लीन ।  
प्रेयमुक मस चाव असि सेद्य पॉट्य बनाव मॅती  
कास गट् मूह्च मदुची असि ही मधुमती ।।

यथ वुल्ट् हालस मंज् छि चाने सुत्य् अँस्य् दॅरिथ  
अँर्य दॅर्य रूजिथ समसारुक व्यवहार कॅरिथ ।  
जन श्वास उश्वास तुलमुल कुन वथी तु खॅती  
कास गट् मूह्च मदुची असि ही मधुमती ।।

अँस्य् चानि सुती ठीकिथ छि धर्मस मंजुय  
प्रजलवुन्य् छिय पनुनिसुय कर्मस मंजुय ।  
धर्मच कर्मच सॉन्य् बॅती मु कर पॅती  
कास गट् मूह्च मदुची असि ही मधुमती ।।

धर्म राजस सॉनिस थव बौड आधिकारुय  
पानय च़ुय छख सरकारन हुंद सरकारुय ।  
भक्ती छे म्वक्ती स्व छे आसन हॉज़िर यती  
कास गट मूहच मदुची असि ही मधुमती ।।

सिंहासनस चॉनिस बोयिनय जय जय कारुय  
प्यठ शालुयारय कृष्णन रोट युथ दर्बारुय ।  
वान्दर राजस मंज़ रोज़तस न्यथ सुत्पु सुती  
कास गट मूहच मदुची असि ही मधुमती ।।



## 257. प्रार्थना

ज़गत माता दीवी च़ु छख वॉतिथ हने हने ।  
अश्वद्ध नेष्वद्ध नेचिविस च़ु नय टोटख मे क्याह बने ।।

पशन ज़ीवन खबर छा प्यता कुस छुख कर्यख सु क्याह ।  
स्वप्त्रस मे चॉनिस क्वप्त्र कुस अखा वने ।।

तने मँकर्यर मलिथ छुस मँलीन वस्त्र वॅलिथ छुस ।  
पथ प्योमुत नंगय छुस तुलुम वुछ कॅह मे मा सने ।।

छ्योटुय श्रूचुय ख्यवन छुस थकन सुत्पु द्वध चवन छुस ।  
छुसथ नय परज़ुनावन यिहँम किथु पॉदय वने ।।

मे छय बँड्यॉय सॉरुय गृहस्थुक्य आधिकारुय ।  
मे चॉरिस प्यठ दया छय बजा किथु पॉट्य बने ॥

स्यदथ आकाशि सोऽमु सहाय मंज आशि रोऽमु ।  
तिष्ठय शुर्य बाशि बोऽमु मे युथ यँच लोल गने ॥

क्वछे क्यथ ललनावुम तलु पादन मे थावुम ।  
शॉंगिथ छुस वुऽनावुम, मु थावुम अंद कने ॥

ल्वकुट छुस बँडुरावुम करुनि कथु हेछिनावुम ।  
विद्या दिथ शूभुरावुम मे सर्तलि स्वन सपने ॥

तने विष्ठा मे लॉरिथ स्व लोब कुन दिम च्चु दॉरिथ ।  
करुम ऑंबुय गॉंबुय वुरुन छुन प्यठ क्वटिल बने ॥

बिहिथ प्यठ सरहदन छुय वनुच वॉनी लदन छुय ।  
कृष्ण शुर जंन वदन छुय च्चु ह्यन मंज बाग ख्वने ॥

ब्रह्म जंनुच युक्त दिस भक्त दिस ब्रॉठ कुन यिस ।  
मुक्त दिस बँड शक्त दिस अशक्तुय क्याजि छने ॥  
अश्वद्ध नैष्वद्ध नैचिविस च्चु नय टोठख मे क्याह बने ॥



## 258. प्रार्थना

पम्पोशि पादन श्री रानि ब्रॉरी  
पादन लगय पॉर्य पॉरिये ।  
पॉरी पॉरी लगोय पॉर्य पॉरी  
पादन लगय पॉर्य पॉरिये ॥

सिंहासनु चिय छय सवॉरी  
लारान प्वछु लॉव्य ज़न मँज्य लॉरी ।  
अँस्य आयि शाल ज़न पाप चँल्य सॉरी  
पादन लगय पॉर्य पॉरिये ॥

स्यदथ मंगनि आयि दीव सॉरी  
ज्ञॉनी यूगी, बेयि ब्रह्मचॉरी ।  
येति यपॉरी छख च्ववापॉरी  
पादन लगय पॉर्य पॉरिये ॥

शरन आमुत्य् छि अँस्य् दिवुसॉरी  
चाने दयायि संकट हॉरी ।  
हॉरी, हॉरी, हॉरी, हॉरी  
पादन लगय पॉर्य पॉरिये ॥

अनुग्रह दिथ कर पर व्वपकॉरी  
लंगर सोन थव ज़ल ज़न जॉरी ।  
अन्नपूर्णायि हुंद कर भंडॉरी  
पादन लगय पॉर्य पॉरिये ॥

पानय पाल सॉन्य अयाल बॉरी  
दयाल बॅनिथ कास लाचॉरी ।  
अथु डाल रथि खसि दुनिया दॉरी  
पादन लगय पॉर्य पॉरिये ॥

वातन वाल्यन मंज़ अँस्य् छि चॉरी  
सेद्य पॉढ्य बनाव बँड्य व्यवहॉरी ।  
लोचराव संकल्पन हुंद्य बॉरी  
पादन लगय पॉर्य पॉरिये ॥

बनाव ज्ञानुक्य् अधिकॉरी  
यूगुचि बरने मुचराव तॉरी ।  
म्वक्ती लरि करुनाव खानुदॉरी  
पादन लगय पॉर्य पॉरिये ॥

देह थाव ओर दोर कास बेमॉरी  
युथ बन प्रथ भूगुक आहॉरी ।  
च्यथ थव ह्यसु रटनुकि व्यस्तॉरी  
पादन लगय पॉर्य पॉरिये ॥

चाने सुत्य् असि द्वख न्यवॉरी  
चाने सुत्य् पापु राक्षस मॉरी ।  
दिवता वातन गरु कुन सॉरी  
पादन लगय पॉर्य पॉरिये ॥



चॉनी दॉसी छे महा मॉरी  
करन चॉनी छे ताबेदॉरी ।  
मृतु निशि बॅचरावुनाव देह दॉरी  
पादन लगय पॉर्य पॉरिये ॥

लंका पतियन दीव ज़ीन्य् सॉरी  
करन चॉनी खॅदमतगॉरी ।  
चॅडी शूभिहिय युथ पूजॉरी  
पादन लगय पॉर्य पॉरिये ॥

कश्मीरु ऋष्ट्य् डीशिथ व्रतदॉरी  
बनेयख खिरु ज़लु आहॉरी ।  
सनिवारि रुपु छख ज़ल आकॉरी  
पादन लगय पॉर्य पॉरिये ॥

कृपायि चानि कॅर कृष्णस यॉरी  
करिनय तस तप ज़प यॉरी ।  
मूर्खस बनोवुथ परमाचॉरी  
पादन लगय पॉर्य पॉरिये ॥



## 259. श्री शिव शक्ती रुपस (माता पिता) कुन स्तुति

वन हारि यूरुम प्यठ कल्प वृक्षस ओलुये ।  
तति आंपु दिवन छुम राज़ हमस मोलुये ॥

स्वय राजि रेन्य् मॉज येमि युथ प्रपंच पोलुये  
सुय राज़ हम्स मोल येम्य् यमराज़ गोलुये ।  
सुय भस्माधार येम्य् भस्मासुर ज़ोलुये  
वन हारि यूरुम प्यठ कल्प वृक्षस ओलुये ॥

राजि रेनि माजे साने छु जय जय कार  
छम हेछिनावन ऑलिस मंज़ बोलुन शूभिदार ।  
फाह छम मे दिवन कोताह मे बरन लोलुये  
वन हारि यूरुम प्यठ कल्प वृक्षस ओलुये ॥

मॉलिस तु माजे साने छु असत्वथ बारम्बार  
नेष्वद्ध बचन छे रछन असि छुख कुस गाटुजार ।  
बोज़्यम नय वॉनी द्वध नेर्यम कोलये  
वन हारि यूरुम प्यठ कल्प वृक्षस ओलुये ॥

तसुंजे दयायि सुत्य् असि वुफुन हेछुन ज़ोन  
मंज़ जानुवारन स्योद गव होल ऑसिथ कर्मलोन ।  
अन्दर न्यबर फीर्य अदु स्वख द्वख च़ोलुये  
वन हारि यूरुम प्यठ कल्प वृक्षस ओलुये ॥

त्युथुय होशा द्युतुन जगत भ्रमुय मोन  
द्यन रात गुजरोव शिन्यस मंज सोहमुय जोन ।  
तसंजि दयायि अँस्य् पॉल्य् प्रथ कांह पोलुये  
वन हारि यूरुम प्यठ कल्प वृक्षस ओलुये ॥

अँस्य् सॉर करन छि मंज पोशि बागन सुत्य् ह्यथ कृत्य्  
ब्यहन छि नागन प्यठ च्यथ लागन रागन सुत्य् ।  
त्युथ बूल त्युथ ग्योव युथ सारिनुय द्वख गोलुये  
वन हारि यूरुम प्यठ कल्प वृक्षस ओलुये ॥

वॉनियि कुकिलि वोन होशि किस पोशि नूलस कुन  
थज्जरय प्यठय नजराह कर पोशि डूरिस कुन ।  
वुछ बागवानन युथ बाग क्युथ सम्बोलुये  
वन हारि यूरुम प्यठ कल्प वृक्षस ओलुये ॥

प्रेमु बागस वुछ फुलया लँजमुच शूभिदार  
लंगन लंजन प्यठ छिस बोलन जानावार ।  
वुछुस गोलमुत अज्ञानुक अरखोलुये  
वन हारि यूरुम प्यठ कल्प वृक्षस ओलुये ॥

गाश लोग फवलुनि ग्वफन मंज रातु क्रूलुय बीढ्य  
वोथ सुलि कृष्ण बोलन तँम्य् पोशिनूलुय डीढ्य ।  
तमि बोलि आकाशि अमृत वरशोन वोलुये  
वन हारि यूरुम प्यठ कल्प वृक्षस ओलुये ॥



## 260. श्री अमृतीश्वर भौरव सुंदि स्वरूपच वर्णना

आदि दिगम्बर श्री अमृतीश्वरु  
अजरु अमरु जय बोयनय ।  
चोनय ध्यानय छु यूगु ज्ञानय  
सुय करि सोन मन प्रानुय लय ॥

चंद्रचूड शोक्लु रंगु रुपु छख भासन  
त्रेयलोचन पद्मासन छुय ।  
च्वन बजनुय छिय ब्योन ब्योन दौर्यमुत्यु  
पद्मु अमृतु पात वर अभय ॥

न चे हटि वासुक न चे जटि गंगा  
कर्पूर गौरम रंगाह छुय ।  
न चे गज चरमा न चे सुह मुस्ला  
न चे कांह दीविया पतु कनि छय ॥

ह्यतकार पुछि दोरुथ युथ ध्यानय  
परमात्म सर्व शक्तीमानुय छुख ।  
न चे वृष्भासन छुख असि दासन  
मृत विजि भासन मृत्युंजय ॥

नखु छुख प्रेयमचि वति दूर कति छुख  
अति स्वंदर छुख बोड आदिदीव ।  
पय दिथ लबुनाव आत्म न्यर्नय नय  
तथ मंजु लय कर गव मनोजय ॥

रूप चोन छुय सत् चित् आकाशिय  
पापन सान्यन नाशुय कर ।  
अम्बज्जु रुपु अमृत लक्ष्मी सुत्त्य छय  
दारिद्रस साँनिस कर क्षय ॥

हृदयस मंजु बसवुनि न्यथ लसवुनि  
असवुनि गिंदवुनि कर न्यरामय ।  
असि आँधीनन क्रिया वुछिनय  
दया करु नाव छुय बोड दय ॥

अग्नु गगनु पवनु पृथवी जलु थलु रुपु  
न्यर्मलु नैष्कलु कलु वन्दुहँय ।  
कृपा दृष्टि हुंजु अख कटाखा कर  
कृष्णस वर मूह हर बर प्रय ॥

आदि दिगम्बर श्री अमृतीश्वरु  
अजरु अमरु जय बोयनय ।



## 261. अन्तु समयि महा भयि निशि म्बकलावनु खॉतरु मृत्युंजयस प्रार्थना

हे मृत्युंजयि यमु भयि निशि रछ मे आसय चै शरन ।  
शिव शंकरु शिव शंकरु अन्तुकालु पालवुन बन ॥

ज्ञान यूगु नेत्रन मंजु बास सत् च्यथ आनन्दुघन  
ज्यनु मरनुक ज़रु ज़रु कास युथ गछि जन्मन छ्यन ।  
अरु सरु कूत करनोवुस येम्य् गरु गरु करनन  
शिव शंकरु रामीश्वरु अन्तुकालु पालवुन बन ॥

च्यथ त्वर्गस वगि रटुनाव स्योद पकृनाव भगवन  
श्वद्ध वासुनायि आत्म तीर्थु यात्रयि हुंजन पंथन ।  
सूर्य तीर्थ तीजस सुत्य् करुनाव प्येत्र लूक ह्यथ मिलुवन  
शिव शंकरु गंगाधरु अन्तुकालु पालवुन बन ॥

त्रियि प्वत्रन हुंजु प्रय छम कामुनायन फिरुवन  
वुल्टु रायन क्षय कर रोज़ मंजु अन्ताह करुणन ।  
जीवु भावस दीवु ग्वण दिम नाव छुय न्यस्त्रय ग्वण  
शिव शंकरु हे जटाधरु अन्तुकालु पालवुन बन ॥

रामीश्वरु कामीश्वरु कामना छुख च़ पूरन  
कामना छम मूक्षी हुंजु शक्तीपातुक दातु बन ।  
भस्माधरु सूरु फशि सुत्य् मन म्योन कर दर्पण  
शिव शंकरु भस्माधरु अन्तुकालु पालवुन बन ॥

ओरु योरु अन ज़ोरु म्योन मन तथ प्यठ कर आसन  
कर तु दासन परम ज्यूति रुप हॉविथ न्यर्वासन ।  
खार श्वासन उश्वासन गगनस कुन रेह ज़न  
शिव शंकरु हि दिगम्बरु अन्तुकालु पालुवुन बन ॥

स्यँज वथ हॉविथ ज़ानुनाव नतु चे तु मे कुस छु ब्यन  
ज़ीवु भ्रम छुम मंज गोमुत एक गोस मंज द्वन त्रन ।  
च्वन हालन मंज तुर्या रुपु भासुनाव त्रिभुवन  
शिव शंकरु हे महेश्वरु अन्तुकालु पालुवुन बन ॥

संकटु कट मूर्छा खट ब्रह्म भासुनाव हन हन  
वासनायि हुंद वथरुन वठ ज़ीवु छूठ कति रोज़न ।  
माया ज़ाल च़ठ कृष्णस अथु रठ योरु ओरु अन  
शिव शंकरु ज़गत ईश्वरु अन्तुकालु पालुवुन बन ॥

हे मृत्युंजयि यमु भयि निशि रछ मे आसय चे शरन ॥



## 262. प्रार्थना

हे दिगम्बरु च़ु मे गम हर कर दया आसय शरण ।  
छुख मृत्युंजय कर मे पापन क्षय च़ु छुख भक्तन वरन ॥

भवु सरु किस मुह गॅलिस वातुनस छनु ब्वद्ध तरन  
नठ छे वैछमुच़ वीरु शेरन राज़ु हमसन शाह परन ।

करुखय ओरय कृपा अदु असि हिव्य् अँन्य् रँन्य् तरन  
छुख मृत्युंजय कर मे पापन क्षय च्छु छुख भक्तन वरन ।।

कमि खक्ती बनि म्वक्ती छि नु अँस्य् जिन्दय मरन  
छय कठिन्य् शाँति बनुन्य् लँग्य्मुत्त् छि अँस्य् पनुन्यन गरन ।  
चटुनाव मायायि जामय रटुनाव पनुनी चरन  
छुख मृत्युंजय कर मे पापन क्षय च्छु छुख भक्तन वरन ।।

भ्रमु भूतन प्राह कौरुख होल छुख यिवान ख्वश स्योद खरन  
मोह मस चथ छुय जगत व्वन्मत भूताः यश खरन ।  
छुस तिमन मंज बो ति अख कीटा मँलीनता आश्रन  
छुख मृत्युंजय कर मे पापन क्षय च्छु छुख भक्तन वरन ।।

अभिज्यथ छुय चोन प्रेयम करि क्याह क्रछ तय बरन  
सात वुछ वुछ प्रोव क्याह असि नॉल्य् छुन्य् नँव्य् नँव्य् फ्यरन ।  
जामु सुय वल असि युस च्छुय छुख वलन न्यथ छुय दरन  
छुख मृत्युंजय कर मे पापन क्षय च्छु छुख भक्तन वरन ।।

नितु पानस कुन रँटिथ यिम म्यॉन्य् छिय अन्तःकरण  
ज्ञानु नेत्र दिम वुछथ च्छुय छुख च्छु अज्ञानस हरन ।  
ब्रह्मवित् प्वरुषन कृष्ण छुय दण्डवत जय जय करन  
छुख मृत्युंजय कर मे पापन क्षय च्छु छुख भक्तन वरन ।।





## 263. अद्वैत पूजा

(शिव तु कीशव एक जॉनिथ)

ब्यल तु त्वल्सी लागु उमाधरु सुय श्रीधरुसुय  
श्वेतपीताम्बरु मायातीतु हरीहरुसुय ।  
अद्वैतगीतु परमु धर्म पद परु परात्परु सुय  
ब्यल तु त्वल्सी लागु उमाधरु सुय श्रीधरुसुय ॥

ओं वैष्णु कृष्ण रामु रामीश्वरु हरु शंकरु शम्भू  
सुबहस सुत्य् शाम मिलुविथ, शामस सुत्य् प्रभात ।  
सिरिं चँद्रमु कनि मन तु प्राण द्वयि रुपु कनि घन तु रात  
शिव तु कीशव आत्म रुप हावि मंजु च्यथ मंदरुसुय ॥

पोशव कनि देह यँद्रेय अर्गु कनि लागि मन तु प्राण  
वुरनुय वथुरुन पॉरोस जीवुतुक सर्व सामान ।  
सीवायि पुछि समदृष्टि भाव रोजि मंजु आदरुसुय  
ब्यल तु त्वल्सी लागु उमाधरु सुय श्रीधरुसुय ॥

स्वप्रकाशि रुपु दर्पणु मंजु ननिरावि न्यर्मलु पान  
ओरु योरु पनुनुय म्वख हावि एक भासि कासि अज्ञान ।  
शाह रोजि गँजगाह ह्यथ च्यथ लागि चामरुसुय  
ब्यल तु त्वल्सी लागु उमाधरु सुय श्रीधरुसुय ॥

स्ववर्नुक छत्र लागुन दियि स्वर्ण धर्म गुण  
समसारु सन्तापस मंजु सायि करि कल्प वृक्ष ज़न ।

पूर्णायि हंजि पूजायि हुंद गोड वाति ज़रु ज़रु सुय  
ब्यल तु त्वल्सी लागु उमाधरु सुय श्रीधरुसुय ।।

शाँती लागि चन्दनु कनि टैकि कनि लागि शम दम  
तत् पदु कुय सत श्रवुनुय ग्यवुनुय हैयि सोहम ।  
मूक्षी दियि चरणु अमृत बाँगरुन अमरुसुय  
ब्यल तु त्वल्सी लागु उमाधरु सुय श्रीधरुसुय ।।

वृतियन हुंद सर्व द्रवियन प्रेपुन हावि नेष्कल  
तथ नेष्कामु कर्म फल सुय नेरन च्वशुवय फल ।  
अनुग्रह कुय नँवीद मेलि आत्म तृप्ति गरुसुय  
ब्यल तु त्वल्सी लागु उमाधरु सुय श्रीधरुसुय ।।

महा दीवस बनि पूजा वासुदीवस वाति स्वय  
त्र्यथ फुर्ना साँपनि लय शिनि मंजु नोन गछि दय ।  
बाजा वीज कनुनुय गछि हरुसुय मनोहरुसुय  
ब्यल तु त्वल्सी लागु उमाधरु सुय श्रीधरुसुय ।।

मुश्का ह्यमु पोशन यिम लँग्य प्रकृति परुसुय  
लगि दिवथा मुशकस काफूरस अम्बरुसुय ।  
मूक्षि हंजि लरि वथ हावि श्रधा बेहे प्यठ बरुसुय  
ब्यल तु त्वल्सी लागु उमाधरु सुय श्रीधरुसुय ।।

यिछि मायायि कमि होशि वातु कमि बोज ज़ानु शिनि रुप  
कूटी सूर्य रुपु सँस्तिस फीरिथ हावु कुस दुप ।

अन्तु रँस्यृतिस कुस प्रदिक्षन दिमु क्वसु पूज़ा करुसुय  
ब्यल तु त्वल्सी लागु उमाधरु सुय श्रीधरुसुय ।।

सत् चित आनन्दु ध्यानस मंजु साँपनि मन लीन  
भक्ती रोज़ि अभीद अनाहत् अतीत आँधीन ।  
अद्वैतु ज्ञान मार्जन दियि यथ च़राच़रुसुय  
ब्यल तु त्वल्सी लागु उमाधरु सुय श्रीधरुसुय ।।

क्वसु द्वयथा छे विश्वनाथस तु विश्वेश्वरुसुय  
न्यर ग्वणु ग्वणवानु सर्व शक्तीमानु महेश्वरुसुय ।  
सुय अगम्य् अपार तारि यथ भवु सागरुसुय  
ब्यल तु त्वल्सी लागु उमाधरु सुय श्रीधरुसुय ।।

पँतिम्यन द्वन अछरन ब्रोंठ कुन अन ग्वण गँज़राव  
शंकर छुय कृष्णुय कृष्णस छुय शंका नाव ।  
कुस भीदा छु गूपी नाथस तु गूपीश्वरुसुय  
ब्यल तु त्वल्सी लागु उमाधरु सुय श्रीधरुसुय ।।



## 264. प्रार्थना

त्रिजगत पालु सानि कपालु लेख पनुनि प्रेयमुक्य् ग्वण ।  
रामु शामु लालु बालगूपालु अन्तु कालु पालुवुन बन ।।

बल तु श्वकदीव भीष्म प्रह्लाद नारद विभीषन  
च़रण अमृत चवन ह्यवन छि चान्यन च़रणन ।

तिहिन्दे पासु मे ति चावुनाव करुनाव जन्मन छ्यन  
रामु शामु लालु बालगूपालु अन्तु कालु पालवुन बन ।।

परमात्मा छुख च्चु पूर्ण न्यरग्वण न्यरंजन  
हे न्यर्मलु हे नैष्कलु भक्तवत्सलु भगवन ।  
देह अभिमान मद म्योन गाल नाव छुय मधुसूधन  
रामु शमु लालु बालगूपालु अन्तु कालु पालवुन बन ।।

वाँसाह गँयि भूग भूगन चंचल गोमुत छु मन  
येति योर रछ पँतिमि समयिचि पीडायि निशि भक्तन ।  
अकि नावु सुत्त्य् केंछा मे यार ज्ञान अजामिल ज़न  
रामु शमु लालु बालगूपालु अन्तु कालु पालवुन बन ।।

कँठिनिस भवु सरसुय मंजु गासु कचि ज़न छि ईरन  
आर यियिनय असि बोठ खार दकु लँग्य् लँग्य् छि गीरन ।  
बोठ खॉरिथ बेहनाव मंजु न्यश्चल बलुवीरन  
रामु शमु लालु बालगूपालु अन्तु कालु पालवुन बन ।।

काँत्याह म्चख छि समसारु भ्रमरिस बाज़्यन छुस नु छ्यन  
अँम्य् सुंदे छलु सुत्त्य् वोथुमुत छु अलु अलु गँम्बीरन ।  
नरि थचिमच्चु छे बलुवीरन दँल्य् चीरन चीरन  
रामु शमु लालु बालगूपालु अन्तु कालु पालवुन बन ।।

वासुदीवु ज़ीवभावु निशि रछ च्चुय सन्तन तु साधन  
कृत्य् पाँपी म्चकुलॉविथ मे ति गाल अपराधन ।

कृष्णस कन थाव नादन लगी हीय पद्मु पादन  
रामु शमु लालु बालेपालु अन्तु कालु पालवुन बन ।।



### 265. प्रार्थना

त्वतायि चानि ग्यवु छम दया चॉन्य  
चु करतम अन्तुकालस पालना म्यॉन्य ।  
थवुम व्यचारु सोस्त अज्ञानु रोस्तुय  
वुमुर गुजरावु देह अभिमानु रोस्तुय ।।



### 266. देहुक अथवा संसारुक भ्रम कासन बापथ प्रार्थना

मे संतन हिश न छय शाँती न शम दम ।  
चु छुख पानय बु कुस छुस कासतम भ्रम ।।

दया सागर वनान छिय लूख सॉरिय  
दयाये हुंद समंदर छुख चु जॉरी ।  
दया हय मे करख अथ क्याह गछिय कम  
चु छुख पानय बु कुस छुस कासतम भ्रम ।।

मे जन्मन हुंद महा अपराध हरतम  
दया करतम मे मूर्खस लोल बरतम ।

प्रेयम दिम पूर त्युथ युथ दूर गछ्यम यम  
चु छुख पानय बु कुस छुस कासतम भ्रम ।।

फस्योमुत छुस बु मंज समसारु जालस  
फकथ छम चॉन्य आशा अन्तु कालस ।  
कँडिथ निम जालु मंजु बख्शुम परम शम  
चु छुख पानय बु कुस छुस कासतम भ्रम ।।

बो कोताह रोज़ येत्य् ऑखुर मरुन छुम  
कट्युन समसारु किस सँद्रस तरुन छुम ।  
नितम मंज नावि प्रेयमचि स्योद रँटिथ नम  
चु छुख पानय बु कुस छुस कासतम भ्रम ।।

व्वपाया कर मे युथ मन रोज़ि न्यश्चल  
मँलीन ब्वद्ध छम बनेमुच बनि न्यर्मल ।  
करुम अंतःकरण श्वद्ध प्रावु उपरम  
चु छुख पानय बु कुस छुस कासतम भ्रम ।।

बो छुस अँदुर्य नेबुर्य छ्योट खोट क्रिया छम  
फकथ बोठ खारुवुन्य् चॉनिय दया छम ।  
गंगा जल ह्यू बनावुम श्रूच व्वतम  
चु छुख पानय बु कुस छुस कासतम भ्रम ।।

शरीरस प्यठ नजर छम छुस बो अनजान  
यछन छुस मान मॉनिथ मामुसुक पान ।

ज्ञानुक सिरिं मंज मुह रॉच बनतम  
चु छुख पानय बु कुस छुस कासतम भ्रम ।।

यशस ह्यथ छम विषय भूगन हुंजुय प्रय  
दया करतम दया करतम चु छुख दय ।  
पखांडस काम क्रूधस नाश करतम  
चु छुख पानय बु कुस छुस कासतम भ्रम ।।

शरुचि शोरु बने छम पापु प्येच सुत्य  
कुहा हिश बॅड छि काँपन अथ वुछिथ कृत्य ।  
चु हावुस ज्यूति रुप अथ व्वथि जमजम  
चु छुख पानय बु कुस छुस कासतम भ्रम ।।

चे छय द्रिय पनुनि कुनिरुच मे दुयी कास  
चे छय द्रिय पनुनि बजरुच जु मु ज़ांह भास ।  
य्यतस गनतम तु जन्मस ज़ांह मु अनतम  
चु छुख पानय बु कुस छुस कासतम भ्रम ।।

कुनुय ऑसिथ चु नाना रुपु किन्य् द्राख  
चे ह्यू ग्वणुवान न्यस्त्रय ग्वण छु कुस ब्याख ।  
कुनिय तत् पदु सुत्य् शौज़रावतम त्वम्  
चु छुख पानय बु कुस छुस कासतम भ्रम ।।

पँतिमि समये यमस निशि म्वकृलावुम  
चु पानस ह्यू बनावुम मूक्ष दावुम ।

असाँवुनि म्खु फवलनावुम मै कौसम  
चु छुख पानय बु कुस छुस कासतम भ्रम ।।

छु सागर चानि कुनिरुक सोन स्यठाह ज्यूठ  
अँनिथ दिम म्खु नतु खारुन गछ्यम क्रूठ ।  
बो कथ सुत्य् लागु हम किथु पॉट्य दिमु दम  
चु छुख पानय बु कुस छुस कासतम भ्रम ।।

हवा ज़न बन बसंतुक अन चु मै बोश  
फवलन ब्वद्धि यूगु बागस होशिकी पोश ।  
तिमन पोशन प्यठुय छुख शांत शबनम  
चु छुख पानय बु कुस छुस कासतम भ्रम ।।

बो बोय करनुक मु थावुम कांह खयाला  
न भास्यम देह दिहिच चाला न डाला ।  
गल्यम आवागवन रोज़्यम नु कांह गम  
चु छुख पानय बु कुस छुस कासतम भ्रम ।।

जगत कति दरिहे कुस कार करिहे  
समय अँधीन कुस ज़ेविहे तु मरिहे ।  
छु ठँहरॉविथ अँमिस चाने सतुक थम  
चु छुख पानय बु कुस छुस कासतम भ्रम ।।

अगम्य अपार छुख न्यरगवण न्यराकार  
मै केंछा यार कर भवुसागरस पार ।



कॅरिथ सोरुय मे थव लोब हे न्यरालम्ब  
चु छुख पानय बु कुस छुस कासतम भ्रम ।।

अविद्या कासतम न्यथ भासतम सथ  
ज्ञानुच थ्यथ दितम स्वय छम परम गत ।  
अच्यथ थॉविथ मे पथ मोचुरावतम ॐ  
चु छुख पानय बु कुस छुस कासतम भ्रम ।।

चु सनम्बख रोज़तम अदु चालु द्वख स्वख  
खस्यम बोठ म्वख्तु सत् सागर दियम ग्रख ।  
रॅटिथ निख होश देह मंज़ु चेनि क्याह चम  
चु छुख पानय बु कुस छुस कासतम भ्रम ।।

स्वतंत्र थव मे चेनुन शेलि ह्यु शम  
स्वरूपस तेलवुनिस नशि छा कम ।  
प्रेयमु मस मेलि यस कस गेलि आलम  
चु छुख पानय बु कुस छुस कासतम भ्रम ।।

पनुन करतूत वुछ वुछ छुस बो ऑधीन  
कृष्ण पनुनिस स्वरूपस मंज़ु करुन लीन ।  
करुस मन लय तु अदु नौन नेरि सोहम  
चु छुख पानय बु कुस छुस कासतम भ्रम ।।



## 267. विषय भूगव निशि बचावनु बापथ प्रार्थना

विषय भूगन हुंजुय छय सारिनुय प्रय  
गँयिय तृप्ति येमिस सुय गव जितेंद्रय ।  
विषय भूगुय निवन छिय लूभु किन्य मन  
स्वरुन त्रॉविथ सदा सनतोशि सोस्त बन  
विषय स्वख भूगनुय मिथ्या भ्रमुय छुय  
असुल स्वख परम शाँती शम दमुय छुय  
सु स्वख दिम शिव शंकरु छुख दयावान  
जिन्दय पानय मे करुनाव आत्मुच ज्ञान  
चु छुख आत्म पानय मे दुयी कास  
चराचर छुख चु पानय जु मु जांह बास  
कुनुय ऑसिथ चु नाना रुपु किन्य द्राख  
चु ओरय वर मे योरय छुय चे कुस ब्याख  
छु परम आकाशिसुय प्यठ चोन दरबार  
मे माता जाल चठ रठ अथु ह्योर खार  
अधोगँच रोस्त उर्धगँच हुंद दितम वर  
अजरु अमरु हरु हरु छम यमुन्य थर  
कँडिथ बोड नाव क्याह छुम पतु प्रावुन  
बो गछु न्यरग्वण तु न्यर्माया बनावुन  
कँडिथ यश पतु क्याह हॉसिल करुन छुम  
विषय भूगिथ पतवलाकन्य मरुन छुम



## 268. वॉरागु बेयि त्रेन अवस्थायन हुंद वर्णन

नालु कड छुम मुह ज़ाल नॉल्य् ।  
कॉल्य् मरु शंकरु टोठ ॥

कम कम राज़ु दुनियादार  
कॅर्य कॅर्य बॅड्य बॅड्य कार ।  
कृत्य् यशि वॉल्य् समयन गॉल्य्  
कॉल्य् मरु शंकरु टोठ ॥

पोशि लंजिनय प्यठ शूभिदार  
डंजि कति रूद्य जानवार ।  
वावु चंजि प्यठ यीरिख ऑल्य्  
कॉल्य् मरु शंकरु टोठ ॥

हतु ब्वज़नुय सबनुय द्युन  
खॉर बोद बतु बांगरुन ।  
ब्रह्म यज्ञिक्य् वातन वॉल्य्  
कॉल्य् मरु शंकरु टोठ ॥

कति खांदर कति राज़ुदार  
हँस्य् गुर्य रथ सवार ।  
कति पालकि कति हँस्य् वॉल्य्  
कॉल्य् मरु शंकरु टोठ ॥

कति मुर्छलु कति गँजगाह  
कति महारिन्य कति शाह ।  
दायि थचिमचु वुदु जॉल्य जॉल्य  
कॉल्य मरु शंकरु टोठ ॥

कति राजु कति बाजि सुत्य् ऑस्य्  
कति गोरखी शाह गॉस्य् ।  
अरदँल्य् बंगॉल्य् नैपॉल्य्  
कॉल्य् मरु शंकरु टोठ ॥

कति महारिन्य कति महाराजु  
कति साजगर शूभिदार ।  
कति जॉल्य् वाँकु जुमकु तु बाँल्य्  
कॉल्य् मरु शंकरु टोठ ॥

कति यावुन कति ल्वकुचार  
यि छु तावुनुन बाजार ।  
कति म्वख्तु मालु स्वनु कनु वॉल्य्  
कॉल्य् मरु शंकरु टोठ ॥

थ्वकु रटनस कति तयार  
च्वंजु दायि खँदमतगार ।  
नोकर थँव्य्मुत्य् माजि मॉल्य्  
कॉल्य् मरु शंकरु टोठ ॥

वुदु ज़ालन अँछ मा लगि  
धूपु ज़न दगि भूतन ।  
पार्चन प्यठ त्रावन जॉल्यु  
कॉल्यु मरु शंकरु टोठ ॥

कति जशनु नगमु आतश बाँज्यु  
बांडु बचि सेतारु साज़ ।  
फूल मशालि ज़ालन वॉल्यु  
कॉल्यु मरु शंकरु टोठ ॥

कति मलनुय तनि कोफूर  
कति सपनुन पतु सूर ।  
अभिमानु वॉल्यु नारन जॉल्यु  
कॉल्यु मरु शंकरु टोठ ॥

यिथि याद प्यनु गछु व्वदास  
छ्यनु मा बनु वनवास ।  
गरि मा नेरु फेरु बाँल्यु बाँल्यु  
कॉल्यु मरु शंकरु टोठ ॥

ग्रहनु मंजु छस दरु लँजमुच  
तीजु सोस्त गँजमुच जून ।  
रॉच हंजु गमु गटु चॉल्यु चॉल्यु  
कॉल्यु मरु शंकरु टोठ ॥

मुह रॉच मंज शॉग्य कृत्य चॉर्य  
पॉर्य लगु सत् प्वरूषन ।  
यिम नु भ्रम बॉज्यगारन डॉल्य  
कॉल्य मरु शंकरु टोट ॥

चानि दयायि सॉरिय पॉल्य  
छु नु चै ह्यु ब्याख कांह ।  
वॅन्य दिथ आकाशु पातॉल्य  
कॉल्य मरु शंकरु टोट ॥

छट्ट रूदु मंजु छुस लाचार  
अथ मंजु राजुनस नु वार ।  
छम मे दिचमुच कागजुच पॉल्य  
कॉल्य मरु शंकरु टोट ॥

मेघवरणु चानि बोद्ध रूदु सुत्य  
कृत्य च्यथ फॅल्य म्यवु द्राख ।  
मीढ्य गॅयि जीव भावु ट्यटु खॉल्य  
कॉल्य मरु शंकरु टोट ॥

कृत्य सुह सॉपुन्य प्वछलॉव्य  
राज्य न्यूख वांदरव प्रोव ।  
अज तान्य कृत्य रूद्य वुछु शॉल्य  
कॉल्य मरु शंकरु टोट ॥

सोन्त आव चानि प्रेयमुक राग  
फोल ब्द्वियूगु भावु बाग ।  
छॉव कृष्णन होशि पोशि डॉल्य  
कॉल्य् मरु शंकरु टोठ ॥



### 269. प्रार्थना

भक्त वत्सलु सर्व शक्तीमानु ।  
बडि भगवानु लगुयो ॥

पतु क्याह नेरि मंजु अभिमानु  
वुन्य्क्यन करुनाव ज़ान ।  
पनुनि पानुच असि ज़िन्दु पानु  
बडि भगवानु लगुयो ॥

चानि यछायि असि व्वपुदोव  
शिनि मंजुय खरु थोव ।  
प्यत्रावुनोव कूत कारखानु  
बडि भगवानु लगुयो ॥

भ्रंमुरॉव्य् येम्य् समसारन  
ऑबदारन दितु होश ।  
मुह मस चथ गॅय देवानु  
बडि भगवानु लगुयो ॥

सानि कुटुम्बुक चय वुछ हाल  
नॉल्य् गव माया ज़ाल ।  
प्रेयमु मस चथ करतु मस्तानु  
बडि भगवानु लगयो ॥

मच्चि नेंद्रे मंजु वुज़नॉव्य्  
प्रेयमु चानि अशि फेर्य त्रॉव्य् ।  
तिम अँश्य् फेर्य करतु म्वख्तु दानु  
बडि भगवानु लगयो ॥

चोन प्रेयम च्यथ सोन नियि  
सुय फल दियि भक्तन ।  
युस नेरि मंजु शिव न्यर्वानु  
बडि भगवानु लगयो ॥

बोज़ मंजु यितु नितु सोन मन  
च्यतु फुर्नायि करतु छ्यन ।  
प्रावुनाव परमु शाँती थानु  
बडि भगवानु लगयो ॥

मतु वुछतु सानि प्रकृच कुन  
वुछतु पनुनि दयिगँच कुन ।  
कम भक्तिस लदतु बोड बानु  
बडि भगवानु लगयो ॥



क्याह करनि आस समसारस  
थक्क यथ व्यवहारस ।  
क्वलदीप करतु मंज खानदानु  
बडि भगवानु लगयो ॥

द्वखु तापस सेकि मॉदानु  
स्वखु सायबानु प्यठु त्राव ।  
त्रेष्णायि रोस्त थव दयावानु  
बडि भगवानु लगयो ॥

कृष्णस कड मंज अज्ञानु  
करुनाव आत्म ज्ञान ।  
ब्रह्म भासुनाव अमि येमि सानु  
बडि भगवानु लगयो ॥



## 270. क्वकालु निशि रछनु बापथ प्रार्थना

चोन अनुग्रह छु अन्नु धनु माल शम्भू ।  
गाल क्वकाल अँस्य् छि कंगाल शम्भू ॥

क्वकाल गव श्वभ कर्म फल पोत ह्योन  
स्वकाल गव चानि नावु द्युन ब्रॉठ युन ।  
ख्योन चोन ह्यथ लूक अयाल शम्भू  
गाल क्वकाल अँस्य् छि कंगाल शम्भू ॥

यूगियव चोन ध्यान वुछ आश्चर्यवत  
मे टोठख करनु रोस्त स्व छे दयि गत् ।  
क्याह कर्यम अदु तप जप मालु शम्भू  
गाल क्वकाल अँस्य् छि कंगाल शम्भू ।।

मे मु करुनाव कांह कर्मा स्व छे कथ  
मे मु स्वरुनाव कांह स्वरना स्व छे वथ ।  
पानय छेनि माया जाल शम्भू  
गाल क्वकाल अँस्य् छि कंगाल शम्भू ।।

कर दया चै वनन पतित पावन छिय  
आशुतोश नाव चोन थ्यकृनावन छिय ।  
चैय वनन छिय दीन दयाल शम्भू  
गाल क्वकाल अँस्य् छि कंगाल शम्भू ।।

बोठ खार मुह सागरु यितु शम्भू  
शाल येलि क्वलि गव आलम क्वलि गव ।  
राजस छुय यी वनन शाल शम्भू  
गाल क्वकाल अँस्य् छि कंगाल शम्भू ।।

अँद्रिमि अमरनाथु ग्वफि दम मॉल्य्  
वुफनावि द्वन हमसन मँशरिथ अँल्य् ।  
वातुनाव प्यठ सूहम बाल शम्भू  
गाल क्वकाल अँस्य् छि कंगाल शम्भू ।।

न छे वुजमलु न छु सोम सूर्य रुपु गाश  
तति प्रजलन छु पानय च्यतु आकाश ।  
यूगु नेत्रव परजुनावि लाल शम्भू  
गाल क्वकाल अँस्य् छि कंगाल शम्भू ॥

सुय गव चोन चानि प्रेयमुक रसु मस  
फल कनि यिन अथु कतरनु बेह्यस ।  
सुय ज्ञानि यस बनि युथ हाल शम्भू  
गाल क्वकाल अँस्य् छि कंगाल शम्भू ॥

कृष्ण नाव चोन करवुन छु आकर्शन  
मन म्योन नितु अदु छुख मधुसूधन ।  
कृष्ण रुपु किन्य् कृष्णस पाल शम्भू  
गाल क्वकाल अँस्य् छि कंगाल शम्भू ॥



## 271. प्रार्थना

परमात्मा छु पानय कायायि मंज ।  
बो नु कांह न्यर्माया छि मायायि मंज ॥

मुह गटु चलि ज्युति रुपु नोन हावि पान  
स्यद गछि ध्यानु यूग ज्ञान विज्ञान ।  
छाय कति दरि येलि सिरि रोजि छायि मंज  
बो नु कांह न्यर्माया छि मायायि मंज ॥

सुय पूर्ण छु हनि हनि मंज मीलित्  
तील ह्यु तेलस मंज तीलित् ।  
दय छु ऑसिथ बेह सानि श्रधायि मंज  
बो नु कांह न्यर्माया छि मायायि मंज ॥

प्रेयमु मस चावि मॅशरावि हन हन  
मन मेलि शब्दस सुत्य् बोजि क्याह कन ।  
त्युथ नशि खसि युथ नु आसि विजयायि मंज  
बो नु कांह न्यर्माया छि मायायि मंज ॥

मेघवरणु चानि स्वरनु सानि धारुनायि मंज  
च्यतु आकाशि वसि वरशोन रायि मंज ।  
स्वप्रकाशि शब्दु वुजमलि गगरायि मंज  
बो नु कांह न्यर्माया छि मायायि मंज ॥

सिरिं ऑसिथ छु पनुने शूभायि मंज  
तीजु बिम्ब प्यव न्यर्मल जलग्रायि मंज ।  
यि छे नेथ ईश्वरु यछायि मंज  
बो नु कांह न्यर्माया छि मायायि मंज ॥

जलुकुय अलु डलु कास बन मु व्वदास  
वुछ अन्तःकरणन प्यठ छु आभास ।  
रोज साक्षवत नेष्कामु क्रियायि मंज  
बो नु कांह न्यर्माया छि मायायि मंज ॥

लूभ त्रेष्णायि रौस्त थव तु श्रधायि मंज  
न्यर अपीक्ष थव जीवतुचि कामुनायि मंज ।  
न्यराश रोज अदु सर्व आशायि मंज  
बो नु कांह न्यर्माया छि मायायि मंज ॥

अन्तरम्वख रोजुन छु असि दरकार  
निवृच प्यठ ठीकुराव सुय छु व्यचार ।  
क्याह हॉसिल छु जगत्तुचि शूभायि मंज  
बो नु कांह न्यर्माया छि मायायि मंज ॥

दीव मानुन तु थावुन नु कामना तु लूभ  
आत्म तृप्ति मेलि चलि जीवतुक क्षूभ ।  
मज्जु कुस मेलि कृच्छि फीर्य फीर्य क्रायि मंज  
बो नु कांह न्यर्माया छि मायायि मंज ॥

मूर्ख भावना छनु आलुच सकाम भूग  
ग्रह दशायि श्वभ फल धर्म वुद्यूग ।  
क्याह छु भ्रामरी संकटायि उल्कायि मंज  
बो नु कांह न्यर्माया छि मायायि मंज ॥

पानस तान्य् न छु अरिष्ट न छु कांह रूग  
पानय यिन ब्रॉठ कुन प्रारब्धु भूग ।  
क्याह प्रावुन छु गरिचे ममतायि मंज  
बो नु कांह न्यर्माया छि मायायि मंज ॥

पथ कुन चिन्मात्र ओत भासुनाव  
मन तु प्राण मिलुविथ कलनायि रोस्त थाव ।  
पूर्ण मावुसि सोम सूर्य एकतायि मंज  
बो नु कांह न्यर्माया छि मायायि मंज ॥

द्रिय चे छय पनुनि कुनिरुच ज़ु मु जांह भास  
असि करुनाव सर्व संकल्पु सँन्यास ।  
च्युय ओत रोज़ च्यतु फुर्णायि त्रायि मंज  
बो नु कांह न्यर्माया छि मायायि मंज ॥

हे अगम्य् अपारु च़ठ मोह ज़ालस  
क्या करनम अष्ट स्यँज अन्तु कालस ।  
बसुनावुम सँतिमि भूमिकायि जायि मंज  
बो नु कांह न्यर्माया छि मायायि मंज ॥

कछि मंजु फवलुनाव मे ह्यु अछि पोश  
लछि बदिनुय निमु होश मेलि मे बोश ।  
रछिवुनि ताज़ु थव हरदु आपदायि मंज  
बो नु कांह न्यर्माया छि मायायि मंज ॥

सन्तन सुत्पु करुनाव न्यथ समागम  
अदु छुनु आवागवनुक कांह गम ।  
कृष्णस कृष्णु जुवु बस वासनायि मंज  
बो नु कांह न्यर्माया छि मायायि मंज ॥



## 272. प्रार्थना

अनज्ञान्य् पौढ्य ति भगवत्नाम ह्यनु सुत्य् सेद्धि सपदान

गेविम अनज्ञान पौढ्य यिम चान्य् नावुय  
तिमन नावन छु मूक्षी द्युन स्वभावुय  
तिमन नावन छि काँत्याह आसुवुन्य् ग्वण  
निवन छिय मन दिवन छिय मूक्ष भक्तन  
करन छिय क्षय महा पापन क्वर्कमन  
हरन आवागवन हर्षस करन मन  
तिमन हुंद फल द्युनुय चैय प्यठ मे थोवुम  
यिमन निशि म्वकृलावुम मूक्ष दावुम ।  
चै छय द्रिय पनुनि कुनिरुच ख्वश मे प्यठ रोज़  
यँहय म्यौन्य् प्रार्थना व्यनुती बोज़  
पँतिमि समये पनुन्य् दयिगथ मे हावुम  
परम शम दिथ मे पानस ह्यु बनावुम  
यँहय मनुकामना मंज़ूर करतम  
दया कृपा क्षमा भरपूर करतम  
मे सनम्वख रोज़तम दयायि सुती  
पतव लाकन्य् नितम शूभायि सुती  
चै शंकरु कृष्णु रुपस वंदहौय पान  
स्यठाह स्वंदर मनोहर छुय युहोय ध्यान  
कृष्णु नावस छे आकर्शनु शक्ती  
निवन च्यथ ब्वद्ध दिवन भक्ती तु म्वक्ति  
चै छय प्रय रामु नावुच जय चै बोयनय  
मे छय प्रय कृष्णु नावुच मन करुम लय  
चै छय प्रय रामु नावुच छुख जितेंद्रय

मे छय प्रय कृष्ण नावुच दिम मनोजय  
चे छय प्रय रामु नावुच छुख च़ु अभय  
मे छय प्रय कृष्ण नावुच छुख च़ु बोड दय  
चे छय प्रय रामु नावुच छुख न्यरामय  
मे छय प्रय कृष्ण नावुच कर मोहस क्षय  
चे छय द्रिय रामु नावुच मे दुई कास  
चे छय द्रिय कृष्ण नावुच ज़ु मु ज़ांह भास  
कृष्ण छुय राम रामस सोन प्रणाम  
अभेदःभक्त करुनाव्यम मे नेष्काम ।  
वनय हिन्दी ज़बॉनी कृष्ण सुंघ गीत  
छु माया तीत भूगन हुंद कॅरिथ हीत



### 273. अक्रूरजी श्री कृष्णस पानस सुत्य् मथुरायि निवान तु गूपियि छे व्यलाप करान

क्या कहें अक्रूरजी ने कैसा किया यह काम ।  
श्री कृष्ण मथुरा ले गया हम से लिया आराम ॥

ब्रजबासी हैं उदासी चश्मे तर है आम  
रोते रोते राधा कहती सुबह हुआ शाम ।  
ना इधर है ना उधर है फिर किधर है शाम  
श्री कृष्ण मथुरा ले गया हम से लिया आराम ॥

पारा करके वस्त्रों को तन से छोड़ों प्राण  
इस्त्री जोगन बनूंगी फैंक दूं सामान ।



नन्द नन्दन के लिए छोड़ों मैं नन्दन ग्राम  
श्री कृष्ण मथुरा ले गया हम से लिया आराम ।।

फिरते हैं हम रात दिन करमों का यह फेर  
कृष्ण चन्द्र जब मिले तब कब है अन्धेर ।  
अब वह सूरज मुख दिखावे आता है पैगाम  
श्री कृष्ण मथुरा ले गया हम से लिया आराम ।।

प्रेम पानक पीने दिया होश लिया सब  
सब कुटम्बा सब कबीला भूल गया अब ।  
बन गये हैं हम उदासी घर में है क्या काम  
श्री कृष्ण मथुरा ले गया हम से लिया आराम ।।

गोपियों ने यह कहा हाय हाय गया मन थाम  
हम गरीबों का वह लेवे अब न मुंह प्रणाम ।  
वह है अब राजों का राजा हम हैं सब सुदाम  
श्री कृष्ण मथुरा ले गया हम से लिया आराम ।।

जसुदा कहती थी मोहन हम से गया हाय  
मुझ बुढी माई को उस ने छोड दिया हाय ।  
नूरि दीदा जाने से आंखें हुई बादाम  
श्री कृष्ण मथुरा ले गया हम से लिया आराम ।।

हम यहां हैं वह वहां है फिर कहां है वह  
बात सच है साथ उसके हैं जहां है वह ।

ऐसी ही देवानगी का नाम है परमधाम  
श्री कृष्ण मथुरा ले गया हम से लिया आराम ।।

है अयोध्या में खराबी कुछ नहीं आराम  
सर्व मंगल ले गया जंगल गया श्रीराम ।  
सत महल का कृष्ण है छत रामजी है बाम  
श्री कृष्ण मथुरा ले गया हम से लिया आराम ।।

प्राण प्यारे जब न मिलें क्या करेंगे हम  
खाने पीने के सिवा जीते मरेंगे हम ।  
कृष्ण को है ऐसे प्रेम वालों का प्रणाम  
श्री कृष्ण मथुरा ले गया हम से लिया आराम ।।



#### 274. व्यलाप गूपियन हुंद

हम से मोहन नाथ ने कैसा किया है काम ।  
होश लिया पीने दिया बे खुदी का जाम ।।

दर्द मन्दे इश्क को है क्या दवा से काम ।  
तशनये शोकश करे क्या रोगने बादाम ।।

दिल लिया दिलबर ने हम को कुछ न दिया दाम ।  
हम ने आप ही तख्त छोडा भक्त है बदनाम ।।

कृष्ण जी है आत्मा मन है बलजी राम ।  
मोह रूपी कंस मारे है सचा पैगाम ॥

मुक्त की चाहत नहीं है भक्त है निष्काम ।  
हम ने आप ही छोड दिया नामूस नंगोनाम ॥

मन है लक्ष्मन बुद्ध विभीषन आत्मा है राम ।  
मोह रावण जल्द हटा दे धर्म को प्रणाम ॥

भावना का दूध था क्या पुक्ता था क्या खाम ।  
कृष्ण को हरजा मिला क्या शहर था क्या गाम ॥

जब लडकपन से निकाला आशकों में नाम ।  
तब गदाई पादशाही है गवाह है आम ॥  
होश लिया पीने दिया बे खुदी का जाम ॥



### 275. प्रार्थना तु अस्तुति

कृष्ण तेरे ध्यान में बन गया बस्ती को बन ।  
तुम हो मन और प्राण ले मेरा अन्तःकरण ॥

क्यों न कहों तुम आत्मा हो क्यों न रहों मैं मन मग्न ।  
क्यों न वृती गोपियों से रास खेलोगे अभिन्न ॥

क्यों न कहों मैं तुम सब ही हो क्यों न हो जाओं शरण ।  
कृष्ण भक्ती जमुना जी में डुबा दो मेरा मन ॥

वृत्तियां हैं गोपियां तुम आत्म रूपी हो मोहन ।  
आओ खाओ भाव का दूध और दही शजरा मखन ॥

एक अनेक ठीक तुम हो तुम ही हो तीनों भवन ।  
तुम ही हो पृथ्वी और जल पवन अग्नि और गगन ॥

तुम ही साक्षात्कार हो सत् चित् आनन्दघन ।  
तुम करो सिद्ध अब मेरा श्रवन मनन निदिध्यासन ॥

क्यों न नारद जी बनों गाओं तेरा श्री कृष्ण गुण ।  
शुकदेव और व्यास बन के ध्यान धारों रात दिन ॥

क्यों न त्यागों राज बनों भरत सीता लक्ष्मण ।  
अंजनी नन्दन बनों गाता रहों श्री राम गुण ॥

क्यों न बनों शिवरा सुन लूं तेरे मुख से श्रवण ।  
जंगली मेवा खिलाओं तुमको हो जाओं शरण ॥

क्यों न बनों कुब्जा चंदन से मलों तेरा तन ।  
क्यों न यह जो मैं ने बोला यह है भक्ति का लक्षण ॥

क्यों न यह जो मैं ने बोला इस पर दया कर भगवन ।  
मुझ को अर्जुन जान कर मेरे लिये विश्वरूप बन ॥

पीते हैं अमृत धारा धोते हैं तेरे चरण ।  
तुम हो मोह माया से न्यारा हम तुझे आर्ये शरण ॥

हम नहीं कुछ तुम हो सारा हम तुम्हारा भक्तजन ।  
अब सुनो समसार सारा कृष्ण का प्यारा भजन ॥  
कृष्ण तेरे ध्यान में बन गया बस्ती को बन ॥ ॥



### 276. विनती

कृष्ण तुम को मैं यह विनती करता हूँ बारम्बार ।  
मुझ को शांति देवो लेवो भवसागर से पार ॥

धन की प्रय है मन है चंचल बन गये दुनियादार  
पीछे साथी कोई नहीं आवे केवल तुम हो यार ।  
काया माया सब है नाशी भ्रम है यह समसार  
मुझ को शांति देवो लेवो भवसागर से पार ॥

सब प्राणों से तुम प्यारा हो सब प्यारों का प्यार  
जो कुछ है तुम ही सारा तुम को जय जय कार ।  
अन्तःकरणों से न्यारा हो निर्मल निर्विकार  
मुझ को शांति देवो लेवो भवसागर से पार ॥

तेरे मिलने की चाहत है और न कुछ दरकार  
सब कामों में राहत देवो पाया तेरा दर्बार ।

कथा श्रवन में सुख बख़्शो मिथ्या है परिवार  
मुझ को शांति देवो लेवो भवसागर से पार ।।

नित है शुद्ध चित सत्पुरुषों का वृत है ब्रह्माकार  
उन के संगत के बर्कत से हम हो गये उधार ।  
साडे मुख से सब जीवों को पहुंचा दो उपकार  
मुझ को शांति देवो लेवो भवसागर से पार ।।

ऐसी आत्म स्मरत देवो जिस से हों उधार  
संतों साधों का बना दो प्रेयमी सेवाकार ।  
कृष्ण को शुद्ध प्रकृत बख़्शो ओं तत् सत् विचार  
मुझ को शांति देवो लेवो भवसागर से पार ।।



### 277. प्रार्थना

फंस गये मोह जाल में हम अब तुझे आएँ शरन ।  
सार इस समसार में कुछ है नहीं चंचल है मन ।।

सुख नहीं अयाल में हैं हम उदासी रात दिन ।  
हम हैं ऐसे हाल में शिव नाम तेरा दुख हरन ।।

क्या करे अब हम को काया मोह माया और धन ।  
हमको अब निष्फल बना दो जल्दी आओ मन मोहन ।।

क्या बने देह चाल में अब दीजियो अनुग्रह अन्न ।  
गम नहीं कुकाल में हम करते हैं तेरा भजन ॥

सब को अन्तःकाल में अचित करो आनन्दघन ।  
कृष्ण जी के हाल परदयाल बन कृपाल बन ॥  
फंस गये मोह जाल में हम अब तुझे आयें शरन ॥ ॥



### 278. प्रार्थना

राधेशाम हरे कृष्ण अरे प्रभो गोपाल ।  
गोपीनाथ मखन चोर मदन मोहन लाल ॥

मेरा मन है जमुना जी वृत्तियां गोप गवाल  
वह है प्रेम अमृत रूपी जल से मालामाल ।  
उस में नहाओ खेल बनाओ बालकपन की चाल  
गोपीनाथ मखन चोर मदन मोहन लाल ॥

देह भ्रम रूपी शेर को है मद से आंखें लाल  
उसको पकडो खेंचो बांधो मारो उतारो खाल ।  
उस सिंहासन के ऊपर अपना आसन डाल  
गोपीनाथ मखन चोर मदन मोहन लाल ॥

हम तुम पर अर्पन करते हैं तन मन अन्न धन माल  
सब प्राणो से तुम प्यारा हो न्यारा हो अकाल ।

हमको मोह से मद से भ्रम से दुख से गम से टाल  
गोपीनाथ मखन चोर मदन मोहन लाल ।।

क्या करे हम को मथुरा काशी गोकुल ब्रज नैपाल?  
साडे चित नगरी में बसियो तुम हो दीन दयाल ।  
भक्तों का तुम पालन वाला तीनों जग का पाल  
गोपीनाथ मखन चोर मदन मोहन लाल ।।

हम गृहस्थ में फंस गये हैं काटो माया जाल  
केवल तुम्हारा आसरा है देख हमारा हाल ।  
कृष्ण को शुभ दर्शन देवो लेवो अपने नाल  
गोपीनाथ मखन चोर मदन मोहन लाल ।।



### 279. रास

मथुरा से बिन्दराबन में आया ।  
राधा ने पाया मनमोहन ।।

गोपियों के भक्ति भाव ने सिर उठाया  
ज्ञान योग निद्रा में था नन्द लाल ।  
राजगदी के आसन पर से जगाया  
राधा ने पाया मनमोहन ।।



मीठा मीठा मखन जसुदा ने लाया  
मोहन ने खाया भावना से ।  
सब गोपियों ने भी उसको खिलाया  
राधा ने पाया मनमोहन ।।

गोप गवालों ने धूम मचाया  
आगया गोकुल में गोपी नाथ ।  
अपने बाल बच्चों को तब बुलवाया  
राधा ने पाया मनमोहन ।।

कृष्ण चन्द्र का सूरज मुख चूमा  
चन्द्रा ने रात दिन घूमा था ।  
ललित ने छाती से उस को लगाया  
राधा ने पाया मनमोहन ।।

कैसे कैसे आपदा उस ने हटाया  
दैत्यों के दुख से बचाया देश ।  
ब्रजवासियों ने कृष्ण गीत गाया  
राधा ने पाया मनमोहन ।।

अर्पन करते हैं अपना प्राण काया  
अन्न धन मन मोह माया के साथ ।  
तुम हो सूरज हम हैं छाया  
राधा ने पाया मनमोहन ।।

तीनों लोकों में था चर्चा घर घर  
शंकर बन गया है गोपीश्वर ।  
रास में कैसे उल्लास बनाया  
राधा ने पाया मनमोहन ॥

कृष्ण ने राम भक्तों को समझाया  
राम है कृष्ण कृष्ण शंकर ।  
राग रंग में त्याग गुल खिलाया  
राधा ने पाया मनमोहन ॥

कृष्ण कहता है हाय फंस गये हम  
आगया भ्रम अब कहां शम दम ।  
आप ही करे हम को निर्माया  
राधा ने पाया मनमोहन ॥



### 280. श्री कृष्ण गुण वर्णना

सभों को ले गया तन मन  
जो मोहन हो तो ऐसा हो ।  
हुआ वैकुण्ठ बिन्द्राबन  
जो नन्दन हो तो ऐसा हो ॥

वही निर्मल वही निर्गुण  
निरंजन हो तो ऐसा हो ।

ब्रह्मानन्दघन पूरण  
सुदर्शन हो तो ऐसा हो ।।

किया लक्ष्मी को आकर्षण  
मनोहर हो तो ऐसा हो ।  
बशकले द्वारिका सुन्दर  
उत्तम घर हो तो ऐसा हो ।।

हुआ गोकुल से जब जाना  
बहाना हो तो ऐसा हो ।  
कनस ने काल तब जाना  
जो होना हो तो ऐसा हो ।।

हिलाना कोह खुश आना  
उठाना हो तो ऐसा हो ।  
इन्दर ने तब ब्रह्म जाना  
दिखाना हो तो ऐसा हो ।।

शक्त मालूम हो जाना  
निशाना हो तो ऐसा हो ।  
ब्रह्मा जी गोप गुण गाना  
सियाना हो तो ऐसा हो ।।

सुदामा यारि नव पाना  
जो पुराना हो तो ऐसा हो ।

विभूती घर में ले आना  
कमाना हो तो ऐसा हो ।।

कई दिन कुल विद्या पाना  
जो दाना हो तो ऐसा हो ।  
यह माया है वही सारा  
जो न्यारा हो तो ऐसा हो ।।

जसुदा नन्द का प्यारा  
कुमारा हो तो ऐसा हो ।  
लडकपन में फिरा बन बन  
नज़ारा हो तो ऐसा हो ।।

कराना शत्रु क्षय अर्जन  
सहारा हो तो ऐसा हो ।  
कृष्ण चन्द्र उजल रोशन  
सितारा हो तो ऐसा हो ।।



## 281. प्रार्थना

हम हैं सुदामा कृष्ण मुरारी ।  
आये तेरे दरबार में ॥

तुम हो दाता हम भिखारी  
कैसी लाचारी नादारी ।  
सोचो हमारी दुनियादारी  
आये तेरे दरबार में ॥

दरिया सा तेरा लंगर है जारी  
उस का करो हम को भंडारी ।  
देखो हमारी अयालबारी  
आये तेरे दरबार में ॥

भ्रम में फंस गये हम समसारी  
तुम हो दयाल सर्व उपकारी ।  
इस नींद से अब बख्खो बेदारी  
आये तेरे दरबार में ॥

ना हम जोगी ना ब्रह्मचारी  
ज्ञान के भी ना अधिकारी ।  
भक्ति देवो वह है सरदारी  
आये तेरे दरबार में ॥

सब को किया तुम ने सर्वाधिकारी  
अब आ गई कृष्ण की भारी ।  
रखो दया की उमेदवारी  
आये तेरे दरबार में ॥



## 282. प्रार्थना

भ्रम मस पी के मस्त हो गये हम  
फंस गये मोह जाल में ।  
कहां चलिया तुम हम को छोड कर  
श्री कृष्ण ऐसे हाल में ॥

घर के कामों में हम फिरते हैं  
चित को नहीं कुछ चैन है ।  
दुनियादारी में है ख्वारी  
कुछ सुख नहीं अयाल में ॥

हम को शान्ति शम दम देवो  
पड गये जंजाल में ।  
कब है प्रसन्नताई मन को  
अन्न में धन में माल में ॥

जिसको जितना है जंजाला  
उसको उतना काला मुंह ।

सब से रखो हम को निराला  
अचित् अंतःकाल में ॥

चित् मन बुद्ध प्राण शांत बना दो  
एकांत के खयाल में ।  
ऊर्ध्व गत देवो अधोगत लेवो  
मत मत रखो पाताल में ॥

मेरे मन को शांति बख्खो  
फिर फिर के फिरने में ।  
अयोध्या बृज द्वारिका जी मथुरा  
काशी में नैपाल में ॥

टिकटिकी बांध कर आंखें रखो  
श्री कृष्ण चंद्र ध्यान में ।  
देह दृष्टि की चित मत रखो  
मुझ को चकोरा चाल में ॥

कहां चलिया तुम हम को छोड कर ।  
श्री कृष्ण ऐसे हाल में ॥



### 283. राधा जी श्री कृष्णस याद करान

जागो जागो शाम सुंदर योग निद्रा से  
भोग लक्ष्मी ने बुलाया है ।  
आप मोहन को मनाया है उस ने  
आइये बन्सरी बजाइये आप ।।

सोलह सिंगारों से राधा प्यारी ने  
सुंदर बनाया काया है ।  
उठो उठो श्रीधर मुर्ली मनोहर  
भक्तों ने तुम को जगाया है ।।

महामाया में तुम निर्माया हो  
तुम सूरज वह छाया है ।  
तेरे आने से सब गोपियों ने  
धूम धाम धन धन मचाया है ।।

इन्द्रावती ने चंद्रावती ने  
गम की घटा सब हटाई है ।  
कैसे कैसे रंग से अछा बिछोना  
रेशम और शाल से सजाया है ।।

ब्रह्मा ने देव लोक ब्रह्म लोक विष्णु लोक  
साथ सब अपने लाया है ।  
गोपीश्वर बन के शिवशंकर भी  
भेस बदलाया आया है ।।



ललिता सखी ने रास मंडल में  
कैसे कैसे रचना रचाया है ।  
जो कुछ था दुख से मोह माया भ्रम  
वह सब हमने उड़ाया है ।

चित् से बुद्ध से मन से प्राण से  
आपका ध्यान लगाया है ।  
सब सखियों को हम ने समझाया  
कृष्ण ने यह गीत गाया है ।।



#### 284. लंका जीनिथ श्री राम अयोध्यायि वापस यिवान

अयोध्या में चलो देखो अजब कैसा तमाशा है ।  
जिनो इनसान रीछों बन्दरों का खूब चर्चा है ।।

शहे खुरसान शहे मेमूं अंगद है फोजें खुद लेकर ।  
हनूमानो विभीषन लक्ष्मनो श्री राम सीता है ।।

अभी आये हैं लंका जीत कर और देख कर दशरथ ।  
प्यारे राम जी के सब को दर्शन की तमना है ।।

बरसते हैं फलक से फूल सीता राम के ऊपर ।  
गुलों का देवतों के हाथ में एक एक माला है ।।

ब्रह्म ने राम जी के तन में अपना जलवा दिखाया ।  
बिला शक राम जी में कुदरते कामिल हुवेदा है ॥

बिला शक मालिके कुल शकले इनसान बन के आया है ।  
नहीं इनसान नहीं है नूर यह नूरे तजल्ला है ॥

करे जो राम राम राम उसको मूक्षी दाम देता है ।  
सबूं ने राम जी के नाम से आराम पाया है ॥

बगलगीरी को आये भाई तीनों मादरां अपने ।  
शत्रूघन और भरत केकई सुमित्रा और कौसल्या हैं ॥

गुल अफशानी के लिये बैठे हैं सब लोग अपने बामों पर ।  
वह धन धन भाग्य मंगल का सदा कानों में आता है ॥

ज़र अफशानी से करते हैं गदायां जेबु दामन पर ।  
रवां दरयायि रहमत है बडे दातों का दाता है ॥

विश्वामित्रो वशिष्टो व्यास शुकदेव और मुनीश्वर सब ।  
श्रवन में उन के कथा भागवत् और राम गीता है ॥

अभी श्री राम जी आवे पकड कर हाथ ले जावे ।  
कृष्ण वनपुह के बन में इन्तिज़ारे वक्त रहता है ॥

अयोध्या में चलो देखो अजब कैसा तमाशा है ।



## 285. प्रार्थना

काल के दण्ड से हम को बचाओ ।  
रूप दिखलाओ तुम हो महेश ॥

ना झूठ कहने का ताकत रखो  
नित रखो हम को उत्तम विशेष ।  
सत् चित आनन्दघन बनाओ  
रूप दिखलाओ तुम हो महेश ॥

अन्धकार रूपी शत्रू हटाओ  
चित् बुद्ध बनाओ गौरी गणेश ।  
शांति काशी में बसाओ  
रूप दिखलाओ तुम हो महेश ॥

घर का राग द्वेष सब हटाओ  
कुछ मत रखो वासना की लेष ।  
शांत करके एकांत में पहुंचाओ  
रूप दिखलाओ तुम हो महेश ॥

चित् फुर्ना परम शम में डुबाओ  
अचित बनाओ वह है उपदेश ।  
निर्वासन आसन पर बिठाओ  
रूप दिखलाओ तुम हो महेश ॥

माया की वार्ता सब समझाओ  
जब कुछ नहीं क्यों है राग द्वेष ।  
शिव निर्वासन सागर में डुबाओ  
रूप दिखलाओ तुम हो महेश ॥

काल के मुख से मत घबराओ  
कृष्ण को हटाओ संकट क्लेश ।  
शक्तिपात से अपने साथ ले जाओ  
रूप दिखलाओ तुम हो महेश ॥



## 286. भक्ति

### भीलनी शिवरा हंज़ वार्ता

भीलनी का झूठा मेवा राम जी ने खाया ।  
उत्तम पाया प्रेम से ॥

भक्तों का प्रेयम सब को दिखलाया  
राम जी को है किस चीज़ की चाह ।  
व्रतधारियों का सन्देह मिटाया  
उत्तम पाया प्रेम से ॥

राजधानी छोड़ कर बन में आया  
सच मान कर बाप की आज्ञा ।

ऐसा सतोगुण देवतों ने गाया  
उत्तम पाया प्रेम से ।।

दशरथ ने सब भेज कर बुलवाया  
रामजी ने शहर आना न माना ।  
बन गये माया में निर्माया  
उत्तम पाया प्रेम से ।।

सब देवतों ने चित में समाया  
कैसी थी सीता पतिव्रता ।  
सूरज के साथ फिरती थी छाया  
उत्तम पाया प्रेम से ।।

श्राध किया पित्रों को गंगा में नहाया  
आप ही होके ब्रह्म अवतार ।  
हम को भी ऐसा करना फरमाया  
उत्तम पाया प्रेम से ।।

बड़े प्यार से जटायन की काया  
जला दी सच्चे मार्ग से ।  
धर्म कर्म करना सब को सिखलाया  
उत्तम पाया प्रेम से ।।

लक्ष्मन भरत जी का प्रेम बढ़ाया  
ऐसे ही भाई होने चाहियें ।

सुग्रीव को मित्र भाव दिखलाया  
उत्तम पाया प्रेम से ।।

एक दम में दुम से लंका जलाया  
कैसा था पवन सुत सेवाकार ।  
राम जी को सीता का हाल सुनाया  
उत्तम पाया प्रेम से ।।

इन्द्रजीत और रावण को उडाया  
दे गये विभीषण को लंका का राज ।  
मन्दोदरी का पत बनाया  
उत्तम पाया प्रेम से ।।

लंका जीत कर अयोध्या में आया  
सब को दिखलाया श्री राम रूप ।  
लोगों को परम धाम में पहुंचाया  
उत्तम पाया प्रेम से ।।

कृष्ण ने द्वैत भाव मन से हटाया  
राम को जाना परम आत्मा ।  
राम का नाम ज्ञान योग में लाया  
उत्तम पाया प्रेम से ।।

राम राम करके आसन बिछाया  
चित में लगाया राम का नाम ।

राम का नाम शिवशंकर को भाया  
उतम पाया प्रेम से ॥



### 287. प्रार्थना

छोड़ों परहेज़ संजीवन का दवा कर मुझ को ।  
हिज़्र का दर्द है मिलने का शफा कर मुझ को ॥

नब्ज़ पर मेरे तुम अब दस्ते शफा अपना रख ।  
जो है तलवासे जिगर उस से छुडा कर मुझ को ॥

डाक्टर बन के मेरे दरदे दरूनी पूछो ।  
फाका दे दे के अब मत ज़ोरो जफा कर मुझ को ॥

बागि रहमत से मुझे ले दे तू लताफत की बू ।  
जिस्मो दिल रूह दिया गम चु सबा कर मुझको ॥

मुझ को दरकार नहीं राज न यह तख्त न यह ताज ।  
मैं हूँ मुहताजे शफा आज दवा कर मुझ को ॥

मुझे शत्रों ने बहुत तंग किया घर लिया ।  
तुम हो मित्रों से मित्र उन से रिहा कर मुझ को ॥

मैं हूं कम भक्त मुझे आती है बहुत सख्ती पेश ।  
ले खबर मेरे अब सब कष्ट दफा कर मुझ को ॥

खाने पीने का वह दे हुकम जो चाहूं खाओं ।  
क्यों रहूं सुस्त रखो चुस्त बना कर मुझ को ॥

मेरे खातिर का चमनज़ार शगुफ़ता होवे ।  
एतिदाले असर से आबु हवा कर मुझ को ॥

मैं हूं रूहानी जिस्मानी कसाफ़त से अलील ।  
बिस्तरे गम से उठा करके सफ़ा कर मुझ को ॥

या मैं बेदार रहूं नींद करूं या कि पढ़ूं ।  
मेरे चित में रहो सब करना रवा कर मुझ को ॥

ज़िन्दा दिल रखो वही ज़िन्दगिये जावेद अस्त ।  
ध्यान में मग्न रखो अमृत पिला कर मुझ को ॥

गुलशने खदमते आज़ाद तबां में चूं सर्व ।  
रखो इस्तादा बयक पाये बसाकर मुझ को ॥

दस्तु पाये हमः यारांने इरम चूमूं मैं ।  
रखो सर सब्ज़ सुख रूये हना कर मुझ को ॥

सफ़री जामा में है हुबे वतन दामनगीर ।  
शहरि आराम से कभी मत जुदा कर मुझ को ॥



खाने पीने में और न्यामते गूनांगूं में ।  
रखो हर दम तुता याद कराकर मुझ को ॥

शर्बते वस्ल पिला ताकि सदा मस्त रहूं ।  
ज्ञान योग रस में मिला पास बुला कर मुझ को ॥

जे हवावो हवस दैरु अलम सेर करो ।  
तारिक अज़ अफसरिये अरज़ी समा कर मुझ को ॥

मैं बलगता हूं नज़र रख के तेरे आने पर ।  
आवो श्री कृष्ण अभी वादा वफा कर मुझ को ॥  
छाडों परहेज़ संजीवन का दवा कर मुझ को ॥ ॥



### 288. माजि दीवियि छि कौशिर ज्यव स्यठाह टौठ

वनय दीवियि छय कौशिर ज्यवय टौठ  
परख बोज़ख चु तौलि कौठिस गछिय कौठ  
परन वाल्यन तु बोज़न वालिनुय प्यठ  
प्रसन्न गछन छे कासन सर्व संकट  
हरन छख द्वख करन बर्कत गरन छख  
यि माता प्वत्र जौनिथ प्रय बरन छख  
ज्ञानुच भक्ती भावुच वैन्य् मे लीला  
बनौवुम छोट बँडुय औसिथ दलीला  
कनन गछ्यम गछुन्य् संतन तु साधन

ह्यनम तिम दाद सुतिन व्यचारु नादन  
मे संतन सुत्य् थोव न्यथ सतसमागम  
तिमय युथ बोज़नम मंज़ूर करनम  
तथ एकांतस अंदर ओसुय चै कुस ब्याख  
चु सन्तय रुपु किन्त्य् नोन ज़गतस अंदर द्राख  
चु सन्तय रुपु छुख ऑसिथ निराकार  
सतुक अवतार छुख बोयनय नमस्कार  
दिवान छुख मोह रुपी राक्षसन मार  
श्रवनु सुत्य् छुख करन भवुसागरस पार  
मशन येलि सत तु पशिभाव म्वख छु हावुन  
चु सन्तय रुपु छुख अदु मूक्ष दावन  
मैलीन ब्वद्ध येलि गछन छख छिय डलन लूक  
सतुकि ज़लु छुख छलन अदु छिख चलन शूक  
लगय साधन तु संतन पौर्य पौरी  
चु छुख तिम बोज़तम कन दौर्य दौरी  
लगय संतन तु साधन पद्मु पादन  
चु छुख तिम बोज़तम व्वन्य् लोलु नादन  
लगय संतन तु साधन ज्ञानु नैत्रन  
अटल डलु यूगु क्यन पम्पोशि पत्रन  
लगय संतन तु साधन सत व्यचारस  
छि बाज़्यन मोज ह्यवन बाँज़्य्गारस  
तमाशा छिस वुछन लोब कुन थँविथ मन  
छि च़ालन स्वख तु द्वख त्रॉविथ तम्युक ग्वण  
अधरमुच लूभु लंका ज़ालुवुन्य् छिय  
विभीषन सत स्वभावुक पालवुन्य् छिय

करुन् चै शिव शंकरु आरती छम  
करुन ह्योत सत समागम कास्तम भ्रम



## 289. प्रार्थना

ॐ सत्च्यतु आनन्दु कन्दु गूव्यन्दु ।  
न्यद्वन्दु न्यस्पन्दु वन्दु ह्योय पान ॥  
नादु बिन्दु परमानन्दु स्वच्छन्दु च़ेय  
च़रणार्बिन्दु नुय वन्दु मन प्राण ।  
कास अज्ञात भास सनिदान  
छुख दयावान सर्वशक्तीमान ॥  
दय छुख तु मृत्युंजय छुख तु लय कर  
च़्यथ फुर्णा सॉन्य अमि येमि सान ।  
वास्नायि क्षय कर ज़ित इन्द्रय कर  
दिथ मनोज़य कर न्यरअभिमान ॥  
ममतायि कर ग्रास गरि कर वनवास  
व्रत सन्यास अतलास पौरान ।  
दिथ विकास भ्रम कास व्वदास छुस बु दास  
आस पास भास आस रास खेलान ॥  
संसारु भ्रांति शाँती दिथ कास  
आत्म विश्वास थव स्वय छे ब्रह्म ज़ान ।  
प्रथ श्वास उश्वास खसि वसि होषि हेरि  
अचि नेरि अंधेरि मंज़ु तीज़वान ॥

देह सेतारस यँद्रेय कनुनुय  
तारव कनि गंडुनॉविथ प्राण ।  
अन्तःकरणन हंजि जेवि उदुगीतु  
साम स्वरु ग्यवनाव शिवन्यर्वान ॥  
केंह नु ऑसिथ शिनि मंजु व्वपुदोवुस  
रायि चानि बनोवुस इनसान ।  
रागु जामन चटु त्यागु दामन  
पौरुनाव तीव्र वॉरागु सामान ॥  
ओरु आय केंह द्वह योरुकुन गछनम  
वति प्यठ कोडमुत छुम प्रस्थान ।  
च्यय सहाय रोजुम प्वत्रय तु म्यँत्रय  
त्रॉविथ गछनम शिनि मॉदान ॥  
शाह पाह ऑसिथ देह दोर मानुन  
सुय गछि ज़ानुन बोड नादान ।  
परिवारु मंजु सुत्यु धरमुय ओत पकि  
नेष्कामु करमुय दियि परमु थान ॥  
माजि हंजि ल्वलि मंज पलि क्याह ओसुय  
कॅम्यु द्युतुय देह च्यथ ब्दध मन तु प्राण ।  
यिय पज़्या सुय वुन्युक्थन मँशुरावुन  
केंह नु ऑसिथ हावुन अभिमान ॥  
कुम्बी पाकुक केंह नु याद पावुन  
थ्यकृनावुन छुस बोड बाग्यवान ।  
व्वत्तम कुल कुय नाव मन्दुछावुन  
त्रावुन धर्म कर्म यूग ज्ञान ॥  
पर व्वपकारु निशि अथु पथ थावुन  
धनु कमनावुन बडि छलु सान ।

ख्यथ चथ त्रावुन पान व्यँठरावुन  
कलु गिलुनावुन छुस बलवान ।।  
पॉट्य पशमीनु फर्शा वथुरावुन  
मुह नेंद्रे मंज सावुन पान ।  
अँदरी मल न्यँबरी देह नावुन  
गँजरावुन छुस बोड खानदान ।।  
जलसुय येम्य् यिछ शकला दिचनय  
अकला दिथ कोरनख रूपवान ।  
पांच त्वत चाने बापत व्यत्पत्  
तैम्य् कॅर्य युथ रोजख स्वखु सान ।।  
मौह मस चथ छुख यश थ्यकृनावान  
प्रोवमुत छुम लूकन मंज मान ।  
स्व कृय विष्ठा छय प्रतिष्ठा  
मान तिमनुय शूभि यिम छि प्रधान ।।  
कायायि स्वख द्युन पथ कुन द्वख छुय  
संतोशि वृच प्रावख कल्यान ।  
सतुचिय थ्यथ थव सुय महा मत छुय  
व्रत छुय श्वद्ध च्यथ व्यपदावान ।।  
असत्वथ कॅरिथुय तस मॉलिकस कुन  
येम्य् नु शिनि मंज होल कोरुय कांह तान ।  
दयि गथ मॉनिथ जयि सोस्त बन कर  
न्यर्मल बूज नागु लुयि मंज श्रान ।।  
व्यवहारु बागस यशि फुलयाह लँज  
गरु क्षूभु वावय छि बरु सपदान ।  
व्यदासीनु वथ सँन्यासु वृच हंजि  
एकांत थरि शांत फल छि नेरान ।।

गर्भस अंदर कलु ब्वन कुन ओसुय  
जंगु ह्योर कुन ओसुख गँजरान ।  
कर नेरु न्यबर पर व्वपकार करु  
दयि नावा स्वरु गरु हरु ध्यान ।।  
वन तु परदेसिया कति प्यटु आख यथ  
भ्रमु दीशस मंजु छुख अनजान ।  
जान कर येतिक्यन सत् पुरुषन सुत्य्  
प्रावुनावनय तिम आश्चर्य थान ।।  
यथ अनिर्वचनीय अनाद्य मायायि  
तेलन तेलन गँयि हॉरान ।  
तेलन वाल्यन च्युय छुख मेलन  
न छि आबॉदी न छु वॉरान ।।  
सकामु कर्म खरि अनतम मु कशुनुय  
कँष्प कँष्प पतु छा पशुनुय जान ।  
भ्रमु सुत्य् युन गछुन ज्योन मरुन छु मशुनुय  
पशुनुय हुंद ह्यु थव मु गुजरान ।।  
कँह नु येलि छुस अदु कथ प्यठ मद छुम  
चारिर्युक हद छुम छुस हयवान ।  
जीवुतुक सर्व आहार अश्वद्ध छुम  
जामुना द्रामुना छुस करान जान ।।  
सूक्षमस प्यठ छुस साथा ठीकन  
छुम पतय देह भ्रम म्वख हावान ।  
मूर्ख बोज हुंद वस्त्र नालु कडतम  
कँड्य जालु मंजु कडतम दामान ।।  
ख्यतु खे कँर्य कँर्य क्याह छुम प्रावुन  
ख्यमु नतु छुम होखुरावुन पान ।

सर्व आत्म भाव अनुग्रह भूग भूगनाव  
ख्यमु चमु ह्यमु दिमु समदृष्टि सान ।।  
बद्ध म्यॉन्त् रॅटमुच्च छि व्यवहारु क्षूबन  
थ्यत प्रज्ञन सुत्त् करु क्वसु मान ।  
यिम न विषय भूगन प्यठ छि लूभन  
तिमनुय छु शूभन द्युन व्याखान ।।  
आत्मा रामु चानि रायि व्वपायि सुत्त्  
लायि मुह मदु क्यन राक्षसन कान ।  
शाँती सीतायि मनु लक्ष्मनु सुय  
धर्म वनु सुय मंजु दिम वरदान ।।  
सतुकिस कुलिसुय सतुकुय ब्योल जेवि  
सत् ब्यॉलिस छु सतुकुल व्वपदान ।  
कुल जगत फोलमुत सतुकुय कुल छुय  
रंगु रंगु फुलयाह छस शूभान ।।  
तनि मंजु प्राण थव चेनुन ब्योन कड  
ग्रहनु मंजु नोन कड सिरिभि भगवान ।  
गाश दिथ वोन दिनि जगतस ओन कड  
नोन कड पुरिथ सम दृष्टि थान ।।  
साध सत संगुचिय प्रय बरनाव हरु  
हरु जन्मा जन्मन हुंजु हान ।  
सर्व आत्म भाव ज्ञान योगु सौस्त थाव  
मूक्ष दिम नाव छुम कृष्ण राजदान ।।  
छुख दयावान सर्व शक्तीमान ।।।



## 290. प्रार्थना

छुख मूक्ष दाता पानु चय  
कीवल सतुक व्यचार दिम ।  
यिय गछि आसुन तिय मे दिम  
यूगुक ज्ञानुक सार दिम ॥

सनम्वख यितम सोरुय नितम  
द्युतुमुत यि छुय फीरिथ ह्यतम ।  
भक्ती दितम भक्ती दितम  
भक्तीयि हुंद दरबार दिम ॥

मस्ती होषस ह्यथ मंगय  
मतु नचुनावतम दिथ भंगय ।  
भक्ती क्वंगय जामय रंगय  
सुय रंगुनुक व्यस्तार दिम ॥

मुह किस जिनि स दजुन स्वभाव  
चु ज्ञानु रुपी अग्न हाव ।  
भक्तीयि हुंज रेह प्रजुलाव  
अज्ञानु शोरस नार दिम ॥

ममतायि लंका जालुतम  
भावुक विभीषन पालतम ।  
श्री रामु मोह मद गालुतम  
यथ भवुसरस तार दिम ॥



शक्ती तु म्वक्ति शूभि च़ेय  
मन क्याज़ि तथ प्यठ लूभि मेय ।  
भक्ती दितम भक्ती दितम  
भक्ती मे बारम्बार दिम ॥

छुख भीदु रोस्त शिव कृष्ण राम  
आसन कॅरिथ प्यठ परम धाम ।  
प्रारान छुस च़े निशि यिनस  
जल्दी मे व्वन्य् आंकार दिम ॥

मिथ्या पदार्थ क्याह मंगय  
तिम भूग्य् व्वन्य् आसय टंगय ।  
शांत गछ्छ अदु सुत्त्य् सत संगय  
यिछ्छि भख्ख च़ ह्द आचार दिम ॥

वाँसा गॅयम मिथ्या वनन  
क्रय करनु रोस्त छा कॅह बनन ।  
छुस लूभु फल पेहनस अंदर  
व्वन्य् ग्रट्टुचिय अनवार दिम ॥

करूनाव तारस च़ेय सौरिथ  
तारुम मे तारस थप कॅरिथ ।  
पारस बनावुम शॅस्त्रस  
नारस कॅरिथ गुलज़ार दिम ॥

छुय क्याह मे चारुन छोट क्रुहुन  
छुम मज्जु प्रथ भूगस चुहुन ।  
छुम अरु सरव रोस्तुय लुहुन  
शुमरिथ मे यँद्रेय द्वार दिम ॥

काया छे म्याँनी द्वारिका  
चुय छुख कृष्ण परमात्मा  
मंगन सुदामा छुस भिक्षा  
सर्व ऐश्वरी यकबार दिम ॥

यिय गछि आसुन तिय मे दिम ।  
यूगुक ज्ञानुक सार दिम ॥



291. शहरस मंजु श्रधा न वुछिथ वनपुह गछनु विजि गुरुस्तुति करान

ब्रोंटु प्योम तुलमुल मंजु मज्जुगोम ।  
कनुनुय जय मकुंदु जय मकुंदु गोम ॥

न्यथ सत्संगु सोस्ति मन म्योन न्यूथ  
कतक पोशि रंगु सोस्ति मन म्योन न्यूथ ।  
कोमल अंगु सोस्ति छुख गेशोम  
कनुनुय जय मकुंदु जय मकुंदु गोम ॥

गँज मे दुर्गत चँज मे हान  
तनु प्यठु द्रास बो बोड भाग्यवान ।  
राजु हमसु सायि चोन यनु प्यठु प्योम  
कनुनुय जय मकुंदु जय मकुंदु गोम ॥

चानि पूर्णायि सुत्य् छ्वचरुय मे चोल  
तृप्ति मीलित्थ भूगु लूभ गोल ।  
नेष्कामु कामधीनि दामु द्वध मे चोम  
कनुनुय जय मकुंदु जय मकुंदु गोम ॥

मथुरायि मंजु कोत वसुनुय छुम  
लूक हुंजि जेवि प्यठ खसुनुय छुम ।  
ब्रज गामस मंजु बसुनुय प्योम  
कनुनुय जय मकुंदु जय मकुंदु गोम ॥

सुत्य् सुत्य् गूर्य बालकन नेरु ना  
कामधीनु वँछय रछुने फेरु ना ।  
वुल्टु शहरस मंजु छम क्वसु कॉम  
कनुनुय जय मकुंदु जय मकुंदु गोम ॥

भक्ती भावनायि हुंजु थँन्य् ख्यमु ना  
भावु थनु तलु कुय द्वध चमु ना ।  
शहरु मंजु प्रेयमु द्वध छुम ओम ज़ोम  
कनुनुय जय मकुंदु जय मकुंदु गोम ॥

म्यानि श्रधायि क्वबजायि हाव म्वख  
राजस प्रॉर्य प्रॉर्य लोगमुत छु द्वख ।  
कामु क्रूध कमसु रुपु मन कर मे मोम  
कनुनुय जय मकुंदु जय मकुंदु गोम ॥

त्रेन करोर ग्रहघन लँजमुच छे ढ्वल  
पुंचिमिस तु नँविमिस करतु न्यर्बल ।  
कृष्णस बोज प्यटु थोद तुल तु भोम  
कनुनुय जय मकुंदु जय मकुंदु गोम ॥



## 292. प्रार्थना

म्वख्तु हारस थोद करुम म्वल प्वख्तु खरीदार मे ।  
भावु म्वख्तस खोट मु करुम स्यजरुकि बाजार मे ॥

चोन स्यजर छुनु गँजरन भावु म्वख्तस लयि क्याह ।  
आसि युथ त्युथ रुत छु मानुन मॉल बरतम वारु मे ॥

छोच प्रकृच हाँगिन्ग् म्यॉन्ग् लोच छि मंज भवुसागरस ।  
आत्मु बोद्धकि रूदु थव स्वय म्वख्तु सुत्य् ग्वभि भार मे ॥

भवुसागरु खारतम बोठ हारतम द्वख हे प्रभू ।  
दारतम अवतार कीशव तारतम येमि तारु मे ॥

युस मकामा ख्वश यियिय कल्यानु पुछि सुय वायतम ।  
ज्यव पनुन्य् दिथ ग्यवुनावतम जॉन्य् छौच सेतारु मे ॥

युथ छ्वचर करि बोद्ध हर्षस प्वख्तु आसुन सूद क्याह ।  
डलिमय स्वर कनु दॉर ह्यम गंड च्च हर्षिचि तारु मे ॥

तपु ऋषव तप कॅर्य कॅर्य पनुनिय पान म्वकलॉव्य् ।  
लूख ह्यथ दिम परम स्वख छौच शब्द बोजुम वारु मे ॥

जंगलस मंज क्वाजि च्लु थवु वैखरी मंगल खॅटिथ ।  
मुष्क चोनुय नोन छु भक्ती हुंदि चंदन दारु मे ॥

गोख सीता रामु जंगल दीशु क्यन कुस हर्ष वोत ।  
छिय ग्यवन ग्वण चॉन्य् सॉरिय हाव म्वख दुबारु मे ॥

पनुनि कम कोमुक मे छुम गम कासतम तु ख्वश आसतम ।  
राजस सान दीशु स्वख दिम सुत्य् ह्यथ परिवार मे ॥

बडनस कुन मॅत्य् छि सॉरिय रुशि रोस्त छुख मिलुचरार ।  
पनुनि कोमुच शूभ वुछिथ छय वसन अॅछ दारु मे ॥

मृतु विजि छिय वान वननु सुत्य् यमु कॅंकर पथ च्लन ।  
छुस वनन लूख ह्यथ सॉरिय मूक्ष हुंद कर चारु मे ॥

कर कृपा दृष्ट ज्यूति रुप हाव दजनुक असि क्याह छु गम ।  
जंन कुंदन स्वन चमुकाव कड ग्वतु ख्यथ मंज नारु मे ॥

सुबुह दम फोल जगतस फितनुच फसादुच गटु चँज ।  
शामु स्वंदरु दीशु स्वख मोंग चानि बडि दरबारु मे ॥

द्रिय चै छय पम्पोशि पादुच प्रेयमु हिय थव मुष्कदार ।  
श्रेह बैरिथुय आरुवल ज़न फवलुनाव मंज आरु मे ॥

समसारुचि बाज़ि मंज ज़ेनुन तु हारुन छुय विक्षीप ।  
हारुनावतम मतु धर्मुक धनु समयिकि ज़ारु मे ॥

करुवुन्य् पनुन्यन मतन त्वता बेयन न्यंदा करन ।  
सारिनुय हुंद क्रम तल थाव पनुनि थदि आचारु मे ॥

व्वश चलनम रोज़ु कस मोहताज भकिकस दातु बन ।  
वाँस साँरुय वारु नेर्यम कुस दप्यम लाचारु मे ॥

दार कांह आकार पूज़थ बनु सीवाकार चोन ।  
हाव दरशोन चाव अमृतु धार गंगाधारु मे ॥

अर्थ एकोहं बहुस्यामुक छु कुन बनु हाँ स्यटाह ।  
बँडरावुम कौम क्वल थाव दीशु बाँय ह्यथ वारु मे ॥

छुस बो ज़ानन आसि ईश्वर नीती बँडरुन ज़गत ।  
मे गृहस्थिस दूश स्वस्तिस रछ तु मंज व्यवहारु मे ॥

नारदन हाँव प्रज़ापतुन्यन शुर्यन वॉरागु वथ ।  
ज्ञानुवानस शाप पोर्या छनु पछ यिथि कारु मे ॥

ग्वगुरिस मंज हगुराह ह्यु बोलि रौस्त मतु थावतम ।  
पोशुनूल ज़न बोलुनावुम कृष्णु बडि अवतारु मे ॥

त्युथ मे शॉही ज़ोर दिम युथ मात करु कौमन बेयन ।  
बॉतिनी पॉठ्य वैखरी हुंजि ननि किजि तरवारि मे ॥

दीशु स्वख यिम छिम मंगन तिम छि धरमुक्क्य आफताब ।  
च़लि नगरस गटु व्वन्य् कृष्ण चन्द्र यारु मे ॥

धनि मंजु येलि दीवु ग्वर यियि सारिनुय बनि मिलुच़ार ।  
वैखरी विज्ञव यि वोन बोज़ हुंदि सुंदरि नारु मे ॥

छ्वपि सुत्य् क्याह वाति लूकन द्यवु वॉनी स्वख दियख ।  
तोति दपन दीशु भक्त दीशु सीवाकारु मे ॥

श्रूच्य् व्वत्तम भूग भूगव स्व छि ईश्वरु नीती ।  
हौकुम सतुक मानु ख्यथ चथ कुस दप्यम नाकारु मे ॥

मजु त्युथ भूगन दितम युथ छुनुनय तालस थँविथ ।  
दयि स्मरँच़ सान भूगिथ कुस दप्यम बदकार मे ॥

ज़्योन मरुन क्याजि मशरख येति रोज़व कूत काल ।  
युन गछुन कोनु याद पावख यिथि भ्रम बॉज़्यगारु मे ॥

दरबि तुजन प्रय मे बँरुम वीर धर्मुक ज़ोर दिम ।  
ह्यथ अहिमसा धर्म थावुम सुत्य् पर व्वपकारु मे ॥

छ्यतु करतम देह चिय रेह च्यतु किन्य् थवतम व्वधार ।  
थ्यत प्रज्ञ जित यँद्रेय थव तु सुत्य हितकारु मे ॥

त्युथ बहिर्मुख मे ति थाव युथ पानु द्रामुत छुख न्यबर ।  
युथ न्यबर अंदर च्छु छुख त्युथ थवतु न्यराकारु मे ॥

छायि म्वंडजि रायि कनि अजदर तु जिन पिशाच भूत ।  
छु थ्यकन शाहमार लँट्य समसारु भूतीमार मे ॥

अग्न नैत्रु ज्यूति रुपु जालुम सर्व पाप ।  
देह भ्रमस भस्मु करतम वारु भस्माधारु मे ॥

यिनु चाने जिन्दुगी लबु वारु वनतम प्रारु कूत ।  
आरु बैरिते मारु मते मतु करतम मारु मे ॥

यस दिच्युथ वॉरागु प्रकृत तँम्य् जगत मोन ब्रह्म रुप ।  
लबि कनि ब्यूठ वनुनि लोग क्याह नेरि मंज परिवारु मे ॥

येम्य ग्रहस्थुच ममता त्रॉव न्यर्वासनु थ्यत प्रॉव तँम्य् ।  
येम्य् ग्रहस्थन संतु प्रय बैर धर्म वुछि तमि द्वारु मे ॥

मे प्रकाशुक जामु वल न्यर्मल मे थव आकाश ह्यू ।  
छुख दिगम्बर च्युय मे गम हर हे अगम्य् अपारु मे ॥



मेघ वर्ण नाव छुय प्रकाशि शब्दस प्रजलाव ।  
अमृत आकाशि प्यठु त्राव चाव म्वख हाव वारु मे ॥

शिन्याहस प्यठ जाय छम प्रकट बननुच मे राय छम ।  
सिरियस सुत्त्य् छाय छम न्यथ थवतु तीजाकारु मे ॥

कथु छम नु वारु फोरन अथु किन्त्य् आँधीन छुस ।  
यूगु ज्ञानु अरि जुवु सान लद तु अन्नु धनु द्वार मे ॥

यावुनुक बल म्योन सोरुय चंचल गव फिकिरि सुत्त्य् ।  
त्वकृचार गोम चौरिस मंज बुजरस कर चारु मे ॥

यूगु ज्ञानु ध्यानु स्वस्त थाव नेष्कल अज्ञानु रोस्त ।  
शिनि किस शिन्यस दप्यम कुस अदु दुनियादार मे ॥

ग्यवुनस मंज वुमर गुजरिथ कूत चोलुम स्वख तु द्वख ।  
स्वखु सान निम मृतु विजि सेदि म्वखु येमि समसारु मे ॥

कार कॅर्य कॅर्य करनु रोस्त थाव स्वरुनस मंज स्वरनु रोस्त ।  
दीवु ग्वण दिथ जीवु भावस हार मंजु व्यवहार मे ॥

रंगु रंगय दीव मॉनिम एक छुख परमात्मा ।  
दीव सौरिय हावतम नॅन्य् शब्द मंजु अँकारु मे ॥

दिवता प्रकृत मे थाव थ्यथ थव मे न्यथ सन्तन हिशिय ।  
सत मोचिथ पथ कुन अचित थाव व्रत ब्रह्माकारु मे ॥

जिन्दु दिल वुछ म्वरदु बस्तन मंज तु कोर संतन प्रणाम ।  
मंज गृहस्थन कार कॅर्य कॅर्य लोभ वॅस्यतन पारु मे ॥

शाँती हुंद हावतम म्वख श्वद्ध च्यथ न्यथ थावतम ।  
सुत्य् श्रवनु मननु निदिध्यासनु साक्षातकारु मे ॥

करुनावुम प्रथ अँकिस प्यठ धरमु किय ग्वण दिथ दया ।  
रोजतम अँदुर्य नैबुर्य किन्त्य् सुत्य् पर व्वपकारु मे ॥

ल्वकृचारस बुजरस मंज यावुनस कॅड्य पांच द्वह ।  
ग्यवुनस मंज गिंदुनस गुजराँविम द्वह तारु मे ॥

द्वह अकि खँत्य् शँकराचारस तु ह्योत रातस ग्यवुन ।  
विगिन्यव ह्योत रोह करुन तिय बूज मंज गुपकारु मे ॥

छुय समय आँधीन सोरुय कृहिनिस छोट रंग लोग ।  
वालुवुन कोफूर्य आँब्राह वोथ तु खोत कोहसारु मे ॥

ग्योव मे रातस सुबुह फोल खोत सिर्यि द्वह ह्यथ वोय साज ।  
शामस यितु कृष्ण चंद्र ह्यथ नभुचे तारु मे ॥

म्वख्तु हारस थोद करुम म्वल प्वख्तु खरीदार मे ।  
भाव म्वख्तस खोट मु करुम स्यजरुकि बाजारु मे ॥



## 293. सदग्वर महाराजस कुन व्यनती

अज् सॉन्य् व्यनती सदग्वरु साधय ।  
कृनिय नादय बोज् ॥

रातस गँजरेम नभु चे तारय  
कृष्ण चंद्र यितु प्रारय कृत ।  
शाम रुपु सुबुह फौल यिनु डलि वादय  
कृनिय नादय बोज् ॥

विज्ञानु रवु चूरिमि पद्मु पादय  
च्यतु बम्बूर सोन व्यूर ह्यथ द्राव ।  
गीत गोवि चानि सत्संगु सम्वादय  
कृनिय नादय बोज् ॥

मायातीतु अनन्तु अनादय  
कुस अखाह चॉनिस अन्तस वोत ।  
हे अगम्य् अपारु आदिकि आदय  
कृनिय नादय बोज् ॥

मंज चानि माया सागरु व्वत्पत्  
छिय गछान ब्रह्मांड बुदबुद वत् ।  
अवतार कारण दीव अगाधॉय  
कृनिय नादय बोज् ॥

च्युतु अबलक च़ील क़ीत पकु प्यादय  
सैज़ि वति क्वछि क्यथ रीन पकुनाव ।  
छुस पथर प्योमुत करुम इस्तादय  
कुनिय नादय बोज़ ॥

उन्मत भूत्वा छुय ज़गत गोमुत  
तथ मंज़ प्योमुत छुस बो अनज़ान ।  
सुव्यचारस वातु चानि प्रसादय  
कुनिय नादय बोज़ ॥

पानय सौरुय छुख व्वपुदावान  
कलु गिलुनावान छुस बु ति कांह ।  
पथ ह्यतु यिथि भ्रमु के अपराधौय  
कुनिय नादय बोज़ ॥

मेघवरणु रछतु व्यवहारुचि त्रेटि मंज़  
गृहस्थ गटि मंज़ नोन हाव गाश ।  
अमृत चाव प्रेयमु शब्दु आह्लादौय  
कुनिय नादय बोज़ ॥

म्यानि भक्ती भावनायि हुंदि प्रह्लादौय  
सर्व आत्म भाव समदृष्टि प्राव ।  
स्वख द्वख सम ज़ानु मंज़ कमु ज़्यादय  
कुनिय नादय बोज़ ॥

बुद्धि यूग होषि गच्छि जीवु भाव मशनुय  
पशनुय अदु चलि द्वन आलुमन ।  
यिथि मशनु तु यिथि यादुकि यादौय  
कुनिय नादय बोज़ ॥

अनुग्रह चानि सुत्य् भूग ब्रौठु यियतन  
कृष्णस पेयतन भूगुन्य् तिम ।  
एकु रसु ह्यस दिस तालकि स्वादौय  
कुनिय नादय बोज़ ॥



#### 294. समसार माया ज़ालुचि प्रवृति निशि निवृत करनु बापथ प्रार्थना

संकट कट अथु रठ दयालय ।  
च़ठ सोन माया ज़ाल ॥

वोलमुत छुम अमरु अकालय  
भ्रम कालु सर्फन नाल ।  
म्वकुलाव चलनम कालुकि ज़ालय  
च़ठ सोन माया ज़ाल ॥

तापु रोस्त तरु फ्वजि संगर मालय  
खसनस छुम बोड बाल ।  
नेषुद्ध वृद्ध छुस दिमु कमु छालय  
च़ठ सोन माया ज़ाल ॥

शक्तीपातु सुत्पु भिकिकस मे कृपालय  
दातु बन छुस कंगाल ।  
जीठिस मँजिलस वातु कमि हालय  
चठ सोन माया ज़ाल ।।

अख अँछ नाठा करतु शामु लालय  
अशि सुत्पु बैरिथुय छिम लाल ।  
नॉल्य् छुनहॉय भक्ती म्वख्तु मालय  
चठ सोन माया ज़ाल ।।

नेरु हा मंज गरि के जंजालय  
टोठ छुम अन्नु धनु माल ।  
तथ मंज थावतम त्यागु खयालय  
चठ सोन माया ज़ाल ।।

हावु काँचाह देह भ्रमुचे चालय  
काँल्य् मा म्वख हावि काल ।  
सूक्षम स्थूल म्योन रछ क्याह बु सम्भालय  
चठ सोन माया ज़ाल ।।

अन्न ज़ल असि सान भूग यितु सालय  
भरुनाव अनुग्रह थाल ।  
आत्म तृप्ति दिम ब्वछि कृच च़ालय  
चठ सोन माया ज़ाल ।।

असि कर्म हीनन दीन दयालय  
काम क्रूध लूभ मद गाल ।  
द्वख हार गगनस खार पातालय  
चठ सोन माया ज़ाल ॥

काँत्याह बलवीर समयिकि हालय  
सुह आँसिथ गँयि शाल ।  
राज़न नाव प्यव खरि दजालय  
चठ सोन माया ज़ाल ॥

पुन्य् वान थव शाँती वृत पालय  
स्योद कर होल कपाल ।  
नतु कर्मलीखा किथु पाँढ्य डालय  
चठ सोन माया ज़ाल ॥

यॉर ह्यु सब्ज कर मृतु हर्द कालय  
पशि भावुचि लशि ज़ाल ।  
म्वख्तु बनाव त्रावु अशिने च़ालय  
चठ सोन माया ज़ाल ॥

प्रेयमुच जमुना वैछ नालु नालय  
ज़ल छुस माला माल ।  
तन नाव गूपी ह्यथ गूपालय  
चठ सोन माया ज़ाल ॥

ज्ञानु म्ख हाव त्राव मलालय  
मे मु बनाव ग्वफु शाल ।  
फुर्नायि सीमिनि मॅशराव छालय  
चठ सोन माया ज़ाल ॥

फीर्य फीर्य क्याह वाति ब्रज बंगालय  
ह्यथ कॉशी नैपाल ।  
म्ख हाव पनुनि दीशु प्यठु बंगालय  
चठ सोन माया ज़ाल ॥

प्रवृच मंजु नैष्कलु कलुवालय  
निवृच नशि दिथ डाल ।  
कृष्णस मूक्ष मस चाव प्यालु प्यालय  
चठ सोन माया ज़ाल ॥



### 295. अभिमानु निशि म्बकलनु बापथ प्रार्थना तु तम्युक व्पाय

पानस अंदर ब्रह्म ओसुम  
न्यबर छोंडुम तु डोलुम च्यथ ।  
ढंडूरा मे शहरस द्युतुम  
बालुक ओसुम क्वछे क्यथ ॥

स्यँज अँसिथ ब्बद्ध हँज हँज चँजिम  
शिवपूर फेरस लँजिम वथ ।



शिव शंकर नाव सनम्वख रोटुम  
बँठिस लोगुस देह नाव ह्यथ ।।

क्याह करि घन तय क्याह करि राथुय  
क्याह करि नेछतुर तु साथुय त्यथ ।  
एक म्वखु वनि आम शाम प्रभाथुय  
सरतलि स्वन गोम ओस अभिज्यथ ।।

मदुक मोराह स्वंदर ड्यूटुम  
पतु ओस सोराह हावन जथ ।  
देह अभिमानुक ब्रोरा ड्यूटुम  
लोट गिलुनावन ग्यव ख्यथ चथ ।।

अरुखोल जिन्युक बोराह ड्यूटुम  
स्वर्फु ग्वनसु पुहुर्य ह्यथ ।  
नोट ह्यथ नखस गूराह ड्यूटुम  
दोराह त्रावन खँचमुच प्यथ ।।

हापथ शकलि चोराह ड्यूटुम  
जोराह हावन पथर प्यथ ।  
फोलमुत पुलहॉर्य खोराह ड्यूटुम  
दोपुनम अभिमान वनन छि अथ ।।

मंज त्रेन पोरन सॉराह कोरुम  
चूर्युम डीशिथ प्रॉवुम थ्यथ ।

सॉक्षी रूजिथ तत् सत् मोनुम  
जोनुम क्याह गव अनित न्यथ ।।

दौरा थॅवुम, क्रिपुम तु कॉसुम  
त्रेन चीज़न मंज़ गोस लज़्यथ ।  
विश्वरुप ऑनस मंज़ वुछनोवुम  
पनुन म्वख्र नतु गॅय तीर्य न्यथ ।।

बोज़ तुयि थचम कतन कतन  
श्वासन उश्वासन सासन ह्यथ ।  
लालस क्युत छुम दुशालु करुन  
यिनु प्रेयमु फम्बस गछ्यम छथ ।।

क्याह करि बोड नाव व्वत्तम ज़ाथुय  
रुच जंग नैछत्र तु साथुय त्यथ ।  
सरतलि स्वन करि चोन शक्ती पातुय  
बोय छुस दाथुय च्यय अभिज़्यथ ।।

शास्त्र पॅर्य पॅर्य नकूल कॅरिख  
मे चानि प्रेयमुच खॅच ख्वशख्यथ ।  
जहर प्रकृच वाल्यन छु बनन  
यिथिय प्रेयमय सुत्य् अमृत ।।

सिरिं ड्यूटुम पनुनि गरे  
सिहमि मंज़ र्यथ भाद्रप्यथ ।

आत्सु कृष्णनि भावुक ब्योल आम  
ब्रह्मन जन्मुचि बुतरॉच ज्यथ ।।



296. न्यराकार, न्यरग्वण ब्रह्म सुंघ साकार तु सग्वण स्वरूपन हुंज वर्णना

कर्ता च्छुख आश्चर्यवत्  
कॅर्यमुत्स्य च्छे सॉरिय कार छिय ।  
कॅरिथ अकर्ता छुख ननन  
वनन च्छे निराकार छिय ।।

क्वदरॅच कुल्युक च्चय मूल छुख  
लंग लंजि ह्यथ दल गूल छुख ।  
नाना रंगव फल फूल छुख  
वनन च्छे सर्वाकार छिय ।।

मंज चानि माया सागरय  
फवकडून्य जंन व्वत्पत गछन ।  
ब्रह्मांड कॅत्याह सुर असुर  
कारण मुनी अवतार छिय ।।

चेय हिव्य छि चॉनी ज़ानुवुन्य  
देह मंजु ब्योन पान मानुवुन्य ।  
सोरुय कॅरिथ करवुन्य नु कॅह  
ख्यथ चथ ति न्यराहार छिय ।।

समसारु सरस फौल्युमुती  
पम्पोश छिय विज्ञानु धन ।  
धारन ज़लस लारन नु ज़ल  
न्यर्मल त न्यर व्यकार छिय ॥

चोनुय होकुम फिरवन छु दौर  
ज़ोरावरन तमिकुय छु ज़ोर  
आकाश हिव्य् वॉतिथ च्वपोर  
यिम चीज़ साक्षातकार छिय ॥

चोनुय होकुम छुय कुल जहान  
काया तु च्यथ ब्द्व मन तु प्राण ।  
दृष्टा दृष्ट अमि येमि सान  
होकुमस स्यठाह व्यस्तार छिय ॥

चाने होकुमु रेह ह्योर खसन  
पवन दवन ज़ल ब्वन वसन ।  
नाबूदु मंज़ु लसन बसन  
यिम चीज़ नमूदार छिय ॥

चॉनिय यछा छय त्रिय तु मर्द  
सिर्यि चँद्रम गर्म सर्द ।  
चोनुय होकुम तच़रस तच़र  
शिहलिस शिहिल्य् शेहजार छिय ॥

चाने हौकुमु स्वख द्वख छकन  
सोमु सिरि ह्यथ तारक पकन ।  
लोसन खसन ज़ांह छा थकन  
ग्रह फल दिनुक्य् म्खतार छिय ॥

होकुमस यिथिय कॅर्य कॅर्य मनन  
यछा शक्त छिय अथ वनन ।  
लगुहोय अॅस्य् यिथिनुय ग्वणन  
न्यर ग्वण साक्षात्कार छिय ॥

ऑसिथ नु कॅंह चॉनिय यछा  
आसुन बनावुन वनु क्याह ।  
अवतार कारण दीवता  
होकुमस च़े ताबेदार छिय ॥

चोनुय होकुम गर्भस अंदर  
पॉनिस करुन्य् सूरॅच़ स्वंदर ।  
कॉच़ाह स्वंदरि कॉत्याह गंदर  
मरनस ज़्यनस तयार छिय ॥

चोनुय होकुम राज़न छु बल  
दीशा सतुक होकमा अटल ।  
च्यथ कोचि छिस अच़नुक्य् अच़ल  
अथ भावु किय बाज़ार छिय ॥

नेष्कामु जामय यिम वलन  
तिम अष्ट स्यँज डीशिथ चलन ।  
मंज लेम्बि ज़न पंकज फवलन  
भव सरु परम्पार छिय ॥

मोह मदु मॉदाना छु ज़्यूठ  
अथ मंज कदम त्रावुन छु क्रूठ ।  
कुस थोक तु कुस स्वखु सान ब्यूठ  
त्यॉगी ज़न अथ दर्कार छिय ॥

य्वक्ती सान युस भूगि भूग  
स्यद्ध गछि तस शुभ करमु यूग ।  
जल्दी चल्यस अज्ञानु रुप  
तस अनुग्रह अम्बार छिय ॥

छांडख दयस छुय संतु रुप  
मोह गटि हुंद ज्ञानु दीप ।  
सन्तन करन गन्धर्व दीव  
अवतार जय जय कार छिय ॥

यिम प्रेयमु सुत्य् संतन स्वरन  
गँछिथ शरन त्वता करन ।  
तिम वारु सॉरिय ह्यथ तरन  
भव सरु परम्पार छिय ॥

छय शब्दु धारा सर्व सार  
सत् ग्वर बँनिथ ह्योर कुन मै खार ।  
छिय करवुन्यु भक्तन व्वद्धार  
संतन हुंदी दरबार छिय ॥

चुय साम वीदुक्यु गीत छुख  
अभीद विद्या तीत छुख ।  
जानन चै शब्दुक सार छिय  
यिम स्वरुवुन्यु अँकार छिय ॥

व्वपकार काँत्याह चै कँरिथ  
असि ज्यनु मरनुक्यु द्वख हँरिथ ।  
काँत्याह वरख काँत्याह वँरिथ  
यिम मूर्ख द्वाराचार छिय ॥

सोरुय कँरिथ थव करनु रोस्त  
सोरुय सोरिथ थव स्वरनु रोस्त ।  
भक्ती अंदर नेष्काम थव  
प्रणाम बारम्बार छिय ॥



297. निषीद्ध कर्मव निशि निवृत्ति तु वीद विहित वर्णाश्रम धर्म कर्म करनस कुन  
प्रवृत्ति मंगनु खॉतरु प्रार्थना

कर्ता च्छुख अन्यथा कर्ता  
कॅर्यमुत्त् च्छे कम कम कार छिय ।  
यिथि नावु असि रछवुन च्छु बन  
वनन च्छे करुनावतार छिय ॥

कर्ता अकर्ता अन्यथा कर्ता  
च्यु छुख आसवुन एक अनेक ।  
च्यु छुख न्यर ग्वण न्यस्त्रय ग्वण  
यिम भक्तन करन व्वद्धार छिय ॥

हे राजु यूगकि राजु च्यु  
मंजु मोहु नैद्रे वुजुनाव ।  
च्युतु धनु यिनु निनु च्छूरि मे  
कॅर्यमुत्त् मे कॅह ठग यार छिय ॥

मंजु ग्वफि अचुन ओस जान  
तप करनु सुत्त् प्रावुन छु मान ।  
न्यबर थवुम भक्तीयि सान  
तारुन्यु मे सीवाकार छिय ॥

छय तारुवुन्यु चॉन्यु दयि गथ  
समसारु बालस असुल वथ ।



बालस यिथिस कर्मन हुंदी  
खसुन्य वसुन्य बँड्य नार छिय ।।

नतु किथु पॉठ्य अँन्य रँन्य तरव  
बालस यिथिस थँकिथ मरव ।  
संकल्प व्यकल्पन हुंदी  
खँत्यमुत्य् मे बँड्य बँड्य भार छिम ।।

मंज खानुदॉरी छु नु स्वख  
तथ मंज फसुन प्रावुन छु द्वख ।  
तस पूरि क्रय यस मूरि नख  
प्रथ रंगु यथ आजार छिय ।।

वॉरागु यितम छुख च़ु ह्योत  
कोरमुत ग्रहस्थन छुस बो मोत ।  
पतु पशि ब्रॉंटुय ह्यमु पोत  
येति कम मे तावन दार छिय ।।

छुख मजु पुछि मरुन मशन  
च़ालन ततुर कशन कशन ।  
रँट्यमुत्य् यशन ब्वद्ध छख नशन  
यिम मूर्ख दुनियादार छिय ।।

साधन करन कँह मिलुच़ार  
कँह छिख दिवन दॉरिथ फुकार ।

वेह करनु बापथ प्रेयमु जल  
साक्षात कॉली मार छिय ।।

यँद्रेय ताबेदार छिय  
बदकार करनुक्य् यार छिय ।  
फल दिनु बापथ पतु तिम  
बँड्य शँत्र ज़ोरावार छिय ।।

त्रिय या मर्द छुख त्राव फ़ख  
आत्म विवेक वति पख ।  
मामस व्यकारुक त्राव शक  
मंज़ दृष्टि यँद्रेय द्वार छिय ।।

हाँविथ कृया युस यछि मान  
त्युथ मान बोड अज्ञान ज़ान ।  
मूर्छायि मंज़ वुज़नाव पान  
कृत्य् श्वंग्यमुत्य् बेदार छिय ।।

सँन्यास वृच हंजि वति पख  
गोब बोर त्रँविथ कड तु थख ।  
सन्तन तु साधन प्यठु छख  
युस सामग्रिय यिम द्वार छिय ।।

छा बाँज्य् तारुन्य् सन्तु क्रय  
अतीत बन टोठिय च़े दय ।

छय पज़रुच न्यर्नयि नय  
तथ स्यज़रुक्य् दिवदार छिय ॥

छुस कति चै सन्तन स्वरन  
देह भ्रमु किन्य् छुस दम बरन ।  
डम्बस पखांडस क्षय करुम  
मे हिव्य् ति केंह मकार छिय ॥

नेबुर्य मे थॉविथ साधु नाव  
अँदुर्य मे थोवुम मूर्ख भाव ।  
अँदुर्य नेबुर्य ह्युवुय थवुम  
तिम ग्वण मे दिम यिम सार छिय ॥

कॉफिलु द्राव आनंदु पोर  
तिमन पतय छुन्य् मे ति दोर ।  
कर चारु छुम नु ज़र तु ज़ोर  
कॉत्याह मे हिव्य् लाचार छिय ॥

च्यथ गुर च़ोलुम लाकम च़ँटिथ  
कमज़ोर छुस दितम रँटिथ ।  
खस मे ति पानस सुत्य् खार  
मे हिव्य् च़े कम सवार छिय ॥

यिम केंह म्यँत्र छिम वति सुत्य्  
न्यर्धन न्यर्वस्त्र छि कृत्य् ।

दिथ हमसु पखु पेट्य वुफुनाव  
ज़न नंगु जानावार छिय ॥

छुस खानुदारा जान क्याह  
परहेज़ करुन छुम नु कांह ।  
बँनिथ हँकीमा दिख दवा  
यँट्रेय मे यिम बेमार छिय ॥

बुद्ध छम सुशीला कर कृपा  
दिस कृष्णु दैवी संपदा ।  
नतु स्वख दिनस शुर्य बाँचु क्याह  
सुदाम हिव्यु नादार छिय ॥



### 298. भक्ती प्रदान करनु बापथ प्रार्थना

आगु म्याने रागु चाने छुस बु फेरन वनुनुय ।  
बागुनुय मंजु नागुनुय प्यठ छुम प्रेयम चोन घनुनुय ॥

तीव्रु वौरागु रागु सुतुयु छुस कृष्णु पद चॉन्नु वनुनुय ।  
वनुनुय मंजु त्यागु सुतुयु छुस पोह्य पन ज़न छनुनुय ॥

गामु काम्यन गंडु गंड छम ज़न मे आम्यन पनुनुय ।  
मनु वाजे राधा कृष्णु नाव छुस खनुनुय ॥

प्रेयमुक ग्वण वनपूहस द्युत बिन्द्राबनुनुय ।  
कृष्णन येलि म्वख मुचरोव तैलि मोन अर्जनुनुय ॥

कामधेनु छुस रछनि नेरन गूर्य शुर्य छुस ननुनुय ।  
छुस वनुच बूल्याह करन कुस असनु रोस्त करि कननुय ॥

गूर्य बालक छिम म्यँत्र कुस मानि म्यान्यन ग्वणुनुय ।  
विद्यायि रोस्त द्वध गूराह ह्यु कौरुस द्वध चनुनुय ॥

कमि युक्तियि वीद कामधीनि ज्ञानु द्वध ह्यमु थनुनुय ।  
पानु चमुहा, दिमु हा चनु सन्तन तु सत जनुनुय ॥

अदु दपुहँन कामधीन रछनस छे स्यदथ बननुनुय ।  
च्यथ चँडिस मंज छुम नु रोजन छुम नेबुर्य किन्त् छनुनुय ॥

नन्द नन्दनु हेछिनावतम द्वध ह्योन छुस छनुनुय ।  
दासु भावु किन्त् रास खेलु हॉ ह्यथ चै सुत् च्यथ घनुनुय ॥

शहरु मंजय छुस न्यबर थोवमुत बु गामुक्य जनुनुय ।  
गोख त्रॉविथ साल कौरमुत ओस दूर्योधनुनुय ॥

स्योन ख्योन हाख विदरून ख्योथ कांह त्युथ छा रनुनुय ।  
युथ सतोगुण चोन स्वरन अँस्य् छि रॉचन तु घनुनुय ।  
बोज जसुदा रागु राधा प्रेयमु थँन्त् छय अनुनुय ॥

चतु गूपी नाथु द्वध थॅन्य् हर्ष द्युत चॉन्य् क्षनुनुय ।  
शहजारा फिरतु कृष्णस मोंग सॉनिय मनुनुय ॥

आगु म्याने रागु चाने छुस बु फेरन वनुनुय ॥



### 299. नाशवन्त देहच वर्णना तु देह अभिमान गालनुच व्पासना

देह पोशि थॅर म्यॉन्य् हरदु वावु सुत्य् हरि ।  
कोताह काल दरि यावुन म्योन ॥

नरि लोसम बॅडरान लूकु हंजु लरि  
वागुंज वारिच छम ममता ।  
कृतिस कालस बसु लूकु हंदि गरि  
कोताह काल दरि यावुन म्योन ॥

समसारु बाज़रस छ्वच्चि व्वंदु चंदु छरि  
मे ह्यु कर्मह्यून सॉरस द्राव ।  
दयि धॉरु धनु रोस्तुय अति क्याह करि  
कोताह काल दरि यावुन म्योन ॥

मोह पॉज़ ज़ागान छु संग दोशि रंगुचरि  
ओल यूरुन कँड्य ज़ालस मंज़ ।  
राज़यूगु हमसु कडतन मंज़ु वालु बरि  
कोताह काल दरि यावुन म्योन ॥

शुनल डंऑु नुतरथ अडऑलस कुडु करल  
डलन थुडकुनलवल युस सुडु ऑु नलदलन ।  
सुूर गऑु तस डतु डलकुडु हू डरल  
कुतलह कलल दरल डलवुन डुन ॥

कुऑुतुलह डुश डऑु डुरहुलंडुऑु थरल  
शलशरन तु सुऑुतन ऑल कुनल ऑुडन ।  
डलड डऑु वुूरलगु सुतुडु तलड गुड वरल  
कुतलह कलल दरल डलवुन डुन ॥

तुडलगु वुूरलगु सुतुडु डस वुडवलर खरल  
तसुंदलस हुशस ऑु ऑुड ऑुड करल ।  
सनुडुलसु वृऑु दरल सुडरुऑु ऑुन डरल  
कुतलह कलल दरल डलवुन डुन ॥

डस नु कुंडुह आसल रलगु ऑुूर तस कथ डरल  
ऑुड ओत आसख तस संऑुत ।  
डुरथ कलंडु दलतु तस ऑुरणन अऑु ऑुडरल  
कुतलह कलल दरल डलवुन डुन ॥

सरलरुडु क डुरकलश नुन ऑु ऑुडलड ऑुड ठरल  
रलड ऑुड गऑुलन डल ऑु देह अडुडलन ।  
डलड डुऑुनुडु आतुड डुरकलशलऑु डुरड डरल  
कुतलह कलल दरल डलवुन डुन ॥

यस ब्रह्माकारु वृत अचित दरि  
न्यर ग्वण तस करि पानस ह्यु ।  
सुय स्वरनुकि स्वरुनक स्वर्ना स्वरि  
कोताह काल दरि यावुन म्योन ।।

सलिलस लवन ज़न मेलि तिछ क्रय करि  
तोति छु द्वर्लब सहज़ु व्यचार ।  
मज़ु मंज़ रोज़्यस नीरिथ मंज़ मरि  
कोताह काल दरि यावुन म्योन ।।

विश्वरुप ऑनस कुन युस म्वख करि  
तथ मंज़ वुछि सुय पनुनुय पान ।  
जगतुक स्वख द्वख तस पानस तरि  
कोताह काल दरि यावुन म्योन ।।

लाला अख वुछ प्यठ बालादरि  
सिरिथि चँद्रम ह्यु गाह त्रावान ।  
ह्योर कुन रूद तस तारुकव अँछ जरि  
कोताह काल दरि यावुन म्योन ।।

यिथि वुल्टु आवलनु भवु सागरु तरि  
कृष्णन सोहमु हमुवॉय नाव ।  
कृष्णु नाव कीशव नाव स्वरि गरि गरि  
कोताह काल दरि यावुन म्योन ।।





### 300. भीद दृष्टि गालनु खॉतरु प्रार्थना

भीद दृष्टि सॉन्य हार ।  
पनुनि कुनिरुच द्रिय च़े छय ॥

सन्तु म्वख अवतारु धार  
मौह भ्रमुक दुथ मार ।  
भवु सरस कर मै पार  
पनुनि कुनिरुच द्रिय च़े छय ॥

चारिरस मंज पांच द्वह  
यिनु गछनम दिथ मे छोह ।  
युथ नु अस्थिर जानु सार  
पनुनि कुनिरुच द्रिय च़े छय ॥

नशि सुय मंज ब्वद्ध नॅशिथ  
युन गछुन गछ्यम मॅशिथ ।  
करनावुम सत व्यचार  
पनुनि कुनिरुच द्रिय च़े छय ॥

ध्यान शम दम धर्म दान  
तप ज़प ह्यथ यूगु ज्ञान ।  
कर दया कॅछा मे यार  
पनुनि कुनिरुच द्रिय च़े छय ॥

मूर्खं बोजं सूत्य् पांछं द्वह  
छिम समेमुत्य् पापु कोह ।  
शोरु सुय जंन गंड तु नार  
पनुनि कुनिरुच द्रिय च्छे छय ॥

यियतनय व्वन्य् म्योन आर  
वुछतु म्योनुय ठगु कार ।  
अनुग्रह किय लदतु द्यार  
पनुनि कुनिरुच द्रिय च्छे छय ॥

आसि यौदवय गाटु खार  
कृनोन यियस नु हार ।  
दिम ज्ञानुक गाटुजार  
पनुनि कुनिरुच द्रिय च्छे छय ॥

छुस बु मदुक खानुदार  
सौर्य छिम गरज्जुक्य् मे यार ।  
करुनाव नैष्कामु कार  
पनुनि कुनिरुच द्रिय च्छे छय ॥

छुस ऋणियन हुंद कर्जदार  
मतु थवतम पतु लार ।  
लोचरावतम कर्म भार  
पनुनि कुनिरुच द्रिय च्छे छय ॥

नाव छुय समसारु सार  
भवु सरस दिम मे तार ।  
पतु नितम शूभिदार  
पनुनि कुनिरुच द्रिय चे छय ॥

त्राँविथ गोम ल्वकृचार  
यावुन ओस अन्धकार ।  
रछ बुडिस छुस नाबुकार  
पनुनि कुनिरुच द्रिय चे छय ॥

प्यव मे कर्मुक कुल छँनिथ  
चोल मे च्यथ बुलबुल वुछिथ ।  
हाव नोन यूगुक बहार  
पनुनि कुनिरुच द्रिय चे छय ॥

खोट छु म्योनुय व्यवहार  
त्रावुनस अथ छुम नु वार ।  
थव मे न्यर्मल न्यर व्यकार  
पनुनि कुनिरुच द्रिय चे छय ॥

कृष्णु करनाव सत व्यचार  
थोद छु चोन म्वक्ती द्वार ।  
जंन नभस कुन रेह मे खार  
पनुनि कुनिरुच द्रिय चे छय ॥



### 301. अभिमान नाश करनु बापथ प्रार्थना

मोह निशि डालतम सर्व शक्तिमानय  
गालतम देह अभिमान ।  
मदु प्यठु वालतम सत्य नाराणय  
पालतम छुख दयावान ॥

बडि दयि रौटमय चोन दामानय  
पौरतम सर्व सामान ।  
ज्ञान करुनावतम पनुन्य ज़िन्दु पानय  
पालतम छुख दयावान ॥

सुत्य यूगु ज्ञानु धारुनायि ध्यानय  
कासतम युस छु अज्ञान ।  
काम क्रूध लूभ मोह मद क्षूभु सानय  
पालतम छुख दयावान ॥

पोज़ मोनुम अपजुय कारखानय  
म्यानि खोतु कुस छु नादान ।  
चु दया करतम हे दयावानय  
पालतम छुख दयावान ॥

क्याह प्रावुन छु मंजु यशि तय मानय  
येति गछि सौरिसुय फान ।  
पायस ब्रौठु पाव बडि भगवानय  
पालतम छुख दयावान ॥

आश्चर्यं कालु चै थुरुथ म्योन बानय  
अंगहीनस कास हान ।  
अनुग्रह फलु भर सुत्य् धर्म दानय  
पालतम छुख दयावान ॥

ताजदार तारुक प्यठ आसमानय  
कृष्णु चंद्रन होव प्रोव कल्यान ।  
जगतस वोत शीतल सायिबानय  
पालतम छुख दयावान ॥



### 302. प्रार्थना

फुरव रोस्तुय मे वॅन्य्मय चॉन्य् लीला  
करुम अज्ञानु रोस्त सत छुम वॅसीला  
थवुम आवागवनु अभिमानु रोस्तुय  
थवुम नोन नंगु मोह सामानु रोस्तुय  
करुम श्वद्ध भूमि ह्यु न्यर्मल नबस ह्यु  
मे नेचिविस कर च्यु ह्यु पानस बबस ह्यु  
मे पापव रोस्त थवुम न्यथ हे दयावान  
मे जन्मा जन्मनुय हुंज कासतम हान  
दयासागरु नावस वंदुहॉय पान  
मु कचरावुम मे माया जलु दामान  
चै छय द्रिय पनुनि कुनिरुच मे दुई कास  
चै छय द्रिय पनुनि बजरुच ज़ु मु जांह भास

चै छय द्रिय पनुनि क्वदरँच हंज मै दिम शक्त  
ज्ञानी यूगु सहजु पानुचिय भक्त



### 303. सर्वआधिकार प्राप्ति खॉतरु प्रार्थना

स्यद्ध साधु समसारु सारु मूक्ष द्वार दिम  
स्यद्ध दिम वारु कारु सर्व आधिकार दिम ।  
अमरु काल सम्हारु स्वर्ग द्वार दिम  
धरमु करमु व्यवहारु सर्व आधिकार दिम ।।

सर्व आकारु ॐकारु म्चखु म्चकलाव  
मौह गाल मद वाल द्वख हर स्वख दाव ।  
धर्म मूलाधारु सर्व आधिकार दिम  
धरमु करमु व्यवहारु सर्व आधिकार दिम ।।

असि कॅर्य देह गूकुल राधा स्रेह  
गूर्य गरिकिस द्वधस वारु दादा हेह ।  
गरुडु सवारु वारु सर्व आधिकार दिम  
धरमु करमु व्यवहारु सर्व आधिकार दिम ।।

दासव रासा सोर मासा दोर  
आमि द्वधु मॅदरेरु असि हॅलवा कोर ।  
अमि लोलु आहारु सर्व आधिकार दिम  
धरमु करमु व्यवहारु सर्व आधिकार दिम ।।

उमा रूद्र श्रेह रेह आकारु आस  
देहु मद दौद क्रूधस कौर सूर सास ।  
हरम्वखु हरद्वारु सर्व आधिकार दिम  
धरमु करमु व्यवहारु सर्व आधिकार दिम ॥

गरि गरि दमु दमु असि सोहम सौर  
ॐ ॐ रामु रामु दौर हरु हरु कौर ।  
व्यवहारु मोह हारु सर्व आधिकार दिम  
धरमु करमु व्यवहारु सर्व आधिकार दिम ॥

दामूदरु असि स्वखु म्वखु द्वख कास  
वारु कर गरि किस दारिद्रस ग्रास ।  
धर्मुकि व्यवहारु सर्व आधिकार दिम  
धरमु करमु व्यवहारु सर्व आधिकार दिम ॥

समसारु धीर्ग रूगु दौदिस कर सास  
स्वधरमु अरिरुक असि वल अतलास ।  
कर दवा देह दारु सर्व आधिकार दिम  
धरमु करमु व्यवहारु सर्व आधिकार दिम ॥

समसारु सागरु सरु कौर स्वखु द्वख  
आरु हारु व्यवहारु आरु वॅल्यु हाव म्वख ।  
श्रेह दारु आरु आरु सर्व आधिकार दिम  
धरमु करमु व्यवहारु सर्व आधिकार दिम ॥

गुरुगॉड्य दारु लारु सर्व आधिकार दिम  
होर द्वदरहोम लारु सर्व आधिकार दिम ।  
हरम्वखु हमसु दारु सर्व आधिकार दिम  
धरमु करमु व्यवहारु सर्व आधिकार दिम ।।

कमि कमि दरदु लोलु स्रेहु आसरु आस  
गामु हाव द्वारिका वासु दासस रास ।  
कामु क्रूधु कमस मारु सर्व आधिकार दिम  
धरमु करमु व्यवहारु सर्व आधिकार दिम ।।



### 304. यूग सीवन

(श्रीमती मथुरा दीवीयि कुन व्वपदीश)

मे कुकिलि ड्यूठुम भस्सु मॅलिथ वासुक हटे ।  
ॐ शिव शम्भू शब्द बोलुन ह्योतुम मटे ।।

मंजु बाग बागन मोरन सुत्त्य् व्वन्य् कति नचे  
लोलुक ओला येरुनि मंजु गुफायि अचे ।  
जानावारन निशि लोब रूजिथ पान खटे  
ॐ शिव शम्भू शब्द बोलुन ह्योतुम मटे ।।

देह अभिमाना त्रॉविथ छुनि जिन्दय मरे  
ध्याना स्वरे कति वाचक ज्ञाना परे ।



बचन हृदिस आवलुनिस मंज कति फटे  
ॐ शिव शम्भू शब्द बोलुन ह्योतुम मटे ।।

पण्डिता अन्दर वुछि बिहिथ पनुनि गरे  
तोतन हृद्य पॉद्य कति प्स्तक कति पोथि परे ।  
ब्रह्म स्वरे यँद्रेय शुमरिथ अँछ वटे  
ॐ शिव शम्भू शब्द बोलुन ह्योतुम मटे ।।

तस मेघ वर्ण पानय प्रेयमु अमृत चावे  
यूगुच वुजमलु जगत्तुचि गटि मंज गाश हावे ।  
पनुन्यन परद्यन रछि मंज भ्रमु मोहुनि त्रटे  
ॐ शिव शम्भू शब्द बोलुन ह्योतुम मटे ।।

हेछन सार्यय हारि चरे तस निशि शर्म  
क्याह गव करुन मानुऋनि भाव धर्म कर्म ।  
सन्तोश वुछिथ तँम्यसुंद लूभुक पॉज नटे  
ॐ शिव शम्भू शब्द बोलुन ह्योतुम मटे ।।

मेथ्या भ्रमस सूर कोरुन मोलुन सासुय  
भस्माधारुनि ध्यानु सुत्य् वारु आराम आसुय ।  
अदु कमि बापथ हॉर ऑलिस मंज पान खटे  
ॐ शिव शम्भू शब्द बोलुन ह्योतुम मटे ।।

छुम बूजमुत ऑस लूकभवनस मंज अख कँजी  
स्यजरु पजरु सुत्य् वुफि जानुवारन चँजी ।

त्युथ वर दितम गरूडासनु द्वर्गत मै हटे  
ॐ शिव शम्भू शब्द बोलुन ह्योतुम मटे ।।

तस मोरु म्चकटु धारवुन पानु कृपा करे  
असि वुफुनॉविथ भवुसरस ह्यथ पार तरे ।  
रछिय पूत्यन पखनुय तल दिथ मटि मटे  
ॐ शिव शम्भू शब्द बोलुन ह्योतुम मटे ।।

फल फोल वात्यस ब्रॉठकुन कमि बापथ तछे  
कँतिज तस निशि ओल लदनुक व्वपदेश हेछे ।  
गरु करनस क्युत तीव्र वॉरागु सामानु रटे  
ॐ शिव शम्भू शब्द बोलुन ह्योतुम मटे ।।

रूदा प्यवन मोज ह्यवन एकांत सीवन  
च्यथ चीनिथ स्वख द्वख जीनिथ आवागवन ।  
निवृच हंज लँड जांह अल्यस नु सुत्य् वावु छटे  
ॐ शिव शम्भू शब्द बोलुन ह्योतुम मटे ।।

हमस रुपी श्रीधर तस अवतार धारे  
ककवु नेत्रन प्रेयमु दृष्टि त्रियि भाव हारे ।  
जूना सोज्यस कृष्णु चंद्र मंज मोह गटे  
ॐ शिव शम्भू शब्द बोलुन ह्योतुम मटे ।।

पखन शेरे वुफि खसि यूगु ज्ञानु हेरे  
पथ कोत फेरे कति तीर्थन सॉरस नेरे ।

सूज़िथ श्रधायि चीज़ कृष्णुन दामन रटे  
ॐ शिव शम्भू शब्द बोलुन ह्योतुम मटे ।।



### 305. प्रार्थना

होकृमु चाने सुत्य् प्यठ शिन्यस ।  
तारा मंडल सोम सूर्य सान ।।

पनुन्यन दारन प्यठ कामि करन ।  
यँद्रेय देह च्यथ ब्द्ध मन प्रान ।।

कति प्यठु योत आस कोत छुम मे गछुन ।  
प्रावुनावतम आश्चर्य स्थान ।।

दयाल च्यय छुख अयाल म्योन पाल ।  
पौरावुम सन्यासु वृच हुंद थान ।।

येति सोंतु काँत्याह गुल फँल्य् गँयि बरु ।  
छुम गरु ज़न बारु कँड्य बासान ।।

छुख पानय गुल पानय च्य बुलबुल ।  
पानय फुलय म्यवु कुल्य् बागवान ।।

बुलबुल गुलन प्यठ ग्वण चॉन्ग् यवन ।  
बॅर्ग आय छनन कस अमिच खसि हान ॥

प्यठ मैचि मूर्ती ग्वण चॉन्ग् यवन ।  
मुर्चय डलन तोति छे पुन्य वान ॥

सूरत छे ग्रंथ शास्त्र श्रूख ।  
वीदुय ग्वरु मूर्ती वनन परम ध्यान ॥

प्रेयमुच क्रय म्यॉन्ग् सूरत छे मानन ।  
ह्योर कुन गछ्यस कुस दप्यम नादान ॥

पानय सग छुख दिवान प्रेयमु बागस ।  
छुख भावुनागस गंडन साम जान ॥

हॉव न्यर ग्वण ग्वणुवान सूरत ।  
अदु छिस दपन न्यर ग्वण ग्वणुवान ॥

वुन्य्क्यन ब्रह्म कोनु केंछा छु वनन ।  
ग्यवन मूर्तियन मंज हॉविथ पान ॥

यस यिछ छे प्रकृत तस तिछ छे सूरत ।  
पानय सत्ता दिथ छु सत्य् नाराण ॥

पांचन तत्वन मंज छि ग्वण रुपी शक्ती ।  
नाव छिस वनन सर्व शक्तीमान ॥

त्रैशवय ग्वण छिस तु न्यर ग्वण छु बासन ।  
आश्चर्यवत छिस वनन ज्ञानुवान ॥

देह रुपु शब्द सुत्य् परजुनावन ।  
पक्षी तु पॅश्य् जिन पॅरी इन्सान ॥

अँकारु शब्दस मंज् छुय स्वरूप ।  
अरूप मिलविथ कास अज्ञान ॥

परम आत्म पानय छुख च्युय सोरुय ।  
न्यरंजनु कास देह अभिमान ॥

प्राण नय रोजि येलि देह पेयि वॅसिथ ।  
देह येलि डलि चलन छि प्राण ॥

हँकीम दवा तु ह्यकमत छि हॉवी ।  
शफा ईश्वरु यछा ज्ञान ॥

सूक्ष्मस तु थूलस मंज् सुय छु पानय ।  
पॉरिथ मायायि हुंद सामान ॥

भगवद्गीता तैलि वॅन्य् कृष्णन ।  
येलि अर्जुन तस कुन रूद सनिदान ॥

तिय ज़ोन कृष्णन यान्य् कृष्णु मूरत ।  
शंकरु सूरत वुछिन यकसान ॥

अन्तर बहे तैम्य कुनुय ब्रह्म मोनुन ।  
स्थावर जंगम अमि येमि सान ॥



### 306. प्रार्थना

हे गंगाधरु मेलीन प्रकृत छलुन्य गछिय मे  
सतुच वथ हॉविथ न्यथ द्वर्गत च़लुन्य गछिय मे  
आत्म सिरियस निशि दूर छाया डलुन्य गछिय मे  
माया रूगस मंज छम काया बलुन्य गछिय मे  
पापन हुंज छम बँड शीनु मॉन्या समेमुच ज़न कोह  
च्यथ सिरिये व्यचारुकि तापु सुती गलुन्य गछिय मे  
अभीदु भक्ती हुंजि रेहे सुती ज़ालुन गछियम अज्ञान  
दुई हुंज दृष्टि दूपुक्य पॉठयन् दलुन्य गछिय मे  
मोह लंजि प्यठ बोल्यम वॉनी हॉर कलुन्य गछिय मे  
शिव पवनु सुतिन ज़्यव ज़न ब्यल पॅत्र अलुन्य गछिय मे  
चे सूरु मॅतिस कोफूर अंगस शीतल छुय स्वभाव  
स्व स्वरूपुक सूरु शाँती नेत्रन मलुन गछिय मे  
विषय भूगन गछि ज़ानुनावुन विषवत म्योन मन  
सन्तोष तृप्ति दिथ लूभ यड कति खलुन्य गछिय मे  
लूभुच अपेक्षा छम वारय क्षूभस व्वपदावन  
वॉरागु तीलस अंदर ज़ॉलिथ तलुन्य गछिय मे  
देह भ्रमस मंज दुशालु वलनु सुत्य् छुम प्रावुन क्याह  
अन्तु त्यागुच वॉरागुच खँन्य वलुन्य गछिय मे  
सुत्य् त्यागु तीव्र निवृच हुंदि ज़ोरु प्रवृच मोंड फालुनाव

संकल्प कला ज़न ज़िन्य फला फलन्य गछिय मे  
च्यथ बाग शेरुन तु नेरुन गछ्यम ब्रह्मानन्दुक फल  
परम शाँती हुंज कुल्यवुन्या फवलन्य गछिय मे  
अक्रय आत्मच प्रया थवतम कृया कर्मस मंज  
दया थँविन लया दीवी बलन्य गछिय मे  
चे कल्प वृक्षस मे कृष्णस छुय शाँती हुंद फल द्युन  
देह अभिमानुच अज्ञानुच वीर थलन्य गछिय मे

हे गंगाधरु मॅलीन प्रकृच छलन्य गछिय मे



### 307. श्री राधिकाजी छि श्री कृष्ण दर्शनस प्रारान

कृष्ण जुव यियि गरुडस क्यथ ध्यान धारन छस ।  
सब्ज तोतस खसि ज़न वन हॉर प्रारन छस ।।

लालु यियि मंज बाग बागस पोश चारन छस  
ज़न यँबुरज़ल सुम्बलस क्युत मुष्क हारन छस  
शामु रंगय बम्बूरस अख रुप ग्वण छिस कृत्य  
छस बो हिय त्वलसी तसुंघ रुत्य ग्वण व्यचारन छस  
शामु लालस कुन वुछन छस योर यियम ना  
नेत्रुक्यव लालव बो तस प्यठ म्वख्तु हारन छस  
आरु रोस्त गोम वारु त्रॉविथ बारु कंड्यन मंज  
श्रेह बैरमुच आरुवल लॅजमुच बो आरन छस  
छस बो मसवल द्वह गुज़ारान ब्रोंटु पेयम शाम

रात कडन बुरकू दिथ सुत्प परदु दारन छस  
कृष्ण छारन ध्यान धारन सत व्यचारन छस  
यैलि डल्यम ध्यान तँम्य सुंद पान मारन छस  
कृष्ण जुवुन्यु द्रिय मे छम यिय मंगि दिमस तिय  
छम मे थँन्यु मँदिथ गुरसुकुय द्वध बु कारन छस  
छुम वनन म्योनुय प्रेयम बर छुस बु गूपी नाथ  
वनु क्याह रँटमुच गृहस्थुक्य व्यवहारन छस  
कृष्णुन्यु प्रय गनुनुय छम कुस मे बोऽयम हाल  
शामु रुपी युस वुछन तस पतु लारन छस  
कृष्ण कृष्णय करनु सुती द्वख न्यवारन छस  
छालु मारन भवुसरस पान तारन छस  
मेघवर्ण छुम मे चलन पतु लारन छस  
गाह त्रावन वुजमला कोहसारन छस  
मादला माधव वनस मंज कृष्ण चरणन तल  
प्यठ बठ्यन बेरन वनन कोहन तु नारन छस  
कृष्ण छारन रूस्यकँट ज़न छालु मारन छस  
कमलु नयन अँसिथ बो फेरन प्यठ व्वजारन छस  
छस बो राधा नन्दुलालस सुत्प खेलन रास  
गूपियन सान पान पनुन रथि खारन छस  
कामुधीनन गूपियन गोर्यन वछ्यन दांदन प्रणाम  
परमु गथ गासस वनस यार्यन बो यारन छस  
कृष्ण चरणन पान पुशरिथ त्रोवमुत छुम मान  
मखमला ज़न वथरिथ प्यठ सब्जु ज़ारन छस  
सब्जु तोतस खसि ज़न वन हॉर प्रारन छस





## 308. अस्तुति

पोशि लंजि छय बॅर्य बॅरिये हियि थॅरिये च़े  
पोशि पूज़ा कॅर्य कॅरिये रुति वॅरिये मे  
करु ना व्रत दॅरि दॅरिये रुति वॅरिये मे

कृष्ण जुव यियि अज़ गरु सोन  
म्वख हावि त्रावि ग्वसु प्रोन ।  
मालु थवि असि कॅर्य कॅरिये  
रुति वॅरिये मे ॥

कृष्णन्य् प्रय बॅर्य बॅरिये  
रुत्य् चीज़ गरु वातुनॉव्य् ।  
भक्ती म्वख्तु मालु स्वनु करिये  
रुति वॅरिये मे ॥

कृष्ण ध्याना सोर्य सोरिये  
पॉट्य पशमीनु वथुरोव ।  
गॅहनु थवुनोव गॅर्य गॅरिये  
रुति वॅरिये मे ॥

वतुनुय अँछ जॅर्य जॅरिये  
अँस्य् छि कृष्णस प्रारान ।  
थरिनुय ग्वड बॅर्य बॅरिये  
रुति वॅरिये मे ॥

पोशिनूल ज़न मंज़ बागस  
कृष्ण रागस मंज़ बीढ्य ।  
कृष्ण गूपियि कॅर्य कॅरिये  
रुति वॅरिये मे ॥

आयि संत चायि दारि बॅरिये  
प्वख्तु भक्ती भावनायि सुत्त्य ।  
शक्ती पातुचि म्वख्तु लरिये  
रुति वॅरिये मे ॥

सन्तन दित्य चरणन मीढ्य  
राज़न प्यटु कनि बीढ्य ।  
सीवायि पुछि फिर्य नॅरिये  
रुति वॅरिये मे ॥

यिम भक्त कृष्णन वॅरिये  
तिम संतु सीवक रूद्य ।  
यथ भवसागरस तॅरिये  
रुति वॅरिये मे ॥

व्यवहारुच हॉर गॅजमुच  
मूह ज़ालस लॅजमुच ।  
अज़ चॅटिथ द्रायि वालु बॅरिये  
रुति वॅरिये मे ॥

डल सॉरस फेरनि द्राये  
बॉय बंध च़ायि गरु सोन ।  
वारु आयि द्रायि आयि दॅरिये  
रुति वॅरिये मे ॥

बागस सॉर कॅर्य कॅरिये  
बेयि पनुनुय गरु वॉत् ।  
याद पेयि कोतर मॅरिये  
रुति वॅरिये मे ॥

बागु अँदुर्य न्यँबुर्यये  
त्यागु कोस्तूर्य बूल्य् बूज़ ।  
लायि लंजि आयि बॅर्य बॅरिये  
रुति वॅरिये मे ॥

नख्रु पख्रु छय बॅर्य बॅरिये  
च्यथ आकाशि आयख ।  
दीवु वॉनी हुंज़ पॅरिये  
रुति वॅरिये मे ॥

बेयि ज़िन्दु गॅयि मॅर्य मॅरिये  
प्राण नाथ सोन गरु च़ाव ।  
म्वरदु ऑस्व् साँपुन्व् अॅरिये  
रुति वॅरिये मे ॥

वॉनियि हूंजि स्वंदरिये  
चानि स्वंदर बोलि सुत् ।  
गमु गटु काव व्यसंरिये  
रुति वरिये मे ॥

फुलयाह लँज भावु बागस  
प्रेयमु नागस पोन्व आव ।  
स्वनु सुंघ फँल्य जाफँरिये  
रुति वरिये मे ॥

दँसिलव ज़न कार कँरिये  
कर्म कँतिजव ऑल्य यीर्य ।  
परमु धरमु बालादँरिये  
रुति वरिये मे ॥

शंकराचारु दुर्गा द्वारु  
वारु काँसिथ द्वर्गत  
शिव म्वखु भवनीश्वरिये  
रुति वरिये मे ॥

चानि दर्शनु ईश्वरिये  
अँर्य दँर्य गँयि भाग्यवान ।  
अँन्य काँन्य लँग्य कँल्य जँरिये  
रुति वरिये मे ॥

स्वनु र्वपु बानु बॅर्य बॅरिये  
रंगु रंगु अँन्य् भावु भूग ।  
श्री कृष्णस आपॅर्यये  
रुति वॅरिये मे ॥

गंगु वानिचि गागॅरिये  
गोड दिमु शिवनाथस ।  
सुय मे तार्यम भवु सॅरिये  
रुति वॅरिये मे ॥

जाग्रतु टोठ वैखरिये  
प्रॉन्य् पॉढ्य सोपुना हाव  
मंज मंजगामु दिवुसॅरिये  
रुति वॅरिये मे ॥

कृष्णु ध्यानु थानु आवॅरिये  
भखच हंदि सामानु सुत्य् ।  
परमु शखच दिच ईश्वरिये  
रुति वॅरिये मे ॥

कृष्णन संतु म्वखु पॉरॉव्य्  
राजु यूगु जामु नॅन्य् हॉव्य् ।  
बसन्तु गीर्य नील्य् ज़रिये  
रुति वॅरिये मे ॥

यँदु लूकय प्यठु द्रायख  
ह्यथ दिवथुय आयख ।  
राजु हमसु म्वखु कोतँरिये  
रुति वँरिये मे ॥

रामु नामु सुत्य् श्रूचरँविथ  
तन कन्यकु नावु प्रँविथ ।  
भखच हंजि मन्दोदँरिये  
रुति वँरिये मे ॥

रामु राम राम कँर्य कँरिये  
बस्तु गँय यँद्रेय चूर ।  
माल अथि आव कथ फँरिये  
रुति वँरिये मे ॥

नव रात्रियि व्वत्सव दोर  
मन कामना गँयि स्यद्ध ।  
जन्मन हंघ पाप हँरिये  
रुति वँरिये मे ॥

सतसंगुचिय रंगु चँरिये  
हमसु बूल्य् कृष्णुन्य् बोज ।  
पंक्षियन ति गँयि तँर्य तँरिये  
रुति वँरिये मे ॥



### 309. प्रार्थना

छस बो राधा कृष्ण नावस कलु वन्दुनुय यियि ना ।  
च्यथ मे न्यूनम नन्दु गोरिन्य् अकृनन्दुनुय यियि ना ।।

जसुदानन्दु आनन्दु कन्दु गूव्यंदुनुय मन न्यूम  
न्यर्द्धन्धुनुय न्यस्पन्दुनुय दादुबिन्दुनुय मन न्यूम

प्रेयमु ज़ालस मंज़ लॉगिन वाति कुस तस फन्दुनुय  
द्वधु चूर सोन यियि ना अज़ दरशोन सुय दियि ना  
भावनायि हंज़ थॅन्य् खेयि ना प्रेयमु छ्वकृ द्वधु चैयि ना  
व्वन्य् पायस पैयि ना तस कुन वाँसाह गॅयि ना  
क्य तु दोन शेरुन ह्यवन थॅन्य् छख दिवन द्वधु मंदुनुय  
मन मोहन नाव छुस गव ह्यथ च्यथ ब्वद्ध तन मन  
कामधीनु रछुनुक हीथाह कॅरिथ गव नीरिथ वन  
युथ माया तीता गव फँसुरॉविथ त्रिभुवन  
मंज़ प्वत्रन मंज़ म्यँत्रन मंज़ बान्धुवन तु बन्धुनुय  
सुय ज़ानि फसनुक हाल क्युथ छु क्रूठ माया ज़ाल  
सुय च़टि सोन मुह जंजाल क्याह करि अन्नु धनु माल  
शुर्य तु बाँच़ बान्धव यछ़न ख्वश गछ़न द्वार चन्दनुय  
गूपालस नन्दु लालस भूग ह्यनु सुय लगु ना  
सोन ओम ज़ोम छ्वकृ द्वधु थॅन्य् ख्यनु चनु सुय लगु ना  
गूर्य बालुकन गूपियन बिन्द्राबनुसुय लगु ना  
कामधीनु वॅछ़्य गूवर्धन ह्यथ वनु सुय लगु ना  
पद्म नैत्रन लाल वन्दुहँस अथ म्वखस म्वख्तु दन्दुनुय  
छस वुछन दार्यव बरव किन्य् वनु प्यटु पोत फेरिना

म्वख वुछुहॉव स्वख प्रावुहॉव सोन तमना नेरि ना  
मनु बुलबुल तस गुलस प्यठ लोल ओला येरि ना  
पोशुनूल ज़न पोशि बागन मंज़ अँचिथ पान शेरि ना  
पॉट्य पशमीन लयि क्याह तसुंदि सुत्य् शूभा छे जन्दुनुय  
पतु क्याज़ि मन्दुछावि वुन्य्क्यन रुत्य् कार करुनावि ना  
सतुचिय वथ हावुनावि ना परम गत प्रावुनावि ना  
धर्म अर्थ सबि मंज़ धर्म गँद्य असि दावुनावि ना  
पानु भासि देह भ्रम कासि सहज़ु पान पर्ज़नावि ना  
परमात्मा छु पानय प्रेरक व्वंदुनुय  
छिय वनन परमात्मा तस आश्चर्युक आश्चर  
तस श्रवन मनन कॅर्य कॅर्य सारिनु वॅछमुच छि थर  
वीदातीत प्रणवातीत छिस वनन यूगीश्वर  
कृष्णुन्य् शकृला कॅरिथुय नोन द्रामुत छु ईश्वर  
कृष्णु गीत वॅन्य् वॅन्य् वॉसाह गँयि कॅंह छुनु अन्दुनुय  
ऱ्यत् मै न्यूनम नन्दु गोरिन्य् अकृनन्दुनुय यियि ना



### 310. प्रतीक्षा

लालु यियम छालु मारन ध्यान बो धारन छस ।  
बागुनुय मंज़ मुष्क हारन हिय बो प्रारन छस ।।

पद्म पादन कृष्णुन्यन द्रायस सौगन्धा ह्यथ ।  
मुष्कि बॅरमुच घन गुज़ारन हिय बो प्रारन छस ।।



पोशुनूलव बुलबुलन कुन कृष्ण गूपियि बूल ।  
कुकिला छस कन बो धारन हिय बो प्रारन छस ॥

वुछ यँबुरजलि अँछिवुय शामुन्त् यि सोंबुल कीश ।  
बाग फवलनोव अँम्प इशारन हिय बो प्रारन छस ॥

बुद्धि यूगुचि शालुमार अन्दर निशातस सान ।  
जन नँसीमा यियि लारन हिय बो प्रारन छस ॥

प्राणु अपाणु फम्वारन खसु वसि फिरनावि न्यथ ।  
प्रेमु जल च्यथ आबुशारन हिय बो प्रारन छस ॥

प्रेयमु रसुक मस चैयम ना लालु यियम ना ।  
प्यालु ह्यथ मंज लालु जारन हिय बो प्रारन छस ॥

कृष्ण बोजिय सामु स्वर कल्यानुक तुल राग ।  
होशि साजन सेतारन हिय बो प्रारन छस ॥

पोशि बागन मंज अचव कृष्णुन्त् वुछव शूभा ।  
शेछ करव म्यँत्रन तु यारन हिय बो प्रारन छस ॥

सोसनस हिश ज्यव गँयम कम वनु कृष्णुन्त् गीत ।  
थामि गॉमुच शाह नु खारन हिय बो प्रारन छस ॥

तसुंदि कुनिरुच जानुवारव कँर गुलन प्यठ बूल्य ।  
तथ कुनिय स्वरु छस व्यचारन हिय बो प्रारन छस ॥

डलु किस सॉरस बो द्रायस अथ वुज़न मुहुन वाव ।  
तति छु कीशव पानु तारन हिय बो प्रारन छस ॥

मेघ वर्णन सिरिं म्वख होव आयि सिरियस शूभ ।  
ओब्र च़ोल मंज़ बाग नारन हिय बो प्रारन छस ॥

वोल बसन्तु रंगु श्री कृष्णन क्याह दुशाला जान ।  
फवलुनॉव्य् अँस्य् यिथ बहारन हिय बो प्रारन छस ॥

बाग छाविना सारिनुय फवलुनावि ना वुन्चक्यन सु च्यथ ।  
पतु कुस फल नेरि द्यारन हिय बो प्रारन छस ॥

भाग्यवाना कृष्णु ध्याना स्वरि करि ना व्वपकार ।  
जय तसुंघन श्वभ कारन हिय बो प्रारन छस ॥



### 311. प्रतीक्षा तु अभिलाशा

मंज़ बागन प्यठ सब्ज़ु ज़ारन ।  
बालु कृष्णस प्रारन छस ॥

नागु रादन प्यठ आबुशारन  
नागनाथु ध्यान धारन छस ।  
वुछ पां च़ादुरन फंवारन  
बालु कृष्णस प्रारन छस ॥

द्वह गोम पोश चारन चारन  
पोशन पन तारन छस ।  
मालु छनुनस छुम कलु धारन  
बालु कृष्णस प्रारन छस ॥

व्वदनि रूजिथ प्यठ कोह सारन  
चन्दुनस व्वचारन छस ।  
यॉर ज़न मंज़ जंगुलन तु नारन  
बालु कृष्णस प्रारन छस ॥

रूस्यकॅट ज़न छस छालु मारन  
नाफस पतु लारन छस ।  
छुम सु पानस मंज़ छस छारन  
बालु कृष्णस प्रारन छस ॥

पतु गछि सूर छस व्यस्तारन  
देह मदु दुत मारन छस ।  
तसुंदि सुत्थ् शूभ छय शूभिदारन  
बालु कृष्णस प्रारन छस ॥

भ्रमुरॉवमुच़ छस समसारन  
रॅटमुच़ व्यवहारन छस ।  
तसुंदि रोस्त क्वसु दिवथा छे धारन  
बालु कृष्णस प्रारन छस ॥

पतु क्याह वनि दुनियादारन  
अशि कनि म्वख्तु हारन छस ।  
वुन्य्क्यन अनि शूभ शूभकारन  
बालु कृष्णस प्रारन छस ॥

आर्वल छस बो फेरन आरन  
जॉजमुच लोलु नारन छस ।  
फवलुनॉवुस तसुंघ शैहजारन  
बालु कृष्णस प्रारन छस ॥

बाशि करनस जानावारन  
कृष्णु गीत व्यचारन छस ।  
पोशुनूल बोलि छस कन दारन  
बालु कृष्णस प्रारन छस ॥

कृष्णु नाव छुम प्राण संदारन  
भवसरु पान तारन छस ।  
तप ज़प ध्यान यूग छुम यारन  
बालु कृष्णस प्रारन छस ॥



### 312. भ्रम कथ छि वनान

भ्रम गोम डीशिथ स्वर्मस तु साजस ।  
नीलिस माजस प्यठ ओस पोस ॥

व्यनथा कॅरमय राजुयूग राजस ।  
शरण गॅछिथुय मे तॅम्य् मूह कोस ॥

सर्वात्म भावु व्यचार द्युतुनम ।  
सत् च्यथ आनन्दु अमृत खोस ॥

दोपनम चोन ह्यतु व्वन्य् प्यतु पायस ।  
दामा चथ शांत नेष्काम गोस ॥

जोनुम पॉलस तु पाकस मंज कुस ।  
बूजिथ मदु निशि प्योस काँप्योस ॥

दोपनम च्यथ शुर क्वछि क्यथ ललुनाव ।  
दिस यूगु द्वध बन बोजवान लोस ॥

प्वरूष तु त्रिय येम्य् जोन एक रूपय ।  
तथ व्यचारु दृष्टियि लगुहोस ॥

यॅद्रेय शॅत्रुय छि तॅम्य्सुंघ म्यॅत्रुय ।  
नेत्रुय चरण कमलन वथुरोस ॥

मामस व्यकार त्रौविथ ज़ोनुम ।  
पानय देह भ्रमु निशि व्यसर्योस ॥

येम्य युथ विशीष व्वपदीश कोरनम ।  
सुय पॉन्य पानय श्री कृष्ण ओस ॥



### 313. भ्रमु निशि म्वकलनपाय तु नारायणस कुन प्रार्थना

च्यथ गोम शांत चोन प्रेयमु अमृत चोम ।  
ॐ श्रीमद् नारायणः नारायणः ॐ ॥

येमि समसारु मंज़ पतु लार्यम क्याह  
दयि नाव स्वरनु रोस्त थवतम मु ज़ांह ।  
चानि भक्ती भावु खोतु कांह परमु स्वख छा  
पतु बनु भिक्कुकाह ह्यू पादशाह ॥  
ब्रौटुय मे ह्यसु फिर गरुकुय भ्रम गोम  
ॐ श्रीमद् नारायणः नारायणः ॐ ॥ ॥

मनु वाजि नारायनु नाव खनतम  
संकटु गटि मंज़ अनतम गाश ।  
रायि मंज़ गनतम मूक्ष पद वनतम  
प्रकट बनतम परम आत्मा ॥  
कॅन्य हिश छम ब्वद्ध थॅन्य ज़न कर तु मोम  
ॐ श्रीमद् नारायणः नारायणः ॐ ॥ ॥

न जि ज़ांह ज्यवु हॉ न जि ज़ांह मरु हॉ  
नारायणु नारायणु करुहॉव न्यथ ।  
चानि नावु सुत्त्यु भवुसागरस तरुहॉ  
ध्यान चोन स्वरु हॉ थव मे स्मरथ ॥  
होश दिम व्यवहारु राग द्वीष यिथ प्योम  
ॐ श्रीमद् नारायणः नारायणः ॐ ॥

हकरे बनि मंज अनु गगुराह चाव  
योरु ह्यथ क्याह चाव तोरु ख्यथ क्याह द्राव ।  
कायायि म्यानि मंज छु आश्चर्यवत् वाव  
रुप छुस क्युथ क्याह छुस स्वभाव ॥  
न्यरलीप द्रास पतु क्याह ख्योम क्याह चोम  
ॐ श्रीमद् नारायणः नारायणः ॐ ॥

योरु अथु वेंहरिथ तोरु आख वेंटिथुय  
क्वलि मंज फेंटिथुय छुय होख पान ।  
क्याह लारि धनु सोंबरिथ पान चेंटिथुय  
धर्म व्यवहार कर खेंटिथुय पॉट्यु ॥  
जन्मस यिथ करुनाव धरमुच कॉम  
ॐ श्रीमद् नारायणः नारायणः ॐ ॥

बॅड्य बॅड्य कार कॅर्य कॅर्य क्याह प्रोवुम  
थ्यकनोवुम छुस बोड खानदान ।  
यशि पुछि मानु पुछि द्वह रावरोवुम  
लूकन होवुम देह अभिमान ॥

ह्यसु फिर मे मूह मस चथ पान व्यसुर्योम  
ॐ श्रीमद् नारायणः नारायणः ॐ ।।।

मृतु विजि अजामिल गँजुरावतम  
मँशुरावतम ज़नमुक करतूत ।  
यमु कँकरु बुथ मतु वुछनावतम  
नारायणु नाव पावतम याद ।।

युथ छु त्युथ चतु कृष्णु प्रेयमु द्वध ओम ज़ोम  
ॐ श्रीमद् नारायणः नारायणः ॐ ।।।



### 314. श्री राम नाम महिमा तु अस्तुति

टाठि म्याने राम राम राम राम कर ।  
राम नावु सुत्यु भवुसागरस तर ।।

नेष्कामु भक्ती सुत्यु अद्वैतु गीतु सामु स्वरु  
रामु रामु रामु रामु रामु कर ।  
रात द्वह दमु दमु सुबुह शामु शहरु गामु  
राम नावु सुत्यु भवुसागरस तर ।।

तत् पदु किस सत श्रवनस कन थव  
प्रय बर आवागवनस हर ।



राजु यूगु राजु राम मूक्ष गदि प्यठ छुय  
यिछि ज्ञानु लरि छुय श्रधायि बर ।।

नारुदस सुग्रीवस विभीषनु सुय  
पवनु प्वत्रस सान मंग रामु वर ।  
रामु कथायि मंजु श्वकदीव वशिष्ट व्यास  
आस पास गटु कास भास भास्कर ।।

युस रामु कथायि हुंद व्याख्यान दियि  
तसुंदन चरन कमलन अँछ जर ।  
युस रामु कथा बोजि अर्पण करि  
तन मन अन्न धन बनि अमर ।।

भर्तस तु सीतायि बेयि लक्ष्मन जियि सुय  
ह्यथ शत्रुघनुसुय कर चामर ।  
दशरथ राजस कौसल्यायि सान  
राम भक्तन लाग पोशि अम्बर ।।

वाल्मीकियस त्वल्सी दासस सान  
बेयि रामु कवियन दंडवत कर ।  
चावुनाविय राम प्रेयमु रस दामु दामु  
तमि रसु बनख अमर अजर ।।

धर्म कर्म सोथ छुय रामु नावु सुत्य् खरु  
साँक्षी छु सेतूबन्ध रामीश्वर ।

मूक्षी सानि हंजि व्वपायि पुछि छुय  
जगत्तुचि कृपायि हुंद सत्ग्वर ।।

चॅट्य रावुणन जटायनु सुय पर  
रामु नावु सुत्त्य् गव परमु दामु पर ।  
डुंगु हाँजिन हाँजु क्वल बोठ खोरुन  
नायि क्यथ तोरुन दया सागर ।।

रामु नावुच त्वल्सी माल नॉल्य् छुन  
दशरथ रॅटिथुय तप जप कर ।  
जगत्तुच पालना छय रामस मटि  
हटि गंड भक्ती भावुच म्वख्तु लर ।।

धर्म अर्थ काम मूक्षि सान शामु स्वंदर  
दियि ब्बुद्धि यूग भासि सुय चराचर ।  
टाठि म्यानि रामु भक्तन कर आदर  
राम नावु सुत्त्य् भवुसागरस तर ।।

ख्वगु ख्वगु जगत्तस अवतार धॉरिन  
मॉरिन राक्षस दुत अस्वर (असुर) ।  
बोड्यमुत्त्य् भवुसागरस बोठ खॉरिन  
हॉरिन द्वख तॉरिन तपीश्वर ।।

मंज धर्म शालायि रघुनाथ मंदर  
छिय कथा करवुन्य् ऋष मुनीश्वर ।

रामु नाव बोज़ रामु नावुच प्रय बर  
राम नावु सुत्य् भवुसागरस तर ।।

राम नावन हुंज सुत्य् ह्यथ लशकर  
वीरु धरमु बलु मोह राजस फर ।  
ब्रह्मानन्दु नगरस राजाह कर  
राम नावु सुत्य् भवुसागरस तर ।।

राम नेरि शेर गडि ज़ेर करि शत्रन  
नेर दशुहार वुछ सौरा कर ।  
रामु नावुक सदा आनन्दीश्वर  
बोज़िय सुत्य् ह्यथ श्री गदाधर ।।

अन्तःकरनव किन्त्य् राम राम स्वर  
मोह मायायि निशि गछ व्यस्मर ।  
आत्मा राम छुय अन्दर तु न्यबर  
राम नावु सुत्य् भवुसागरस तर ।।

राम नावुय ओत पथ कुन छु सारुय  
ज़ान समसारुय छु अस्थिर ।  
धर्मुक धौर कर सन्त ह्यथ सौर कर  
ज़ांह मु बन गरिक्यन हुंद बौरखर ।।

सतुचिय थ्यथ थव नवरात्री दार  
रठ ज़गत अम्बायि हुंद दर्बार ।

च्यथ थव प्रसन्न राम नवमी व्रत दर  
रामु नावु सुत्य् भवसागरस तर ।।

यिम यथ वॉसि छिय कॅर्यमुत्य् बदकार  
अकि रामु नावु सुत्य् गछ्यख सम्हार ।  
मृतु विजि कालस सु वुछिथ वॅछ थर  
रामु नावु सुत्य् भवसागरस तर ।।

पवन सुत आया लंका जलाया  
रावण को दिखलाया अपना बल ।  
राम जी को सीता का हाल सुनाया  
राक्षस हटाया मिटाया शर ।।

अंजनी नन्दन पाताल जाकर  
अहिरावण मार कर लाया ।  
रामजी लक्ष्मन अपने कन्धों पर  
रामु नावु सुत्य् भवसागरस तर ।।

हम को है अपने शत्रों से जंग आज  
आवे आवे महावीर बजरंग आज ।  
उन से बचावे फिर किस का है डर  
रामु नावु सुत्य् भवसागरस तर ।।

राम जी का दर्शन दशरथ ने पाया  
लंका में आया स्वर्ग लोक से ।

फिर गया राम जी से रूखसत पाकर  
रामु नावु सुत्य् भवसागरस तर ।।

लंका जीत कर अयोध्या में आया  
सब को दिखाया श्री राम रूप ।  
परम सुख मोक्षी दे दिया घर घर  
रामु नावु सुत्य् भवसागरस तर ।।

अरे मेरे प्यारे बोलो निष्काम  
सीता राम राधे श्याम ।  
राम कृष्ण नाम बिन और क्या है काम  
लेवे देह भ्रम देवे परम धाम  
श्री राम कृष्ण का नाम है आश्चर

कृष्ण नाम है दूध मखन और घी  
राम नाम मिसरी पिला कर पी ।  
सम्सारु सन्तापु तृष्णा को हर  
रामु नावु सुत्य् भवसागरस तर ।।



### 315. पूजा तु स्तुति

पूजि लागय गुलाब ब्यल तु मादल तु हिय  
तथ सुत्य् पम्पोश व्यनु जाफुर्य छिय ।

पार्थी पूज ह्यथ न्यथ करु आरती  
ॐ नमः शिवाय शाश्वतायि शंकराय शाम्भवी ।।

चेय कित्य् रंगु रंगु पोशन कॅर्य मे ढेर  
लागय यूगु डबि खसनस छे कर्म हेर  
साकार रुप दॅरिथ असि कुन फेर  
हे न्यराकारु अँस्य् पूजोथ नोन नेर  
काम क्रूध लूभ मोहन कोरमुत छु घेर  
त्रैयिमि अग्न न्यँत्रु सुत्य् जाल कर मु चेर  
न्यँबरिमि व्यवहारु निशि गॉमुत्य् छि सेर  
अँदरिमि प्रेयमु प्रावुनाव परमुपदवी  
ॐ नमः शिवाय शाश्वतायि शंकराय शाम्भवी ।।

छुख च्चु करूनावतार यिथि नावु कर व्वधार  
बोडमुत बोठ खार भवसरु दिम मे तार  
चॉर भक्ती यार दिम मे म्वक्ती द्वार  
करनाव सत व्यचार असि बारम्बार  
अँस्य् छि दुनियादार रोट चोन दरबार  
लद म्वक्ती द्वार सोन यियनय आर  
द्वुतुभाव हार छय पनुनि कुनिरुच द्रिय  
ॐ नमः शिवाय शाश्वतायि शंकराय शाम्भवी ।।

संच्यथ आगाम्य् कर्मन कर मे छ्यन  
प्रारब्दस प्यठ थव मे नेष्कल मन  
पानु छुख सोरुय विश्वरुप हन हन  
एक भासन छु अज्ञानु सुत्य् ब्यन ब्यन

अमि येमि सान छुख पानय त्रिभुवन  
पूर्ण चैय ज्ञानन छिय सत्जन  
सर्व शक्तीमानस कुनिस कुस वनि जुय  
ॐ नमः शिवाय शाश्वतायि शंकराय शाम्भवी ।।

छ्यँट वासना म्यॉन्य् श्रूचराव पाप हर  
वातुज हिश छे स्वय दीवु कन्या कर  
अकि ब्यल पँत्रु सुत्य् कर अमर कर अजर  
छम च्वदाह माघु घट्ट पछिनिय दिम मे वर  
प्रत्यक्ष भास कास यमराजुन्य् थर  
अपर परापर छुख प्रकृति पर  
शिव नावुक पास करतु हे शिवजी  
ॐ नमः शिवाय शाश्वतायि शंकराय शाम्भवी ।।

यिम यिम वृत दॅर्य मे तिम व्वत्तम मान  
फाकृ दिय दिय व्वन्य् मु होखुरावुम पान  
कति अनु तिथ्य् होश करु चै सुत्य् ज्ञान  
कति करि स्यद्ध म्यॉन्य् मूर्ख ब्वद्ध मूर्ख पान  
तप जप यूग ज्ञान धारना ध्यान  
कति बनु भाग्यवान ह्यमु द्युन धर्म दान  
कति बनु ज्ञानुवान कति बनु व्यद्वान  
राक्षस प्रकृत फिर मे थव धरमु सान  
शिव नाथु सुत्य् कास प्राक जन्मुच हान  
यार कॅह बनु परमु धर्मी तु कर्मी  
ॐ नमः शिवाय शाश्वतायि शंकराय शाम्भवी ।।

अन्तु त्यागुच स्यँज वथ हावतम  
रागु द्वीषु रोस्त खानुदार बनावतम  
त्रियि प्वत्रु म्यँत्रु भाव शुमरिथ थावतम  
रिथित प्रज्ञन मंज मतु मंदुछावतम  
येथ्यु जन्मस मंज परम गत दावतम  
अथि आमुत देह मतु रावुरावतम  
पशि भावुक नशि मतु चावुनावतम  
यशि मंज थावतम महा वॉरागी  
ॐ नमः शिवाय शाश्वतायि शंकराय शाम्भवी ।।

यस आसि च़ेय ह्यु बोड दीन दयाल  
तस कोनु मृतु विजि पालना करि काल  
क्याजि तस धर्म राजु तति करि वुल्टु हाल  
क्याजि तस बंद करि समसारु मुह जाल  
कोनु प्रावि ज्ञानु यूग क्याजि रटि कोह तु बाल  
क्याजि हावि लूकन अभिमानुच चाल  
क्याजि डलि डम्बु सुत्यु ज़ेनि अन्नु धनु माल  
क्याजि करि पाप वर्तावि अपुज तु जाल  
टोल्यु फिरि लूकन मँल्यु हैयि जंजाल  
क्याजि लूभि मन म्योन यिय शूभि दिम च़ु तिय  
ॐ नमः शिवाय शाश्वतायि शंकराय शाम्भवी ।।

च़ुय छुख अन्तुक अन्त आद्युक आद  
मंज बाग जगतस कर च़ु मे प्रसाद  
पथ ब्रॉठ छम रटन जन्मन हुंज व्याद  
पानस मंज छुख च़ु कोत लायय नाद



स्वखु म्खु कास्तम ज़ीवतुक्य् अपराध  
मशिनय मे मँशराव पाव यादुक याद  
रटुनावतम ज्ञानु यूगियन हुंघ पाद  
बनावतम सतज़न परमु सन्त साध  
भक्ती ब्रह्म ज्ञानी तु यूगी  
ॐ नमः शिवाय शाश्वतायि शंकराय शाम्भवी ।।

अन्तु कालु पालुनाव छुय मृत्युंजय  
क्याज़ि करु छूटछूट क्याज़ि करु हय हय  
कोनु कासुहँम च्यतु किस ऑनस खय  
कोनु भासख ब्रोंठुकनि रछिवुन दय  
कोनु नोन हावख तति वर तु अभय  
कोनु करुनावख पानस मंज़ लय  
अच्यत न्यरामय यिय ओसुय तिय  
ॐ नमः शिवाय शाश्वतायि शंकराय शाम्भवी ।।

च्यथ थव मे शूभिदार वृत ब्रह्माकार  
अपराधन हार पापन मे प्वन्य् यार  
धर्म स्वस्ति थव तु म्यॉन्य् शुर्य् बाँच गुरु बार  
अस्थिर तु मिथ्या ज़ानुनाव परिवार  
ब्रह्मवित् प्वरुषन हिव्य् करुनाव कार  
पनुनुय पान भासुनाव समसारु सार  
मोह राक्षस मार दार कृष्णु अवतार  
बोय बोय त्रावुनॉविथ रोज़ च़ु च़ुय  
ॐ नमः शिवाय शाश्वतायि शंकराय शाम्भवी ।।



### 316. वृपदीश

सुय ओस मोठमुत येम्य् पौदु कौरमुत छु यूत सम्सार ।

जय जय छु सन्तन प्रत्यक्ष होवुख न्यराकार ॥

छुन्यमुच अँस असि अज्ञानन भ्रम मोहुच फाँस्य्

रँट्यमुत्य् कामन क्रूधन लूभन मदन अँस्य् ।

तमि मंजु सन्तव म्चकूलौव्य् बोयनख नमस्कार

जय जय छु सन्तन प्रत्यक्ष होवुख न्यराकार ॥

यैलि सम्सारस व्वमत छु करन मोह अन्धकार

दय मँशरावन फाँलावन नास्तिक आचार ।

अदु सन्तन हुँदि म्चखु धारन ईश्वर अवतार

जय जय छु सन्तन प्रत्यक्ष होवुख न्यराकार ॥

सन्तव यिय वोन जगत छु मेथ्या ब्रह्म छु सत

नतु अमि येमि सान जगत छु ब्रह्म आश्चर्यवत् ।

न्यथ गछि करुन सर्व आत्म भावुक व्यचार

जय जय छु सन्तन प्रत्यक्ष होवुख न्यराकार ॥

सन्तव यिय वोन स्यजर पजर कँरिव बा

सतुचि शिकारि प्यठ भवुसरस तँरिव बा ।

सत्ग्वरु शब्दु अभ्यास कँरिव तिय छु सार

जय जय छु सन्तन प्रत्यक्ष होवुख न्यराकार ॥

सन्तव यिय वोन परज़नावुन गछि सहज़ु पान  
श्रवन मनन नैदिध्यासन करुन छु जान ।  
सतुय सौरिव तु पानय प्रॉविव साक्षात्कार  
जय जय छु सन्तन प्रत्यक्ष होवुख न्यराकार ॥

असि आँस खबर युस यिथु तिथु पॉढ्य करि गुज़रान  
ख्यथ चथ युस श्वंगि आरामाह करि गव भाग्यवान ।  
मरुन मँशरिथ यशाह कडि गव सु दुनियादार  
जय जय छु सन्तन प्रत्यक्ष होवुख न्यराकार ॥

यि बनि ति बनि पांच द्वह पठुन गछि सम्सार  
मद फुकुरॉविथ करुन्य् गछन बँड्य बँड्य कार ।  
ठँगिलि पॉठी जान पॉढ्य चलुन गछि व्यवहार  
जय जय छु सन्तन प्रत्यक्ष होवुख न्यराकार ॥

गोंछा वुठिथ गोछ वर्तावुन देह अभिमान  
थ्यकृनावुन गछि पनुन कँबीलु क्वल खानदान ।  
लूकन पीडा दिथ गछि हावुन नोन गाटुजार  
जय जय छु सन्तन प्रत्यक्ष होवुख न्यराकार ॥

नैचिव्यन कोर्यन खांदर करुन बडु यशि सान  
ओरु योरु अँनिथ वँडरावुन धनु सुतुय् ह्यथ प्राण ।  
सन्तन वँद्य वँद्य करुन्य् जँद्य अँस्य् छि कर्जदार  
जय जय छु सन्तन प्रत्यक्ष होवुख न्यराकार ॥

सुय गव ग्वर सोन व्वशन युस पकि असि सुत्सुत्सु  
नतु साध तय संत असि निशि यिवन गछन छि कुत्सुत्सु ।

शरन गॅछिथ यिय छिस मंगन बारम्बार  
जय जय छु सन्तन प्रत्यक्ष होवुख न्यराकार ॥

छुखय सत्ग्वर सोन गछि कासुन्सु असि द्वर्गत  
ग्वडु गछि रछुन येति पतु गछि हावुन्सु सतुच वथ ।  
अदु छुख साँमी सोन अँसु छि चाँनी सीवाकार  
जय जय छु सन्तन प्रत्यक्ष होवुख न्यराकार ॥

रवपुया पाँसा छा अथि आमुत छि अँसु लाचार  
कुछन मंज अन्न बंकस छा असि साँबरिथ द्यार ।  
हे साँमी जी दयाल बन अँसु छि अयाल बार  
जय जय छु सन्तन प्रत्यक्ष होवुख न्यराकार ॥

जन्मस चाया चमुहाँव छेनिहे माया जाल  
ख्यमु हाँव चमुहाँव सन्तन ति करुहाँव कुनि द्वह साल ।  
लिविथ डुविथ थवुहोख गरु धनु रोस्त शूभिदार  
जय जय छु सन्तन प्रत्यक्ष होवुख न्यराकार ॥

वैष्णार्पन क्याजि दिमव असि छा तीच सूरथ  
ति छा मूजूद यि असि आसुन छु जरूरथ ।  
तनखाह दिथ बेयि पतय छि साँयिस तु खँदमतगार  
जय जय छु सन्तन प्रत्यक्ष होवुख न्यराकार ॥

तिथ्य् सौन्य् छि पेमुत्य् स्वर्न कांगुरि मंगन छि तिम  
लदन छिख अँस्य् लँदिथ तोति जंगन छि तिम ।  
संतुय लदहॉन अमि खोतु करहॉव बँड्य बँड्य कार  
जय जय छु सन्तन प्रत्यक्ष होवुख न्यराकार ॥

सन्तन छु सन्तोश यिथु तिथु तिम गुजरावन छि द्वह  
असि नेरि तेलि द्वह येलि ब्रोंटु आसन धनुक्य् कोह ।  
तमि मंजु लदहोख कँह लँघतन अनुग्रह अम्बार  
जय जय छु सन्तन प्रत्यक्ष होवुख न्यराकार ॥

सन्तन लगहॉव अँस्य् कति पायस प्यवन ऑस्य्  
चख ऑस यिवन अज तान्य् लँड्य लँड्य ह्यवन ऑस्य् ।  
दमालि फँकीर सुध गूर्य मकार छूरीमार  
जय जय छु सन्तन प्रत्यक्ष होवुख न्यराकार ॥

सन्तव यिय वोन क्याह गोवु पथ ब्रोंठ वुछिव बा  
गृहस्थुक्य् कालु स्वर्फन तोह्य हा बुछिव बा ।  
कँचन द्वहन लूटिथ च़लिवु भ्रम बॉज़्य्गार  
जय जय छु सन्तन प्रत्यक्ष होवुख न्यराकार ॥

सन्तन तु साधन शरन गछहॉव श्वभ चरणन  
अर्पन करुहोख श्रधायि सुत्य् तन मन अन्न धन ।  
सन्तय म्वख हॉविथ करि शम्भू परम पार  
जय जय छु सन्तन प्रत्यक्ष होवुख न्यराकार ॥

शिवनाथ सन्तन तु साधन हंडी ग्यवन छु गीत  
अतीत ऑसिथ ग्वण छुख ग्यवन मायातीत ।  
ब्रह्मा वैष्ण छु करन सन्तन जय जय कार  
जय जय छु सन्तन प्रत्यक्ष होवुख न्यराकार ॥

सन्तव यिय वोन त्वहि धरमुय ओत पकिवु सुत्य्  
देह छु नॉशी अज़ तान्य् वतुगथ आय गॅय कृत्य् ।  
धर्मुक प्रेयम बॅरिव तु कॅरिव पर व्वपकार  
जय जय छु सन्तन प्रत्यक्ष होवुख न्यराकार ॥

सन्तव यिय वोन पोक तॉमीरा कॅरिव बा  
तथ मंज़ रुज़िथ सन्यासु वृच़ दन बॅरिव बा ।  
लागुन गछ्चयस शीतल च्यतुक चन्दन दार  
जय जय छु सन्तन प्रत्यक्ष होवुख न्यराकार ॥

गरुच ममता त्रावुन्य् असि निशि हेछिव बा  
यिनु तोह्य ति लॅगिव अथ कथि सॉक्षी वुछिव बा ।  
ख्रेंच़ तु गगर हारि तु च़रि बेयि जानावार  
जय जय छु सन्तन प्रत्यक्ष होवुख न्यराकार ॥

कँजूस बॅन्य् बॅन्य् स्वनु हॅन र्वपु हॅन दॅगिव मु ज़ांह  
दॅगिव नय तोति गरुचि बलायि लॅगिव मु ज़ांह ।  
असि ते दियिव ज़ांह बतु म्यॅटा यियिवु आर  
जय जय छु सन्तन प्रत्यक्ष होवुख न्यराकार ॥

संकोच कॅर्य कॅर्य स्वंदर गॅहना गॅरिव मु ज़ांह  
गॅरिव नय ज़ांह फिक्रु कॅर्य कॅर्य मॅरिव मु ज़ांह ।  
कूस क्याह दियिवु ऑसिथ गॉमुत्य् छिवु लाचार  
जय जय छु सन्तन प्रत्यक्ष होवुख न्यराकार ॥

थवुन्य् लागि नु शुर्यन बॉचन हंजुय प्रय  
शिन्यस मंज येलि जॉलिथ चलनवु तति छुवु दय ।  
ब्रोंटुय जॉलिव दुपा नतु तति छुवु गटुकार  
जय जय छु सन्तन प्रत्यक्ष होवुख न्यराकार ॥

सन्तव यिय वौन हतुबा अँस्य् छिवु दयावान  
सोनुय बूजिव तु आवागवनुच चलिवु हान ।  
पानय वुछिव कति छु यावुन बुजर ल्वकुचार  
जय जय छु सन्तन प्रत्यक्ष होवुख न्यराकार ॥

व्यचार कॅर्य कॅर्य प्रथ कुनि निशि अँस्य् गॉमुत्य् छि सेर  
प्रय कति बरव ब्रोंटुय यिन अन्नु धनुक्य् ढेर ।  
केंचन द्वहन सॉन्य् ज़िट्य् ति ऑस्य्मुत्य् छि साह्यबकार  
जय जय छु सन्तन प्रत्यक्ष होवुख न्यराकार ॥

सन्तव यिय वौन जॉनिव बा स्वप्नवत् समसार  
स्वप्नु ज़गत वुछिव मिथ्या गॅछिथ बेदार ।  
ज़ाग्रत स्वप्न ह्युवुय जॉनिथ बॅनिव खानदार  
जय जय छु सन्तन प्रत्यक्ष होवुख न्यराकार ॥

संतव फरमोव सोनुय करतूत छुवु नैष्काम  
आसवुन छु शाँति धर्म शालायि मूक्षी बाम ।  
व्वन्य् द्युत असि युथ पजि हे त्युथ सर्व अधिकार  
जय जय छु सन्तन प्रत्यक्ष होवुख न्यराकार ॥

सन्तव यिय वोन सतसंग कॅर्य कॅर्य गॅयि वाँसाह  
व्वदार च्यथ ऑस्य् पलि कति थोव र्वपया पाँसाह ।  
मूर्ख छि दपन धनु रँस्य्ति बेछन छिवु नाबुकार  
जय जय छु सन्तन प्रत्यक्ष होवुख न्यराकार ॥

असि गोछ रलुन ठगन सुत्य् अदु दपुहँन जान  
सतु निशि डलुन अदु ग्वण ग्यवुहँन छिवु ग्वणवान ।  
ठँगिलि सुत्य् गोछ चन्दस छुनुन ठगु बाजार  
जय जय छु सन्तन प्रत्यक्ष होवुख न्यराकार ॥

सन्तव यिय वोन जिरात जँमीन लॉगिव बा  
जीवन पाया छॉडिव त्रेष्णा त्रॉविव बा ।  
लोब कुन रुजिथ लॉगिव या लॉग्य्तन काशकार  
जय जय छु सन्तन प्रत्यक्ष होवुख न्यराकार ॥

गर्मी तु सदीं मंज श्रावुन ऑस्य्तन या पौह  
व्वदासीनवत् कडुन्य् गछन यिम पांछ द्वह ।  
जेनुनि पेयतन व्वन कुन वसुन या ह्योर खसुन दर्बार  
जय जय छु सन्तन प्रत्यक्ष होवुख न्यराकार ॥



सन्तव यिय वोन तौह्य लूक लज़ा त्रॉविव बा  
लॅलीश्वरिये हुंद ह्यू च़ालुन हॉविव बा ।  
प्रसन्न रूज़िव योदवय मेलिवु कम आहार  
जय जय छु सन्तन प्रत्यक्ष होवुख न्यराकार ॥

सन्तन हुंद ह्यू कुस च़ालि ऑसिथ बँड शक्ती  
सन्तन हुंज़ त्वहि करुन्य भक्ती छवु म्वक्ती ।  
सन्तन वँदिव पनुन पान शुर्य बॉच़ गरु बार  
जय जय छु सन्तन प्रत्यक्ष होवुख न्यराकार ॥

कति प्यठु कोत तान्य् ओस राज़ु भर्तहरियस दौरु दौर  
च़ोल राज्य् त्रॉविथ कस द्राव कस नेरि सम्सार सोर ।  
च़रि जीव बँनिथ प्रथ जायि फेरन ख्वद म्वख्तार  
जय जय छु सन्तन प्रत्यक्ष होवुख न्यराकार ॥

यि दुनिया छु कहर खानये न्यराकार  
कहर वुछित कहर जॉनिव म्यँत्र तु यार ।  
पज़्या मुहुन मस चथ गछुन और बेमार  
जय जय छु सन्तन प्रत्यक्ष होवुख न्यराकार ॥

काया छि दज़न रेह छस व्वथन नारस मंज़  
क्वसु फरक छि बासन जदालस पेश कारस मंज़ ।  
अफसूस ख्यवन गरिक्य् छि च़लन ह्यथ परिवार  
जय जय छु सन्तन प्रत्यक्ष होवुख न्यराकार ॥

दया कॅर्यतव सन्तव अँस्य् छिवु ग्वनाहगार

पनुनि अन्दरु गरस मंज रावरोव खानुदार ।  
अज्ञान नैत्रन गाश अँन्यतव दिथ सत व्यचार  
जय जय छु सन्तन प्रत्यक्ष होवुख न्यराकार ॥

सन्तव यिय वोन लोब कुन त्रॉविव संकल्प भार  
जंन पवनु रोस्तुय रेह वृत थॉविव ब्रह्माकार ।  
गगनस प्यठ कुन खॉरिव च्यथ ह्यथ शब्द धार  
जय जय छु सन्तन प्रत्यक्ष होवुख न्यराकार ॥

सन्तव यिय वोन कँरिव बा शाँति शम दम ।  
देह ह्यथ छि सॉरुय ईश्वर सत्ता तोह्य छिवु कम ।  
मिथ्या चीज छु ह्यवन मँल्य चूर खँरीदार  
जय जय छु सन्तन प्रत्यक्ष होवुख न्यराकार ॥

थँकिव वॉतिवु मंज ठगु गामस लँजिवु रात  
यान्य् अँछ वँटिव तान्य् ठग हावनवु पनुन्य् ज्ञात ।  
श्रवण गेविव रुजिव सॉरिय ह्यथ हुशियार  
जय जय छु सन्तन प्रत्यक्ष होवुख न्यराकार ॥

सतजंन यिम वुछ तिम वुछ सदा शिवुन रुप  
मंज मुह गटि समसारुचि छि तिम ज्ञानु दुप ।  
शरन गछन वाल्यन करन छिय व्वद्धार  
जय जय छु सन्तन प्रत्यक्ष होवुख न्यराकार ॥

अतीत अँधीन लूकन छिय बासान कायायि किन्य्  
प्रपंच छि पालन पनुनि दयायि कृपायि किन्य् ।

भक्तन बखशन छि विभूत पलि नु ऑसिथ हार  
जय जय छु सन्तन प्रत्यक्ष होवुख न्यराकार ।।

हा टाठि म्याने अनुग्रह अन्नस जग प्रोन मु चार  
भिक्षायि नीरिथ मंज जोलि लँदिथ निथ गरु सार ।  
अलख बूलिथ सन्तन दरवाजस प्यठ प्रार  
जय जय छु सन्तन प्रत्यक्ष होवुख न्यराकार ।।

सन्तन तु साधन हुंजि ब्रह्म नेष्ठायि हुंद वनु क्याह  
छख अष्ट स्यँज पतु लारन स्योद छिख नु वुछन जांह ।  
छुख राज्य भासन त्रेन भवनन हुंद अँड खँड हार  
जय जय छु सन्तन प्रत्यक्ष होवुख न्यराकार ।।

वोन भगवानन युस यियि मे निशि भक्ती सान  
छुस तसुंजि चरणु गरदि सुत्त्य् श्रूचरावन पान ।  
मँलिथ पानस अदु छुस व्वत्तम करन समसार  
जय जय छु सन्तन प्रत्यक्ष होवुख न्यराकार ।।

सन्तव यिय वोन समसारस कॅर्य तीर्थन सॉर  
कति ओस र्वपया पाँसा सुत्त्य् ओस दयि धनु धॉर ।  
ति थँविन अन्नु धनु ख्यनु चनु सान शूभिदार  
जय जय छु सन्तन प्रत्यक्ष होवुख न्यराकार ।।

सन्तव यिय वोन अँस्य् हबा वृच किन्त्य् छिवु सँन्यास  
गरि येलि द्राय अँस्य् ग्वडु संकल्पन कौर ग्रास ।

स्वर्ण धर्म सतसंग व्यचारु सुत्य् ह्योत यार  
जय जय छु सन्तन प्रत्यक्ष होवुख न्यराकार ।।

अन्न जल भूगिव प्रारब्दस प्यठ ठीकुन छु जान  
नेश्चल रूजिव चरख दिय दिय चँटिव मु पान ।  
ह्योन द्युन मु त्याँगिव लूकन मु लॉगिव ग्रट अनवार  
जय जय छु सन्तन प्रत्यक्ष होवुख न्यराकार ।।

दय कति ज़ानुहोन कृष्णन सन्तन हुंज प्रय बैर  
परम ब्रह्म मॉनिथ सन्तन हुंज त्वता कॅर ।  
सन्तुय थवनस सतुच थ्यत वृत ब्रह्माकार  
जय जय छु सन्तन प्रत्यक्ष होवुख न्यराकार ।।



### 317. व्वपदीश

व्रत दौर यॅड च़ोल भूगु भार ।  
फाकू दिथ वॅथ्य बेमार ।।  
खसि कथ प्यठ अन्धुकार ।।।

मनु रूगस छुय गुज़ा पय  
वृत धार रठ यॅद्रय ।  
युथ औशद्ध अथ छु दर्कार  
खसि कथ प्यठ अन्धुकार ।।

वृत्तम वृत्त शब्द करि मन  
नतु फाक् होखुरावि तन ।  
छिय दिवन फाक् कृत्य मर्जदार  
खसि कथ प्यठ अन्धकार ॥

हुशार रूद्य रॉत्य रातस  
प्रभातस तान्य बीढ्य ।  
चूर रोजन छि शब बेदार  
खसि कथ प्यठ अन्धकार ॥

ज्यादु धनु जेनुनस छु ज्यादु लूभ  
पलि थवनस छि क्वसु शूभ ।  
जन खजानस रॉछ शाहमार  
खसि कथ प्यठ अन्धकार ॥

दोप गंडुन त्रावव सामान  
द्यवु चलि देह अभिमान ।  
कृत्य वुछ नंगु नॅन्य तु नादार  
खसि कथ प्यठ अन्धकार ॥

अन्न त्रावुहॉव चमुहॉव द्वध  
अदु प्रावुहॉव शब्द ब्बद्ध ।  
वुछ चवन शुर्य तु वॅछ्य मजुदार  
खसि कथ प्यठ अन्धकार ॥

हठ करमु सुत्पु ज़ोरु गोल काम  
काम करि हे बदनाम ।  
नामर्दन हुंद छु त्पुथ कार  
खसि कथ प्यठ अन्धकार ॥

काम आसिथ गोल करुन त्याग  
मंजु विभूति वौराग ।  
अत्पु त्यागस छु सर्व अधिकार  
खसि कथ प्यठ अन्धकार ॥

दयि सुंद गेवु स्यठाह गीत  
सु छु पानु माया तीत ।  
अज तानु वत्पु कुत्पु भाष्य कार  
खसि कथ प्यठ अन्धकार ॥

असि ज़ोन छेनि मायाजाल  
सुह आसु गैयि ग्वफु शाल ।  
रैटु नूलव तु गगरव गार  
खसि कथ प्यठ अन्धकार ॥

लूख वुछ वुछ अँसु छि खोचान  
छनु रोचन मनुषि रूच ।  
जुन छि व्वदुर्य तु भूतीमार  
खसि कथ प्यठ अन्धकार ॥

मंजु सभायि गोछु द्युन व्याखान  
श्रवणु मननु अमि येमि सान ।  
छांडुन गोछु लूकु ह्यत्कार  
खसि कथ प्यठ अन्धुकार ॥

मामस ख्यव तु बोड द्वह पोल  
युथ दपन लूख ख्यनु वोल ।  
मजु चाव मोन वामाचार  
खसि कथ प्यठ अन्धुकार ॥

श्रान कॅर्य कॅर्य श्रुचरॉव तन  
कम छि तथ मंजु रोजन ।  
जलु सुय मंजु छि दुनियादार  
खसि कथ प्यठ अन्धुकार ॥

गाडन छुनु पान्युक पास  
छिख करन रॅटिथुय ग्रास ।  
मिनि म्वंडुजन छु त्युथ शैहजार  
खसि कथ प्यठ अन्धुकार ॥

शुर्य तु बॉचु दोप नोवुरावव  
यश हावव लूकन ।  
गाडु हाँजन छु ज्यादु परिवार  
खसि कथ प्यठ अन्धुकार ॥

लज्जु रंगु रंगु बजि लरि जायि  
तिमनुय मंज मायि लॉग्य ।  
रातु क्रील ख्रेंचु जानावार  
खसि कथ प्यठ अन्धकार ।।

लूकन मंज छि अँस्य् खानदान  
क्वल म्वलु अमि येमि सान ।  
वुन्य्क्यन छि तिथ्य् पलि छनु हार  
खसि कथ प्यठ अन्धकार ।।

शकिल किन्य् अँस्य् क्याह शूभिदार  
बुजरन कॅर्य नाबुकार ।  
कोत गव यावुन तु ल्वकृचार  
खसि कथ प्यठ अन्धकार ।।

प्योमुत ओस गाटुल नाव  
गटु खॉर मंज छनु पाव ।  
पकिहे ह्यसु सान व्यवहार  
खसि कथ प्यठ अन्धकार ।।

त्याग वॉराग दयि सुंद लोल  
यस आसि सु छु होशु वोल ।  
जानि सत् करि पर व्वपकार  
खसि कथ प्यठ अन्धकार ।।



लूकन हुंद छांडि कल्यान  
तनु मनु अमि येमि सान ।  
बनि दीशुक सीवाकार  
खसि कथ प्यठ अन्धकार ॥

अँस्य् छि पनुने गरज्जुक्क्य् लूख  
लूक् हुंद कति तरि शूख ।  
अँस्य् छि लूभ गरु किय खानुदार  
खसि कथ प्यठ अन्धकार ॥

आत्म प्रकाशि ज्ञानवानु यितु  
नितु सोन देह अभिमान ।  
ममतायि शोरु बनि दितु नार  
खसि कथ प्यठ अन्धकार ॥

थवतु शमु दमु शाँती सान  
पूरिथ मूक्ष सामान ।  
क्वम्बि मंज छनतु मुह तलवार  
खसि कथ प्यठ अन्धकार ॥

वनतु कृष्णस त्युथ गाटुजार  
युथ भ्रम मानि समसार ।  
प्रावि शाँती सत् व्यचार  
खसि कथ प्यठ अन्धकार ॥



### 318. श्री राम चंद्रस कुन प्रार्थना

सतुचिय थ्यत थव तु म्यॉनिस नेष्कामु भक्ती भावु सुय ।

रामु चंद्र श्यामु स्वंद्र लगुहँय रामु नावु सुय ॥

श्री रामु दीवन हुंदि दीवु जीव दया करतम

लोल बरतम तु ज्यनु मरनुक द्वख हरतम तु वरतम ।

तारु तारतम नाव छम मंज भवसरु किस वावु सुय

रामु चंद्र श्यामु स्वंद्र लगुहँय रामु नावु सुय ॥

प्राक् जन्मुच खण्डिथुय छम रामु नावु सुत्य् कासतम

हे न्यरमलु हे नेष्कलु मंज जलु थलु बासतम ।

दरशोनु वरशोन त्रावुम फल कुलिस मंज तावु सुय

रामु चंद्र श्यामु स्वंद्र लगुहँय रामु नावु सुय ॥

ह्यून ऑसिथ येम्य् रामु राम नाव सौर तँम्य् मन ज्यून

यूगु ज्ञानु ध्यानु धरमु दानु रोस्तुय छुस कर्मह्यून ।

यूग हेछिनावुम आज्ञा दितु भुवण्डु कावु सुय

रामु चंद्र श्यामु स्वंद्र लगुहँय रामु नावु सुय ॥

व्यवहारु किस जारु गिंदनस ज्यादु कमुवुन छु ज्यादु लूभ

समसारुचि बाजि मंज जेनुनस तु हारुनस छि क्वसु शूभ ।

मनु कामना स्यद्ध करतम लोगमुत छुस दावुसुय

रामु चंद्र श्यामु स्वंद्र लगुहँय रामु नावु सुय ॥

आत्मा रामु व्वन्य् विषय भूगु तृप्ति दावतम  
श्रेह रेह दिथ अन्य्मु ज़न अभिमानु मोट ब्वद्ध फ्यारतम ।  
अनुग्रह कुय अन्न थावतम ब्रह्म दृष्टि प्यठ छावु सुय  
रामु चँद्व श्यामु स्वंद्व लगुहँय रामु नावु सुय ।।

रामु राम करु रामु राम स्वरु रामु नावुक छुम लोल  
रामु नावन विभीषन पोल मोह मदु रावुन गोल ।  
रामु राम करु रामु नावुक छुम प्रेयम यछि हावसुय  
रामु चँद्व श्यामु स्वंद्व लगुहँय रामु नावु सुय ।।

पद्म पादन तसुंघन कमलु नैत्रुय वथरावु सुय  
कोस्तूर्य नाफु कोफूर चंदनु सुत्तु तन नावु सुय ।  
श्री रामु रुपु श्री कृष्णस हिय तु त्वल्सी छावु सुय  
रामु चँद्व श्यामु स्वंद्व लगुहँय रामु नावु सुय ।।

हे राधाकृष्णु सीतारामु दुतु भाव हारतम  
एक ज़ाननुक विवेक व्वपाय करतम तु वरतम ।  
यिथि अनुग्रह पानय शौंगमुत पान वुज़ुनाव सुय  
रामु चँद्व श्यामु स्वंद्व लगुहँय रामु नावु सुय ।।



### 319. अद्वैत भक्ती (स्तुति)

कामधीनु रछनि द्राख ब्रजगामु  
नेष्कामु श्यामु स्वंदुरो ।  
ओम ज़ोम द्वध चतु दामु दामु  
कृष्ण रुपु रामु चंद्रो ॥

राधा कृष्ण सीता रामु  
एकतायि चानि वन्दु पान ।  
म्वख हाव वेष्णु लूक परमुधामु  
कृष्ण रुपु रामु चंद्रो ॥

मंज अयोध्यायि बिन्द्राबनु  
वनु वनु छारथ बो ।  
दीशि दीशि शहरु शहरु गामु गामु  
कृष्ण रुपु रामु चंद्रो ॥

रागु सुत्पु वैकवंठ बागु मंजु  
शीषनागु प्यटु म्वख हाव ।  
मूक्ष लरि हंदि परमु शमु बामु  
कृष्ण रुपु रामु चंद्रो ॥

शिवरा क्वबुज़ा जॉनिथ  
म्यॉन्पु चॉर भक्ती मॉनिथ ।  
द्वुतु भाव कास अकि प्रणामु  
कृष्ण रुपु रामु चंद्रो ॥

मुह रावनु मदु कमसु मामु  
ममतायि मातायि ज़ाख ।  
शांत गछ अकि रामु कृष्ण नामु  
कृष्ण रुपु रामु चंद्रो ॥

दृष्टि चॉन्य् चमकावि सोन मन  
नेरि ज़न कुंदन स्वन ।  
मंजु शस्त्रु सरतलि त्रामु  
कृष्ण रुपु रामु चंद्रो ॥

ज़न कौशल्या जसुदा छस  
वनु मंजु फेर वनु कस ।  
मतु थवतम लूक हंजु पामु  
कृष्ण रुपु रामु चंद्रो ॥

वेषु कृष्ण रामु एकु म्वख हाव  
ब्रॉठ स्वख पतु मूक्ष दाव ।  
वाँस गुज़रावु सुत्य् आरामु  
कृष्ण रुपु रामु चंद्रो ॥

सर्व आत्मु भावु ब्रह्म दानि  
कानि कडु ज्ञानु पानि सुत्य् ।  
कडुनाव भीद दृष्टि हंजु हामु  
कृष्ण रुपु रामु चंद्रो ॥

कृष्णु नाव रामु नाव ज़पुनाव  
न्यश स्वरु नाव करुनाव ।  
कृष्णु कृष्णु वेष्णु वेष्णु रामु रामु  
कृष्णु रुपु रामु चंद्रो ॥



### 320. व्वपदेश (पर व्वपकार)

पींचु कानि अलु अलु चोन पानस तय ।  
यिछ मस्ती छे कस मस्तानस तय ॥

जलु सुय प्यठ छु म्योन आसन आसन  
मंज पॅक्षियन छस बो व्वत्तम बासन ।  
म्यॉन्य बूल्य् बोलुनुक छु ताकत कस तय  
यिछ मस्ती छे कस मस्तानस तय ॥

छस कुनिय जॅन्य क्वलु बठिनुय फेरन  
प्यठ शिनि थानन ऑल्य् छस येरन ।  
लोब कुन रूजिथ छस बेकस तय  
यिछ मस्ती छे कस मस्तानस तय ॥

जानवारन हुंज बूल्य् छम खरनुय  
दां बॅठ्य त्रॉविथ छस प्यठ सरु नुय ।  
व्यरक्त ज़न मंज एकांतस तय  
यिछ मस्ती छे कस मस्तानस तय ॥

अँज पँछिन हारुवचि बाशि बोजनस तय  
खफु छस क्वर्कचि बोलि छम प्रय ।  
जबु कुक छुम म्यँत्र पिन्द छम व्यस तय  
यिछ मस्ती छे कस मस्तानस तय ।।

पिंद छम टाँठ वयस स्व छे दम दिवनुय  
स्व छे मे ति पॉनिस मंज सुत्य् निवनुय ।  
छम दपन ब्वन वस तय ह्योर खस तय  
यिछ मस्ती छे कस मस्तानस तय ।।

गिलि वोन तस छस मंज दां डलु सुय  
अन्न बनि ज़्यादु स्वख वाति ज़लु थलु सुय ।  
चॉन्य् मस्ती क्याह करि ज़गतस तय  
यिछ मस्ती छे कस मस्तानस तय ।।

म्यानि बोलि सुत्य् दां थल ग्वनि ज़्यादय  
तथ मंज पालुना म्यॉन्य् बनि ज़्यादय ।  
बचि ह्यथ गाँटु भयि रोस्त फेरु मस तय  
यिछ मस्ती छे कस मस्तानस तय ।।

पतु यिमु न्यंदु कालस बेयि फीरिथ  
दानि पपनस तान्य् रोज़ु ओल यीरिथ ।  
पानस सुत्य् अनु स्वकालस तय  
यिछ मस्ती छे कस मस्तानस तय ।।

चॉन्य् व्यरक्तु बूल्य् क्याह दियि लूकन  
ख्यनु चनु रोस्त किथु पॉट्य गालि शूकन ।  
जानुवारन थ्यकतु व्वत्तम छस तय  
यिछ् मस्ती छे कस मस्तानस तय ॥

सुय छु बोड दातु सारिवुय खोतु प्रधान  
यसुंदि व्वपकारु सुत्य् ठीकि देह ब्वद्ध तु प्राण ।  
जीव दयायि हुंज प्रय आस्यस तय  
यिछ् मस्ती छे कस मस्तानस तय ॥

अन्नु सुत्य् बल वाति प्राणन बनि ज्ञान  
करनु यियि तप जप यूग धारना ध्यान ।  
दारु पूज वारु वाति परमात्मस तय  
यिछ् मस्ती छे कस मस्तानस तय ॥

द्राग कासि ईश्वर चलि सॉरुय हान  
युस अन्न ज़्यादु दियि तस टोठि भगवान ।  
ख्यथ चथ वारु वाति वैष्णु भवनस तय  
यिछ् मस्ती छे कस मस्तानस तय ॥

सॉर करि तीर्थन बेहे प्यठु नागन  
पांच जॅन्य् ह्यथ फेरि मंज बाग बागन ।  
जानुवार बूल्य् बोजि छावि पोशि दस्तय  
यिछ् मस्ती छे कस मस्तानस तय ॥



धर्म भायन सुत्य् करि सत्संगुय  
सामवीदु स्वरु परि स्वंदर बंगय ।  
सहज पानुक नैश्चय आसि तस तय  
यिछ मस्ती छे कस मस्तानस तय ।।

आत्मुक स्वख प्रावि त्रावि देह अभिमान  
तृप्ति दियि सारिनुय अमि येमि सान ।  
दीव ह्यथ ऋष्य ह्यथ प्यत्र लूकस तय  
यिछ मस्ती छे कस मस्तानस तय ।।

सर्व दानव खोतु बोड अन्नु दान मान  
स्वरु फिरनावि पान खरु करि प्राण ।  
प्रथ आहारुक म्वख छु अन्नु राजस तय  
यिछ मस्ती छे कस मस्तानस तय ।।

फाकु दिनु खोतु ख्यावुन चावुन छु जान  
फाकु दिथ बेयि पतु खरु थावुन पान ।  
अदु वाति सीवा ब्रह्म मंडलस तय  
यिछ मस्ती छे कस मस्तानस तय ।।

अहवत तृप्त करि दीवता कारण  
आचमन ह्यथ लगन ख्यनु क्यन कारन ।  
ब्राह्मन ब्रह्मापर्ण करनस तय  
यिछ मस्ती छे कस मस्तानस तय ।।

गिल छे कांछन दानि स्वय बूल्य् बोऽयस  
अन्नपूर्णा ह्यथ राजु हमस सोऽयस ।  
राजु यूगी ब्यहन प्यठ यज्ञस तय  
यिछ मस्ती छे कस मस्तानस तय ॥

अन्न बनि लूकन स्यद्ध गछि कल्यान  
दय करुनाव्यख श्वभ कर्म धर्म ध्यान ।  
दीश सीवायि स्वख वाति कृष्णस तय  
यिछ मस्ती छे कस मस्तानस तय ॥



### 321. मूक्ष वरदानु बापथ प्रार्थना

सर्व आकारु रुपु येम्य् म्वख होवुय  
शिनि मंजु व्वपुदोवुय त्रिभुवन ।  
यूगु ज्ञानु नेंद्रे मंजु वुजुनोवुय  
असिना सु लक्ष्मी नारायण ॥

पानु सोरुय सु तँम्य् क्याह व्वपुदोवुय  
भ्रमु किन्य् एक भासन छु ब्योन ब्योन ।  
सु छु विश्वरूप कुस वुजुनोव सोवुय  
असिना सु लक्ष्मी नारायण ॥

आद्य मध्य अन्तु रोस्त येम्य् भासुनोवुय  
स्व छे भ्राँति अज्ञानुक ग्वण ।

ज्ञानवानव योहोय नैश्चय थोवुय  
असिना सु लक्ष्मी नारायण ।।

खखरा दिथ पानस असुनोवुय  
सान्यन मूर्ख क्रकनुय थवि कन ।  
मूक्ष धनु दियि रछवुन लछिनोवुय  
असिना सु लक्ष्मी नारायण ।।

वैष्णु मायायि हुंद जष्णु चानुनोवुय  
पॉथुर लॉग्य् लॉग्य् छुस बो मन्दुछन ।  
मसखरु लॉगिथ चास दारि लोवुय  
असिना सु लक्ष्मी नारायण ।।

वालु वालु क्रूधन मे मस खुंजुनोवुय  
दॉर कडनस छुस बो कलु दारन ।  
लूभु ऑस दॉरिथ मे आम मँचरोवुय  
असिना सु लक्ष्मी नारायण ।।

भ्रमु मूहुक हाल तस प्यठ त्रोवुय  
बांडन मंजु छुस मसखरु जान ।  
ल्यक् थक् च़ाजि धनु दियि स्वनु सोवुय  
असिना सु लक्ष्मी नारायण ।।

नफसुन्य् सांगन मे रुप बदुलोवुय  
पखांड म्योन वुछि मनमोहन ।

लूभु पुछि मनुनॉविथ अनुनोवुम  
असिना सु लक्ष्मी नारायण ॥

लूकव गीत म्योन ठठु गँजरोवुय  
ठाह ठाह कॅर्य कॅर्य छि ओष त्रावन ।  
असुनन तु वदुनन मे यनाम दोवुय  
असिना सु लक्ष्मी नारायण ॥

थरु प्यटु पान मे पथर पोवुय  
थोद तुलि पानय सु आनन्दघन ।  
तसुंजि थपि दकु ज़द स्योद पक़नोवुम  
असिना सु लक्ष्मी नारायण ॥

बस्तु ककरा वॅलिथ मे पान वुफ़नोवुय  
हावि मोर म्वक्टु धारवुन गरुडासन ।  
राज़ु हमसु पानस मे काव बनोवुय  
असिना सु लक्ष्मी नारायण ॥

लूभु पुछि मानु बोड मे पान मंदुछोवुय  
मूक्ष धनु दियि करि पॉथरन छ्यन ।  
वुल्टु रंग अभिमानन मे करुनोवुय  
असिना सु लक्ष्मी नारायण ॥

खानदान पान मे ल्यकु ख्यावुनोवुय  
त्राहि माम् पाहि माम् यि छु लूभु ग्वण ।

अथि आमुत दीव देह रावुरोवुय  
असिना सु लक्ष्मी नारायण ।।

चोबु ज़ोरु डम्बु सुत्य् मे धनु कमनोवुय  
छ्वक् लद मे हॉवुय ज़ोतन तन ।  
रोज़गार करनुक मे तमना द्रोवुय  
असिना सु लक्ष्मी नारायण ।।

गाटुल्यव बांडव यश थ्यकृनोवुय  
म्वंडि माजि ज़ामुत्य् छि राज़ु ज़ादु ज़न ।  
ज़्यादु नौच़ मे मूर्खन कम हिसु प्रोवुय  
असिना सु लक्ष्मी नारायण ।।

राज़ु पॉथरस मंज़ मख नच़नोवुय  
तस ह्यु शाह क्या छु गाह त्रावन ।  
दँरज़ु भ्रमु नुय मसखरु खोच़नोवुय  
असिना सु लक्ष्मी नारायण ।।

म्यँच़ ऑडरन मे पान क्राल बनोवुय  
कोंदु खँच़ मे मुस च़ोन क्रालु पॉथुरन ।  
म्वल दिनु विज़ि ग्राकव पीठुरोवुय  
असिना सु लक्ष्मी नारायण ।।

छ़रिुरुक हाल मूक्ष दातस बोवुय  
सांग लोग न्युव अनुग्रह अन्नु धन ।

असुवुनि म्वखु कृष्णन बॉगुरोवुय  
असिना सु लक्ष्मी नारायण ॥



### 322. अभिमान तु तमि निशि म्वकुलावनु बापथ प्रार्थना

इस्तादु अख जंगि प्यठ गुह्य र्यूंजा  
ओस दॉयरान गछि मा वॉरिदात ।  
क्याह करु दोयुम खोरय पथर त्रावु  
बोडिथ तल मा गछि बुतरात ॥

प्रपंच सोरुय प्यनुक छुम मे भासन  
अर्बन तु सासन ह्यथ पंक्षियन ।  
वुछतव यथ बजुरस कुस मे वात्यम  
कुस परजुनॉविथ हेकि म्यॉन्य् ज़ात ॥

नय वावु सुती छुम फूद अलन  
छपन छुस रूद पलन तल ।  
अकि लंजि व्वथन बेयि लंजि ब्यहन  
नय कुनि द्वह छुम नय कुनि रात ॥

सर्वस प्यठ ऑस कुमरी तस कुन  
बोलन गुह्य रेंजि छुख नादान ।  
नखु ह्यथ पखु ह्यथ अधवल पल छुख  
मंज पंक्षियन ऑधीन अनाथ ॥

ना तुम को सूरत ना तुम की सीरत  
ना तुम को गैरत ना तुम को होश ।  
ना तुम को शुहरत ना तुम को जोदत  
छोटे मुंह से बडी कैसी बात ॥

अख नेष्फल फृस्ता ज़ेठि ज़्यूठुय  
मंज़ बाग बागस ओस गँज़रान ।  
खसनुक खयाल छुम स्वर्गस प्यठ  
छा म्यानि खोतु कल्पु वृक्ष पॉरिज़ाथ ॥

यिथय पॉट्यन मद होस मद म्योन  
मद फुकुरावन छुस बलवीर ।  
शतरंज बॉजी अभिमानुचि मंज़  
शाह हय त्रावु शाहस गछि मात ॥

यिथय पॉट्यन समसारु किस पोशि बागस  
मंज़ बो ति वीराह छुस ।  
श्री कृष्ण यियम पैवन्द कर्यम  
फल नेर्यम अनुग्रह शक्तीपात ॥

पानस सुती सुय मिलुनाव्यम  
क्याह करि निछँत्र तु क्याह करि सात ।  
पारस मीलित्थ शस्त्र स्वन गछि  
सुय अभिज्यथ छुम बोय छुस दात ॥  
ओस दॉयरान गछि मा वॉरिदात ॥ ॥



### 323. सर्व आत्म भाव

हिम सायि सतुता बुमसीनन खेनि  
बचि ह्यथ मंज मॉदानस द्राव ।  
लूभु तॉति सुती खॅन्य् खॅन्य मुस द्रास  
कांह क्योम द्रास नु फीरिथ आव ॥

बचव दौपुहॅस ब्वछि सुत्य् अॅस्य् मूद्य  
बेयन हुंघ पॉट्य बेयि कॅंह ख्याव ।  
असि मामस ख्योन त्रावुन हेछिनाव  
ताज छुय राज़ु हमस याद पाव ॥

होश छुय च़े तु कॅतिजि जानवरन मंज  
कावु सुंघ पॉट्य बन मु च़ु ति छ्योट खाव ।  
सन्तोशि बागुक पोशिनूला बन  
पानस बसन्तु जामु पॉराव ॥

यिम नु मामस ख्यन तिम छि ना ज़ीवन  
दीवन हुंद ह्यू शांत म्वख हाव ।  
केम्य् क्रील खेन्य् छिय फख व्वपदावन  
मामस त्राव ज़ीवु घात मॅशराव ॥

लूख ज़ानन सिव्य् गोमुत पॉज़ आव  
च़ु मु व्वथ लूक ज़ेवि देह मु वुफ़नाव ।



लूभु रोस्त तिहिंजि पुछि प्रेयमु भूगन भूग  
कृष्णु रायि किन्यु थाव सर्व आत्म भाव ।।  
कांह क्योम द्रास नु फीरिथ आव ।।।



### 324. भक्तु संद्य लक्षण

म्येच्चा मलन नूला चलन  
शाहमार मारन छलय सुत्यु ।  
विषाल बोजु सौस्तुय सूरु मोता  
सुह गालन यूगु बलय सुत्यु ।।

हिमसा सुत्यु ह्यथ संकल्प फेरन  
पीडायि वतन वतन मंजु ।  
नादान रुनिस ज़न रामु हूनिस  
नेरन क्वकरमु क्वलय सुत्यु ।।

केंह गरि रुजिथ केंह गैयि वनवास  
केंचन आसन वृत सन्यास ।  
जंगल गछन तु मंगल मेलन  
रुति भावुकि मंगलय सुत्यु ।।

अख अँधीना शिवनाथ ग्यवन  
मृतु विजि ह्यवन यमदूत पोत ।

पान श्रुचरावन भक्तन हावन  
म्वक्ती गंगा जलय सुत्य् ।।

अख चण्डाँजा महा पाँपी  
द्वर्गन्द तस तिछ चलन लूख ।  
शिव नावा ह्यथ शिवलूक प्रावन  
कुनिय पँत्रु ब्यलय सुत्य् ।।

अख सत् प्वरूषा नोन भासुनावन  
शम दम तप जप यूग ज्ञान ।  
जग प्रोन फल दिथ तृप्ति बख्खान  
बडि अनुग्रहकि खलय सुत्य् ।।

गरूड यिवन वासुक चलन  
शिवनाथस हौट गछन नोन ।  
भँक्त्या वोथन तस मालु गंडन  
बडि प्रेयमु तु न्यर्मलय सुत्य् ।।

अख ज्ञानुवाना जाग्रत स्वपन्न  
सुषप्त भासन तस ब्रह्म रुप ।  
बेदाँरी मंज तस सुत्य् आसन  
यूगचि नेंदरि ज्वलय सुत्य् ।।

मौह दशुरावुण देह कलु लागन  
छस तोति रोजन अपीक्षा ।

च्यथ ख्वश गछन मन वश बनन  
लॉगिथ कॅहिमि कलय सुत्य् ।।

देह अभिमानुक सूरु मैचि मिलुविथ  
होल द्वसु हॉट मा दरन ज़ांह ।  
अन्तु कालुक सॉलाबा तथ  
त्रावन कुनिय यलय सुत्य् ।।

स्वगंध दिथ च्यथ ब्वद्ध फवलुनावन  
फुलय वुछुनावन लूकन ।  
बम्बूरन बुं बुं करुनावन  
वॉनियि पम्पोशि डलय सुत्य् ।।

कृष्णु जुव चलुनावन द्रौपदीयि  
हंजि भक्ती सुत्य् द्वर्वासा ।  
यथ ब्रह्मांडस तृप्ती बख्खान  
अन्नलेशि अकि हाकु नलय सुत्य् ।।

विषाल बोज़ सोस्तुय सूरु मोता  
सुह गालन यूगु बलय सुत्य् ।।



### 325. नेष्कपट भाव गच्छि थवुन तु पर व्वपकार करुन

छय रातुक्रीलस मंजु जानुवारन बबय रातस छुय बेदार ।  
द्वहस श्वंगन रातस वुफन बचन द्वध दिवन मजुदार ।।

दोपुमस पखय चै छय छुख कोनु वुफन जानावारन मंजु  
बबय चै छय छुख कोनु लगन वहशी हुंघन कारन मंजु ।  
द्वशुवय चीजु ऑसिथ छुय नु पठन छुख न्यूच अयून नाबुकार  
द्वहस श्वंगन रातस वुफन बचन द्वध दिवन मजुदार ।।

दोपुनम फीरिथ नियत खोट छम छुम गटि मंजुय रोटमुत गार  
मंजु वुफुवुन्यन मंजु पकवुन्यन लोब रुजिथ छुस ग्वनहगार ।  
सिरिथिस लोसि हे गाशा यियिहेम अँछन द्वन चलिहेम गटुकार  
द्वहस श्वंगन रातस वुफन बचन द्वध दिवन मजुदार ।।

पखन तु नखन वाशा कडुहा अनि गटि वुफनस यियिहेम वार  
हा पानु म्याने नियत रुच थव प्रथ काँसि हुंघ बन वफादार ।  
यक तरफी कर यस सृत्त्यु रोजख तस सृत्त्यु सैद्य पौठ्य कर व्यवहार  
द्वहस श्वंगन रातस वुफन बचन द्वध दिवन मजुदार ।।

नफसस दोपुम चै छिय वनन शुत्र मुर्ग जानावार  
जानावारय छुख तुल तु वुफाह छुखय वूठ तुल तु पँत्यु किन्यु भार ।  
दोपुनम मे फीरिथ यिय छुस तु तिय छुस च्युय छुख म्योनुय खँदमतगार  
द्वहस श्वंगन रातस वुफन बचन द्वध दिवन मजुदार ।।

बौ कथ दरकार यिमय थफ छय दितम ख्योन चौन लयय नु हार  
मज्जु म्यानि बापथ समसारस मंज लूटॉविथ अन अन्न धनु द्वार ।  
बाज़ार ठगाव मे सोरुय ख्याव लूकन हुंद बन कर्जदार  
द्वहस श्वंगन रातस वुफन बचन द्वध दिवन मज्जुदार ॥

विषय भूगव तु यशि मंजु क्याह लारि कृष्ण च्चु कर परोपकार  
सन्तोषि वृत थव गुज़राना कर लूभस तु मदस तु मोहस मार ।  
म बन कंजूस म बन बखॉल म बन मुमसिक म बन करार  
द्वहस श्वंगन रातस वुफन बचन द्वध दिवन मज्जुदार ॥

पनुन नफुस पथ कुन थॉविथ लूकन हुंद बन सीवाकार ।  
छय रातुक्रीलस मंजु जानवारन बबय रातस छुय बेदार ॥



### 326. सर्व शक्तीमान भगवानस कुन प्रार्थना

परमात्म परमानन्दु परमीश्वरु ।  
छुख मनोहरु च्चुय सर्व शक्तीमान ॥

अच्यतु च्च्यथ चेननु चिन्मात्रु  
च्यतु मद होस्त म्योन योत गछि तोत ।  
तति तति च्चुय छुख दिम रँटिथ फिर मे स्वरु  
छुख मनोहरु च्चुय सर्व शक्तीमान ॥

भूगु गासु खेनि चाम लूभ नयि भ्रमु बरु  
रछिवुनि च़ेय वुछिथ च़ोल द्वखु शाल ।  
कालु सुह वाति भ्रम च़लि कुस छुस बो मरु  
छुख मनोहरु च़य सर्व शक्तीमान ॥

हे अगम्य अपारु हे दिगम्बरु हरु  
भवु सरु कुय छुख करुनावतार ।  
च़य यपारि मेलुहॉम अदु अपोर कोत तरु  
छुख मनोहरु च़य सर्व शक्तीमान ॥

केंह नु ऑसिथ छुस अज्ञानु सुत्पु खरु  
गृहस्थ हीनस मे लबि कनि थव ।  
खानुदार बॅन्पु बॅन्पु पानु पाल म्योन गरु  
छुख मनोहरु च़य सर्व शक्तीमान ॥

कामु मॉशि कोट म्योन यलु गव तु क्याह करु  
परमु धरमु बलु वीरु छम चॉन्पु आश ।  
पोत फिरुहॅन पजि रजि हुंदि अकि दरु  
छुख मनोहरु च़य सर्व शक्तीमान ॥

वासना फीर्य फीर्य पतु पतु लारान  
कॅर्यमुत्यन चान्यन कारन मंज ।  
तिम च़ु भासतस थवतस मु मूह ज़रु  
छुख मनोहरु च़य सर्व शक्तीमान ॥

जॉव्यूल छुस कतन गंडु म्वख्वुचि लरु  
ओम पन छुम कुनुय भीद दृष्टि सान ।  
ओगुनिस दोगुनाव दौर कर अकि वरु  
छुख मनोहरु च्युय सर्व शक्तीमान ॥

आलव चैय दिनि क्याजि फेरु गरु गरु  
थफ कॅरिथ चानतम छुस बो अनजान ।  
ज्ञानु यूगु लरि श्रधायि हंडि बरु  
छुख मनोहरु च्युय सर्व शक्तीमान ॥

प्राणु अपानु फंवारु पकवुन्यु छि जरु  
च्यथ क्वंडु सुय चानि सत्जल सुय ।  
थवतख प्रेयमु दृष्टि दया सागरु  
छुख मनोहरु च्युय सर्व शक्तीमान ॥

बन्द कर बॉज्यु अज्ञानुकि बॉज्युगरु  
जॉन्यु असि चॉन्यु मिथ्या भ्रम बॉज्यु ।  
ब्वद्धि यूगु दिम आश्चर्युकि आश्चरु  
छुख मनोहरु च्युय सर्व शक्तीमान ॥

हा गरु हा गरु कर मु कर्म हागरु  
मंजु शिनि ग्वगरिस लोलु ओल येर ।  
हा ग्वरु लोलु अमृत चख च्यु आगरु  
छुख मनोहरु च्युय सर्व शक्तीमान ॥

समसारुकि भ्रम बाँज्युगारु अस्थिरु  
क्याह प्रावु कस छुम हावुन फीस ।  
हरु कासतम ज्यनु मरनुक ज़रु ज़रु  
छुख मनोहरु च्युय सर्व शक्तीमान ॥

कायायि मंज़ अमरु पान करु सरु  
अन्न नेरु ब्योन त्वहि कनु किय पौढ्य ।  
अनुग्रह करतम हरु प्रकृति परु  
छुख मनोहरु च्युय सर्व शक्तीमान ॥

हमस बनोवथस शाह दिथ शाह परु  
फाकु फरि वातु कोत मुक्तु दिम पूर ।  
मानसी पूज़ि हुंदि मान सरवरु सरु  
छुख मनोहरु च्युय सर्व शक्तीमान ॥

ज्ञानु ताजदार तारकन योगु संगरु  
गाश ओन वुछ मनोराज समसार ।  
अनेक एक भासुनाव विश्वम्बरु  
छुख मनोहरु च्युय सर्व शक्तीमान ॥

कुस प्रदिक्षन दिथ ह्यकु च़राच़रु  
रायि म्यानि मंज़ बस जायि जायि छुख ।  
पूरबु पछमु दक्षनु व्वत्तरु  
छुख मनोहरु च्युय सर्व शक्तीमान ॥



केंक लॅट्य ग्वफि च़ाय शहमारु सुंदि डरु  
ममता च़ैज आत्म व्यच़ारु सुत्त्य ।

देह अभिमानु ज़ालु छ़ाप कालु अजदरु  
छुख मनोहरु च़य सर्व शक्तीमान ।।

जँच़दार खरसुय कॅर्य कॅर्य खरु खरु  
जथ द्रायि शूभिदार खर द्राव नोन ।  
देह शीर्य शीर्य देह अभिमान थव मु ज़रु  
छुख मनोहरु च़य सर्व शक्तीमान ।।

थरु प्यठु पथर प्योस छम थरु थरु  
ह्योर खारतम छुख मायातीत ।  
ऊर्ध गत प्रावुनावतम अधोगल हरु  
छुख मनोहरु च़य सर्व शक्तीमान ।।

राज़ु पॉथुर छु अपुज़ुय मूर्ख मसखरु  
वेष्णु मायायि हुंद जष्णु छुय क्रूठ ।  
खखरा ख्यथ लूभु हिसु ह्यथ गछ़ मु गरु  
छुख मनोहरु च़य सर्व शक्तीमान ।।

दम द्युन त्राव लूभ डम्भुके व्वद्धरु  
व्वदरु पुछ़ि दि मु पंक्षियन खेद ।  
सन्तोशि स्वख प्राव अँदरु न्यबरु  
छुख मनोहरु च़य सर्व शक्तीमान ।।

यूग दिथ च्युय ओत भास्तम सत् ग्वरु  
भूग दिथ कासतम देह अभिमान ।  
पनुनि म्वखु च्युय जॉनिथ च़ेय आपरु  
छुख मनोहरु च्युय सर्व शक्तीमान ॥

भक्ती भावु म्वख्तु ओस पनुने बाज़रु  
भ्रम गोम छॉड्य छॉड्य यँच़ मुस च़ाम ।  
तम कडु शिव न्यर्वानु वानु दम बरु  
छुख मनोहरु च्युय सर्व शक्तीमान ॥

मानु यि केंछ़ा म्योन म्योन यि छु म्योन  
अदु कुस छुस बो दपु कथ यि छु म्योन ।  
कास्तम यिम छि तिम ज़ीवतुक्य् अरु सरु  
छुख मनोहरु च्युय सर्व शक्तीमान ॥

श्यामु रुपु रामु चँद्रु श्यामु स्वंदरु  
कृष्णु चँद्रु चँद्रु चूडु कास भ्रम भाव ।  
कौमदु पोश ज़न फवलु कति गछु बरु  
छुख मनोहरु च्युय सर्व शक्तीमान ॥

राधे श्यामु सीता रामु गौरी शंकरु  
अनेक एक छुख सर्व शक्तीमान ।  
भक्त युक्त मुक्त दिम शक्त दिम थव मे खरु  
छुख मनोहरु च्युय सर्व शक्तीमान ॥

सिरिं नोन ऑसिथ रातु क्रील ओन गव  
श्यामु रुप नोन द्राव तस आव गाश ।  
ककवु नेत्रव कृष्णु चंद्रुन ध्यान धरु  
छुख मनोहरु चयुय सर्व शक्तीमान ॥



### 327. प्रार्थना

त्वलसी तु ग्वलाब आर्वल हिय फवजि थरि थरे ।  
प्रेयमु पोशन बाल कृष्णस किचु मालु करे ॥

छुय भवसरा तरनस क्युत ज्यूटुय तु क्रूटुय  
सुय तोर अपोर येम्यु च्वपोर श्री कृष्ण ड्यूटुय ।  
पवन ज़न बनि त्रेन भवनन अपोर तरे  
प्रेयमु पोशन बाल कृष्णस किचु मालु करे ॥

शंकर सुत्यु ह्यथ कृष्ण छु नचन मंजु पोशि बागस  
लतु म्वंजि कॅरिथ रागस त्यागस वॉरागस ।  
यिथि रागु मंजु तिथि त्यागु वरे ॐ शिवु हरे  
प्रेयमु पोशन बाल कृष्णस किचु मालु करे ॥

बोड भाग्यवाना सुय छु युस कृष्णु ध्याना स्वरे  
ख्यथ चथ ह्यथ दिथ सत प्वरुषन सीवा करे ।  
आत्म ज्ञान प्रावि सु कति जेवे तु मरे  
प्रेयमु पोशन बाल कृष्णस किचु मालु करे ॥

ग्रहस्थन रँट्य यथ छु प्रथ कुनि चीजुक रागुय  
सोरुय आसुन गोछ करव कथ प्यठ त्यागुय ।  
ग्रहस्थु मंजय गूपीश्वर रछि गरि गरे  
प्रेयमु पोशन बाल कृष्णस किचु मालु करे ॥

माया ज़ालस मंज छि थँव्यमुत्य् मन निवुवुन्य् फल  
मिथ्या भ्रमुक्य् तिम छि तथ मंज बन्द गछनुक्य् छल ।  
कड राजु हमसस म्वख्तु हॉविथ मंज वालु बरे  
प्रेयमु पोशन बाल कृष्णस किचु मालु करे ॥

अभिमान असि च़ोल ध्यानुक यूगुक ज्ञानुक  
असि तसलाह गव सहजु व्य़ारकि पनुनि पानुक ।  
नतु कति खरे समसार अदु विवेक धरे  
प्रेयमु पोशन बाल कृष्णस किचु मालु करे ॥

सॉनिस हमसस म्वख्तु बननुच प्रय गछि आसुन्य्  
दिथ जीव दया भीदु दृष्टि न्यथ गछि कासुन्य् ।  
जपुचि दिदरि तपु वनुचि हारे तु च़रे  
प्रेयमु पोशन बाल कृष्णस किचु मालु करे ॥

असि गछि बख्शान्य् भक्ती नैष्कल नैष्कामय  
बसनु बापथ गछि बख्शुन परम धामय ।  
नतु केंच़व लजु लरि बंगालु बालादरे  
प्रेयमु पोशन बाल कृष्णस किचु मालु करे ॥

यति क्याह छु प्रावुन कमि बापथ पान नचनावुन  
अभिमान हावुन पतु सोरुय सौंबरिथ त्रावुन ।  
युस च़ेय स्वरे कठिनिस भवुसरस तरे  
प्रेयमु पोशन बाल कृष्णस किच़ु मालु करे ॥

दया करे पानस ह्यु होशा दिये  
रागस त्यागस वॉरागस मंज़ अथि यिये ।  
थफ़ा करोस अदु क्या प्रयि अदु क्याह खरे  
प्रेयमु पोशन बाल कृष्णस किच़ु मालु करे ॥

यि छु नु काँसे फिक्रि अच़न बोज़ मंज़ नु व्यच़न  
रागस मंज़ आसि त्यागु सौस्था क्यथु पॉट्य नच़न ।  
अथन सुत्यन अथु मिलविथ नर्यन नरे  
प्रेयमु पोशन बाल कृष्णस किच़ु मालु करे ॥

आश्चर यि छु क्या विषयन प्यठ वॉराग करुन  
आश्चर यि छु क्याह मोह भ्रमस प्यठ त्याग करुन ।  
कर्ता अकर्ता अन्यथा कर्ता कृष्ण वरे  
प्रेयमु पोशन बाल कृष्णस किच़ु मालु करे ॥

शंकर ख्वश गव कृष्णुन राग वॉराग वुछिथ  
गरूडस खँसिथ कामुक्यन स्वर्फन बुछिथ ।  
अति गँय कारण होष हारन क्याह फिक्रि तरे  
प्रेयमु पोशन बाल कृष्णस किच़ु मालु करे ॥

रासा खेलन गूपियन सुत्थ् थँव् थँव् नेबुय  
कीवल प्रेयमु सुत्थ् कॅर्यनख ऑबुय गॉबुय ।  
सोरुय त्रॉविथ चरणु कमलन तस अँछ जरे  
प्रेयमु पोशन बाल कृष्णस किच्चु मालु करे ॥

युस न्यर ग्वणस यिथिनुय कृष्णु ग्वणन तेले  
अथवास कॅरिथ कृष्णु जुव तस सुत्थ् रास खेले ।  
बाला मकुन्दुनि सँच प्यठ परम धामस दरे  
प्रेयमु पोशन बाल कृष्णस किच्चु मालु करे ॥

थव वारु यछ पछ कृष्ण पानय छु न्यराकॉरी  
शोडषि कला सारिवुय खोतु बोड अवतॉरी ।  
यूगी ऑसिथ क्याजि गछव छलु छांगरे  
प्रेयमु पोशन बाल कृष्णस किच्चु मालु करे ॥

छा तपु ऋषेष्ठा फाकु दिनु सुत्थ् असि ख्वश यिये  
जंगल चले बुरजु वले कन्द मूल खेये ।  
जप मालु फिरे तप करे पाठा परे  
प्रेयमु पोशन बाल कृष्णस किच्चु मालु करे ॥

व्वत्तम कृत्यायि सुत्थ् न्यर्मल विषेश श्रोचे  
ज्यनु मरनुकि भयि कालस धर्म राजस खोचे ।  
नतु पनुनि कर्मचि बाजि गिन्दे असि क्याजि चरे  
प्रेयमु पोशन बाल कृष्णस किच्चु मालु करे ॥

आश्चर्यवतस अच्यतस सतस छि शरन  
सोरुय कॅरिथ करवुना कॅह छुनु करन ।  
माया तीतस सुत्य् रटनस छु अज्ञान ठरे  
प्रेयमु पोशन बाल कृष्णस किच्चु मालु करे ॥

प्रजा पालनु पुछि श्रीरामु अवतार धारे  
राक्षस मारे सत प्वरुषन द्वर्गत हारे ।  
धरमुच थ्यथ थवि खरु आवागवन हरे  
प्रेयमु पोशन बाल कृष्णस किच्चु मालु करे ॥

हा रागु रॅस्ति त्यागु स्वस्ते चै शरन आसय  
जसुदायि राधायि गूपियन गॉवन हंदि पासय ।  
कृष्णस पानस ह्यु कर येमि ब्रह्मनु मुरे  
प्रेयमु पोशन बाल कृष्णस किच्चु मालु करे ॥



### 328. महा रासुक वर्णन

सिरयि खोत शहरु गाम वोत द्वह गुजरोव ।  
शाम वोत कृष्णु चॅद्रन म्बुख होव ॥

कृष्णु चॅद्रय रामु चॅद्रय छु च्वपोर  
ध्यान दोर मोह गटि मंजु गाश आव ।  
सीता राम वोत राधे श्याम वोत  
शाम वोत कृष्णु चॅद्रन म्बुख होव ॥

गरि क्याजि नेरव फेरव वनुनुय  
म्वरली शब्द गव कनुनुय मंज ।  
कामधीनु ह्यथ शाम बृजगाम वोत  
शाम वोत कृष्ण चंद्रन म्वख होव ॥

ब्रजभूमी नमु ने सौरुय प्रजा  
जर्मन कश्मीर अमरीका ।  
काबुल फ्रांस रूम रूस ह्यथ श्याम वोत  
शाम वोत कृष्ण चंद्रन म्वख होव ॥

दक्षिणुक्य व्वत्तरुक्य पूर पछमुक्य दीश  
आय द्राय यिथि जगु ह्यथ हुतशीष ।  
काशी नैपाल चीन आसाम वोत  
शाम वोत कृष्ण चंद्रन म्वख होव ॥

चंद्रचूड आव रागु मंजु त्याग वुछने  
कृष्ण चंद्रन रासु राग वुछने ।  
त्रैयलोक ह्यथ रास खेलुनि आम वोत  
शाम वोत कृष्ण चंद्रन म्वख होव ॥

आश्चर्य थानस सारिनुय निनि वोत  
मंज कुंदन पोर रूक्मनि वोत ।  
लंकायि मंजु सीतायि श्रीराम वोत  
शाम वोत कृष्ण चंद्रन म्वख होव ॥



द्वारिका त्रॉविथ रास खेलुनि आव  
राधायि कृष्ण श्वभ फल दिनि आव ।  
भखच हंजि सुफारि यूगु बादाम वोत  
शाम वोत कृष्ण चंद्रन म्वख होव ॥

दार्यव तु बरव किन्य कोनु नेरव  
पोशि मालु ह्यथ मथुरायि फेरव ।  
मारुनि क्रूध कमसासुर माम वोत  
शाम वोत कृष्ण चंद्रन म्वख होव ॥

श्यामु लालन नॉल्य् छुनि तारक मालु  
कालु चोल कालु गटु ह्यथ ग्रहचार ।  
सुबुह फोल सुशीलायि स्वदाम वोत  
शाम वोत कृष्ण चंद्रन म्वख होव ॥

कृष्ण नाव मूमुचि कायायि प्राण वोत  
यूगियन यूगु ज्ञॉनियन ज्ञान वोत ।  
गगनस च्यथ ह्यथ प्राणायाम वोत  
शाम वोत कृष्ण चंद्रन म्वख होव ॥

प्रवृच वाल्यन निवृत दिनि आव  
ब्वद्धि यूगस शुद्ध चित् दिनि आव ।  
भूग धर्म शालायि यूगुक बाम वोत  
शाम वोत कृष्ण चंद्रन म्वख होव ॥

राम कृष्ण गीत ग्योव ब्रह्मवित प्वरुषव  
तिमुनुय ख्वश माया तीत गव ।  
तिहिंघन पादन तल परम धाम वोत  
शाम वोत कृष्ण चँद्रन म्वख होव ॥

स्थित प्रज्ञव कोर जय जय कारुय  
सर्व आधिकारुय छु कृष्ण भक्तन ।  
तिमुनुय प्रथ काँसि हुंद प्रणाम वोत  
शाम वोत कृष्ण चँद्रन म्वख होव ॥

रॉगी आसुन शूभिदार ग्वण छा  
त्यॉगी आसुन आश्चर छु क्याह ।  
रागस मंज नैष्कल नैष्काम वोत  
शाम वोत कृष्ण चँद्रन म्वख होव ॥

मन ह्यथ गव विवेक दिथ मोहन  
मेचि ह्यू भासन छु सरतल तु स्वन ।  
समदृष्टि तलु अकि म्वलु र्वफ त्राम वोत  
शाम वोत कृष्ण चँद्रन म्वख होव ॥

द्वारिकायि प्यठु कृष्ण जुव जसुदायि वोत  
लंकायि प्यठु राम कौशल्यायि वोत ।  
पूजायि प्यठु तुल्सियि सालिग्राम वोत  
शाम वोत कृष्ण चँद्रन म्वख होव ॥

कृष्ण भखच हुंद म्वख्तु हार थदि म्वलु लयि  
ख्वश गॅय भक्ती भावु बाज़रस ??  
कृष्ण गीत ग्यवुनस म्वख्तु यनाम वोत  
शाम वोत कृष्ण चँद्रन म्वख होव ।।

सरु करनि आयस दिवता कारण  
हारन गॅयि सर्व त्यागु अभिमान ।  
प्वख्तु कारस निशि प्रथ कांह खाम वोत  
शाम वोत कृष्ण चँद्रन म्वख होव ।।

द्यन तु रात रामु रामु कृष्ण कृष्ण कृष्ण कौर  
कृष्ण चँद्रस ह्यु प्रोव तीज़ु मोर  
गमु गटुकार चलनुक पॉगाम वोत  
शाम वोत कृष्ण चँद्रन म्वख होव ।।

कृष्णनि सायि सुत्य् शाम शूभायि सुत्य्  
मायि सुत्य् रायि सुत्य् भावुनायि सुत्य् ।  
जायि जायि प्रजायि स्वख तु आराम वोत  
शाम वोत कृष्ण चँद्रन म्वख होव ।।



### 329. प्रार्थना

चु छुहँम जमुनायि बँढ्य बँढ्य फेरन ।  
चानि बापथ छुस शेरन पान ॥

शामस तान्य् छुस प्रारान यिखना  
श्यामु लालु दिख ना श्वभ दरशोन ।  
छुम द्वह गुजरिथ तमना मै नेरन  
चानि बापथ छुस शेरन पान ॥

गरिकुय लोल छुम ओल छुस येरन  
गिल ज़न फेरन छुस बचि ह्यथ ।  
दान्यन कनि कजि गासु आव बेरन  
चानि बापथ छुस शेरन पान ॥

केंह द्वह ह्यमु हॉ मोज व्यवहारस  
गृहस्थस खानुदारस मै रछ ।  
श्वभ लरि बसु हॉ खसु हॉ हेरन  
चानि बापथ छुस शेरन पान ॥

ह्यंदुव्यन्दन वुछि दादा दिमु हॉ  
सादा ह्यमु हॉ सर्व भूगन ।  
दॉनन चूँढ्यन टंगन तु चेरन  
चानि बापथ छुस शेरन पान ॥

दासस निशि यितु अथुवास करने  
रास खेलि प्रवृत्त हंज प्रँच दिस ।  
पथ ब्रॉट नेरि फेरि येन्य ज़न येरन  
चानि बापथ छुस शेरन पान ॥

करूनावतारु चोनुय नाव स्वरु हॉ  
पार तरुहॉ पथ थोवमुत छुस ।  
रूगु सुत्य् फोटमुत देहु क्यन क्षेरन  
चानि बापथ छुस शेरन पान ॥

कृष्णस मे क्षय कर रूगस डम्बस  
और थवतम क्वटम्बस मंज़ ।  
रछतम म्यँत्रन हुंद छुम मे फेरन  
चानि बापथ छुस शेरन पान ॥



### 330. अभीद दर्शन मेलनु बापथ प्रार्थना

भुं भुं करन बोंबुर वुछ प्यठ हिये मे ।  
शंकर तु कृष्ण अभीद दरशोन दिये मे ॥

कृहनिस तु सफेद रंगस छि वनन हारमहोर  
ज्ञान नेत्र दिथ रुपस हावुम च्वपोर ।  
युथुय ध्याना मंज़ ब्वद्धि यूगस यिये मे  
शंकर तु कृष्ण अभीद दरशोन दिये मे ॥

वुफन आव पनु पाँपूरा ब्यूठ पोशन मंज  
मुशका ह्यवन प्यव रायि ज़न मदहोशन मंज ।  
दरशोन करनि मंज पोशि बागन निये मे  
शंकर तु कृष्ण अभीद दरशोन दिये मे ॥

सब्जा सब्जुक बागा कृष्णन प्रेयमुक छोव  
नचन नचन तमिय असि मोर म्वकट होव ।  
बसंत रुपी दुशालस तल हेये मे  
शंकर तु कृष्ण अभीद दरशोन दिये मे ॥

वृषभ तु गरूड बागस मंज चायि शूभायि सान  
तिमन खँसिथ सॉरस छि नेरन विज्ञान वान ।  
कुनुय म्वख करि बोज कामधीनि द्वध चेये मे  
शंकर तु कृष्ण अभीद दरशोन दिये मे ॥

दिलुक्य रूगन कोरमुत छुस व्वन्य् स्यठाह ऑधीन  
लाकूमि रँस्तिस च्यथ त्वर्गस छुम कोरमुत ज़ीन  
ग्रहृद्य बल ह्यथ ग्रह चक्रु फल दूर पैये मे  
शंकर तु कृष्ण अभीद दरशोन दिये मे ॥

कृष्ण तु शंकर छु गाशुक गाशा तीजुक तीज  
सिर्या ह्यू बनि मे ह्यू ज़ितिनि क्योम नाचीज ।  
यूगच ज़ुचा ज़न अचि मंज अकि लुये मे  
शंकर तु कृष्ण अभीद दरशोन दिये मे ॥



### 331. आराधना

जमुनायि चंद्रभागायि वॅन्न् दिमयो  
पोन्न् अननुकि हीतु यिमयो बो ।  
चान्यन पद्म पादन मीठ्य दिमयो  
चर्ण अमृत ह्यथ यिमयो बो ॥  
सुय अमृत जल पानस चमयो  
पोन्न् अननुकि हीतु यिमयो बो ॥ ॥

यारबल द्राहम तु पतु पतु लारय  
ह्यथ नखस नोट छुम तु प्रारय कूत ।  
गोड दिमु श्रान करु धारनायि दारय  
गंगाधारय अमृत चाव ॥  
मे म्वखस प्यठ त्राव अमृत धारय  
ह्यथ नखस नोट छुम तु प्रारय कूत ॥ ॥

शक्ती पातुकि दातु बडि सरकारय  
चानि दरबारय बन्योम अनुग्रह ।  
अमर कोरथस पान क्याजि मारय  
प्राण सन्धारय थवतम श्रेह ॥  
मर्धेन्न सृत्त्य् खेलु यितु दुबारय  
चानि दरबारय बन्योम अनुग्रह ॥ ॥

वाँसि हुंघ वृद्ध छुख नॅव्य् बनावन  
कृष्ण सामर्थ नॅन्न् हावन छुख ।

द्वदरेमुच्च क्वबजा याद पावन  
मूद्यमुत्प जिन्दु करनावन छुख ।।  
सांधेपनु सुय नॅव्य् शुर्य दावन  
कृष्ण सामर्थ नॅन्त् हावन छुख ।।।

मंज पोशि बागन प्यठ नागुरादन  
फेरुनि द्राहम साधन सुत्प ।  
कन थवतम प्रेयमु बॅर्यमुत्यन नादन  
आदन बाजि छम लादन चॉन्त् ।।  
पूर्यर करतम थॅव्य्मुत्यन वादन  
फेरुनि द्राहम साधन सुत्प ।।।



### 332. शरीरुचि रूग निवृति तु संसारु वॉरागु बापथ प्रार्थना

सिरिं छुख चॅद्रम ह्यथ न्यथ खसनुय ।  
वनतो च्चु कत्यो बसनुय छुख ।।

सत्य् दीवु चे निशि सोरुय सत द्राव  
छुख थवन अथ प्यठ मैथ्या भाव ।  
यिछि अज्ञानु बोज् छुस वदन तु असनुय  
वनतो च्चु कत्यो बसनुय छुख ।।

रंगु रंगु खॅच चानि सत्संगु म्वंगु दाल  
स्वाद छुनु साधुकस चेनि क्याह ताल ।



मज्जु रौस्त कोरमुत मोह महा ससनय  
वनतो च्च कत्यो बसनय छुख ।।

औषद्ध दिम छुम अज्ञानुक रूग  
ग्वडु मीट्य पतु टेट्य छि विषय भूग ।  
ऑस टेटुरोव यिथि ट्यटुवनु रसनय  
वनतो च्च कत्यो बसनय छुख ।।

मोर बनि और दौर करखय च्च प्रसाद  
क्याह करि लूकहुंद ऑशीर्वाद ।  
लॅस्य लॅस्य तिम मरन मॅर्य मॅर्य छि लसनय  
वनतो च्च कत्यो बसनय छुख ।।

भ्रष्ट करि कृया आलुच तु देह रोग  
देह अभिमानु सौस्त क्याह साधि योग ।  
चंचल यलि कोर दर्वाज्जु ठसनय  
वनतो च्च कत्यो बसनय छुख ।।

शक्ती पनुन्य् दिम कडु मँजिला ज्यूठ  
थोद व्वथुनुय छुम यॅच गछन क्रूठ ।  
थफ कर पस कोरुस कमरुक्य् चसनय  
वनतो च्च कत्यो बसनय छुख ।।

त्राहिमाम म्यानि बुजरुक यियनय आर  
रूग कासवुनि रछ छुस बो बेमार ।

पाहिमाम युथ हाल वुछिथ छुस त्रसनय  
वनतो च्चु कत्यो बसनय छुख ।।

पथ ब्रॉठ कुस छुम कुनिरस मंज छुस  
सनिरस मंज छुस बोठ खारतम ।  
चेय कुन फॅरियाद कोर बेकसनय  
वनतो च्चु कत्यो बसनय छुख ।।

वुफि चॅज दिदरा प्यठ आकाशस  
नय गछि नाशस येलि पेयि ब्वन ।  
हमसु रछतन गृह ज़ालस छै फसनय  
वनतो च्चु कत्यो बसनय छुख ।।

वीर भद्रा आव ओस तस वीरबल  
थफ कॅरिथ तॅम्य् तुलुस ज़न आरु पल ।  
मान कॅर मै कोहस सुत्य् गासु खसनय  
वनतो च्चु कत्यो बसनय छुख ।।

बोज़ त्रियि प्वत्रय ज़ाय लोल बोरहम  
कोरहम प्रथ चीज़ु किन्य् व्वपकार ।  
नतु कुस चानि तीज़ु बीजु रौस्त छु प्रसनय  
वनतो च्चु कत्यो बसनय छुख ।।

मस्तानु ऑसिथ मोत फर्ज़ानु गव  
कृष्णस ब्रॉठ यिथ ज़ानुवान प्यव ।

मस्त कौर तैम्यसुंघ यूगु रसु मसनय  
वनतो च्चु कत्यो बसनय छुख ।।



### 333. भक्ती तु सत समागम

हवाहा चानि द्राय बागस मंजु चाय नागस प्यठ कति दमुय ओस ।  
सत् प्वरुषन हुंद शमुय तु दमुय सत्संगु समागमुय ओस ।।

ब्रह्म तु सत्यम जगत छु मैथ्या यिय ओस पानस सुत्य् सर्व त्याग ।  
तत्वम असि महा पादुक व्याख्यान वखनान बूजु व्वत्तमुय ओस ।।

सतुक श्रवण कनन मंजु गव शब्दा बूजु चौल गरुक गम ।  
अगम्य अपार दिगम्बर सौर सम्सारु व्यवहार भ्रमुय ओस ।।

बागा स्वंदर ज़न स्वर्ग द्वारा वज़ान सेतारु सन्तूर साजु ।  
आश्चर्यवत् सामवीदुक स्वरा मधम ह्यथ ज़ीरु बमुय ओस ।।

भस्मु मैल्य् मैल्य् कुकिलु बोलन करन सुत्य् पोशनूलन बूल्य् ।  
भक्ती रसु सुत्यन सन्तु म्वखन पोशन प्यठ शबनमुय ओस ।।

जमुनायि बैढ्य बैढ्य कामधीनु फेरन मोजा ह्यवन सब्जु ज़ारन प्यठ ।  
अपौर्य यपौर्य च्वपौर्य गछन गोशव किन्य् ॐ ओमुय ओस ।।

अथ बागस मंजु राधा कृष्ण रास खेलुनि दासन सुतु आव ।  
शुकदीव ह्यथ व्यास नारुद वशिष्ठ भाषा करन सोहमुय ओस ॥

बागस अंदर श्री श्यामु स्वंदर प्रभाता ह्यथ सिरिं ह्यु ।  
कुस हेकि वॅनिथ हरी हरस शूभन क्युथ चमु खमुय ओस ॥

जमुनायि मँज्यु मँज्यु सत् ऋष्य फेरन चरि जीव सुतु ह्यथ करन सत्संग ।  
यथ भवुसरस कृष्णस तारनु पुछि नावि रोटमुत तँम्यु नमुय ओस ॥

हवाहा चानि द्राय बागस मंजु चाय नागस प्यठ कति दमुय ओस ।  
सत् प्वरुषन हुंद शमुय तु दमुय सत्संगु समागमुय ओस ॥



### 334. भक्ती हुंद व्वपदीश

जाफुर्य पोशस छु लक्ष्मी अंग तय ।  
स्वनु सुंद रंग तय पूजायि लाग ॥

सत्यु दीव लक्ष्मी नारायण तय  
सर्व दीव ह्यथ कासिय द्वर्गत ।  
पोशि पूज कर तस अन्नु धनु मंग तय  
स्वनु सुंद रंग तय पूजायि लाग ॥

मादलि हियि पोशन ढेर कॅर्य कॅर्य  
त्वलसी छॉव्यु छॉव्यु शेरतस पान ।

स्वंदर ड्यकसुय ट्योक लाग क्वंग तय  
स्वनु सुंद रंग तय पूजायि लाग ।।

सुय दियि मूक्षी आय अन्नु धनु द्वार  
धारना ध्यान ग्यान यूग व्यचार ।  
वसनस किच नाव खसनस प्रंग तय  
स्वनु सुंद रंग तय पूजायि लाग ।।

सत प्वरुषन निशि हैछ करुन भक्ती भाव  
तिहिंदन पादन तल पान त्राव ।  
पानु थव दासु भाव तिम बरहंग तय  
स्वनु सुंद रंग तय पूजायि लाग ।।

साध छुय पूरण तसुंदुय मन छु सेर  
मुशका ह्यथ चरण कमलन नेर ।  
ऑल मान राधा कृष्ण ज्ञान र्वंग तय  
स्वनु सुंद रंग तय पूजायि लाग ।।

युथ ज्ञानख त्युथ पूजि मंज लीन बन  
भक्ती भावस मंज ऑधीन बन ।  
सुय छुय रुत सात स्वय रुच जंग तय  
स्वनु सुंद रंग तय पूजायि लाग ।।

स्वय दया मंग तस भक्ती भावस सान  
य्वसु कासिय रूग देह अभिमान ।

व्यवहारन छुख औनमुत तंग तय  
स्वनु सुंद रंग तय पूजायि लाग ॥

ज्ञान कृलिसुय शमु दमु लंग तय  
शाँती मूल मूक्ष त्युहुरुय छुस ।  
ख्यतु भक्ती भावु रसु बैर्यथुय टंग तय  
स्वनु सुंद रंग तय पूजायि लाग ॥

ब्रह्माण्ड पान ज्ञान वारु सौरस नेर  
सारिनुय तीर्थ यात्रायन फेर ।  
जोरु मुचराव च्यथ त्वर्गस डंग तय  
स्वनु सुंद रंग तय पूजायि लाग ॥

अज्ञानु गटि मंजु प्रजलाव दुपुय  
शंकर कृष्ण एक रुपुय छुय ।  
यिय वनन साध संत कैरिथ सत्संग तय  
स्वनु सुंद रंग तय पूजायि लाग ॥



### 335. श्वभ दरशोन मेलनु बापथ आराधना

वुछन छि सौरिय मंजुगामु चन्दन कृलिस शूभन छु वनस मंजु ।  
नजदीक वॉतिथ द्रेंठ छुख नु यिवन खँटिथ छु बेहन पनस मंजु ॥

पीताम्बरी जर्द रंगय पॅत्र वुछिथ लारन छि लूख  
नज़र त्रावन छुख पान हावन पथर पावन गरिक्य् शूक ।  
तेलि तस छांडन सु छुख बेहन ज़न चँद्रमा घनस मंज़  
नज़दीक वॉतिथ ट्रेंठ छुख नु यिवन खँटिथ छु बेहन पनस मंज़ ।।

सज़न छि प्रत्यक्ष ज़न सिरिं ज़ोतन वुछन वाल्यन छु कमुय गाश  
मन कामना छख आसन लूभुच अभिमान छुख बोज़ करन नाश ।  
गृहस्थ भासन छुख परम धामुय फटन छि अन्नस तु धनस मंज़  
नज़दीक वॉतिथ ट्रेंठ छुख नु यिवन खँटिथ छु बेहन पनस मंज़ ।।

दयि नावस प्यठ कॅह जॅन्य् छि अर्पन कॅह दूरि खोचन स्वर्फन ज़न  
द्वैतु भावुक वुछन छि दर्पन त्रावन छि करून तर्पन तु श्राध ।  
कम छुख लीलायन स्वाद यिवन ज़न बतु लदन छि कनस मंज़  
नज़दीक वॉतिथ ट्रेंठ छुख नु यिवन खँटिथ छु बेहन पनस मंज़ ।।

ज़न्मा जन्मन हुंघ द्वख हारुम अवतार धारुम हे शिवजी शम्भू  
थफ करनॉविथ अथस तारु तारुम कॅछा मे यारुम छुस कर्म ह्यून ।  
समसारु सागरु मंज़ु बोठ खारुम छुस लोगमुत आवलुनिस मंज़  
नज़दीक वॉतिथ ट्रेंठ छुख नु यिवन खँटिथ छु बेहन पनस मंज़ ।।

ख्यवन तु चवन ख्योन चोन छु पतय नय छस तृप्ति तु नय सीरी  
न्यराशन मंज़ छय सर्व आशा फॅकीरी गॅयि अँमीरी ।  
विषय भूगव निशि सेर करतम वॉसा गॅयम ख्यनु चनस मंज़  
नज़दीक वॉतिथ ट्रेंठ छुख नु यिवन खँटिथ छु बेहन पनस मंज़ ।।

कति अथि यियिय न्यराकारुय बौड वूट्ट भारुय परुन त्राव  
यिछि जायि श्रधा छय दरकारुय भक्ती बारम्बारुय कर ।  
सीवा दिय दिय ह्यमत नु हारुय सु छु पानु प्रथ सजनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ।।

मु बन तुलुर ह्यु कर व्यवहारुय मेछर बाँगराव प्रथ काँसि सुत्त्य  
मोदरि वॉनियि कर व्वपकारुय अज तान्य् च़े हिव्य् आय गँय कृत्य् ।  
ट्वफ दिन्य् ज़ेवि किन्य् त्राव मदमारुय मांछिय छु अदु मांछ गनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ।।

आत्म तीर्थस अंदर अँचिथ ज़ल सुत्त्य तन मन नाव  
नेबुर्य किन्य् सर्व तीर्थन गँछिथ न्यथ थव नेष्कामु कर्म भाव ।  
शाँती हुंद स्वख बिहिथ प्रावख य्वसु मेलिय नु प्रदिक्षनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ।।

म्वक्ती हुंजि लरि सुय अचि अंदर यस मुच़रख भावु बरस तोर  
मगर मछस निशि तेलि म्वकल्याव येलि हँस्य् बचस द्युतुथ ज़ोर ।  
पँज्य् वॉल्य् अदु थोव रावुण गँडिथ यँच़काला आँट्य पनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ।।

येलि अंधकारुक्य् अँग्नन राजन खोर म्यंगन ज़ोरुक शोर  
जरासंधस निशि पानु च़ोलुख तस च़ोल अरमान त्रॉवुथ दोर ।  
अदु कालियवन च़ेय ज़ालुनोवुथ मंज ग्वफि अँकिस क्षनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ।।



ऑवीश असि कर अन्दर अँचिथ वीरु शेरु धर्म न्यथ करनाव  
हे श्री कृष्ण इशारा हॉविथ यँद्रेय शँत्रन मे पथर पाव ।  
जरासंध अदु दबदबि मंज प्यव बल चोनुथ भीमसीनस मंज  
नजदीक वॉतिथ द्रेंठ छुख नु यिवन खँटिथ छु बेहन पनस मंज ॥

यस त्रियि प्वरूषस प्रसन्न रोज़ख तस वारु बोज़ख ऑधीनता  
राजा युधिष्ठर धर्मी बनोवुथ द्रौपदीयि कुंतियि कँरुथ कृपा ।  
भीमसीनुन ज़ोर मशहूर साँपुन बल गोल दुर्योधनस मंज  
नजदीक वॉतिथ द्रेंठ छुख नु यिवन खँटिथ छु बेहन पनस मंज ॥

तिछुय मे रामु नावुच प्रय थव यिछ भर्तस लक्षमनस मंज  
दशरथ राजस सीतायि कौशल्यायि शत्रूघनस मंज ।  
जामूवन्तस हनूमानस सुग्रीवस विभीषनस मंज  
नजदीक वॉतिथ द्रेंठ छुख नु यिवन खँटिथ छु बेहन पनस मंज ॥

त्वलसीदासस वशिष्ठस वाल्मीकियस जटायनस मंज  
तिछ प्रय पनुन्य थवुम मे श्री रामु व्यवहारस ह्यनस दिनस मंज ।  
शामस प्रभातस प्रथ सातस कृष्णस मे रातस द्यनस मंज  
नजदीक वॉतिथ द्रेंठ छुख नु यिवन खँटिथ छु बेहन पनस मंज ॥

बिहिथ ओसुस प्रातः कालस प्यालस क्यथ ज़न चवान चाय  
यिथिस हालस मंज शामु लालस शिवस कुन ऑस थँवमुच मे राय ।  
तिथिस खयालस शम्भू मे निशि आव शंख वायन चाव आंगनस मंज  
नजदीक वॉतिथ द्रेंठ छुख नु यिवन खँटिथ छु बेहन पनस मंज ॥

येम्य् येम्य् व्वपकार कौरमुत छु कृष्णस तस तस व्वपकार करन छु दय  
व्वबाहु मंजय पानय छु रछन तस परमीश्वर मृत्युंजय ।  
रामस रामुय वैष्णस वैष्णुय कृष्णस कृष्णुय छु मनस मंज  
नजदीक वॉतिथ ट्रेंठ छुख नु यिवन खँटिथ छु बेहन पनस मंज ॥



### 336. शरीर पीडा निवृत्ति तु आनंद मेलन बापथ प्रार्थना

श्वभ शब्द बोज़न छि कन तॉय  
वन तय पालुवुन हय आम ।  
अज हय बनु आनंदघन तॉय  
वन तय पालुवुन हय आम ॥

रूगन छुस कौरमुत पथ  
तसुंजुय ऑच छम सथ ।  
सुय छु रछुवुन ऑर्यतन तय  
वन तय पालुवुन हय आम ॥

योरु गुल्य् गँड्य द्वखियन तय  
कूत काला चालु रूग ।  
छुम छनन देह पोह्य पन तय  
वन तय पालुवुन हय आम ॥

तोरु नाद कौर मॉलिकन तय  
रूठमुत मनविथ आस ।

और बन ख्वश थव मन तय  
वन तय पालवुन हय आम ।।

गँज मे काया हन हन तय  
लँज मे शूभु थरि फुलया ।  
अमृतु फल छिस नेरन तय  
वन तय पालवुन हय आम ।।

गाश थवख मे नेत्रन तय  
आश रूजुम चॉनिय ।  
नाश करतम व्वन्य् पापन तय  
वन तय पालवुन हय आम ।।

हुनिरस छुस मंदछन तय  
कुनिरस क्याह करु बो ।  
निम तुलिथ रूग हन हन तय  
वन तय पालवुन हय आम ।।

कालाग्न रूद्र अग्नन तय  
वैशानरु सुय दोप ।  
व्वन्य् श्रंपिन म्यादस अन्न तय  
वन तय पालवुन हय आम ।।

यिम छि जंगल कोह तय वन तय  
औषद्ध ह्यथ आय तिम ।

तिम छि ज़न संजीवन तय  
वन तय पालवुन हय आम । ।

ग्रह दशा छय फेरन तय  
मॉलिक्य करि अनुग्रह ।  
मनु कामना छय नेरन तय  
वन तय पालवुन हय आम । ।

डुलगॅन्य् दित्य् मे रात घन तय  
व्वन्य् मॉलिकस आर आव ।  
सरतलि सपनुम स्वन तय  
वन तय पालवुन हय आम । ।

ईरु गोस मंज़ द्वन त्रन तय  
त्रेशि हुंद तूफान च़ोल ।  
छुम कुनुय ज़न भासन तय  
वन तय पालवुन हय आम । ।

सॉलिकस कुन दोप मॉलिकन तय  
च़ाल स्वख द्वख मे दोपुस ।  
दरु कति छुस ओम पन तय  
वन तय पालवुन हय आम । ।

कमि ज़ोरु दिमु प्रदिक्षन तय  
कोद्य बीठिम करु क्याह ।

थौद तुलुम छुख च्च पूरण तय  
वन तय पालवुन हय आम ।।

आयि म्यँत्रय योत लारन तय  
प्रेयमु सृत्त्य् हाल वुछने ।  
मनुषि रुपु नारायन तय  
वन तय पालवुन हय आम ।।

वाँसि श्रोप मे ख्यन चन तय  
थ्यकनोवुम मूर्ख पान ।  
शर्म रछ म्यॉन्त् वुन्त्क्यन तय  
वन तय पालवुन हय आम ।।

वैखरी म्यानि छुनु छ्यन तय  
जमुना ज़न छे पकान ।  
मीढ्य दिनि कृष्णु चरणन तय  
वन तय पालवुन हय आम ।।

छुख वुज़न नागु ज़ल ज़न तय  
नटि नटि गूपियन न्युन ।  
गूपी नाथ नावि तन तय  
वन तय पालवुन हय आम ।।

वाँनियि कामधीन थनु तय  
चावुनावि अमृतु धार ।

कृष्णस ह्यथ त्रिभुवन तय  
वन तय पालुवुन हय आम ।।



### 337. प्रार्थना

मूक्ष दिनु वालि सन्तु चालि लगयो ।  
तप करनस तु जप मालि लगयो ।।

शिव रुपु च्युय छुख गंगाधर  
त्रेशि हँतिसुय मे चाव अमृत धार  
जटि छय गंगा हटि शाहमार  
नाव छुय नागु नाथ नार्गेन्द्र हार  
भवसरु तार छुख करुनावतार  
सन्तापु सँस्तिस मे फिरतु शहजार  
मे कर्महीनस केंछा च्यु यार  
अग्न नेत्र चोन रूग जालि लगयो ...

छुख अनेक रुपु एक अविनाशा  
तीजुक तीज गाशुक गाशा  
न्यराशन हुंद छुख च्यु आशा  
चठ रागु द्वीशि आशा पाशा  
थव मु अभिमानुक अभिलाशा  
मंजूर करतु म्यॉन्य दीशु भाषा  
सुय गीत चोन असि पालि लगयो .....

रोगन तपु ज़पु निशि डोलुस  
कृपायि हंदि मदु निशि वोलुस  
कायायि हंजि ममतायि गोलुस  
च्यतु पीडायि अग्नन बो ज़ोलुस  
व्वन्य् चानि जीव दयायि पोलुस  
प्रोन वस्त्र नौव बो सम्भोलुस  
नतु कति द्वख मे ह्यू च़ालि लगयो ...

यान्य् गोस बे ह्यस तान्य् द्राख नोन  
नतु कति चोन रुप वुछु हॉ बो ओन  
प्रेयमु भक्ती रस ह्यमु हॉ बो चोन  
पूर्णायि चानि ज़ानु हॉ व्वंदु छोन  
मन्दुछुन म्योन गछिहे वारु छोन  
देह आत्म कति मानु हॉ ब्योन ब्योन  
व्वन्य् गछि देहसुय मे कवथा द्युन  
रूगियस सुत्य् गछि खेलनि युन  
च़ेय सुत्य् गिन्दु भखच़ हालि लगयो ...

डाक्टर वॉद आयि करनि ह्यकमत  
आयि द्रायि अन्नु धनु ह्यथ ख्यत चथ  
काम्बलु तबनुय कौरनस पथ  
मॉल गोम मॅशिथ रूदुम नु ताकत  
लोब रूद वॉसि हंड दोरमुत वृत  
छेट्य औषद्ध म्यॉन्य् खेन्य् श्रूच्य् अथ  
अथ मंज नॅन्य् द्रायि चॉन्य् दयिगत  
ज़िन्दु कौरनस चॉविथ अमृत

नतु चायास हॉरिथ ह्यमत  
रूद छपनि तल वाव मालि लगयो ...

होशि पोशिनूलु म्यानि व्वन्य् मु कर चेर  
त्वलसी थरि प्यठ लोलु ओल येर  
तमिक्कन सब्ज बॅर्गन कर ढेर  
श्री कृष्ण पद्म पादन लागु शेर  
चरणु अमृत ह्यथ चथ बनु सेर  
वुल्टु समयन छुख ओनमुत जेर  
भास्कर ह्यु भास कास अन्धेर  
ग्वर छुय कृष्ण शंकर पौत मु फेर  
धर्मचि लरि छय कर्मच हेर  
कामधीनि हुंदि पासु कृष्ण नोन नेर  
छाव होशि प्रेयमु पोशि मालु लगयो  
मूक्ष दिनु वालि सन्तु चालि लगयो



### 338. भगवानु सुंदन न्यराकार तु साकार स्वरूपन हुंद वर्णन तु प्रार्थना

वुछ श्यामु स्वंदर नेत्रन अन्दर न्यबर पम्पोशि डलस मंज ।  
कोमल अंगव श्री कृष्ण जोतन क्षीर सागरु किस जलस मंज ॥

नजरि हुंजि बगि खँसिथ नेरन वृच गूपियन सुत्य् खेलन रास  
यथ ब्रह्माण्डस दास ह्यथ फेरन मंज रायि क्षनु मात्रस मंज ।



नेत्रव सुत्त्य् मोज अंगन ह्यवन न्यरलीप यथ जल थलस मंज  
कोमल अंगव श्री कृष्ण ज़ोतन क्षीर सागरु किस जलस मंज ।।

अँछिर वाल छिस च़ामर करन अमृत छकन चिदाकाश  
स्थावर जंगम सनम्वख हावन गाश प्रज़लावन गाशुक गाश ।  
रासा खीलित्थ आराम करन मन मंजलिस अलु डलस मंज  
कोमल अंगव श्री कृष्ण ज़ोतन क्षीर सागरु किस जलस मंज ।।

शब्दन हुंदुय आकार बीज़ा अँकार रुपा वीदस मंज  
चेतन ब्रह्मा तीज़ुक तीज़ा आश्चर्यवत् अभीदस मंज ।  
अँछन हुंद पानु वुछन वोला न्यरलीपा न्यर्मलस मंज  
कोमल अंगव श्री कृष्ण ज़ोतन क्षीर सागरु किस जलस मंज ।।

करता अकर्ता अन्यथा करता सोरुय कँरिथ ज़न करवुन नु कँह  
करनुक करना स्वरनुक स्वरना स्वरिथ ज़न स्वरवुन नु कँह ।  
न्यराकारा न्यरंजना न्यरलीपा नैष्कलस मंज  
कोमल अंगव श्री कृष्ण ज़ोतन क्षीर सागरु किस जलस मंज ।।

मंज शहरु गामु जंगलु म्वख हॉव्यतन बोड वीरा मानुनॉव्यतन पान  
देह भ्रम कॉस्यतन सनम्वख भॉस्यतन करनॉव्यतन पनुनि पानुच ज़ान ।  
यिनु पान मँशरिथ सुह ऑसिथ ह्यमु गासु ख्योन तीर्य गलस मंज  
कोमल अंगव श्री कृष्ण ज़ोतन क्षीर सागरु किस जलस मंज ।।

नशुच लंका ऑखुर छे दज़न यशुक रावुन कूत करि शोर  
हे आत्मा रामु नैष्कलु नैष्कामु त्युथुय दिम वीर धर्मुक ज़ोर ।

च्यथ लक्ष्मण म्योन युथ मारि अज्ञानु इन्द्रजीतस बलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ।।

अज्ञान रुपी काठस ज़ॉलिथ विज्ञान रुपी रेह प्रज़लाव  
क्वुकर्म अरखोल तथ मंज त्रॉविथ नेष्कलु किस कल्प वृक्षस हाव ।  
वासनायि ब्योल सोन तँव्य तँव्य त्रॉविथ तँच स्यख छुन कर्म फलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ।।

सब्जुय बनावुम च्यतुक बागा छावुनावुम यूग ज्ञानु पोश  
मोदुर्य मोदुर्य फल ख्यावुनावुम फुलय हावुम मे यियि बोश ।  
चँटिथ त्रावुम वॉरुक लॉरुय छुख रुशि ज़हर कलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ।।

यिनु तोता लगु ग्रहस्थ ज़ालस यिथि काँदु मंजय म्चकुलावतम  
ऑना हॉविथ कथु करुनावतम पनुन स्वरुप ज़ानुनावतम ।  
यिनु बलवीरा दबि दबि मंज प्यमु मायायि हुंदस छलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ।।

मुस छुम अचन ज़्यवन तु मरन हरन छुख ज़न्मन हुंज व्याद  
शाँती फल दिथ च्यतु बानु बरुम अनुग्रह करुम कमस ज़्याद ।  
करोरु खॉर हुंज बरकत थवुम अँकिस पावि तु पलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ।।

कर्म हीनस कृष्णस कॅर्यतन धन धान्य् कर्म फल दिथ सेर  
भिक्षायि कोत नेरु क्याह करि कस मंगि लदतस आत्म तृप्ति ढेर ।

बेकारस कारदारा च्चु तोलुस अनुग्रह फल कर्म खलस मंज  
कोमल अंगव श्री कृष्ण ज़ोतन क्षीर सागरु किस ज़लस मंज ॥



### 339. अँकार उपासना

छुय ज़गत चानि दृष्टियि हुंद हाव बाव ।  
च़ेय मंज छु सोरुय तु च़ेय निशि द्राव ॥

अख नँर तुल तय अख नँर त्राव  
पानय अँकार लेखनु आव ।  
तीज़ुक तीज़ छुख वावुक वाव  
च़ेय मंज छु सोरुय तु च़ेय निशि द्राव ॥

अथ अँकारस शेर छुय बिंद  
म्वखु किय शब्द छिस गायत्री छन्द ।  
सूक्षम स्थूल रुपु छुस नाद्ब्यंद नाव  
च़ेय मंज छु सोरुय तु च़ेय निशि द्राव ॥

सहज पान परज़नाव त्राव ममता  
ज़ीवात्मा गव परमात्मा ।  
कायायि पूर्णायि रायि पोश छाव  
च़ेय मंज छु सोरुय तु च़ेय निशि द्राव ॥

प्राण अपाणुच छय छटु वॉर  
पान ज्ञान सोहम सॉरस नेर ।  
डूंगु छुय म्वख तय नस छय नाव  
चैय मंज छु सोरुय तु चैय निशि द्राव ॥

शहर छुय शेरुय छिस सर्व ह्यस  
यिथिसुय हाशि किस शहरस बस ।  
वुछ बोज स्वर थव आत्म भाव  
चैय मंज छु सोरुय तु चैय निशि द्राव ॥

ब्वन कुन त्रिकूटी तीर्थस फेर  
सर्व भूग छिय यॅड मंज बन सेर ।  
सुत्य् क्याह तोत निख तु तन मन नाव  
चैय मंज छु सोरुय तु चैय निशि द्राव ॥

देह द्वारिकायि कर नेष्कामु राज  
सकामु राज्य त्राव ह्यथ मनोराज ।  
शांत गदि चित्फूर्नी बेहनाव  
चैय मंज छु सोरुय तु चैय निशि द्राव ॥

वर मंग वरमुलि स्वर कृष्णु पाद  
कृष्णु कर कनि माजि काम धेनि नाद ।  
द्वध ह्यतु पानु चतु साधकन ति चाव  
चैय मंज छु सोरुय तु चैय निशि द्राव ॥



### 340. प्रार्थना

युथ युन गच्छुन त्युथ ज्योन मरुन गछिय नु मे ।  
कॅरिथ करुन सौरिथ स्वरुन गछिय नु मे ॥

टोटुम गच्छयम च्चे ह्यु सर्व शक्तिमान  
धर्म राजस यमस निशि गछि थवुन मे मान ।  
कांह दिवताहा हुकुम करुन गछिय नु मे  
कॅरिथ करुन सौरिथ स्वरुन गछिय नु मे ॥

अपारि यपारि पनुन स्वरूप मे भासुनाव  
अखंड अभीद पूर्ण ब्रह्म च्वपोर हाव ।  
यपारि मेलुन अपोर तरुन गछिय नु मे  
कॅरिथ करुन सौरिथ स्वरुन गछिय नु मे ॥

समसारु किस बागस मंज प्रेयमु नागस प्यठ  
शीतल स्वभाव सोस्त छुम सब्ज त्यागस प्यठ ।  
देहु नोम चन्दन कुलाह हरुन गछिय नु मे  
कॅरिथ करुन सौरिथ स्वरुन गछिय नु मे ॥

मौह नेंदरि मंज हुशियार थवुन गछय बु न्यथ  
गच्छयस नु दिन्थ वथ अज्ञान चूर छुम जागन अथ ।  
दयि अन्नु धनु छुम स्यठाह फरुन गछिय नु मे  
कॅरिथ करुन सौरिथ स्वरुन गछिय नु मे ॥

सदा न्यर रूग थवुन गछय ज्ञान वान  
दया धर्म शूभायि कृयायि कर्म सान ।  
देहुक स्वख द्वख मनस तरुन गछिय नु मे  
कॅरिथ करुन सौरिथ स्वरुन गछिय नु मे ॥

सर्वात्मभावुक दितम होशुक होश  
फवलुनावुम ग्रहस्थ बागस मंज ज़न कतक पोश ।  
कांह शॅत्रा कांह म्यॅत्रा खरुन गछिय नु मे  
कॅरिथ करुन सौरिथ स्वरुन गछिय नु मे ॥

पम्पोशा ह्यू थवतम व्यवहारुकिस डलस मंज  
बर्ग ह्यथ आसु न्यरलीप रूजिथ ज़लस मंज ।  
शुर्यन बॉचन हुंद श्रेह तरुन गछिय नु मे  
कॅरिथ करुन सौरिथ स्वरुन गछिय नु मे ॥

मे कृष्णन छनु विद्या पॅरमुच छुस अनजान  
दयायि चाने मे न्यथुनॅनिस गोंड सामान ।  
मे मंज च़ पानय छुख पर परुन गछिय नु मे  
कॅरिथ करुन सौरिथ स्वरुन गछिय नु मे ॥



### 341. भजन

संकट गटु चँज अज बटु वारे  
द्वर्गत गँज लँज फुलया जान ।  
सग फ्यूर डोर्यन अमृत धारे  
मंज पोशि वारे हारे बूल ॥

म्यव कुल्य् बँर्य बँर्य वुछ जायि जाये  
तृप्त गँयि ख्यनु चनु सुत्य् ख्यनु वॉल्य् ।  
दयि अनुग्रह सुत्य् कति गँय तारे  
मंज पोशि वारे हारे बूल ॥

प्रेयमुक रस बॉंगरोव नारि नारे  
यूगु ग्रंद कुस हेकि व्यस्तॉरिथ ।  
तृप्त गय बेयि तुल गरु क्युत बारे  
मंज पोशि वारे हारे बूल ॥

अन्नु धनु आयि सान सैदि बरु चाये  
स्यद्ध लक्ष्मी चायि स्यदथुय ह्यथ ।  
दिवथा गरु चायि वुछ प्यठ दारे  
मंज पोशि वारे हारे बूल ॥

बागुवानन अँक्य् वोन थजि कारे  
यीत्य् गछनवु तीत्य् म्यवु नियतव ।  
रंगु रंगु म्यवु अन्तु रँस्ति कुस सारे  
मंज पोशि वारे हारे बूल ॥

भूग ख्यनु बापथ दय कति मारे  
कृष्ण भूजन ख्यथ कर भजन जान ।  
ख्यनु चनु मंजु दय केंछा चै यारे  
मंज पोशि वारे हारे बूल ॥



### 342. दरशोन प्राप्ति सुत्य् आह्लादुच अवस्था

प्रभात फोलुम म्वखा छोलुम द्वखा चोलुम स्वखा आम  
बसन्त दुशालु वॅलिथ वुछुम बागस अंदर राधेश्याम ।  
सुय पानु लक्ष्मी नारायण ओस गौरी शंकर सीताराम  
पुनिम चॅद्रमु ख्वतु न्यर्मला शोडष कला राधेश्याम ॥

राधेश्याम राधेश्याम राधेश्याम राधेश्याम

द्वर्गत गॅजिम तु फुलय लॅजिम तु दयि नावुक म्यवु मोदुर द्राम  
हरी हरस पद्म पत्र डीठिम नेत्र ज़न बादाम ।  
सोम्बुल कीशस अन्दर गोंडुन म्योन राग द्वीश मोह मद क्रूध काम  
राधेश्याम राधेश्याम राधेश्याम राधेश्याम ॥

अमृत ज़लुक अख नागु रादा तथ ऑस्य् गॅडिथ स्वर्ण साम  
अमृत सग पोशि डूर्यन लोदुम भावुक ब्योला रुतुय ज़ाम ।  
आनन्द कन्दन म्यवा ह्योत ख्योन समन्दरुक आम आराम  
राधेश्याम राधेश्याम राधेश्याम राधेश्याम ॥



तमि मंजु अख छयँट खँडा मे ति मीज द्वह ओस रुत सुबहस सुत्य् शाम  
तिछ छयँट खँड ख्यनु सुत्य् म्यानि बोज त्रियि ज्ञान रुपी शुरा जाम ।  
अदु परजनोवुम अनेक एक गव बब मोज त्रैयलूकुक घनश्याम  
राधेश्याम राधेश्याम राधेश्याम राधेश्याम ।।

शंकर तु राम कुनुय कृष्ण ड्यूठुम प्खत्तु म्यवा गोम ऑसिथ खाम  
ग्यवन छुम गीत जन पोशिनूला बोलुनि अन्दर च्यतस चाम ।  
वैकुंठ बनोव आनन्द कन्दन जसुदा नन्दन नन्दनग्राम  
राधेश्याम राधेश्याम राधेश्याम राधेश्याम ।।

भस्मु मॅल्य् मॅल्य् कुकिलु डेंछम समाध दिथ जन सालिग्राम  
गूपी चन्दुन ड्यकस मोलुम गूपीश्वरस कोरुम प्रणाम ।  
ग्यवुन ह्योतुम गौरी शंकर राधेश्याम सीताराम  
राधेश्याम राधेश्याम राधेश्याम राधेश्याम ।।

सोपनस अंदर सोपना वुछुम शाँती लरि ओस मूक्षी बाम  
भक्ती भावुक बर ओस वोथुय अँदरु यिवान ओस पॉगाम ।  
ब्रह्मानन्दुक मंदर छु अन्दर अँचिव भक्ती कॅरिव नेष्काम  
राधेश्याम राधेश्याम राधेश्याम राधेश्याम ।।

आश्चर्युक आश्चर्या सु ओस न ओस जंगल शहर न गाम  
अलौकिक ब्रह्म प्रकाश सु ओस न ओस द्यन रात न सुबुह न शाम ।  
माया तीता अद्वैतु रुपा न तस कॅबीला गुतुर न क्राम  
राधेश्याम राधेश्याम राधेश्याम राधेश्याम ।।

न्यराकारन साकार होवुम कृष्ण शंकर बोजनु आम  
नतु तथ आश्चर्यसुय क्याह वुछ हॉ सु आसि हे प्यठ परम धाम ।  
बो कुस ओसुस जॉनिथ बूज़िथ ह्यकु हॉ अदु बोजुनावुहँन आम  
राधेश्याम राधेश्याम राधेश्याम राधेश्याम ।।

साम वीदुकि स्वरु वुछ रंगु बुलबुल बोलन सत् संगुकि बंगु साम  
परम हमस हमसन बखुश अविनाशि भाषि बूज़िथ यनाम ।  
कोस्तूर करन वीदुच भाषा चन्दन कुलिस तल मै आम आराम  
राधेश्याम राधेश्याम राधेश्याम राधेश्याम ।।

बागस अँद्य अँद्य जमुना फेरन सॉरा कँरिथ तथ तमना द्राम  
स्वनु रुपु नॅट्य ह्यथ पॉनिस नेरन गूपियि न शस्त्र सरतल न त्राम ।  
जाय ज़न मथुरा काशी अयोध्या ब्रज द्वारिका गूकुल आसाम  
राधेश्याम राधेश्याम राधेश्याम राधेश्याम ।।

प्रुछमख यि कुस कारन छु यथ मंज़ दोपहँम अँमिस छु श्री कृष्ण नाम  
माया तीता हीथा कँरिथ छस दिवकी मॉज कंस माम ।  
युथ हाल वुछिथ बूज़िथ रूज़म न दीवन हंज़ वुल्ट करमुच पाम  
राधेश्याम राधेश्याम राधेश्याम राधेश्याम ।।



### 343. नश्वर शरीरुच हालत

परमात्मा सुंजि दयायि हुंद बजर तु समसारुकि व्यवहारु निशि पानु लोब रोजनुक हाल, बेयि शरीर त्याग करनु विजि जीव सुंज कथाह हालत छे आसान, यिमन कथन हुंज व्यथा छे राजदान सॉबन पनुनि परमधाम प्राप्त करनु त्रे द्वह ब्रॉठ वॅन्यमुच ।

सॅमिवो म्यंत्रव लोलुचि कायायि ज़ोरु शोरु लोगमुत नार वुछतव ।  
नार छ्यतु करवुन कर्पूरु गौरम करुनावतार अवतार वुछतव ॥

पनुनिस समयस प्यठ सर्व स्वखन भूगुन्य द्वख अनवार वुछतव  
कम कम बलवान धॉर हीन गॉमुत्य कमज़ोर ज़ोरावार वुछतव ।  
गृहस्थस मंजु लोगमुत मै ह्यु कर्म ह्यून दुनियादार वुछतव  
नार छ्यतु करवुन कर्पूरु गौरम करुनावतार अवतार वुछतव ॥

प्रारब्धु फल भूगनु रोस्त पथ ब्रॉठ नेरनस तु फेरनस वार वुछतव  
व्यवहार ज़गतुक मेथ्या जॉनिथ डलनुय बारम्बार वुछतव ।  
काया भ्रम मॉनिथ म्योन काम क्रूध लूभ मोह मद अन्धकार वुछतव  
नार छ्यतु करवुन कर्पूरु गौरम करुनावतार अवतार वुछतव ॥

तॅम्यसुंजु माया बोजु मंजु कति यियि जीव दया व्यचार वुछतव  
तॅम्यसुंजु दया कृपा क्षमा म्योन ठगुकार गाटुजार वुछतव ।  
पान होखरॉविथ प्राणन बल द्युन तब कडनुय यकबार वुछतव  
नार छ्यतु करवुन कर्पूरु गौरम करुनावतार अवतार वुछतव ॥

खारा वनुनिय हारा रनुनिय मै ह्यु दातु नाबुकार वुछतव  
ख्यनु चनु रोस्त दयि धॉरु सुत्यु टॅहरुन मै ह्यु न्यराहार वुछतव ।

शमशान भूमि वाति दङ्गनुच नोबत नारस करुन गुलज़ार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

काया मे रूगु निशि अँर देर सपनिथ पेमुच चँर बेमार वुछतव  
मे मूर्खस कंजूसस प्यठ करुन्य तसुंदी कार व्वपकार वुछतव ।  
लूक हंज नेंद्या करवुन्य असि हिव्य सज्जन सौंद मकार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

रूगियस मोर ओर दोर ज़िन्दु करवुन दयायि हुंद दरबार वुछतव  
कठिने भवसरु असि आँधीनन करवुन परम्पार वुछतव ।  
नादान वृद्धसुय नोव याद पावुन प्रोन यावुन तु ल्वकचार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

यथ वाँसि व्रत दाँरिथ न्यथ ठीकुन ज़ोरु मुछनुय यकबार वुछतव  
रूगु मस चनु सुत्य् म्यँत्रय छि मशनुय नशिसुय मंज ह्युशियार वुछतव ।  
प्रथ कांह चीज ब्रोंठ कुन वातुनावुनस कित्य् शुर्य म्यँत्र भाँय बंध यार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

देह बेह्यस गोमुत पथर प्योमुत तस ज़ेठि ज़्यूठ परिवार वुछतव  
यिति पानु पकृनावुवुन परमीश्वर परमात्मा न्यराकार वुछतव ।  
गछि व्यचारुन येति क्याह छु लारुन यिथि बाज़ि भ्रम बाँज्यगार वुछतन  
नार छ्यतु करवुन कर्पूरु गौरम करुनावतार अवतार वुछतव ।।

जेनुन तु हारुन छु लूभय तु क्षूभय गिन्दुनस समसारु ज़ार वुछतव  
मे ह्यु आँधीना मिसकीना कँर्य कँर्य बैड्य बैड्य कार वुछतव ।

फाक् दिय दिय ब्रिंजाबा छांडुन वाँसि खेय खेय मज़ुदार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

अँछ फिर्य फिर्य नज़राह त्रावन कांह वुछुम नु रिशतुदार वुछतव  
ओश त्रावन धरमु सुत्य् स्वख पावन दयि नावुक आधिकार वुछतव ।  
दयि नावुचि रायि हमसु सायि त्रावन कलु प्यट्टु कालु शहमार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

मंज़ बाग दज़नस शेहजार फिरवुन शूभिदार नागेंद्रहार वुछतव  
कालकूट नोम वेह चवुवुन नीलकँठ न्यर्मल काल सम्हार वुछतव ।  
दूष लदनुय क्युत आशुतोश नावु सुत्य् चावुवुन अमृतधार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

युथ हाल वुछथुय करन लूख लूकन हय हय हाहाकार वुछतव  
बूज़िथ ऑशीर्वादा दिनु पुछि आमृत्य् कृत्य् यकबार वुछतव ।  
शिव नावुकि महिमा सुत्य् युथ छ्योट मोर म्योन व्वत्तमदार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

वुन्य्क्यन अरिरुक अभिमान गलनुय ब्रूट्युम खोट व्यवहार वुछतव  
यिम नु पज़ुहँन तिम वाँद औषध खेन्य् चेन्य् द्युन अन्नु धनु द्यार वुछतव ।  
वुन्य्क्यन केंछा ख्यमु हाँ ख्यमु क्याह पैमुत्य् अन्नु अम्बार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

येलि तस आर यियि यियि भूगन ह्यथ अदु च़ोलमुत ग्रहचार वुछतव  
यूगिनी दशा क्याह भूगनस करि श्वभ दिवुवुन्य् प्रथ वार वुछतव ।

दयि नावुचि पछि सोस्ता प्योमुत लछि प्यठ बोड खानदार वुछतव  
नार छ्यतु करवुन कर्पूरु गौरम करुनावतार अवतार वुछतव ।।

च्यतु पीडायि रोस्त दुनियादारा कृष्णस ह्यु कमभार वुछतव  
लोब कुन रुजिथ चलन व्यवहारा कारस मंजु बेकार वुछतव ।  
युथ बेहवाला प्यनशन खारा त्युथ बोड दातु सरकार वुछतव  
नार छ्यतु करवुन कर्पूरु गौरम करुनावतार अवतार वुछतव ।।



#### 344. ॐकार आदि सृष्टि

ॐकार रुपस शरने आये ।

ॐ नमः शिवाये कर ।।

युस परमात्मा छु परमानन्दुय

तैम्यसुंद छुय स्वछन्दुय नाव ।

स्वछन्दस निशि माया द्राये

ॐ नमः शिवाये कर ।।

माया ईश्वरु यछा ज़ानुय

तमि मंजु वेष्णु भगवानुय द्राव ।

ब्रह्मा व्वपदोव वेष्णु मायाये

ॐ नमः शिवाये कर ।।

लछि बदि खगु सान नगरुय काण्डुय  
सोर समसार ब्रह्माण्डुय ह्यथ ।  
पौंदु कॅर्य ब्रह्मा सुंजि यछाये  
ॐ नमः शिवाये कर ॥

दक्ष प्रजापत ग्वडु व्वपदोवुन  
जगतुक होवुन तस व्यवहार ।  
वारियाह जाये तस कन्याये  
ॐ नमः शिवाये कर ॥

तिमनुय मंज अख कूराह जायस  
भगवत माया गरु चायस ।  
तस निशि जन्म ह्योत माजि व्वमाये  
ॐ नमः शिवाये कर ॥

तस माजि मॉलिस छु जय जय कारुय  
तस ह्यु नु भक्तावारुय कांह ।  
यस गरि यिछ क्वमॉरी जाये  
ॐ नमः शिवाये कर ॥

ब्रह्म ऋष दीव लूकुक्य् सरदारुय  
तपु ऋष बडि आधिकारय सान ।  
यस यिछ दया कॅर दयाये  
ॐ नमः शिवाये कर ॥

त्रैलोकनाथस त्रिभुवन सारस  
परम शिवस भस्माधारस ।  
स्वय क्वमॉरी भागुनि आये  
ॐ नमः शिवाये कर ॥

व्वमा रूद्रस छु नमस्कारुय  
सर्व आकारु छुय शिव शक्ती रुप ।  
व्यवाह कोरहंस लोलु तु माये  
ॐ नमः शिवाये कर ॥

सतोवुह कोरे पथ कुन आसस  
व्यवाह कोरनख चंद्रमस सुत्य्  
सात तु नछत्र छे तिमु ताराये  
ॐ नमः शिवाये कर ॥

प्रजापत गव मनु साविधानुय  
येलि शिवजी सनिधानुय आस ।  
दोपनस कन थव म्यानि लीलाये  
ॐ नमः शिवाये कर ॥

बद्ध म्यॉन्व वातिय योरुय योरुय  
तोरय तोरय सोरुय च्युय ।  
येति योर कृष्णस कर व्वपाये  
ॐ नमः शिवाये कर ॥



पनुनिय द्वख स्वख पनुन्यन भायन  
वनुनिय सारिनुय लॉजिम छिय ।  
तिम ति बोऒुनावन पनुन्य् हमसाये  
ॐ नमः शिवाये कर ॥



ॐ शांति शांति शांति:

नमामि सद्गुरुम शांतम प्रत्यक्षम शिवरूपिनम्  
शिरसा योग पीठस्थम धर्म कामार्थ सिद्धये ॥

